



SERVUS PECCATI  
<sup>IN</sup>  
CHRISTO  
PRO NOBIS PATIENTE  
REPRÆSENTATUS.

AUTHORE  
R. P. JOANNE BRICTIO SOCIETATIS JESU  
S. THEOL. DOCTORE.



*Bibliotheca  
Seminar' Camal.  
prope Varsau.  
adscripta 1724*

BRUNSBERGÆ  
TYPIS COLLEGII SOCIETATIS JESU.  
ANNO MDCCX.

SERVIRE ME FECISTI IN PECCATIS TUIS, PRÆBUISTI MI-  
HI LABOREM IN INIQUITATIBUS TUIS. EGO SUM, EGO SUM IPSE,  
QUI DELEO INIQUITATES TUAS PROPTER ME, ET PECCATORUM  
TUORUM NON RECORDABOR. *Isaie 43.*



AD PERILLUSTREM & REVERENDISSIMUM  
DOMINUM  
D. JOANNEM GEORGIUM  
KUNIGK  
J. U. D.  
CUSTODEM CANONICUM  
&  
VICARIUM GENERALEM  
VARMIENSEM.



*UI juris fieri debuit servus peccati meus, Per  
illustre Reverendissime Domine. Dediſti mihi  
in manus Jus ſacrum Fundator Canonum his  
in terris munificentiffimus, meqꝫ, ſic volente  
calo, primum omnium illi explicando adhibuiſti  
tantò magis volentem, quantò judicavi juſtius eſſe ab  
obſequijs illi, qui tam deſideratum, tamque utilem bono pu  
blico aperuit theſaurum. Legi in hoc jure, quantum debeam*



## DEDICATIO.

*Fundatori, & quàm pauca prestare valeam, simulq; iudicavi equum esse vicarium impotentia mea servum substituturum, qui suppleat, quam ego cum domo nostra, universaeque Societate referre nequeo gratiam. Vilis equidem hic servus est; est tamen talis, cuius ipsa vilitas omnibus charischarior est: despectus equidem est; est tamen talis, cuius despectus sine specie fortius rapit affectum, quàm species ipsa in maiestate Divinitatis: sic quippe propheta cum vidisset sedentem super solium excelsum, & elevatum Mai. 6, nullo de desideris illius facit mentionem; cum autem despectum, & novissimum virorum, virum dolorum & scientem infirmitatem vidit, toto in eum affectu raptus est: unde & ait Isai. 53. Non est ei species, neque decor, & vidimus eum, & non erat aspectus, & desideravimus eum. Hunc ergo servum magno Nomini Tuo dicatum volens oro cum propheta coronato psalm. 118. Suscipe servum tuum in bonum: repellere eum hoc nomine non potes, quod servus peccati sit, quia ut habet Chrysologus serm. 114 servitus hac non obligat, sed absolvit, non onerat, sed honorat, abstergit servitutis maculam, non inurit. Servivit ille peccato, ut quos compressos invenit iugo servilis, & pessima libertatis, verba sunt S. Fulgentij epist. 3 ad Probam cap. 1. sublevaret dono liberalis atque optima servitutis. Servivit & peccatori, servo illi nequam, de quo Chrysol. serm. 6. Erat homo peccati servus, erat captivus mortis, erat mancipium demonum, erat idolorum vernula, erat vitiorum verbero, erat criminum compeditus,*



# DEDICATIO.

tus, sic malis Dominis talibus, tantisque exhibebat homo  
 malam & miseram servitutem; & ex turpi servitute edu-  
 ctum transtulit in libertatem filiorum DEI, fecitque liberum  
 quidem à peccato, servum autem justitiæ fatente Apostolo Rom.  
 6 ubi ait: Gratias ago DEO, quod fuistis servi peccati, ob-  
 bedistis autem ex corde in eam formam doctrinæ, in quam  
 traditi estis, liberati autem à peccato, servi facti estis justitiæ.  
 Et iterum: Cum servi effectis peccati, liberi fuistis justitiæ,  
 nunc vero liberati à peccato servi facti DEO habetis fructum  
 vestrum in sanctificationem, finem vero vitam æternam.  
 Servivit & mihi peccatorum maximo, confiteor enim de me,  
 quod de se confessus est Bern. serm. 43 in Cant. Ego, inquis-  
 ens, Fratres ab incante mea conversione pro acervo merito-  
 rum, quæ mihi deesse sciebam, fasciculum mihi colligare, &  
 inter ubera mea collocare curavi collectum ex omnibus an-  
 xietatibus & amaritudinibus Domini (servi) mei. Hac medi-  
 tari mihi sapientiam, in his justitiæ mihi perfectionem constitui;  
 in his plenitudinem scientiæ, in his divitias salutis, in his eo-  
 pias meritorum. Servivit peccato, servivit peccatori mihi, ser-  
 vire vult & Tibi, non modò in domo illa beatitudinis, in qua  
 transiens ipse ministrabit electis, sed & in domo hac lutæ,  
 in qua Nomen ejus serviet Tibi. Suscipe servum tuum in bo-  
 num, imò suscipe servum tuum bonam, à quo, quidquid bo-  
 ni habes, & habiturus es, totum descendisse gratus recognos-  
 ces. Ego ne virtutem tuam ludere videar, quod solent assenta-  
 tores, bona hæc tua particulatim non commemoro, quod sciam



# DEDICATIO.

nihil magis displicere Tibi, quàm vocem præconis sonantis tuæ præconia: id unum, teste te, innuo, quòd quidquid gratiæ & gloria, quidquid meritorum & virtutis, quidquid honorum & dignitatis possides, ab hoc seruo derivaveris, ut de eo dicere debeas, quod de Jacob seruo tuo dixit Laban Gen. 30: Experimento didici, quia benedixerit mihi DEus propter te. Denique, si in eo peccatum est, quòd Nomen Tuum inscribam seruo meo, quo testis totum esse tuum, ad morem veterum, qui nomina dominorum inscribebant servorum frontibus, peccatum istud, quod tollit peccata mundi, tollet servus peccati, quem imitari etiam in hoc volebam, quòd & ipse tota die expanderit manus suas ad populum non quærentem se, imò & contradicentem sibi: Tuq; veniam dabis mihi, quòd cùm ingratus esse nollem, in ipsa gratiæ animi voluntate peccaverim. Ego interim, quem modò in forma servi offero, orabo Dominum Majestatis, ut & oblationem hanc meam ratam habere, & ei, cujus offertur Nomini, reddere dignetur salutarem.

*Id oro & voueo.*

PERILLUSTRIS & REVERENDISSIMÆ  
DOMINATIONIS VESTRÆ.

BRUNSBERGÆ die 29 Augusti.

Anno 1710.

*Servus in Christo obligatissimus*

JOANNES BRICTIUS  
SOCIETATIS JESU.





## APPROBATIO

PERILLUSTRIS AC REVERENDISSIMI DOMINI  
VICARII GENERALIS VARMIENSIS.

**H**UNC librum de Passione Salvatoris Nostri sub titulo:  
SERVUS PECCATI IN CHRISTO PRO NOBIS PATIENTE  
REPRÆSENTATUS Autore Admodum Reverendo Pa-  
tre JOANNE BRICTIO Soc. JESU Sacræ Theol: Doct.  
Juris Canonici in almo Gymnasio Hosiano Brunsbergensi Pro-  
fessore concinnatum publico prælo dignissimum judico. Da-  
bantur ad Ecclesiam Cathedralem Varmiensem die prima Maji.  
Anno 1710.

JOANNES GEORGIUS KUNIGK  
Custos Canonicus & Vicarius Generalis  
Varmiensis. manu propria

FACUL-



FACULTAS  
R. P. PROVINCIALIS.

**C**UM librum, qui inscribitur, SERVUS PECCATI IN CHRISTO PRO NOBIS PATIENTE REPRÆSENTATUS, conscriptum à P. JOANNE BRICTIO Societatis nostræ Sacerdote, Theologi aliquot ejusdem Societatis recognoverint, & in lucem edi posse probaverint; potestate mihi facta ab Admodum Rñdo Patre Nostro MICHAËLE ANGELO TAMBURINO præfatæ Societatis GENERALI, facultatem concedo, ut typis mandetur, si ijs, ad quos pertinet, ita videbitur. In cujus rei fidem has literas manu mea subscriptas, & sigillo officij munitas dedi. VILNÆ 4. Aprilis 1710.

CHRISTOPHORUS LOSIEWSKI  
Soc. JESU PRÆPOSITUS PROVINCIALIS  
PER PROVINCIAM LITVANIÆ. *manu propria.*

PROOE-





## PROOEMIUM

**S**ERVUM DOMINUM tibi propono Lector: DOMINUM potentiam plenam divinitatis. SERVUM impotentiam exinanitatem humanitatis. DOMINUM cui subest omnis potestas, SERVUM cui dominatur ipsa etiam potestas tenebrarum. Spectabis hunc DOMINUM in gloria Majestatis, SERVUM in labore vilitatis, DOMINUM in forma SERVI, SERVUM DOMINUM, SERVUM peccati, DOMINUM virtutum.

Pererius in Gen. cap. 46 vers. 3 advertit, quod servum hominem homini vel iniquitas, vel adversitas fecerit: iniquitas quidem: nam Gen. 9 dicitur, MALEDICTUS CHANAN SERVUS SERVORUM ERIT FRATRIBUS SUIS: supra quem locum reflectens se S. Chrysost. hom. 29 in Gen. exclamat: *Ecce fratrem eodem natum Patre, eodem progressum utero peccatum fecit servum, & ablata libertate jugum illi vilissimae subjectionis imposuit.* & paulo post: *Peccatum ubi intravit, libertatem perdidit, & corruptae dignitatem naturae datam, servitutemque introduxit.* S.

autem Aug. lib. 19 de civit. c. 15 *Nunquam, ait scripturarum legimus servum, antequam hoc vocabulo Nodè justus peccatum filij vindicaret, nomen itaque, istud culpa meruit, non natura:* sic & jura servitutem ob certa delicta induxerunt, in liberos quidem ingratos in poenam ingratitudinis l. 2. Cod. de libertis & eorum liberis, § maxima, Instit. de capitis diminutione, in comprehensos de familia latronum, qui fiebant servi comprehendentium l. 1 ff. quibus ad libertatem proclamare non licet. lib. 7 Cod. tit. 18. in raptos mulierum, qui bona non habebant, è quibus dotem raptis constituerent, hi enim pro dote servituti mancipabantur c. de raptoribus 36 q. 1. imò generaliter pluribus ob crimen atrox per sententiam libertas adimebatur, fiebantque servi poenae, qui prius fuerant servi peccati. Rursus servum hominem homini fecit adversitas: quod citato loco probat Pererius ex venditione Patriarchae Joseph facta à fratribus, constatque ex dira illa adversitate urgentis famis apud Aegyptios Gen. 47 EME NOS

IN SERVITUTEM REGIAM, ET PRÆBE SEMINA: ex adversitate viduæ illius, quæ dicebat Elisæo 4. Reg. 4. SERVUS TUUS VIR MEUS MORTUUS EST, ET TU NOSTI, QUIA SERVUS TUUS FUIT TIMENS DEUM, ET ECCE CREDITOR VENIT, UT TOLLAT DUOS FILIOS MEOS AD SERVIENDUM SIBI. denique constat ex adversitate bellatorum, quibꝫ cū sinistra cecidit belli alea, capti in servitutem redigebantur fatente id Apostolo 2 Pet. 2. A quo quis SUPERATUS EST, EJUS ET SERVUS DICTUR. Et ita quidem ferres habet cum servitute humana.

Caterū quis Dominum gloriæ addixerit servituti, & servituti peccati? certè non iniquitas: nam ut bene S. Greg. Nazian. orat. 36 quæ est quarta de Theologia. *Voluntas ejus, cum tota Deificata sit, DEO procul dubio adversari non potuit:* & S. Epiphan. in Anchorato ne suspicionem quidem peccati in eum cadere posse docet, inquiens: *Nunquid suspicabimur ipsum peccatis subiectum fuisse? peccatum non fecit, neque inventus est dolus in ore ejus:* & hinc est, quod Hebr. 7. vocetur SANCTUS, INNOCENS, IMPOLLUTUS, SEGREGATUS A PECCATORIBUS, ut non immeritò quivis bonus succensere debeat quibusdam nostri temporis hæreticis, apud Lindan. dial. 1. *Hosium lib. 1. de hæresibus*, Præteolum verbo *Anti-Christiani*, quod reveriti non fuerint sanctitati ejus maculam & peccatum affricare. Adversitas pariter huic eum jugo addicere non po-

tuit, non enim casibus subiectus est DEUS, sicut nos, apud quos est transmutatio, & vicissitudinis obumbratio. Factus tamen est servus peccati, qui peccatum non fecit, & servus perfectus, *sicut enim in forma DEI perfectus est DEUS:* ait Chrysost. serm. 7. *ita in forma servi, perfectus est servus:* hanc ei vilem conditionem non necessitas, iniquitas aut fortuna imposuit, sed qui supra omnem fortunam est Amor, hic eum, ut nuper Alexandrum Macedonem ad servilem Medorum Sarabassam, ad humilitatem hanc abjecit; amoris hoc fuit ingenium, ut summè ingenuum redderet subditum, & propriæ suæ nobilitatis impendio nostræ servitutis redimeret ignobilitatem. Bene Carolus Imperator in epistola ad Elipandum: *Qui in forma DEI, ait, est creator, in forma servi factus est redemptor noster.* Amor solus tanta audere poterat, ut Antiquum dierum, faceret novissimum virorum, & despectum servitium. Nunc agnosco, quàm verum sit illud Dionysij Areopagitæ oraculum c. 4 de divin. nomin. quod *amor sit mentis excessum, extasimque faciens, amatores sui juris esse non sinens, sed in ea qua amat penitus transferens,* cū & ipsum autorem ac Dominum omnium propè extra se posuit transformatum in vile famulitium. O Amor ingeniose, quid non excogitasti? quod nec cogitari quidem videbatur posse, tu potuisti invenire


nire, imò & perficere, ut duo extrema in unum ita coalescerent, ut sicut anima & caro unus est homo, ita DEUS & homo unum quid essent, ut qui nihil erat, fieret omnia, & qui erat omnia, exinaniret se usque ad nihil, ut qui in forma DEI erat, in forma servi appareret in similitudinem hominum factus, & habitu inventus ut homo, & homo servus, qui DEUS erat. Natura omnis servitutem refugit, utpote quæ est contra primam inclinationem naturæ, nam natura omnes nascimur liberi, ut dicitur *l. manumissiones ff. de iustitia & jure*: amor effecit, ut ipse autor naturæ servitutem subiret, eaque esset juxta primam primæ naturæ inclinationem.

Considera mecum Lector hæc amoris mirabilia quæ fecit, hoc opus, teste Bernardo serm. 3 in vigil. Nativitatis *omni miraculo admirabilius*, quod ipse vocat *mixturam superexcellentem*: considera opera servi DEI, & expavesces super multitudine mi-

serationum ejus. Quia verò teste Angelico Doctore 3 p. q. 20 a. 1 *Relatio servitutis potissimum fundatur super passione, sicut relatio Dominij super actione*, inspicere quæ in forma servi patiaturs DEVS homo, & exalta eum, qui ut te de servitute mortis liberatum assereret libertati, tam crudelia pro te servus factus sustinuit. Præibo ego oculum mentis dirigens in servum hunc, non quidem hoc proposito, ut semper & in omnibus hæream in assumpta servi allegoria: nam animus est identidem eam ad modicum ponere, præsertim ubi res ipsa, & emendatio morum id exiget, fixum firmumque habens apud me, quod olim secum statuerat Augustinus. Malo ut me non intelligant Grammatici, & Rhetores reprehendant, quàm ut non emendentur Christiani: maximè cum sciam, quod monet S. Greg. in præfat. moral. relatus c. indignum dist. 38 *Indignum esse, ut verba celestis oraculi restringantur sub regulis Donati.*







## P A R S I.

### CHRISTI SERVITUS IN HORTO.



GRESSUS EST JESUS CUM DISCIPULIS SUI TRANS TORRENTÉ CEDRON, UBI ERAT HORTUS, IN QUEM INTRO-  
IVIT IPSE, ait dilectus discipulus, Joan. 18. Viden primam DEI Hominis servitutem! Servi glebæ dicebantur, qui terræ aut horto excolendo adscribebantur, ut habetur *lib. 1 tit. 47 toto Cod. de agricolis & sensitis, & colonis*. Primam suæ servitutis probationem orditur Dominus in horto, *ut unde ruina originem traxit, inde ortum haberet reparatio*, ait S. Cyrillus lib. 2 in Joan. Jam quidem ab ipsa Nativitatis suæ hora servum induerat, egeratq; opera talis propria conditionis. Ego, ait ipse de se ps. 86. *in laboribus & juventute mea*, laboraverat in stabulo frigus & egestatem sustinendo, laboraverat in Ægypto Herodem fugiendo, in Nazareth Patri & Matri operam communicando, laboraverat in templo & Synagogis docendo, in vicis & compitis justitiam & judicium prædicando, ut

de eo in persona ejus dicat Psalter regius ps. 68. *Laboravi clamans, rauca facta sunt fauces meae*, laboraverat ægros sanando, vexatos à spiritibus immundis curando, mortuos suscitando; laboraverat peccatores justificando, justos confirmando; laboraverat suomet in corpore fatigationem, paupertatem & inedia perferendo, in anima futuram crucis ignominiam, ac sacri cruoris sui conculcationem prævidendo, & laboraverat tanquam servus jam tunc verè fidelis & prudens, quia jam tunc verè homo, quidquid contradicat Marcion apud Corn. à Lapide *in cap 2 epist. ad Philipp. vers. 7*. volens tunc primò cœpisse in eo formam servi, cum præcinctus linteo servile officium lavando pedes discipulorum implevit. Nihilominus ab ipso horti ingressu magis sese prodidit, quam assumpserat persona servi, ab eo quippe tempore alieni quasi juris factus esse videbatur, siquidem ex tunc incubuerunt super eum labor & dolor, suæque sibi quodammodo adempta voluntate alieno vivebat imperio, age-

agebatque quæ sibi vel ejus, de quo ipse ait, *Nō mea sed tua voluntas fiat*, cōstituit dominatus; vel vis illa, quam vocat potestatem tenebrarum pro libidine imposuisset.

Subijt hortum egressus è cœnaculo Dominus non jam suus, sed alieni juris, ut nuper innocens Abel fratris impij ferro necandus, ut castus Joseph à fratribus in dīram servitutem divendendus, subijt hortum, factumque est cum eo, quod prævīdit Vates Michææ. *Egre- dictur Dominus de loco suo, & calcabit super excelsa terra, & consummentur montes subtus eum, & valles scindentur sicut cera à facie ignis*: quem locum interpretans S. Hieron. triste quidpiam observat ab egressu hoc evenisse Domino, consumpti sunt omnes montes ejus, scilicet perfectiones Divinæ, & obruti, sicut in diebus Nōē omnes montes terræ aquis diluvij; sed & valles scissæ sunt, cū corpus ejus sanctissimum affectum doloribus, flagellis aratum, exhaustum sangvine, spinis compunctum, clavis confossum fuit, cū ipse Dominus gemere coactus est: *Factum est cor meum tanquam cera liquefcens in medio ventris mei* ps. 21.

II. Subijt hortum, qui erat trans TORRENTEM CEDRON, quem ex hebræo Interpretēs vocant denigratum & tristem, quem Jeremias cap. 31 *vicinum valli cadaverum, & cineris, & universa regionis mortis* dicit, quem Semei oblatrator

Davidis contra præceptum Salomonis ausus transgredi, dum servos fugitivos persequitur, se perdidit, & in gladium irruit 3 Reg. 2: Infelix iste TORRENS, quem fugiens faciem Absolōnis filij sui, flente omni populo voce magna, transijt David 2 Reg. 15. Infamis iste TORRENS in quo Aza Rex Judæ combussit turpissimum simulachrum Priapi 3 Reg. 15, in quo religiosus Rex Josias vasa, quæ facta fuerant Baal, & universæ militiæ cœli redegit in pulverem 4 Reg. 23, in quem à filiis Iſrâël sub pio Rege Ezechia universa altaria in quibus adolebatur idōlis incensum, projecta fuerunt 2 Paralip. 30, in quem teste Talmudica traditione *apud Salmeron. rom. 10 tit. 10* per subterranea loca sanguis holocaustorum & aliæ fæces descendebant. Infelix TORRENS iste, vix eum sacro pede suo tetigit Dominus, cum repente reliquit eum virtus sua, torrensque iste crevit in profundum, & dilatatus est in mare salsum ac mortuum, ut necesse fuerit mœsto clamare: *Veni in altitudinem maris, & tempestas demersit me* Ps. 68: nempe justitia DEI eum ad mortem urgente, & procella iniquitatis omnium nostrum eum aggravante ac deprimente, ait Bellarminus *ibi*. Infamis TORRENS iste, torrens denigratus & tristis, vix eum sacro pede tetigerat Dominus, & *denigrata est super carbones facies ejus, nec est cognitus in plateis* Thren. 4. & incubuerunt super eum passio-



passiones, quas serviles vocare solemus, timor & tristitia: COEPIT CONTRISTARI ET MOESTUS ESSE, fateturque de se: TRISTIS EST ANIMA MEA USQUE AD MORTEM. Recessit ab eo omnis decor ejus, apparuitque quasi unus de filiis servitutis. Hactenus de eo tenebant vaticinia Prophetarum Prov. 12 *Non contristabit justum, quidquid ei acciderit.* & rursus Prov. 28. *Justus quasi leo confidens absq; terrore erit:* justus autem, imò ipsa justitia CHRISTUS est juxta illud Jer. 23 *Hoc est nomen, quod vocabunt eum Dominus justus noster,* de quo proinde Isaïas cap. 42 testatur, quod *non erit tristis neq; turbulens:* ubi autem ad torrentem ventum est, timor & tremor venerunt super eum, contexerunt eum tenebræ, illæ inquam tenebræ, de quibus psaltes regius: *Comprehenderunt me iniquitates, & non potui ut viderem,* iniquitates omnium nostrum, quas super eum imposuit Pater, & non potuit, ut videret, nisi formam servi in iniquitatibus. Infelix & infamis TORRENS, tu verè de numero fontium eorū es, qui oblivionem præteritorum inferunt tædia ac timores pariunt. de quibus Plin. lib. 30 cap. 2. *& lib. 2. c. 103.* Verum transi Christe, transi TORRENTem hunc, fac quod præcepit Eliæ Angelus tuus 3 Reg. 17 *Vide & absconde in torrente Carith, qui est contra Jordanem, & ibi de torrente bibes, corvisque præcepi, ut pascant te ibi.* Carith si-

gnificat exterminium, nam ibi exterminabitur gloria tua, fiesque quasi unus de servis, inglorius, quin & præceptum est corvis ut pascant te pane illo, quem habes ad manducandum, quem nos nescimus, pane illo, qui cibus tuus est, faciente te ipso: *Meus cibus est, ut faciam voluntatem Patris mei,* pane tribulationis & aqua angustia, ibi præceptum est corvis, ut pascant te, imò ut pascantur à te, & pascant te; transi TORRENTem hunc, sequentur te tui, consequentur prætereuntem infinitus exercitus Martyrum, sicut nuper Judam Machabæum 1 Mach. 16 ad transfretandum torrentem trepidantes populi; tinge pedes tuos in TORRENTE immundo & mdr-tuo, sequentur te fortes tui: imple vaticinium Michæe Cap. 2 *Transibit rex eorum coram eis, & Dominus in capite eorum,* nam ubi tu transieris, exemplo tuo & gratia animati, tanquam per modicum torrentem per diversa mortis supplicia transibunt populi, quorum formam induisti: transi & bibe de TORRENTE in via, & cantabit tibi infinita multitudo, *Convertisti captivitatem nostram sicut torrens in austro,* quia quidquid eos gravabit, reputabunt tanquam modicum torrentem in austro, in comparatione earum amaritudinum, quas tu, cum servires in peccatis eorum pro ijs epotasti.

III. Matthæus & Marcus dicunt egressum Christum è coenaculo in villâ Gethse-

Gethsemani. Gethsemani teste Beda in interpretatione nominum Hebraicorum tom. 8. idem est, quod *vallis pingvis, vallis pingvedinum, sive opprimens nomen humile, aut torcular famosa auditionis*. Hæc planè villa servitutis Tuæ est Christe. Prævidit id Isaias cap. 30. *Dabitur inquit pluvia semini tuo, ubi-cunq; seminaveris in terra, & panis frugum terre erit uberrimus ac pingvis, pascetur in possessione tua in die illo agnus spatiosè*. Dabitur pluvia, sed quæ de benedicto corpore tuo copiosè depluet, & panis uberrimus ac pingvis, sed panis lachrymarum; pascetur denique agnus in hac possessione spatiosè, ille inquam agnus, qui tollit peccata mundi, pascetur in delicijs, & pascetur spatiosè, quia à villa in urbis prætoria, ab his ad montem Golgotha pascua ejus. Addic fili DEI verè prodige, quia substantiam tuam omnem propter salutem animæ nostræ, si fas est dicere, dissipasti, addic inquam fili prodige servitutem tuam civi regionis hujus, ausim tibi polliceri, quòd inter porcos & mancipia ventris sanctiore fame efuriens salutem omnium nostrum elevabis oculos ad Patrem, in cujus domo mercenarij multi abundant panibus, redireque voles ad amplexum, sed quem tibi non aliter quàm expansis in crucè tuis manibus offeret, dabitque annulū in manu tua coelaturis vulnerum tuorum insculptum, quo sigilles librum,

quem nemo aperire dignus est, annulū signo thau, seu crucis ornatum, proferet stolam primam, in qua formosus appareas videntibus ac dicentibus illud Isai. 63. *Quis est iste qui venit de Edom, rinctis vestibus de Bosra? iste formosus in stola sua, gradiens in multitudine fortitudinis sue?* teque respondente: *Ego qui loquor justitiam, & propugnator sum ad salvandum*: reponant. *Quare ergo rubrum est indumentum tuum, & vestimenta tua sicut calcantium in torculari, quibus tu respondeas: Torcular calcavi solus, & de gentibus non est vir mecum*; scilicet in villa Gethsemani, quod, ut dixi interpretatur torcular famosæ auditionis. Deniq; vitulum saginatum occidi faciet, quando eum, qui se Patri obtulit pro salute mundi in holocaustum immolari volet, ut locum explicant Hieron. in ps. 28 & Euthymius, in villa utique Gethsemani, quod ut dixi interpretatur: opprimens nomē humile, quale est servi. Dicebat olim Sponsa Cant. 7 *Veni dilecte mi, egrediamur in agrum, conmoremur in villis*: nunc jam absq; ullo incitamento & illicijs ed provolavit dilectus, & operam suam locavit villico, sed quali? utiq; villico iniquitatis, qui diffamatus erat apud Dominum quasi dissipasset bona ejus, ut sui sanguinis impendio bona Domini integret; prudentior certe villicus iniquitatis præ filijs lucis, si de hoc pretio sumit, quod suis deest rationibus



tionibus, amotionem à villicatione timere non poterit, quia pretium habet, quo sibi æterna emat tabernacula.

IV. Lucas & Matthæus egressū CHRISTUM volunt è coenaculo in montem Oliveti. Sequitur hoc in passu SERVUS noster David Regem, qui, 2 Reg. 15 eundem clium olivarum flens nudis pedibus, ac operto capite ascendeat egressus è Jerusalem cum universa domo sua, & legionibus Cerethi & Phelethi ac omnibus Gethæis pugnatoribus validis: sed quàm dispar in utroq; ascensu paritas est, David ut fugeret à facie Absolonis eum ascendit; Christus ut novum in Juda proditore Absolonem inveniat, ille ascendit cum manu valida eorum, qui se defenderent, iste cum undecim Discipulis, qui relicto eo, ac tradito in servitutem, omnes fugerent; ille ut vitam servaret, iste ut eam perderet.

Costerus medit. ima de passione Domini conformiter ad mentem Patrum per montem Oliveti accipit montem excellentissimæ Charitatis: *Mons hic mons coagulatus est, mons pingvis, mons in quo beneplacitum est Domino habitare in eo:* in hoc monte hospes DEUS charitatis, opus illud excellentissimæ charitatis inchoat, per quod servum redempturus reatum ejus, & poenam in se devolvit: benedicēs montē hunc esse montem exinanitionis ipsius Divinæ Majestatis, nam ut bene Origenes

lib. 4 in Cant. hom. 1. *In hoc monte exinanivit se ille qui erat in forma DEI, ut fieret unguentum exinanitum nomen ejus:* & Philo Carpathius super illa verba Cant. 1. OLEUM EFFUSUM NOMEN EJUS. *In hoc monte se totum nobis per viscera suæ pietatis effudit, pro nobis vel crudelissimè mori non recusavit, & sua se sponte pro salute nostra devovit.* Primus hic servo nostro labor est, & labor usq; ad sudorem & sangvinem, imò usq; ad agoniam. Quantum pondus tibi tunc incubuerit Virtus DEI probat sudor & sanguis copiosè profluens: *tu olim manus lassas roborasti, vacillantes confirmaverunt sermones tui, & genua tremementia confortasti, nunc autem venit super te plaga, & defecisti, tetigit te & conturbatus es.* Job. 4.

Beda lib. de locis sanctis cap. 7 refert, quòd in hoc ipso monte Oliveti in die Ascensionis missa peracta per singulos annos valida procella desuper venire, & omnes, qui in Ecclesia essent terræ allidere consueverit; factum idem hodie Virtuti DEI in die Ascensionis suæ in montem Oliveti, allisit eam & prostravit in faciem suam procella ruens, turbo Domini, furor egrediens in capite impij (servi impietatem nostrā portantis) *conquiescens* Jerem. 30. *Jacet servus sub onere peccatorum meorum, spes ejus tanquam lanugo est, quæ à vento tollitur, & tanquam spuma gracilī, quæ à procella dispergitur, & tan-*  
quam

quàm fumus qui à vento diffusus est Sap. 5. Jacet Dominus, qui in forma servi venerat curaturus olivam meam ad radices inutilis olivæ meæ, compertoque, quòd mentiatur opus olivæ meæ, ad sudorem laborat pro ea, probaturus adhuc, si fortè sanguine ac sudore suo irrigata fructum afferet in patientia. Jacet virtus DEI, mei causa imbecillis, jacet Dominus, qui pro servo nequam usq; ad defectionem laboravit: jacet innocens Deus, ut ejus casu sublevetur homo reus. Cautè sim durior ac tigride immanior, qui his pro me laboribus non respondeam. De ipso monte Oliveri dicit vates Zach. 14. *Et stabunt pedes Domini in die illa super montem Olivarum, qui est contra Jerusalem ad Orientem, & scindatur mons Olivarum:* quidni scindatur cor meum ijs, quæ mei causa serviens in monte hoc sustinet Dominus SERVUS.

V. Joannes denique hortum ponit. EGRESSUS EST, ait, JESUS TRANS TORRENTEM CEDRON, UBI ERAT HORTUS, IN QUEM INTROIVIT IPSE. Hic jam siste gradum. Dominus factus est servus glebæ, hortum plenum tribulis ac paliuris excolendum suscipit; de fructu manuum suarum plantabit vineam, rigabit eam sudore ac sanguine, seminabit eam semine electo, quod est Verbum DEI. Pulchra plantatio similisque paradiso voluptatis, quem plantaverat a principio Dominus DEUS: *in terra bona super a-*

*quas multas plantata est, ait propheta Ezech 17 ut faciat frondes, & portet fructum, & sit in vineam grandem. Sed quis fructus hujus plantationis, quis rigationis & laborum? Ecce plantata est, ait idem, ergone prosperabitur? nonne cum tetigerit eam ventus urens, siccabitur, & in areis germinis sui arefcet? Et Isaias cap. 17 In die plantationis tue labrusca, & manè semen tuum florebit, ablata est messis in die hereditatis, & dolebit graviter: quis? nisi qui plantavit eam. Ego plantavi te, ait ipse Jerem. 2 vineam electam, omne semen verum, quomodo ergo conversa es mihi in pravam vinea aliena? Cant. 5. Veniat dilectus meus in hortum suum, & comedat fructum pomorum suorum. Et venit ille quidem, sed fructuum & pomorum loco invenit labruscas, invenit dolores & amaritudines, deliciarum loco (nam alia versio habet, comedat fructus deliciarum suarum) invenit tristitiam, timorem, angustias, crucem, pro frumento provenit ei tribulus & pro hordeo spina Job 31. Numerata furta Achani, blasphemias Rabfaces, adultèria Davidis, numerata homicidia Caini, impuritates Sodomæ, idololatrias Jerobaam, numerata proditioes Judæ, sacrilegia Simonis, & quidquid orbis habuit malorum, mala hæc fructus sunt & deliciae horti, quibus cultor horti reficiendus est: numerata rursus sputa, colaphos, flagella, spinas, clavos, cruces, & quid-*



quidquid malorum amplius est, hi sunt fructus vineæ, quæ vefci debet feruus glebæ nostræ: adde his si placet ignominiam, contumelias, livores, sublationem, mortem deniq; ipsam, hos fructus omnes plantatori suo fert vinea electa.

Berchorius in reduct. moral. lib. 14 cap. 12 testatur in Cypro inventam fuisse arborem, cujus fructus seu poma in quotcunq; partes inciderentur, semper in qualibet particula crucifixi imago videbatur. Idem de alia simili arbore inventa in regno Granatæ inter Saracenos testatur Joannes Nider in fornicario lib. 4. cap. 6. Legitur item in actis B. Bartholomæi de Cerverijs Ordinis Prædicatorum, quod in loco in quo martyrio affectus expiravit beatus hic Martyr, nux excreverit, quæ ramos omnes & folia in modum crucis produxerit. In horto nostro, quo se vertit Christus, fructus crucis videt, sursum Angelus cum cruce seu calice passionis, ante se tormenta & cruces præparatæ, post se peccata, crucis & afflictionum semina: omnia plena crucis, plena dolorum, & amaritudinum. Sursum iratus Pater, à quo deferendus est, infra paratus tortor, à quo cruciandus est, post se relictus frater, à quo affigendus est: sursum iustitia tormenta præparans, infra misericordia pœnas offerens; extra se primus Adam cum perdita posteritate pœnas merens ob prævaricationem o-

bedientiæ, intra se novus Adam pro tota perdita posteritate pœnam solvens per impletionem obedientiæ. Omnia plena crucis, plena dolorum & amaritudinum: si suos respiciat, Judas proditor crux est, & discipuli, qui relicto eo fugituri erant; si se & sanguinem suum respiciat, ipse sibi crux est, & ut ait Hildebertus *sanguineus sudor crux erat ante crucem*: si respiciat alienos, crucis omnia plena, plena dolorum & amaritudinum: si denique præterita consideret, peccata erant crucem fabricantia, si præsentia, peccata erant ad crucem cogentia, si futura: peccata erant ad crucem affigentia. Omnia plena crucis, plena dolorum, & amaritudinum. Felicior hac in parte erat S. Paulinus Nolæ Episcopus, quia cum se ad redimendum viduæ filium in servitutem venum dato hortulanum seu servum glebæ ageret apud generum Guntheri Regis Vandalorum in Africa, quidquid plantavit incrementa ad delicias habuit teste S. Gregorio. lib. 3. dial. cap. 1. Felicior S. Bandarinus Episcopus Sveffionis teste Benedicto Gonono in *vitis Patrum Occidentalium*, nam cum à Clothario Rege puius Episcopatu hortulanum ageret, quæ plantabat arbuta, vim divinitus accipiebant, ad pellendos omnis generis morbos & dolores; felicior S. Maurilius Episcopus, de quo Fortunatus in vita, cujus, cum voluntarius exul hortum coleret, semina mensarum erant delicia,

licia, feliciores innumeri alij; Christi unius plantatio cum fructu crux erat, & dolor affligens plantatorem.

Egesippus Apostolorum discipulus, teste *Bosquierio in theatro alijq; pluribus*, refert in horto Oliveti è loco, quem Christus sangvinem sudans rigarat cruore suo, erupisse arborem, cujus singula folia hanc continebant inscriptionem: *O mors quam amara est memoria tua!* hoc nimirum erat omnia fuisse plena crucis, plena dolorum & amaritudinum. Aude tamen coelestis hortulane, planta, & riga tibi quidem amararam plantationem, nobis autem perquam dulcem & proficuum, comede fructus pomorum tuorum, nam si tu eos gustare renuis, fame æterna perijmus omnes, nam bene de te Cyrillus lib. 10 thesauri cap. 3. *Sicut nisi mortuus esses, mors non extingveretur, sic nisi timuisses, non essemus nos à metu liberati, nisi doluisses, non cessassent dolores nostri; nam ita singulas passionibus esse in te necesse est absq; peccato, non ut ab ipsis supereris, sicut & nos, sed ut commota vincantur virtute inhabitantis Verbi, & sic natura nostra reformetur in melius.* Semina serve glebæ semen tuum tristicis ac dolens cum ijs, qui euntes ibant, & flebant mittentes semina sua, semina semen tuum, imò semina te ipsum, quantumvis enim volucres coeli potestates tenebrarum harum inhient, & spinæ, rubus scilicet ille Judaicæ perfidiæ ar-

dens odio & invidia, suffocare tentent, petra arida in cordibus multorum radices neget, denique & pes malignus conculcet: ubi tamen electum hoc granum frumenti cadens in terram mortuum fuerit, multum fructum afferet in cordibus electorum. Semina seminator optime honorem tuum in lutum, sangvinem in terram, vitam in petram, cadaver in hortum. Et verò facit hoc, accedente etiam voluntate Patris, de quo ipse ait, Pater meus agricola est, sciensque sibi per calcata flagella, & spinas, crucem & clavos, mortem deniq; ipsam eundum esse, ad omnia se resolvit sator ipse & semen, nec veretur projicere granum suum mortificandum infidelitate Judæorum, quod postea multiplicandum est fide populorum. Nos in quorum cordibus benedictum hoc semen fructum ferre debet in patientia, devotè reflectamus nos super terram nostram, quam apta sit recipiendo huic Divino semini, imò reflectamus nos super semen ipsum, quod est Verbum DEI, videamusque ne incurijs nobis adversarius noster illud auferat de cordibus nostris.

Vulgò dicitur: *Sape etiam est olitor valde opportuna locutus: & iterum: Utile consilium Dominus ne despice servi.* Servus in peccatis nostris Christus Dominus primo quasi in ingressu servitutis semina quædam jecit, diligenter attendamus, ne ea jaciantur in agrum hominis pigri, ac vineam viri stulti, quam



totum replent urticae, & cujus superficiem operiunt spinæ. Duplicita porro sunt hæc semina, una sita in verbis, alia in actione, seu verius passione, utraque ad nos, qui teste Apostolo 1 Cor. 3 *DEI agricultura sumus*, pertinent, utraque debite suscipiamus, dabit incrementa frugum iustitiæ ipse, qui seminat semen suum. Ordior à primis.

## CAPUT I.

### *De Verbis CHRISTI:*

SEDETE HIC, DONEC VADAM IL-  
LUC, ET OREM Matth. 26.

I. **P**Rima hæc ab ingressu CHRISTI in hortum verba ejus sunt: videtur mihi per hæc velle quod Gen. 22. Abraham immolaturus filium suum voluit à servis suis, cum diceret: *Expectate hic cum asino, ego & puer illuc usque, properantes, postquam adoraverimus, revertemur ad vos*; aut quod Moyses, qui ingrediens tabernaculum voluit foris manere turbam; & Zacharias, qui horam incensi populum foris orare voluit; imò ut pressius ad rem nostram veniamus, videtur mihi hic CHRISTUS agere id, quod solet Agricola, qui cum parvulis suis procedens ad subigendam terram assignare ijs solet locum sub patula arbore, ubi se ludendo continent, dum Pater glebas domet, & labore subigat terram sibi ac parvulis suis fructus laturam. Sedere CHRISTUS jubet

parvulos suos nondum labori idoneos, donec ipse glebam subigat, ac sanguine emolliat sudore. Sedere vult illos, id est, securos quiescere, donec ipse proprijs labore: hic stylus est CHRISTI, laborat ipse, ut tu in messem ejus introcas: expertus id non unus, qui cum in morte admittitur in partem sortis Sanctorum, exclamat in jubilo cum Novitio illo Ordinis Prædicat. Argentina moriente, de quo autor Speculi dist. 7 exemplo 52. *Mibi accidit, sicut alicui eunti ad forum, & parvo pretio magnas merces ementi*; Ecce enim regnum accipio, & causas nescio meritorum Et deficere poterit aliquis, & de salute sua desperare: nemo nisi Judas, qui non sedet, dum CHRISTUS vadit & orat. Desperare possem conscius peccatorum meorum, sed non despero, teneo mortem Salvatoris mei, nam ut ait Apostolus Rom. 4. *Si cum adhuc inimici essemus, reconciliati sumus DEO per mortem filij ejus, multò magis reconciliati salvi erimus in vita ipsius*. Sedere firmitatem significat, sicut stare labendi periculum, firmus sedet, pro cuius salute Dominus laborat, & parum de prædestinatione sua sollicitus est, qui scit à DEO sedem paratam sibi. Si à me ait P. Cotonus medit. 10 de prædestinat. *mea dependeret prædestinatio, certus planè essem, ac securus ob naturalem mei erga me ipsum affectum ac amorem: ut amor, quo tu DEUS me prosequeris, supernaturalis, Deus*  
pinus

vinus, infinitus est, ac proinde tantò meo amore superior, quantum cælum terrâ, gratia naturâ, creator creaturâ dignior est. Beatum me, quòd in tam bonum incidam Dominum, quodq; salus mea illi curæ sit, qui me infinities majore, quàm ego ipse me, amore profequitur.

II. SEDETE HIC DONEC VADAM ET OREM. Sedere in jure accipitur pro judicare, sic sedere dicitur prætor, cum pro tribunali jus dicit leg. 7 ff. de in integrum restitutione, unde & dies quibus prætor jus dicit, vocantur dies sessionum leg. 15 ff. ut in possessione legatorum, sed & particula donec accipitur pro dum, quamdiu, quousque, quoad, teste Barbosa in dictionibus usu frequentibus dictione 93, juxta quæ sensus verborum Christi, sedete hic donec vadam & orem, erit iste, judicate, dum vado & oro. Quid porro judicabunt? utiq; non aliud, quàm excessum illum, quem completurus es in Jerusalem, de quo complendo à te loquebantur Moyses & Elias in monte Thabor Luc. 9 Excessum completurus es Christe, sed excessum amoris. Exceedit ait S. Thom. de Villa nova conc. 3 in Nat. Dom. exuperat omnem modum hæc charitas Domine, quam in nostra redemptione monstrasti, omnem scientiam, quis enim ne dicam hominum, sed neq; Angelorum, qui à seculo vident se, amoris tui immensum pondus, & ardentissimam vim cognosce-

re posset, quod sic amares, ita diligeres, ut te ipsum cruci & morti exponeres. Judicabunt excessum hunc, quem advertit Aug. medit. cap. 7. Peccat iniquus, & punitur justus, delinquit reus, & vapulat innocens, quòd meretur servus, patitur Dominus, quod committit homo, sustinet DEUS: Lex est in Divinis literis exarata Ezech. 18. Filius non portabit iniquitatem Patris, de excessu in legem hanc judicabunt, quod Filius Patris portas iniquitatem servi & creaturæ vilissimæ; lex est ordinatæ charitatis, ut incipiat à se; de hac te judicabunt, qui ita amasti inimicum hominem, ut pene te odisse videaris. Judicabunt te de prodigalitate, quam in te advertit Gverricus Abbas serm. in Pentecoste: O DEUM! si fas est dicere, nimis prodigum sui præ desiderio hominis. Sed juxta quas Pandectas, & Codices judicabunt? nulla in ullis tabulis de simili excessu nota est, multò minùs poena, grandis tamen excessus est, quia amoris, qui modum nescit, grandibus excessibus statui poena non potest. Judicate tamen excessum discipuli, & si poenam non invenitis, eam mihi amato imponite, ut restitutionem amanti me amorì faciam, reddam amorem amanti, & sic amanti, ut pro me inimico se ipsum daret in mortem.

III. SEDETE HIC, DONEC VADAM ET OREM. Miror sedentium horum discipulorum nullum verbum haberi in Scri-



ptura, facileque colligo, cum ijs factum esse, quod cum amicis patientis illius *Job. 2* qui cum venissent ad eum: *sederunt coram eo septem diebus, & septem noctibus in terra, & nemo loquebatur ei verbum, videbant enim dolorem esse vehementem: & quidem illum percusserrat Satar. ulcere pessimo à planta pedis usque ad verticem ejus; sed tamen sedebat in sterquilinio, hujus autem dolor similem non habet, unde & de eo dicitur, & nos putavimus eum tanquam leprosum, & tanquam percussum à DEO, percussum ait, & non manu tactum, ut ille, qui de se dicebat: Manus Domini tetigit me, neque enim beatus Job tanta pati poterat, quanta passus est Salvator. Bene Gverricus Abbas serm. 3 de Dominica Palm. Ecce ait, plus quam Job hic. Sufferentia namq; Job fuit usq; ad redditum substantiæ, sufferentia Domini usq; ad exitum vite. Job quidem patienter damna sustinuit, sed mox in terra duplicia suscepit Dominus ut erat repletus miserijs, & inebriatus amaritudinibus è mundo migravit: Fateor gravem fuisse plagam Beati Job; percussit Diabolus Job ait Origen. lib. 2 in Job ulcere pessimo, seu ut 70 legunt *plaga sevirissima urente, affligente, flagrante, incendente, dolente, omne supplicium in se habente, & omnem passionem atq; dolorem. Tantùm sevirissima, pergit idem, facit hac plaga, quantam iniquitatem ha-**

*buit Diabolus, secundum iniquitatem suam mensus est hanc plagam, nihil reliquit tormenti, neq; amaritudinis, neque immanitatis, neq; ferocitatis, neq; crudelitatis, neq; impietatis, neq; malignitatis, quod non exercuerit in hujus lamentabilis vulneris plaga. Consideremus vehementiam hujus doloris juxta vehementiam iniquitatis Diaboli: Hactenus Origenes. Sed quantula hæc sunt, si in comparisonem veniant cum plaga CHRISTI, hæc quippè facta est non solum juxta mensuram iniquitatis Diaboli, sed juxta mensuram iniquitatum totius mundi, nam bene Isaias cap. 53. Posuit Dominus in eo iniquitates omnium nostrum, aut ut Hebræa legit: Incurrere fecit DEUS iniquitates omnium nostrum, tanquam lictores & carnifices in eum, vel ut septuaginta legunt: Tradidit eum Dominus iniquitatibus nostris, velut beatum Job manui Sathanæ. Considera vehementiam hujus doloris juxta vehementiam iniquitatis Diaboli, juxta vehementiam iniquitatis omnium nostrum. Job in poenis corporis retinuit sapientiam, & ita voluntati Diaboli permissus fuit, ut se & Dominum secum retinuerit; hic novissimus virorum & despectus perdidit universa. Et ita quidem secum tacitè cogitare poterant discipuli videntes dolorem esse vehementem, nec valentes vocem in verba formare juxta quod vulgò dicitur: Parva loquuntur cura, at ingentes stupent.*

pent. Non absimilem Silentiarium se egisse dicit vates regius Ps. 76 *Turbatus, ait sum, & non sum locutus: quæ causaurbationis & silentij? annos, ait, æternos in mente habui.* Poterant idem dicere sedentes ac tacentes discipuli, ubi annos æternos SERVI portantis dolores nostros in mente habuerunt, ubi Majestas sedens super Cherubim & Seraphim, ubi potentia & virtus, ac omnis sapientia ejus devorata est, & gaudium ejus transijt ab eo, nec ei fuit species neque decor, *& viderunt eum, & non erat ei aspectus, despectum & novissimum virorum, virum dolorum & scientem infirmitatem, & quasi absconditus vultus ejus & despectus Isai. 53.*

IV. SEDETE HIC, DONEC VADAM ET OREM. Verba hæc dicta sunt ad universos Apostolos: ad Petrum insuper & duos filios Zebedæi, quos assumpserat, dixisse eum: SUSTINETE HIC, ET VIGILATE, testis est Matthæus & Marcus. Primæ admissionis hi discipuli sicut confortes facti sunt, cum Majestas CHRISTI revelaretur in gloria montis sancti, ita in communionem admitti debuerunt, cum eadem Majestas exinanita pateretur servilia in monte humiliationis. Filij dexteræ etiam filij doloris esse debebant, ut qui candidum in vestibus albis, & umbra nubis lucidæ viderant, viderent etiam rubicundum in proprii sanguinis effusione. Ita semper DEUS, quos præ cæteris diligit, participes fa-

cit imaginis non modò filij sui gloriosi, sed & ignominiosi. SUSTINETE HIC, ET VIGILATE, bonum est vos hic esse, imò melius est vos hic esse, quàm in monte electionis ( Thabor electionem significat ) quia melius est sustinere cum Christo, quàm regnare cum ipso. SUSTINETE HIC, ET VIGILATE. Quid autem sustinere debeant, non exprimunt Evangelistæ; onusne aliquod incumbens, an impetum hostium? neutrum credo: Columnam equidem Petrum, Jacobum luctatorem, Joannem totum è charitate, quæ omnia sustinet, compositum scio, sed ut horum ope indiguerit, qui solus pondus diei & ætus suscepit in se, & solus usque ad vincula & mortem pugnaturus est, non facile mihi persvadeo. Hora est, in qua columnæ coeli non sunt stabiles, & filij tonitruj nesciunt, cujus spiritus sunt, ipsaque charitas multorum refrigescit. Sustinere tamen eos vult: quid illud? utique non aliud nisi ipsum se, & misericordiam ejus, nisi illas sustentationes, de quibus Eccli. 2 *Accedens ad servitutum DEI, sta in justitia & timore, & prapara animam tuam ad tentationem. Deprime cor tuum, & sustine, inclina aurem tuam, & suscipe verba in intellectus, sustine sustentationes DEI, conjungere DEO, & sustine.* Et iterum. *Meruentes Dominum sustinete misericordiam ejus, & non desectatis ab illo, ne cadatis.* Sustinete ait hic, ubi Filius Altissimi in sustentatione



## CAPUT II.

De Verbis, TRISTIS EST ANIMA  
MEA USQUE AD MORTEM.

stentatione DEI ad ostensionem iustitiæ ejus servilem formam induit, & Majestas illa, quam vidistis in monte sancto exinanita est. Felices discipulos, si sustinuissent consilium, & cum DEUS pro ijs laboravit, sustinentes confortassent & ipsi cor suum, & sustinuissent Dominum! Sed quia anima eorum non sustinuit in verbo ejus, facti sunt in dispersionem, defecerunt, & ceciderunt. *Metuentes Dominum sustinete misericordiam ejus, & non desleat ab illo, ne cadatis* Utinam verò etiam anima nostra sustineret Dominum saltem in hac hora servitutis ejus, quoniam adjutor & protector fieret nobis; utinam sustineremus modicum quid insipientiæ illius, dum vadit & orat pro nobis misericordiam, & æmulatur nos æmulatione DEI! sed etiam nobis altum dormientibus in peccatis nostris effluit tempus sustinentiæ forsan nunquam redimendum. Orat Christus, & patitur, & oculi nostri gravantur, nobisque dormientibus hora præterit vigilijs, & salutis nostræ destinata, nosque agimur in dispersionem. Sustinendum erat, & vigilandum hac hora, forsan in nobis factus fuisset spiritus duplex, ut nuper in Elisæo spiritus Eliæ, spiritus amoris ac compassionis, nosque fructum fecissemus in patientia.



I. **H**I sunt primi flores, quos è gleba sua legit SERVUS noster, hæc est myrrha prima, quam messuit in horto suo. Dedit ei Dominus cor pavidum & animum moerore consumptum, aut ut psalter regius Ps. 54. *Timor & tremor venerunt super illum, & contexerunt eum tenebre*: Tristitiam & timorem S. Thom. 3. p. 9. 15 a. 6 & 7 oriri putat ex imaginatione mali impendentis; Aristoteles autem vult esse duos tortores animi, qui hominem cruciant, priusquam ipsum malum incubat: sic Luc. 12 dicitur: quod arescent homines præ timore ante magni judicii diem: sic & sacra CHRISTI anima tristis erat imaginatione futurorum: unde Euthymius in cap. 26 Matth. illa verba: TRISTIS EST ANIMA MEA USQUE AD MORTEM, ita legit. *Ita sum tristis, quasi jam morerer*: quod & ipse apud Psalmistam expressit Ps. 87. *Repleta est malis anima mea, & vita mea inferno appropinquavit*, rursumq; Ps. 114. *Circumdederunt me dolores mortis, & pericula inferni invenerunt me*, aut ut Hebræa versio habet. *Funes mortis circumdederunt me, & angustia inferni invenerunt me*. Pondera verba, & deprehendes magnitudinem afflictionis. Lacerat infernum

num vermis conscientia, & CHRISTUS, qui peccatum non fecit, tuorum peccatorum vermibus arroditur; nullus ordo, sed sempiternus horror infernum inhabitat; CHRISTI animam, qui ut D. Thom. ait 3 p. q. 46 a. 6. unicuique virium permisit agere, quod sibi proprium est, timor & tremor commiscet: urget puteus tristitia super damnatos os suum, super CHRISTUM effundit omnem amaritudinem: in inferno quisque tristatur solum de malo suo, CHRISTUS de malis omnium, ibi tristitia de uno & altero, vel mille peccatis, in Christo de culpis omnium saeculorum: vita ergo ejus appropinquans erat in inferno deorsum, repleta est malis anima ejus, ac vita ejus inferno appropinquavit.

II. Sed juvat penitus rimari causas hujus tristitia: tristatur & trepidat, quia videt in se imaginem servi, & servi peccatoris, personam longè sordidissimam, heu quàm turpe monstrum! in qua publico in spectaculo processurus est, quamque personam acerbissimis cruciatibus expositurus est: tristatur ex claro intuitu Divinae justitiae, quæ ei catalogum peccatorum, quæ tollere, & poenarum, quas subire debet, exponebat. Certè si habitatores Chanaan ad nomen traducti per mare Israël contremuerunt Deut. 2, & Josue 2 irruit super eos timor, & elanguerunt corde, ac spiritu desecerunt, quomodo non contremiscere debebat sacra CHRISTI ani-

ma videns non jam mare mortuum virgâ Aaron, sed DEO percutiente pastorem, & dolores nostros super se ponente: vivam sui carnem dividendam? si Jacob. Gen. 32 timuit ab occurso fratris sui Esau, necesseque habuit ab Angelo confortari, quomodo non terreatur ab occurso peccatoris CHRISTUS, qui suam in eum iniquitatem omnem effusus erat: tristatur ex malitia hominum empta militum crudelitate, ex parvo fructu suo, unde & dicit illud Ps. 29. *Quæ utilitas in sanguine meo, dum descendendo in corruptionem:* ex dispersione ac recessu suorum, ingratitude ac alijs sexcentis, & tristatur usque ad tædium: quod quidem tædium quàm grave fuerit, collige ex eo, si enim Sapientem tæduit vitæ suæ Eccl. 2 quod unus sit stulti ac sapientis occasus, quale non fuit tædium CHRISTI DEI hominis, cum videret unum esse occasum sui ac peccatoris; si Paulus in tribulatione sua, quæ facta est in Asia supra modum gravatus fuit supra virtutem, ita ut tæderet eum etiam vivere; quid dicendum erit de tædio Christi, in quem tribulationes inundarunt usque ad animam? si Jobum tædebat vitæ suæ, quod simplex fuerit, & hoc ipsum ignoraverit anima ejus: quid de Christo dicendum erit, qui servus fuit in peccatis, & hoc ipsum non ignoravit anima ejus. Rebecca tædebat vitæ suæ propter filias Heth. Gen. 27 nec volebat vivere,



si Jacob acciperet uxorem de stirpe huius terræ, & tamen nurus istæ non parabant virgas socru suæ, non plectebant spinas, non cudebant clavos, quæ omnia sibi CHRISTUS à Patre, & ab ingratissimis hominibus fabricari videbat. Populum in deserto coepit tædere itineris ac laboris *Num. 21* eò quod deficeret illi panis, quod deesset aqua, & mors in solitudine terreret; CHRISTUS autem iter cruentum, labores serviles, & in servitute mortem, & mortem infamem considerans, quomodo non testæ instar exarescere debuit? videbat se jejunis obijci leonibus, pro dulcis aquæ haustu spongiam felle imbutam ori suo admove-  
 veri, mortem sibi pro peccatis, quæ non fecit, acerbissimam sustinendam, & ver-  
 ti non debuit in luctum cithara ejus. Denique Patrem æternum coepit tædere super Israël *4 Reg. 10* cum Jehu Baal delevit, & vitulos Jeroboam scandalum plebis suæ reliquit: quali non percussus est tædio Unigenitus DEI, cum vitulos & tauros pingves, canes ac leones rapientes ac rugientes, cum lupos vespertinos contra se conversos videret: prorsus dicere poterat de se, quod olim Tullius lib. 2 ep. ad Attic. *Prorsus vita me tædet, ita sunt omnia omnium miseriarum plenissima.* Verè Christe tu fons omnis gaudij & lætitiæ, & nomen tuum plenum dulcedinis, nunc autem cum servum pro me induisti, replevis amaritudine, & ex-

## Caput II.

pletur in te, quod prædixit Propheta Jerem. 20. *Non Phassur vocavit Dominus nomen tuum, sed pavorem undiq, quia hæc dicit Dominus: Ecce ego dabo te in pavorem.*

III. TRISTIS EST ANIMA MEA USQUE AD MORTEM. Ex hoc etiam capite tristitia CHRISTI maxima fuit, quia fuit purissima, nam ut ait S. Thom. 3 p. q. 46 a. 6 *In alijs patientibus mitigatur tristitia interior, & etiam dolor exterior ex aliqua consideratione rationis, per quandam derivationem seu redundantiam à superioribus viribus ad inferiores, quod in Christo patiente non fuit, quia unicuiq, virium permisit agere, quod est sibi proprium.* Quæ verba S. Doctoris consideranti videtur anima CHRISTI alioquin visionis beatificæ cyclade amicta in forma servi induisse centonem mœroris, crederes fallere voluisse mala & mortem, ut liberiùs sævirent: sic fere de Nerone legimus, quod ferarum pellibus testos Christianos canibus objecerit, ut tanquam in feras nuda humanæ formæ (cui multum defuerunt) reverentiâ eos invaderent, ac dilaniarent. Hujus mentis videtur fuisse S. Epiphanius, qui in Anchorato suo hæc habet: *Provocat, ait, per hunc modum Christus adversarium, id est diabolum, ut illo opinante timere Salvatorem, inducat illi mortem:* fuit verò ex hac etiam parte longè acerbissimus ejus timor, quo remotior fuit ab omni

spe & solatio, poterat dicere cum patiente Job cap. 17 *Non peccavi & in amaritudinibus moratur oculus meus, & membra mea quasi in nihilum redacta sunt, & cap. 20. Quare de vulva egres- sus sum, ut viderem laborem & dolorem, & consumerentur in confusione dies mei. Quare ostendisti mihi iniquitatem & laborem, pradam & injustitiam contra me.* Alios facinorosos cum morti destinantur, comitatur plebis commiseratio, Christum nulla; Moabitæ reos mortis ad locum supplicij floribus & sertis coronatos deducebant. Hebræi monito DEI solabantur luctu oppressos, Persæ perituro obnubebant caput, ut pudori & dolori, quem ex spectatorum turba capere poterat, miserum subducerent: multæ gentes etiam hodie cibo & potu destinatos ad victimam reficiunt, cum uno Christo diversa sunt, longè factus est ab eo consolator, & si forte aliquis intervenire deberet, non foret alius, quàm de quo Job 6 *Et hæc mihi consolatio, ut affligens me dolore non parcat.* Non est similis tristitia nostra tristitiæ Christi, in tribulatione quippe nostra ad sensuum gaudia currimus, simileſque sumus amentibus pueris, qui cum sibi digitum adusserint, obvïo cuique cum lamentis eum ostendant, ut per insufflationem remediũ accipiant, similes Judæis, quia sicut hi ad serpentem æneum dolore icti, sic nos ad deceptoriam solatia respectamus, & similes

Jonæ, non Christo, qui à sole adustus & umbrâ hæderæ destitutus audet dicere: *Iuste ego usque ad mortem irascor* Jon. 4, multos enim nostrum, cum tristitia pungit, ira sufflamminat, tuncque sibi maximè videntur iusti, cum maximè peccatores.

IV. TRISTIS EST ANIMA MEA USQUE AD MORTEM. S. Laurentius Justinianus lib. de triumphali Christi agone cap. 6 reflectens se super hanc Christi tristitiam ita metuentem alloquitur: *Quid est hoc Domine? contristarisne & verè paves? contristatur gaudiũ? pavet fortitudo? timet virtus? Armatorum neminem video: nullum adhuc cum gladijs & fustibus venientem cerno, & times Domine? Christianæ militiæ dux esse cognosceris: certantibus adversus aëreas potestates præes, & paves? Dominus exercituum diceris, & es, gladium non pacem in terram venisti mittere, & præliari formidas? Si bellatorum princeps trepidat, si certamen ille, qui præsidet inire veretur, quid ceteri agent milites? vellem utiq; Domine pavoris hujus scire causam: vellem tediũ tuĩ nosse mysterium: non enim militibus tuis inferiorem te judico. Illos agnosco vicisse regna, imperiũ curvasse, tolerasse supplicia, extinxisse ignem, domasse feras & mortem ipsam nullatenus formidasse: & post pauca: Divinam in Sanctis tuis commendamus gratiam, in te autem humanam prædicamus naturam:*



*in martyribus miraculum, in te autem esse dicemus documentum, in illis donum, in te miserationis sacramentum.* Quod hic S. Pater documentum, quod miserationis sacramentum advertit in timore Christi? credo non aliud, quàm idipsum, quod timorem induendo servilem, servum probârit, qui respiceret DEum ut inflictivum poenarum, & quasi tumentes super se fluctus timeret illum: nec aliud miserationis sacramentum, quàm quod mihi in monte monstratum est, cum pro me è servitute liberando, meum in se servus peccati suscepit affectum. Tristis est, sed de meo, de suo enim pavere non potest: *De tuo*, ait ipse apud S. Leon. serm. 1 de pass. *fui trepidus sed de meo securus*, non enim timidus est, sed fortissimus, qui nonnisi quando vult timet ait Maldonatus in c. 26 Matth. ad vers. 37 Trepidavit virtus, quia qui dolores nostros tulit, etiam formidines nostras sua formidine consecravît, suo timore curavit, ut loquitur Theophylact. in c. 22 Luca: timuit fortitudo, ne tu timeres. Non miror jam tot heroas Christianos in ipsam mortem terribilium terribilissimam ruere, cum eorum formidinem in Christum translata video. Abbas Theodorus ita sibi constabat animo, ut ausus fuerit dicere: Crede mihi, si cœlum terræ adhæreat, Theodorus non formidat, ut habetur in vit. PP. lib. 7 n. 6. S. Mar-

## Caput II.

cus teste S. Greg. lib. 3 dial. cap. 16. toto triennio solus in spelunca cum solo serpente & orans & cubans mansit intrepidus ori ejus manus ac pedes immittere solitus. Noster P. Franciscus Suarez nunquam ait putavi tam dulce, tam suave mori. Cardinalis Bellarminus auditò propinquam sibi esse mortem: *O fausta exclamat nova, o fausta nova!*

Accipe & aliud in hoc mœrore Christi documentum: timuit ille, ut & tu timeres eum, qui est timor Sanctorum, qui potest & corpus & animam perdere in gehennam. Bene Trident. sess. 8 cap. 9. *Sicut nemo pius de DEI misericordia, de Christi merito, deq; Sacramentorum virtute & efficacia formidare debet, sic quilibet dum seipsum, suamq; propriam infirmitatem ac indispositionem respicit, de sua gratia formidare potest: cum nullus scire valeat certitudine fidei, se gratiam DEI esse consecutum.* Et iterum cap. 13 *Qui se existimant stare, videant ne cadant, formidare enim debent scientes, quod in spem gloria, & nondum in gloriam renati sint.*

V. S. Ambr. in Ps. 41 aliud in his verbis Christi observat mysterium. *Tristis*, ait, *erat usq; ad mortem, non propter mortem.* Mors enim voluntaria mœstitiam habere non poterat, in qua futura erat universorum letitia, universorum refectio. Tristis erat usque ad mortem,

mortem, non propter mortem, neque enim mors corporis ejus fuit causa mœroris, quia nec in morte aliquid mali vidit, quod non desiderio desideraret. Nos miseri tristes esse possumus usque ad mortem propter mortem, necesse enim habemus dicere in die illa tremenda: Siccine separat amara mors? aut cum illo Rege impio 1 Machab. 6, *Nunc reminiscor malorum que feci in Jerusalem, in quantam tribulationem deveni!* quia gravius nobis nihil accidere poterit, quam quando in die mala tenebunt nos angustia, & iniquitas calcanei circumdabit nos, quod de extremo vitæ intelligit Diez conc. 2 Domin. 2 Adventus: *Calcaneum, ait, est humana vita extremum, calcanei iniquitas peccata sunt morientis in impenitentia.* Christus tristis erat usque ad mortem, non propter mortem, mors ei in votis erat, oblatuſ est enim, quia ipse voluit, & proposito sibi gaudio sustinuit crucem. Servum induerat in vita prodigus sui præ desiderio hominum, per mortem prodigus iste ad Patrem redit, ut observat dilectus discipulus Joan. 13 inquit. *Ante diem festum Pasche, sciens JESUS, quia venit hora ejus, ut transeat ex hoc mundo ad Patrem:* non ergo causa mœroris fuit mors corporis. *Expecto, ait patiens in suo sterquilinio, donec veniat immutatio mea* Job 14, aut ut Symmachus legit, *donec veniat nativitas mea; expe-*

cto, ait, non timeo, neque enim causa tristandi est, ubi Pater præstolatur cum amplexu, osculis, ac prima stola, expecto donec veniat immutatio mea, dicamque in ævum: Ego Dominus, & non mutor. Tristis erat ad mortem, non propter mortem. Quæ ergo causa fuit tristitiæ hujus?

Rupertus lib. 5 cap. 10 reflectens se super illud 3 Reg. 19 *Petit anima sua, ut moreretur,* interrogat: Unde tantus pavor, tanta consternatio in Elia? qui paulò ante erat impavidus, certabat cum Achab & Baalitis, & respondet, *quia subduxit illi DEUS robur à se inditum, ut agnosceret fuisse donum Dei, se verò ex natura sua timidum, ut alij sunt homines.* Hæc planè causa tristitiæ CHRISTI usque ad mortem fuit; induerat ille servum in peccatis nostris, & subduxit DEUS illi robur à se inditum, imò subduxit ipse sibi robur suum; & actus naturæ servilis, tristitia ac timor incubuerunt super eum, tantumque eum exercuerunt, ut se ad portas mortis appropinquasse crederet. Tristis est anima mea usque ad mortem. Hæc nimirum erant primæ servilis naturæ probationes, hæc experimenta servitutis assumptæ, hæc plagæ, quibus exerceri debebat servus peccati, Eccli. 25 dicit scriptura: *Omnis plaga tristitia cordis est,* aut ut legit Syrus: *omnis plaga non est, sicut tristitia cordis, hac plaga percuti debebat, qui servire ele-*



git in peccatis nostris. Tu ò peccator hujus tristitiæ causa fuisti, tu cum servilibus notis servilium harum passionum afflictiones injecisti, nisi enim tu delicijs dissoluta fuisses filia vaga, nunquam tui causa tristis, & tristis usq; ad mortem fuisset Unigenitus DEI.

VI. Segneri *die Veneris Sancto* observat hanc Christi tristitiam non cœpisse primum inter horti delicias, nata illa est cum eo, cùm primum formã servi acciperet VERBUM caro factum, necesseque habuisset toto vitæ tempore pati pavores, tædia, agoniam, ac sanguinei sudoris deliquia, nisi altissimo Dominio suo naturæ impetus stitisset. Sciens ille erat à primo ortu suo, quæ ventura erant super eum, nec momentum temporis fuit, quo non cognosceret, quæ sibi sustinenda essent: hinc est, quod de eo dicit Vates regis Ps. 37 *dolor meus in conspectu meo semper*, & iterum Ps. 30 *Defecit in dolore vicia mea, & anni mei in gemitibus*. Ex quo quidem ita fere ratiocinatur: sicut nullum tempus vitæ fuit, quo nesciret, quæ sibi luenda essent, ita nullum fuit, quo non tristis esset anima ejus usque ad mortem. Dicere poterat: tota die contristatus ingrediebar, & miser factus sum, & curvatus sum usque in finem. Et iterum: inimici autem mei vivunt, & confirmati sunt super me, & multiplicati sunt, qui oderunt me Stabat præ oculis Judas pro-

ditor, stabat Caïphas accusator, stabat Pilatus carnifex, personabant plagæ & flagella, pungebant spinæ ac ludibria, videbantur sputa & alapæ, clavi & lancea, crux & omnia tormenta, quæ ei præparavit nequitia populi, & putas inter hæc omnia defuit tristitia? certè si reo capitis jugiter ob oculos hæret gladius, quo feriendus est, laqueus, quo affigendus est, ignis quo cremandus est, putas eum partem consolationis posse admittere? si Balthasari Regi gladius, Sisaræ clavus, Abimelecho saxum, quo cerebrum ei elisum fuit ob oculos semper obversatum fuisset, putas aliquem illorum ex vero lætatum fuisse? Lachrymatum CHRISTUM perhibent Scripturæ, risisse autem nunquam: virum eum dolorum vocat propheta Isai 53, gaudiorum nunquam: dolor ejus in conspectu ejus semper, quia semper sciens *JESUS omnia, quæ ventura erant super eum* Joan. 18. Metire tempora vitæ ejus ad clepsydram amoris, & invenies, quod sicut non fuit momentum, quo non amabat te, ita nec invenies momentum, quo non dolebat pro te, quo non dolebat de te. Tristis erat anima ejus usque ad mortem, hoc probant lachrymæ vagientis, hoc probat sudor pro te in doloribus laborantis, hoc sanguis pro te patientis. Tristis erat anima ejus usque ad mortem, hoc causabat ingratitude populi, malitia tua, servitus ejus in peccatis

catis tuis. Vitam damnatorum æternā mortem, luctum æternum, in quo dolor & mors semper incipit, nunquam moritur, vocant ascetæ; vita CHRISTI temporalis mors erat, & luctus erat, in quo mors semper, & tristitia semper cœpit, nec prius defecit, quàm postquam omnia consummata essent, & inclinato capite traderet Spiritum. Vide homo, quantum pro te deluit, qui pro te formam servi suscepit. Ludebas tu foris in platea, & in secreto regalis cubiculi super te ferebatur iudicium mortis. Audivit hoc Unigenitus DEI, exiit posito diademate, sacco vestitus, aspersus cinere caput, nudus pedes, flens & ejulans, quod morte damnatus esset servulus ejus. Quid facturus es? adhuc ne ludes, & deludes lachrymas ejus? planè si insanus es & mentis inops, non sequeris eum, nec simul cum lugente lugebis: adhuc ne ludes & deludes lachrymas ejus? si in petram induratum est cor tuum, scindi deberet ad tantas lachrymas ejus: Age procul ludi, procul lætitia ac voluptas, quæ tanti ac tam diuturni mororis causa fuerunt.

## CAPUT III.

## De Oratione CHRISTI

I. **P**OSITIS GENIBUS ORAVIT. Idæam boni Servi vides, ipsa corporis compositione subjectionem testatur, de-

figit humi genua reus capitis ob peccata tua, prolabitur in terram offerens se ad victimam pro salute tua; re ipsa facit, quod fecit verbo debitor ille servus, qui procidens dicebat: Patientiam habe in me, & omnia reddam tibi. Curvavit genu DEO is, cui curvandum est omne genu, ut in nomine ejus omne genu flectatur cœlestium, terrestrium, & infernorum. Quantum necesse est fuisse pondus peccatorum meorum, sub quo gygas iste gravatur. Agit hic pi-entissimus DEUS in forma peccatoris servi, quod nuper Manasse Rex Juda, peccavi ait super numerum arenæ maris, & non sum dignus videre altitudinem cœli, & nunc flecto genua cordis mei, peccavi peccato hominum, suscepi enim in me verba delictorum humanorum, & super numerum arenæ maris porto pondus iniquitatum, quas super me posuit Dominus. Curvavit utrumque genu Salomon in templi pavimento consummata mole ejus 3 Reg. 8: plusquam Salomon hic sciens in proximo dissolvendum templum corporis sui, ut post triduum reedificet illud, flectit coram Domino Majestatis genua non tantum carnis, sed & cordis: curvavit quinquagenarius Ochoziæ Regis genua coram Eliâ 4 Reg. 1, curvat servus noster genua coram DEO Eliæ prævidens flammam, quibus datus est in devorationem: curvavit genua Michæas Mich. 6, & Daniel filius



lius captivitatis *Dan. 6* curvavit Esdras, *1 Esdr. 9*. propter transgressionem populi dicens: *DEUS meus confundor & erubescō levare faciem meam ad te, quoniam iniquitates meae multiplicatae sunt super caput meum.* Curvat genua sua, qui peccatum non fecit, & peccata nostra in se transtulit tanquam se ipsum dijudicans, & ad supplicium offerens. Christi genuflexio tua sit instructio peccator, orat ille positus genibus, tu quasi elephantinis pedibus esses, ea inclinare non sustines in oratione tua: Filius DEI nunc pro te servus orat Patrem de genu, & tu, avertat malum DEUS! & tu fili perditionis etiam caput curvare omittis. Sacerdos in aeternum frangit se supplex ad Divinae misericordiae aram orans pro te, & tu victima mortis ac inferni effunderis in risus & oscitas in oratione tua: Rex & Dominus Dominantium ut vilis verna componit se ad praesentiam Regis coelestis, & tu mancipium daemonis inconditis moribus condis orationem tuam. Bene Caesarius Arelat. hom. 30 *Rem*, ait, *terrenam ab homine terreno quaerimus, & prope ad terram nos humiliter inclinamus, & à DEO remissionem peccatorum & aeternam requiem inquirentes nec capita nostra inclinare dignamur.* Et serm. 29 adducto exemplo Christi: *Orat*, ait *misericordia, & non oret miseria? Orat charitas, & non humilie-*

*tur iniquitas? prostratus in terra orat medicus, & non inclinetur agrotus? orat innocentia, & non oret nequitia? orat qui peccatum non fecit, & non oret multis peccatis obnoxius? orat iudex, & desiderat parcere, & non oret reus, ut indulgentiam mereatur accipere? orat judicaturus, & orare dissimulet judicandus?* Orandi modum habes apud Psalmistam. *Venite*, ait, *adoremus, procidamus & ploremus:* imò & in Senioribus illis Apoc. 7 procidentibus in facies suas, & DEUM laudantibus. *Irreverens est*, ait Tertulian. lib. de orat. cap. 12 *assidere sub conspectu, contrag, conspectum ejus, quem maxime re-vereris, ac veneraris, quanto magis sub conspectu DEI vivi Angelo adhuc orationi adstante, factum illud irreligiosissimum est, nisi exprobramus DEO, quòd nos oratio fatigaverit.* Aug. est illud serm. 36 de verbis Domini. *Si fides deficiat, oratio perit:* muto nonnihil verba, & dico, si humilitas ac reverentia, deficit, oratio perit, quia & ipsa fides perit, neque enim hunc fidem habere existimo, qui in conspectu DEI orat irreverenter.

II. PROCIDIT IN FACIEM SUAM. Jeremias summam demissionis ponit in eo, quòd quis ponat in pulvere os suum *Thren. 3* servilem quippe sapit animum, ac fungum olet conversatio ejus, qui indecoro pulvere sordidat faciem. *Infixus sum in limo profundi.*  
ait

ait David Ps. 68 *Et non est substantia*, quasi diceret, quia adhæsit in terra virtus mea, nihil in me substantiæ reliquum mansit, miser factus sum, & curvatus sum usque in finem, afflictus, & humiliatus sum nimis, dereliquit me virtus mea, & ego sicut servus terræ factus sum vilis. Ponit in pulvere os suum procidens in faciem suam Dominus Majestatis, & abjectissimi, quia servi peccati speciem exhibet; jacet humi ante conspectum Domini, ac offensus DEI onus omne, ac plagas suscepturus in se peccato debitas. Impone ait pondus asino, plagas servo, per me maledicta terra, per me peccator tibi ferendus erit: ego corpus meum obijcio, ego onus, ego plagas & vulnera peccatis debita in me suscipio: tantum non dicit, quod nuper David viso Angelo percutiente: *Ego sum, qui peccavi, ego iniquè egi*, ego enim peccata omnium in me transtuli, vertatur obsecro manus tua contra me.

Notandus mihi semper visus est modus loquendi Scripturæ, quæ, cum exprimere vult orationem feliciter fusam, vocat eam cadentem, seu procidentem: sic quippe Jerem. 42 dixerunt Principes bellatorum ad Jeremiam Prophetam: *Cadat oratio nostra in conspectu tuo, Et ora pro nobis Dominum*: & cap. 36. *Cadat oratio eorum in conspectu Domini, Et revertatur unusquisque à via sua pessima*: imò propheta ipse citatus

cap. 42: *Hac dicit Dominus DEUS Israël, ad quem misistis me, ut prospererem preces vestras in conspectu ejus*: quo loquendi modo videtur innui reverentia DEO ab orante etiam exterius præstanda: cadat oratio tua, & tu unà cum illa coram DEO tuo, sicut saxum cum eo, quod ei alligatum est cadit in profundum; ut exaudiaris ante Dominum, dignus est hac reverentiæ significatione DEUS tuus, cui comparatus ut nihilum & tanquam stilla situlæ esse inveniris. Ceciderunt ante statuam auream Nabuchodonosor Dan. 3 ad vocem symphonix eam adorantes; quantò justius tu hoc modo humilieris corpore & corde ante conspectum DEI: utinam & tu com-puteris inter illos, de quibus Ps. 71 *Coram illo procident Æthiopes, Et inimici ejus terram lingent*. Æthiops es equidem, nam cutis tua denigrata est, & ossa tua aruerunt præ caumate delicti, cade coram illo, etsi bene adhuc inimicus ejus es, terram, ponens in pulvere faciem tuam, linge.

III. AVULSUS AB HIS &c. *cecidit super faciem suam orans*. Servum esse dimidium hominem vult Homerus in *Odyssæa lib. 10* vel quòd parte nobiliore hominis, libertate careat, vel quòd ab ijs avelli debeat, quæ dimidium sui sunt. Patet hoc ipsum in CHRISTO avulso à discipulis, quos ut dimidium animæ suæ diligebat, nisi forsan parum

dixi de Christi charitate, utpote qui brevi ultra omnes amicitia leges totam ijs impendet animam. Avellitur ab ijs CHRISTUS: *Quid avellitur*, ait Tertull. lib. de carne Christi, *nisi quod inheret, quod infixum, quod innatum est ei, à quo ut auferatur, avellitur*, & avulsio abstractionem quasi violentam significat. Avellitur Magister à discipulis, Pater à filiis, DEUS ab hominibus, servus à seipso. Impleri jam incipiunt mysteria; rapuit Mater Eva pomum, & avulsit illud de arbore vitæ, & ecce Christus à caris & notis, seque ipso avellitur. Avulsus est ab eis. Singulariter servis competit, quod habet Juvenalis Pœta: *Pectora nostra duras non admittentia curas*, qui ipsius veritatis oraculo duobus Dominis servire non possunt. Servitutem totam alijs impensuri, liberi esse debent ab alienis curis, imò liberi debent esse à seipsis, ne si cum alijs, aut sibi ipsis operam impendunt, minus fideles inveniantur: nimirum servus, quantus est, Domini est, non suus aut alterius, ideoque quantus est, Domino laborare debet, non sibi, aut alteri. In iure servi dicuntur non habere caput, ut patet ex toto titulo Instit. & ff. *de capitis diminutione*; totum enim caput eorum, imò totos eos habet Dominus; hinc qua parte sui, sibi, aut alijs adhæserint, eam Domino subtrahunt. Novit id bene noster servus peccati, ideoque labo-

raturus (magnus enim labor oratio est) à suis avellitur: & quidem egit id exemplò, quod ante docuerat verbò Matth. 6 *Tu autem cum oraveris intra in cubiculum tuum, & clauso ostio ora Patrem tuum in abscondito*, & quod à quovis oraturo requirit Bern. serm. *de inter. Domo* inquiens: O anima sola esto, ut illi soli te solam serves, quem ex omnibus elegisti. Certè Hieron. epist. ad Eustoch. de tali labore suo agens, *ipsam ait cellam meam, quasi cogitationum mearum consciam pertimescebam, & mihi iratus & rigidus solus deserta penetrabam; sicubi concava vallium, aspera montium, rupium prærupta cernebam, ibi orationis mea locus, ibi illud miserrima carnis ergastulum projiciebam*. Avelli debet ab alijs, qui vult, ut labor orationis suæ prospereatur. Luctatorem Jacob prævaluisse adversus DEUM testatur Scriptura, quod forsan factum non fuisset, si luctaminis sui testem habere voluisset; sicut è contra labor orantis Pharisei in casum non cecidisset, si oculus ejus avulsus fuisset à Publicano, & à seipso, neque enim oratio ejus degenerasset, ac in peccatum ei facta fuisset, si justum se, & se majorem peccatorem in oratione non vidisset: hinc est, quod Bernardus Clarevallensis priusquam orationis suæ laborem ordiretur, foris sacrarium se cum cogitationibus relinquebat inquiens: Manete hic, donec orem



orem, donec psallam spiritu, psallam & mente, donec Domino laborem; cum rediero, reassumam vos. Talisne oratio nostra, & labor est? vereor contraria omnia; quoties enim cum DEO agimus, pecudes & negotiationes admittimus, utinam aliquo rursus flagello à Domino ejiciendas versis columbarum caveis, & effuso ære nummulariorum, ne locum orationis faciamus forum negotiatorum, aut quod pejus est, speluncam latronum. Isai 7 Rasin Rex Syriæ, & Phacee Rex Israël inierunt consilium dicentes: *Ascendamus ad Judam, & avellamus eum ad nos*: sic planè contra orantes nos consilium ineunt omnes creaturæ dicentes: *avellamus eum ad nos*: incurrunt in oculos objecta, & clamant cordi nostro: *ad nos; ad nos*; perstrepat auribus gratior symphonia, & vox amcenior, & inclamat, *ad nos, ad nos*; quidquid denique per sensus quomodolibet intrat, *ad nos, ad nos* inclamat nobis; & sic dum nos sibi adhærere facit, avellit nos à DEO Domino nostro. Sed jam videamus quid oret.

## CAPUT IV.

## De ipsis verbis Orationis

I. **M** Arc. 14 ORABAT, UT SI FIERI POSSET, TRANSIRET AB EO HORA. Eandem orationem jam ante oraverat Joan. 12 *Pater salvifica me ex hac*

*hora, sed propterea veni in hanc horam.* Horam vocat tempus servitutis suæ, brevis quidem hora hæc, quia hora est amoris: si enim Jacobo septem anni, quibus servivit socero suo pro Rachele, videbantur pauci dies præ amoris magnitudine Gen. 29, hora una amanti nos sine exemplo visum est totum, ac tam crudele tempus servitutis, quo Unigenitus DEI in forma servi pro nobis passus est. Longa rursus hæc hora est, quia hora doloris est, in qua manifestum fiet, quantum hominam inimicum dilexerit bonitas DEI, & quantum oderit DEUM malitia hominis. Vidit hanc horam Abraham, nec gavisus est, quia in hac hora vidit eum, de quo Isai 53 *Vidimus eum, & non erat ei aspectus, neq; decor*: viderunt prophetæ, & doluerunt super eum sicut Mater dolere solet super morte Unigeniti: hæc est hora illa, quæ datura est sonum non in alio cymbalo, quàm in sacratissimo Salvatoris corpore, non mallei admonentis ictu, sed flagellorum ac plagarum verberare, hora amoris & doloris, in qua conditor temporum desinens in tempore, redimet tempus, quod perdideramus infelici illo tempore, de quo Gen. 2 *In quacunque hora comederis, morte morieris*: hæc hora est, in qua, ut nuper Baltassari apparuerunt digiti quasi manus hominis scribentis: quid scribentis? nisi amaritudines: numeravit DEUS regnum

tuum, in quo velut in splendida servitute Rex dolorum dominaturus es; appensus es in statera, sed in statera crucis, ut solvas ad novissimum quadrantem, quæ non rapuisti; divisum est regnum tuum Rex sæculorum, datumq; inimicis tuis: hæc hora est, quam veteres Rabbinii teste D. Hieron. apud Cornel. à Lapide optabant non optantes: *Veniat Messias, sed non videamus eum*, ne & nos in partem veniamus potestatis tenebrarum, quæ hac hora dominabitur ei. Denique hæc hora est, in qua conditor hominum ejicietur ab hominibus, Salvator omnium spoliabitur omnibus, fietq; opprobrium hominum, & abjectio plebis, hora sacrificij vespertini, in qua Sacerdos ipse fiet victima, hora novissima, in qua filius DEI, cœli opifex missus in vineam salutem operabitur in medio terræ, & occidetur ab agricolis: hora nefasta, in qua licent omnia non quidem lege, sed contra legem; hora non tam momentis distincta, quam pœnis, non dimensa ad cursum planetarum, pulveris, aut aquæ, sed sanguinis; hora in qua sol in horto oritur, occidit in Calvaria.

ORABAT UT SI FIERI POSSET, TRANSIRET AB EO HORA: credebam oraturum, quod olim mulier Hebræa Judith 17 *Confirma me Domine DEUS in hac hora*: & orat, ut transeat ab eo hora. Iamc Domine deprecaris, & transire

vis horam, quæ est hora clarificationis tuæ, hora clarificationis Patris tui; hæc est hora, qua completis sexaginta duabus hebdomadibus finem accipere debet peccatum, & adduci justitia sempiterna *Dan. 9.* Hæc est hora festivitatis magnæ, *DEI enim festivitas hominum est salus*, ait Orig. in Levit. & tu ab insigni die solennitatis tuæ & Paschatis nostri abesse vis: hæc hora est, tempus beneplaciti, tempus acceptabile, annus coronatus coronâ benignitatis, dies salutis, tempus tuum, de quo Sapiens Eccli. 47 *Ornavit tempora usq; ad consummationem vitæ, ut laudarent nomen Sanctum Domini, amplificarent manè DEI sanctitatem*: & tu oras, & iteratò oras, ut transeat à te.

Bignoni fer. 2 post Domin. 5 Quadrag. num. 26 dicit Sorori Ludovici XIII Galliarum Regis, Sponsæ Philippi Regis Catholici donatum fuisse horologium pretiosum inauri ex aure pendenti ita affabre insertum, ut ad singulas horas illi auriculam vellicaret. Vellicat aurem meam hora tua CHriste, & admonet me horæ mortis meæ, horæ illius plenæ horroris ac formidinis: si tua tibi hora gravis fuit, qui sciebas te ire ac transire ad Patrem, quàm acerba erit mea, in qua videbo auferri omnia desiderabilia à me, meque appropinquare termino, quem mihi scelerum meorum conscientia exhibebit, in qua forsan recan-

tabo

tabo lessum illum: Væ tempori, quo non amavi te. *Malitia hora*, ait Scriptura Eccli. II. *oblivionem facit luxurie magne*; si malitia horæ in præsentis sæculo facit oblivionem voluptatum, quid faciet amara illa hora, in qua vivere non dabitur, & abire erit intolerabile? cum luxuria cum vino deficiens relinquent cados facis, cum oblivio exolefcet, & memoria peccatorum orietur, juxta quod ibidem addit Scriptura, & in fine hominis denudatio operum ejus. Infelix fuit hora ejus, de quo lego in Speculo exemplo 69 ex historia Fratrum Eremitarum, in quam delapsus miser ille, cujus defectus Superiores punire neglexerant, exclamavit: *Patior eheu aeterno alligatus igni, & si causam queris, qui mihi bene voluerunt, isti mihi nocuerunt, & qui volebant facere bene, fecerunt nimis male*. Hora illorum *coniventia transijt, & aternitas justitia me jam premit*. Superiores mei, & fratres in multis mecum dissimulavere, sed non *judex DEUS*. Heu venit super me hora, qua non transibit unquam. Sit illis futura est hora mea, utiq; desperare debeo, sed non despero, animat me S. Augustinus loquens de hora Christi tract. 52. *Audisti*, ait, *vocem fortitudinis mea, audisti in me vocem infirmitatis mea, audisti in me vocem infirmitatis tua, vires suggero, ut curras, nec reprimo, quod acceleras, sed trans-*

*fero in me, quo trepidas, & subferno quâ transeas*. Transiit in se acerbissimam horæ meæ Dominus, ut ego securus essem, fecitq; quod facere se debere putavit Cicero *de lege Manilia*, Se scilicet omne tempus suum amicorum temporibus transmittere debere.

Horam hanc alibi CHRISTUS vocat horam suam. Joan. 13. *Sciens JESUS, quia venit hora ejus*: alibi autem horam nostram. *Hæc est hora vestra*: quid ita? Hora hæc, quia hora servitutis erat, ejus erat, & nostra erat, nobis enim serviebat hac hora, nobis laborabat, & patiebatur. Bene Theophylactus in illa verba Joan. 2. Nondum venit hora mea, *licet*, ait, *omnia tempora, & hora illius sunt, illam tamen peculiariùs horam suam vocat, in qua nobis utilis aliquod beneficium vult conferre*; sic horam suam, horam mortis sue vocavit, quia nobis futura erat utilissima. Hora ejus, hora nostra erat, quia nobis, futura erat utilissima. Non transeat CHriste à te hora tua, sed salvifica me in hac hora, propterea enim venisti in hanc horam, quia si hac hora derelinques me, tempus miserendi non erit amplius: non transeat à te hora tua, si enim vis ut transeat, non transibit iniquitas, & ego tota æternitate cogar recantare illud Apoc. 18. *Væ, væ civitas illa magna Babylon, civitas illa fortis, quoniam unâ horâ venit judicium tuum, unâ horâ desolata est*.



II. Mutat verba, non rem Matthæus. Pater inquit, *si possibile est, transeat à me calix iste*. Patrem vocat non Dominum, filius & servus, quia quamvis quod erat servi acquisivit, tamen quod erat filii non amisit, & Pater, quod erat Patris, non perdidit; Patrem vocat, ut facilius impetret, quod orat; Patrem vocat filius, in quo ei bene complacuit, filius æqualis Patri secundum Divinitatem, de quo ipse testatur: *scio quia semper me audis*. Patrem orat, ut si possibile est, transeat ab eo calix. Orationem hanc plenam esse mysteriis advertunt Sancti Patres. Dicit, si possibile est, non quod latuerit sapientiam DEI, quid esset possibile omnipotentiae, sed quod vellet se & orationem suam subdī paternae voluntatis potestati, cum bene sciret, non omnia DEUM, quæ facere potest, velle: per quod nobis documentum reliquit, ut quæ pro nostris necessitatibus oramus, non omnino impatienter, ut amentes pueri urgeamus, sed in voluntatis Divinæ providentiam, si salvo beneplacito divino id fieri possit, remittam. Advertit hoc documentum S. Leo in serm. de passion. Dom. *Demonstratum est, quid possit à trepidantibus orari, & quid non debeat à medente concedi, quia enim nos, quid oremus, sicut oportet, nescimus, & utile nobis est, ne fiat plerumque, quod volumus, DEUS justus & bonus, quando ea, quæ nocitura sunt, pe-*

*tuntur, negando miseretur. Transeat, ait, à me calix iste*. S. Hieron. tom. 9. in cap. 26 Matth. *Postulat, inquit, non timore patiendi, sed misericordiā prioris populi, ne ab illis bibat calicem propinatum, unde & signanter non dixit, transeat à me calix, sed calix iste, hoc est populi Judæorum, qui excusationem habere non potest, si me occideris*. S. autem Ambros. lib. 10 super cap. 11 Lucæ: *Jdeo dixit, transfer hunc calicem à me, non quia DEUS DEI Filii mortem timebat, sed quia nec malos pro se perire volebat*. Sic fere Gvilielmus Abbas non substantiam mortis petit transferre, sed vindictam, quæ propter eam Judæis infligenda erat, quasi diceret, ait Raulinus serm. 144. *Ego sic eis compatiator, & misereor, ut optem, ne eis calix passionis meae vertatur in toxicam, & potionem mortiferam, qui est totius egrotantis mundi saluberrimum antidotum, ne dum ipsam mortem mea morte absorbeo, simul & vitam Judæorum quodammodo deglutiam*.

Aliam hujus textus explicationem adducit Salmeron tom. 10 lib. 12 ex mente S. Catharinæ Senensis, quæ teste Raymundo lib. 2 vitæ ejus, cap. 29 sensum hunc putavit esse citatorum Christi verborum: *Tempus est, ut calix hic, quem ab instanti conceptionis meae bibi per desiderium usq; in hanc horam, jam tandem re ipsa bibatur à me, & sic fructus ac virtus ejus deri-*  
retur

vetur in gentem qua perierat: quasi diceret: transeat à me calix in illos, ego bibam, sed virtus ejus, & efficacia transeat ad illos, pro quibus oblatus est. Quo in loco occurrit mihi calix S. Paphnutij, de quo in vitis PP. lib. de charitate cap. 6. Nunc vino plenum cum juberetur à principe latronum siccam intentante bibere, intrepidus hausit, quantumvis per plures jam annos ab omni, quod inebriare poterat, abstineret inquit: sperare se eum calicem illi fore fructuosum; sicut revera fuit, nam abjecto latrocinio cum turba mirante animi fortitudinem in Paphnutio, DEI se servitio imposterum addixit. Talis planè calix fuit Dominicæ passionis, bibit eum CHRISTUS, & nobis sanitatem attulit, bibit venenum ille, & nos ab eo liberati sumus; bibit servus peccati, qui peccatum non fecit, & nos omnes, quorum dominium erat subijci peccato, servitute liberati sumus.

Pf. 22 dicitur de calice quopiam Calix meus inebrians quàm præclarus est! quis iste calix? quomodo inebrians? quàm præclarus est? Præclaros quidem lego calices, qualis inter cæteros fuit ille Habacuc. 2. Bibe tu quoque, & consopire, circumdabit te calix dextera Domini, præclarus calix, quia dextera Domini calix, sed cum addat Scriptura, circumdabit te calix dextera Domini. & vomitus ignominia super gloriam

tuam, dextera videtur in sinistram, svavitas in vomitum, cum quo unâ eademque viâ anima & vita excedat, transire. Præclarus calix CHRISTI, calix inebrians, calix dexterae æquitatis, videtur equidem à sinistra DEI manu venire, ac ad furorem ebrietatis ducere, & est calix dexterae, nam cum inebriat, tunc maximè sapientiam perficit, & consummat. Bene Chrysost. in Catenâ Græcorum: De calice isto ait, de quo clamaſti Domine, transeat à me calix iste, bibit Ecclesia, inebriavit Martyres: Hoc calice inebriati erant Martyres: ait Augustin. in Pf. 35, quando ad passionem euntes suos non agnoscebant. Quid tam ebrium, quàm non cognoscere uxorem ſentem, non ſilos, non parentes? non agnoscebant, non eos ante oculos habere arbitrabantur. Nolite mirari: ebrij erant. Unde ebrij erant? videte. Acceperunt calicem, unde inebriarentur, & gratias agentes dicebant. Quid retribuam Domino pro omnibus quæ retribuit mihi? Calicem ſalutaris accipiam & nomen Domini invocabo. Vide ſis eundem Augustin. ſerm. 185 de tempore, ubi pleroſque ſpiritualis hujus ebrietatis effectus recenset ſuſe ſatis, quales inter cæteros ſunt: ſpoliari & nudari bonis ad exemplar inebriati, & nudati in cruce CHRISTI, patriam fugere, mori mundo, affectare humilia, abſtinentiam delicijs, vigilijs ſomno, divitijs paupertatem præ-

præferre, inimicos diligere, convicijs non irritari, non frangi injurijs &c. Dicit ergo CHristus: transeat à me calix iste, transeat à me, non ut recedat à me, sed ut transeat per me, & in me maneat, juxta illud: *In me transierunt ira tua, terrores tui conturbaverunt me*, sed ut per me, ac ex me transeat in alios, quibus virtus calicis ac passionis meæ, proficiat ad salutem.

Sed moremur adhuc paululum ad sacrum hunc calicem. De S. Quintino Martyre refert historia mortis ejus, quod cum ei lethalis calix aceto, viva calce, ac sinapi mixtus epotandus esset, dixerit: *O mi optime JESU natura quidem horret hunc calicem amarissimum & lethalem, sed quia is è manu tua venit, & quia tu illum mihi sub cruce propinasti, respondebo, & exhauriā: hic mihi potus melle omni & saccharo erit sapor.* Vide hic simile in CHristo certamen, luctabatur ad calicem natura humana ejus, voluntas Divina triumphabat in certamine, natura eum transire volebat, voluntas vocabat, horrebat illa, avebat ista, illa dicebat illud Jerem. 20: *Quare de vulva egressus sum, ut viderem laborem & dolorem, & consumerentur in confusione dies mei: & iterum: Quare ostendisti mihi iniquitatem, & laborem, prædam & injustitiam contra me, voluntas verò dicebat: Desiderio desideravi calicem istum, & quomodo coarctor us-*

*que dum bibam illum; illa: transeat à me calix iste peccatorum, qui peccatum non feci; ista: non eris innocens, sed bibens bibes* Jerem. 49: illa denique: clamo ad te, & non exaudis, sto, & non respicis me, mutatus es mihi in crudelem; ista etiam cum bibisset usque ad fundum, adhuc dicit: sitio. Super hanc pugnam naturæ, & voluntatis Divinæ victoriam reflectens se S. Bern. tract. de passione Dom. cap. 13 *Uti video, ait, mirabilis potator es tu: antequam gustes o bone JESU, petis calicem omnino auferri, & postquam ebibisti, sitis? Nunquid vino jucunditatis, & non potius compunctionis, & summe amaritudinis repletus est calix tuus? imò verò compunctionis amarissime plenus, qui non sitim, sed potius potandi fastidium generare deberet? sed ne putaret quis, te verum hominem amaritudinem non sensisse, summam acerbicem passionis tuæ dubitantibus indicasti: quando autem passionis calicem, quem antea rogaveras auferri, jam exhaustisti, dixisti, sitio. Dilectionis erga nos tuæ magnitudinem commendasti, tanquam diceret. Quamvis passio mea tam acerbica fuerit, ut quantum ad humanitatis sensum illam declinare potuerim, tamen tua me o homo charitate vincente, & ipsa tormenta crucis superante adhuc plura & majora sitio subire tormenta.*

Denique ex hoc CHristi calice ali-

quid



quid Divini hauriam, reflecto me ad illud, quod habet Julius Sirenius lib. 9 de fato, cap. 18, qui refert Ægyptios & Assyrios in calicibus divinasse: quod ipsum colligi potest ex scypho illo Joseph Patriarchæ Gen. 44. *Syphus, quem surati estis, ipse est, in quo bibit Dominus meus, & in quo augurari solet.* Divinabo ergo & ego ad Divinum hunc calicem; Quid autem aliud divinem, nisi hoc? si tam amarum calicem miscuit servo peccati, qui peccatum non fecit, Divina iustitia; quàm dulcis nobis, qui bibimus sicut aquam iniquitatem sperandus est? præparatur forsân non uni nostrum, avertat malum DEUS! calix iræ DEI, cujus particulam describit Vates Regius Ps. 10 *Ignis & sulphur, & spiritus procellarum pars calicis eorum.* Miscetur non uni poculum repletum vino furoris DEI evacuandum usque ad fæces, propinatur infelix ille calix fellis & absynthij de quo Ezech. 23 *Calicem sororis tue bibes profundum & latum, eris in derisum & subsannationem, ebrietate & dolore repleberis, calice meroris & tristitie, calice sororis tue Samarie, & bibes illum & epotabis usque ad fæces, & fragmenta ejus devorabis.* Quàm gratus palato erit calix iste? profundus est, nam æternitas eo exhauriendo sola sufficiet; latus est, nam in omni loco præstò erit; inducit ebrietatem & dolorem, quia qui bibit ex

eo, oblivione obliviscitur omnis boni, hæreditatq; tormentum immortale cordis. Quàm dulcis hic calix? Dan. 7 Baltasar Rex ad calices è templo Domini ablatos videt manum scribentem contra se amaritudines: ad calicem suum videbit quoque non unus amaritudines, dum se videbit consumi in peccatis adolescentiæ suæ.

Plato in Protag. scribit heroum simulachris & imaginibus olim appingi solitum fuisse calicem, qualem etiam Christiana pietas S. Joanni Evangelistæ, alijsq; Martyribus veneno sublati appingit; imò Atheneus lib. 11 alijsque testantur heroas alios individuos sibi voluisse esse comites pocula, tanquam signa fortitudinis, virosque fortes dictos propterea Heroum crateres: sic ex eo decantatus est Calix Nestoris, quem in ipsa etiam militari expeditione circumferebat, ut propterea dictus fuerit calix iste: *Martis Phiala.* Circumferet non unus secum calicem furoris ac iræ Divinæ, & circumferet æternum, bibent ex eo omnes peccatores terræ, calicem insipidum, qui vix primis labris gustatus desipere facit omnem sapientiam; acerbum calicem, in quem influxit omne genus malorum. Propinabit poculum hoc, & obtrudet tota æternitas, cogetque ad bibendum, ut nuper Theodosius Constantem Imperatorem teste Baronio anno 659 assistens ei cum calice sanguinis sui, vociferansque: *Bibe*  
frater

*frater, bibe sanguinem fratris quem sudisti: O crudele poculum æternitatis, ô acerbum calicem! transeat oro à me calix iste, per acerbitem calicis tui & passionem oro, transeat à me calix iste, quem fortè mihi met miscui per peccata mea.* Orlandinus histor. Societ. part. 1 lib. 11. num. 73 habet de Brasilis eos habuisse scyphos ad humani oris similitudinem fictos varijs & versicoloribus plumis in thesauro, quorum beneficio cuncta sibi fausta & læta pollicebantur. Calix tuus CHriste, quem bibisti, quid nisi fausta divinet mihi? cum tu bibisti, ut mihi bene esset. Servabo eum in thesauro cordis mei, hic mihi calix salutaris, calix erit philothesus.

III. Ultimum quod in supra dicta CHristi oratione audio, sunt hæc: VERUNTAMEN NON MEA, SED TUA VOLUNTAS FIAT. Tostatus in cap. 25 Matth. quæst. 16 Bonitatem servi sitam esse ait in obedientia, servus enim non consideratur simpliciter ut homo, sed ut homo alterius, & ideo virtus sua consideratur, in quantum alterius est, & hæc est obedientia ad Dominum: ideo bonum servum vocamus eum, qui Domino suo obediens est. Id ipsum innuere videtur Salvianus lib. 1 de provid. Nulli, inquit, servorum licet ex ijs, quæ Dominus suus imperat, el-gere pro arbitrio, quid velit facere, quid noht, & insolentissima abusione quod placuerit as-

## Caput IV.

sumere, quod displicuerit, repudiare. Et paulò post: Si pro arbitrio servi Domini obtemperant, ne in ijs quidem, in quibus obtemperaverint, obsequuntur, quando enim servus ex Domini iussis ea facit tantummodò quæ vult facere, jam non Dominicam implet voluntatem, sed suam: videtur hoc ipsum velle DEUS Deut. 12. Quod precipio tibi, hoc tantum facito Domino, nec addas quidquam nec minuas. Fidelis servus CHristus primas in hac virtute posuit: hæc cum eo nata est, nam ut bene observat Simon de Cassia de gestis Salvat. lib. 1, cap. 4 natus est obediendo homini, cum describeretur universus orbis, hæc cum illo crevit fatente Evangelista Luc. 2 Erat subditus illis, hæc cum eo mortua est, nam factus obediens usque ad mortem; imò cum eo mortua non est, nam ut idem Simon de Cassia lib. 13 decreto paterno descendit in limbum, & reversus ad tumultum reanimavit exanimatum. IN CAPITE LIBRI ait de eo Psaltes Ps. 39. SCRIPTUM EST DE ME, UT FACEREM VOLUNTATEM TUAM, DEUS MEUS VOLUI, ET LEGEM TUAM IN MEDIO CORDIS MEI: primùm mobile voluntatis meæ tua est, ad motum huius movebor, quocunq; movebor; prima regula actionum mearum est beneplacitum tuum, juxta illud dirigentur gressus mei; exemplar & archetypum voluntas tua est, ad hanc efformabitur imago servi tui: Uttere servitio nostro, si-

cut placuerit tibi, aiebant legati Regum ac Principum Holoferni Judith. 3. Dicit idem CHristus: non mea sed tua voluntas fiat. Sicut fabro ferrum subiectum est, ita ego arctissimæ me obedientiæ expono dicebat Isidorus primarius ille Alexandrinæ urbis, cum Religioni nomen daret apud Climacum gradu 4. de obedientia: dicit idem CHristus, tunde ut libet ferrum hoc, proba ferrum hoc igne cruciatuum, subijce malleo peccatorum, fiat voluntas tua. Præclarum boni religiosi epithaphium situm esse in uno verbo *Obedivit*. dicit Barradius tom. 1 lib. 10 c. 14 servi boni esse probavit CHristus. Sed inspiciamus oro precatationis mysteria.

VERUNTAMEN, ait, NON MEA, SED TUA VOLUNTAS FIAT. Veruntamen verbum correctionis est: quid corrigit qui à recto nunquam deflexit? Dixerat ante, Pater si possibile est, transeat à me calix iste, corrigit hunc sermonem, cum addit. Veruntamen non mea, sed tua voluntas fiat: nunquid in aliquo erratum fuit, aut voluntas ejus, viva illa regula omnis boni, ac lex animata in aliquo declinavit? absit hoc vel suspicari: iustum erat, quod orabat, sanctum quod volebat: sic enim ait S. Thom. 3 P. q. 21. a 2 ostendebat se, *veram humanam naturam suscepisse cum omnibus suis proprietatibus & affectibus*, sicut ergò malum timere, ac mortem metu-

ere in natura mortali reprehensibile non est, sic nec remedia postulare ad ea evadenda, iniquum est: addit S. Doctor: *ostendere hic voluisse Christum, quòd licitum sit homini juxta naturalem affectum aliquid velle, quod DEUS non vult, sicut & Elias mortem petebat, & volebat, quam DEUS nolebat*: ad quòd elucidandum bene servit, quod ibidem q. 18 a. 5 habet S. Thom. de duplici etiam secundum naturam voluntate in Christo, *quarum una erat appetitus sensitivi, alia rationalis; quæ rursus voluntas rationalis vel consideratur per modum nature, vel per modum rationis: si consideratur per modum nature, naturaliter fugit ea, quæ nature huic contraria sunt, ut mortem, passionem & similia, si autem per modum rationis consideretur, amplecti potest etiam ea, quæ adversantur nature ut mortem, passionem &c.* Cur ergò precatationem corrigit? Glossa interlinearis in cap. 26 Matth. examinans hunc Domini corrigentis sermonem dicit: *In se revertens, quod ex hominis natura trepidanter renuerat, ex DEI filij potestate confirmat*: quid sibi vult illud: In se revertens? nunquid à se abierat, qui in se reversus dicitur? ita quodammodo: solitus operari semper perfectissima prius oravit imperfectiora, quia oravit, ait Angelicus Doctor secundum sensualitatem, in quantum scilicet ratio ejus exprimebat sensualita-



*is affectum tanquam ejus advocata, aut ut loquitur Origenes in cap. 26 Matth. ut non in phantasia, sed in veritate humanam censeretur suscepisse carnem, ab amore mortis ad amorem vitæ se reflexit: verum cum suam voluntatem, voluntati Patris submitit in se quasi rediit, quia ad id, quod erat perfectissimum, prompta se voluntate recepit. Fere idem est sensus Augustini in Enchyridio: Prius, ait, ostendit privatam quandam hominis voluntatem, sed quia rectum vult esse hominem, & ad DEUM dirigi, subdit: Veruntamen non mea voluntas fiat.*

Pergit Evangelista, vultque precationem his constituisse. NON MEA, SED TUA VOLUNTAS FIAT. Hoc est fulmen, quod fregit Apollinarem & Eutychen, & concussit desertum erroris eorum: geminam se habere voluntatem ostendit, humanam & Divinam, unam carnis passionem deprecantis, alteram DEI affectanter eam subeuntis, humanæ renunciat, cum dicit: Non mea voluntas fiat, divinam sequitur, cum dicit, tua fiat. Agere hic mihi videtur Christus, quod Heli 1 Reg. 3, qui cum puniendus esset à DEO, dixit: Dominus est, quod bonum est in oculis ejus, faciat, & David 2 Reg. 15 fugiens Absolonem: *Faciat Dominus, quod bonum est coram se*, ego servus aliud velle non habeo, quam velle Domini.

Cum me reflecto super hoc fiat ser-

vi peccati, video in eo ipso fructum laboris ejus; reparatus siquidem per illud est, qui per inobedientiam Adæ destructus fuerat paradysus. Vidit id ipsum ante me Barradius tom. 4 lib. 6 cap. 11. *Adamus*, inquit, *in horto levissimum obedientie mandatum fregit, Christus in horto gravissimum obedientie praeceptum servavit*, Adamus Evam suadentem, ut pomum ederet, exaudivit, CHRISTUS carnem suam sanctissimam naturaliter postulantem, ne mortem atrocissimam oppeteret, non exaudivit; ille voluntati suæ uxoris obtemperavit, iste DEI voluntati suam subjecit; paradysum ille destruxit ac perdidit, hic reparavit ac invenit. Habebit in hoc paradyso primas bonus latro, habebunt violenti raptores, habebunt pauperes spiritu, nec amplius timebunt filij regni ejici foras, quia & tentator amplius non erit in paradyso, & si adesset ad vocem fiat confusus abire cogeretur, nec quidquam erit vetitum, quia & ipsa arbor scientiæ boni & mali fructus dabit, quibus vescetur sine peccato operarius paradyso, cujus judicium rectum est, quia non querit voluntatem suam, sed Domini. Bern. hom. 4 super missus est agens de Fiat Ancillæ Domini, quod dictura erat Angelo nuncianti, hoc esse dicit verbum miserationis, quod expectamus, quos miserabiliter premit sententia damnationis; hoc expecta-

ri à flebili Adam cum sobole sua exule deparadyso, hoc flagitari à Patribus, & ijs, qui habitant in regione umbræ mortis, ab hoc pendere consolationem miserorum, redemptionem captivorum, liberationem damnatorum, salutem denique univerforum filiorum Adam. Tale planè erat Fiat Christi, ipse dixit, & facta sunt hæc omnia, quæ flebilis Adam perdidit, & reparanda expectavit cum Patribus, nosq; perditum flagitare poteramus: hoc verbum est, in quo facta sunt omnia, per quod resecta & reparata sunt universa.

Video & aliud in hoc verbo mysterium. Voluntati DEI offert Christus voluntatem suam victimam pingvem & medullatam, ac moris suavissimi, novi moris Isaac, in quo propria juguletur voluntas. De hac victima loquens Gregorius in lib. i Reg. dicit: *Cedat huic tua victima omne sacrificium omnium præcedentium seculorum, quia in hostijs Patrum caro, in hostia autem tua per brachium obedientia tua mactata est voluntas.* Fiat dicit voluntas tua, ut jumentum factus sum apud te, ut jumentum paratum ad victimam. Et verò fiet Christus voluntas DEI in te, fiet in te voluntas Domini, nam paulò post tu & voluntas tua venderis triginta argenteis, manifestumque fiet in te, quod advertit Ambrosius. quod emptitius non sit sui arbi-

trij, sed ejus à quo emptus est, ut non suam sed ejus faciat voluntatem. Cades victima ad voluntatem Patris, imò ad voluntatem peccatoris, à quo vili pretio emeris, ut Patri satisfacias filius, redimasque servitutem peccatoris servus pro Domino, hostia pro peccato.

Denique in hac Christi oratione vide idæam & exemplar fidelis servi, qui ad voluntatem Domini intentum habet oculum; ut & tu discas ita opera tua instituere, ut ea respondeant primæ regulæ omnis boni, voluntati Divinæ. Martyrologium Baronij 26 Octobr. meminit S. Episcopi, cujus nomen erat, *Quodvultdeus*, hoc planè nomen tibi inesse vult Dominus, ut memineris non tuam, sed DEI voluntatem tibi in omnibus esse faciendam. Fili, verba Domini sunt apud Thom. à Kempis lib. 3 de imit. cap. ii oportet te adhuc multum addiscere, qua necdum bene didicisti: qua sunt hæc Domine? ut desiderium tuum ponas totaliter secundum beneplacitum meum, & tui ipsius amator non sis, sed mee voluntatis cupidus amator, exemplo Christi, qui quamvis qua placita sunt Patri fecerit semper, singulariter tamen id in passione demonstravit, cum oraret, non sicut ego sed sicut tu: non dixit, volo prodi, ac vendi, sed non à discipulo tam callide, volo comprehendì, sed non ut latro tam mali-

tiosè, cædi alapà & flagellis, sed non tam inclementer, spinis coronari, sed non tam atrociter, postponi, sed non Barrabæ, crucifigi, sed citra nuditatem, mori denique volo, sed non tam propudiosè; nihil horum dixit paratissimus ad omnia, sed totum quo ad rem ipsam, quo ad circumstantias & modum DEO remisit: ita & tu faxis in omnibus non tuam sed DEI voluntatem. Plato damnat illam vulgi precationem, DEUS det tibi, quidquid velis, imò *nunquam det*, inquit, *sed faciat, ut velis quod ipse vult*, hæc enim est pura religio, si te totum DEO alliges: habeto ob oculos, imò in corde precatiunculam illam, quam in usu habebat P. Ludovicus de Ponte. *Fiat Domine, in me, de me, per me, circa me & circa omnia mea Sanctissima tua voluntas in omnibus & per omnia nunc & in æternum*. Bene Epictetus apud Arrianum lib. 3 dissert. cap. 26 *Constitui*, ait, *& confirmavi voluntatem meam Divina, vult me febricitare, & ego volo, aliquid aggredi, volo; potiri, volo: non potiri, nolo: mori, volo. Quis jam prohibere me, ac cogere voluntatem potest, non magis, quam ipsum DEUM?*

Velasquez in *epist. ad Philipp. cap. 1. vers. 21 adnot. 1* mor n 8 agens de Jacob luctante cum DEO tota nocte, reflectensq; se super hoc, quod superare eum DEUS non posset: *Cur*, ait, *non superet, obruat, opprimat? vis dicam?*

*quia DEUS DEUM non superat, etenim cum DEUS hominem per tribulationem probat, luctatur cum eo, eumq; ad speciem deicere videtur, sed cum ille ipsius gratia munitus firmiter se tenet, nec ab ejus prescripto, mente & voluntate discedit, idem quodammodo cum ipso fit, nam qui adheret DEO, unus spiritus est cum eo.* Reflecte te CHristiane super te, an hac tu regula vivas? credo, quòd in dies preceris DEUM, *Fiat voluntas tua*, sed nonne mutato choro & inverso carmine dicere deberes? *Fiat voluntas mea*, venit adversitas, & tu non CHristum imitatus, non Jobum aut Tobiam, sed uxores earum ponis contra cælum os tuum, & demonstras, quoniam caduca fuit prior oratio tua. *Nadasi in pretiosis occupas. morientium cap 24 num. 3* refert de P. Joanne I-senbranto Soc: JESU, quòd à morte post octo circiter horas locationis sui in sarcophago distinctè tertium has voces protulerit. *Libenter, libenter, libenter!* quæ solennis vocola sibi dum viveret pro tessera erat omnibus Superiorum mandatis respondendi. Eadem fuit CHristo, eadem sit tibi tessera, qua voluntati Divinæ circa te disponenti omnia svaviter, respondeas: quis enim tu, ut contradicas Domino tuo, & non facias omne, quod est ante oculos ejus bonum, & optimum?





## CAPUT V.

De Excitatione Apostolorum  
à somno.

I. **N**ON postrema servorum occupatio sita est in vigilijs, has qui implet, munus boni servi implet, qui negligit malus servus est. *Luc. 12* commendat Dominus servum fidelem, quòd in secunda & tertia vigilia invenerit vigilantem, prout certè commendatione digna est servi vigilantia fida. Philippo Macedo, ut refert Plutarchus in apophthegm. securè se dormivisse dicebat, quia vigilavit servus ejus Antipater, non secus ac in tuto erat arbor aurea, aut ut aliæ fabulæ volunt, vellus aureum, quoad ad custodiam ejus vigilavit draco Hesperidum. En etiam ad vigilias noctis damnatus videtur servus peccati, vigilat ille, sed bono peccatorum, veriùs ei servit, quàm quod de Octaviano Imperatore dixit Senec. lib. de consol. ad Polyb. cap. 20. *Omniùm domos illius vigilantia defendit, omniùm otium illius labor, omniùm delicias illius industria, omniùm vacationem illius occupatio: ex quo se Cæsar orbi dedicavit terrarum, sibi eripuit, & siderum modo, quæ irrequieta semper cursus suos explicant, nunquam illi licet nec subsistere, nec suum quidquam facere: veriùs ei servit illud, quàm de quo se jactavit Alexander Ma-*

cedo apud Pierium lib. 44 quòd plus vigilaverit ipse, quàm milites sui, ut ipsi quietos somnos capere possent. Vigilat fidelis servus CHRISTUS, ut sui quieti sint. *Ecce non dormitabit neq; dormiet; qui custodit Israël*, ait de eo regius Vates Ps. 120. Securus est, pro quo CHRISTUS agit vigilias noctis, imò securior est, quàm Salomon in lectulo suo, quem sexaginta fortes ambiunt ex fortissimis Israël omnes tenentes gladios, & ad bella doctissimi *Cant. 3.*

Sed jam tempus est nos de somno surgere, sollicitus de communi salute CHRISTUS jacentes excitat, & de proximo periculo graviter admonet, non secus ac gallina pullos in conspectu milvi, aut minor avicula nidum circumvolitans, cùm sinistri aliquid timet partui suo. SIMON, ait, DORMIS, SIC NON POTUISTI UNA HORA VIGILARE MECUM? Simonem priùs excitat, & excitat Simonis non Petri nomine, adhuc quippe non induerat petræ firmitatem, qui paulò pòst ad vocem ancillæ ut cera liquefceret: aut ut loquitur Salmeron hic tract. 13 nominat Petrum antiquo nomine Simonem, quia qui in regimine constitutus dormit, indignus est, qui vocetur Petrus, cùm veteris hominis opera, non autem novì hominis præstet, ut debet. Sic, ait non potuisti unà horâ vigilare mecum.?

*Non docet integrari noctem dormire regentem Imperio populos, & agensque pœne curas,*

ait

ait Homerus Iliade 2. Pastor aliorum Argus esse debet, non Endymion, vigilare debet exemplò Jacob Gen. 31 dicentis ad Laban: *Diu noctuq; estu urebar, ac gelu, fugiebatq; somnus ab oculis meis*, quæ verba expendens S. Damasus Papa epist. 4. Si ergo, ait, sic laborat, & vigilat, qui pascit oves Laban, quanto labore, quantisque vigilijs debet intendere, qui pascit oves DEI. Qualem excusationem habebunt, ait Chrysost. hom. 47 in Gen. quibus rationales greges crediti sunt? *Dormitaverunt pastores tui Rex Assur* dicit Propheta Nahum 3. *Sepelientur principes tui, latitavit populus tuus, in montibus, & non est, qui congreget, pessima plaga tua*: pastores veterno sepulti sunt, & populus factus est in directionem: dormit pastor, & perit populus, nam ut bene Hieron. in cap. 13 Matth. *Diabolus non potest oves decipere, nisi pastores ante consopierit*: Dormit paterfamilias, & venit inimicus, ac superseminat zizania, dormit custos, & subintrat fur & latro, qui diripiat omnem domûs substantiam. *Surge Rex*, dicebat olim excitator Regis Persarum, qui ei erat à cubiculis, atq; ea cura, qua te curare voluit *Miseramesses*, qui tunc DEUS illorum erat, teste Plutarcho lib. de doct. Principum. Surge Simon, ait CHRISTUS, & cura, qua te curare vult DEUS, & officium Pastoris. Considerent hæc ij, qui cæteris

præsumunt, dijq; terrarum esse volunt, sed non ut DEUS vigilant super plebem suam, soles nominari cupiunt, sed non ut sol omnia inspiciunt, verum alto demersi somno ad nullum Dominicæ comminationis tonitruum expergiscuntur, custodes nomine non re, vigiles sic dicti à vigilantia perdita, dormientes potius dicendi, quàm vigiles, aut ut hæreticum illum vocat S. Hieron. dormitantij potius, quàm vigilantij; audiant & somnum excutiant noxium sibi & gregi, gregi quidem; quem eorum incuriâ improbitas perdit, sibi autem; quos unâ cum ovibus infernus devorat teste S. Mathia apud Clem. Alex. lib. 7 Stromatum dicente: *Si Episcopi proximus peccavit, peccavit Episcopus, nam si eaita gessisset, ut jubet verbum seu ratio, ejus vitam esset reveritus proximus, & non peccasset*: quasi diceret, si pastor non dormiisset, proximus non periisset. Simon dormis? *Esto vigilans, & confirma cætera, que moritura erant*. Apoc. 3. Speculator es, hostem observa præ mœnibus, proba exemplò, quod postea docturus es verbo 1 Pet. 5. *Vigilate, quia adversarius vester diabolus tanquam leo circuit querens, quem devoret*, ille inquam adversarius, qui expetivit cribrare te tanquam triticum. Surge invoca DEUM tuum, si fortè recogitet DEUS, & non pereamus.

II. Eandem cantilenam canit Apostolis

stolis. Sic ait, NON POTUISTIS UNA HORA VIGILARE MECUM? *unâ horâ* dicit, ut intelligant, quàm modicum sit, quod ab ijs requirit: *metum*, ait, ut videant & intelligant, quàm iustum sit, ut vigilante & orante pro ijs Christo, vigilent, & orent ipsi non pro Christo, sed pro se ipsis; neque enim Christo est necessaria vigilia & oratio eorum pro se, sed est necessaria vigilia & oratio eorum pro seipsis, juxta illud apud S. Augustin. Creavi te sine te, redemi te sine te, salvare te non possum sine te. *Mecum*, ait non potuistis vigilare, cùm tamen conveniens fuerit vos agere, quod ego, nam & ego requisivi à vobis illud Judic. 7. *Quod me facere videtis, facite, ingrediar partem castrorum, & vos sectamini, quod fecero.* Omnes vos filij lucis, ait Apostolus 1 Thes. 5. & filij diei, non filij noctis, neque tenebrarum; igitur non dormiendum, sed vigilandum erat, ut non intretis in tentationem. Sed dormiunt Apostoli, *dormiunt*, ait Simon de Cassia lib. 13 *qui vitam in proximo negaturi erant*: dormitionis causam addit Evangelista, erant oculi eorum gravati, *languescebant* ait Hieron. & opprimebantur oculi Apostolorum negatione vicina. Oculi sunt lucidæ illæ intelligentiæ, ait idem Simon de Cassia, timor & amor, intellectus & affectus, qui aut pondere sensualitatis, aut onere iniquitatis gravantur. Sensualitatis gra-

vamen expertus est beatus Job, cùm diceret. *Factus sum mihi met ipsi gravis*, experitur quivis alius, qui non ab alio, quàm à pondere sensualitatis ex corruptione naturæ propagatæ deprimitur, ut quantumvis insidioso somno resistere & expergisci velit de somno, non possit. Expertus id S. Petrus de Alcantara, qui nullam in omni domandæ carnis suæ exercitio similem se unquam habuisse molestiam asseverabat, quàm eam, quæ in superando somno sibi vincenda fuisset, ut habetur in vita ejus teste Lyræo *de imit. Christi patientis lib. 2 cap. 1.* Iniquitatis gravamen expertus est Vates Regius Pl. 37. *Quoniam iniquitates meæ supergressæ sunt caput meum, & sicut onus grave gravata sunt super me.* Erant oculi eorum gravati: qui oculi? nisi oculi carnis, de qua dicitur: Caro concupiscit adversus spiritum; spiritus adversus carnem, oculi carnis, oculi carnales, quod enim natum est ex carne, caro est; quod autem natum est ex spiritu, spiritus est, spiritus quidem promptus fuit, caro autem infirma, spiritus promptus depressus fuit à carne infirma, factumque quod advertit Apostolus. Rom. 7 *Non quod volo bonum, hoc ago, sed quod odi malum, hoc facio.* Et infra: *Condelector legi DEI secundum interiorem hominem, video autem aliam legem in membris meis repugnantem legi mentis meæ, & captivantem me in lege peccati,*



*casi, quæ est in membris meis. Addit Marcus. ET IGNORABANT, QUID RESPONDERENT EI: sopor nimirum ita eos oppræsserat, ut quid responderent, non intelligerent: aut ut explicat Baradius, quid responderent ei, quomodo somnum suum à Domino reprehensum excusarent. Fors enim, si non posse prætenderent, nolle in causa esse intelligerent, audirentque contra se dici illud Prov. 24. Si dixeris vires non suppetunt, qui inspector est cordis, ipse intelligit & servatorem anime tua nihil fallit.*

SIC NON POTUISTIS UNA HORA VIGILARE MECUM. Drogo Ostiensis de sacram: Domin. Passion. somnum hunc ortum putat ex eo, quod non confiderarent periculi magnitudinem, sic enim habet. *Vel Judam non videtis, quomodo non dormit, non cessat manus ejus, non cessat pes, & coarctat sibi iram in die ira? & tamen dormit Simon, dormit Jacobus & Joannes: quare? quia non attendunt, quid post paululum futurum sit. Periculi magnitudo somnum fugat. Fur præ foribus erat, & dormiunt, quibus vigilandum erat, quia non attendebant periculi magnitudinem. Nunquid dormit Petrus in atrio? pergit Drogo, nunquid dormit adolescens, quando tenuerunt eum, & ille rejecta sindone nudus profugit? & tamen frigus erat, quia stabat Petrus & calefaciebat se: magnitudo pericu-*

*li & frigus & famem facit oblivisci. Dormiunt, quia non attenderunt periculi magnitudinem: si quæ post paululum futura erant, prævidissent, fugisset sopor ab oculis eorum: ubi enim metus venit, rarum habet somnus locum, & instante periculo vel ipse Endymion Argus est. Dormiunt discipuli, quia non attendunt periculi magnitudinem: sic & fatuæ Virgines dormitaverunt & dormierunt, & oleum non invenerunt in lampadibus suis; sic & homo paterfamilias dormivit, cum inimicus homo superseminavit zizania, & viri divitiarum dormiunt somnum suum, & nihil invenerunt in manibus suis, quos tamen Dracone velleris magis redidisset vigilans timor impendentium malorum, si prævisa fuissent. Dormiunt discipuli, quia non attendunt periculi magnitudinem.*

Reflectamus hic nos super somnum nostrum: Vigilant hostes tartarei, nosque opprimunt; nos autem quasi de aliorum pelle ludus esset, dormimus. *Nos miseri, ait Bern. serm. 2 de S. Andrea, vicinis tot serpentibus, & igneis telis undique volantibus, inimicis insurgentibus perniciose securitate, & negligentia dormitamus: & iterum: hoc est, quod me vehementer terret, quod omnino timoris acerbissimi gladio transverberat animam meam, quod inter tot pericula minus timorati, minus exercitati, minus, quam necesse est solliciti videamur*

*deamur.* Dormimus, quia non attendimus periculi magnitudinem. Excusare poterat somnum discipulorum nox & tristitia; meum provocat dies læta, & res prosperæ; illi quod unâ horâ non vigilârint, reprehendi meruerunt, ego quod tot dies & annos veterno peccatorum sepultus jaceam, reprehensionem non metuo; dormiebant illi somno corporis, ego lethargo animæ, de quo Aug. in Ps. 62. *Somnus anima est oblivisci DEUM.* Denique somnus illorum naturam reparabat, meus mecum natura perdit. Somnum discipulorum dormisse videtur Aug. lib. 8 Conf. cap. 5. *Sarcinâ, inquit, sæculi velut somno dulciter premebar, & cogitationes, quibus meditabar in te, similes erant conatibus expergisci volentium, qui tamen superati soporis altitudine remerguntur.* Et post pauca: *sciebam esse melius tuæ charitati Domine DEUS me dedere, quàm mea cupiditati cedere, sed illud placebat, & vincebat, hoc libebat & vincebat.* Somnum eorum ego dormire videor, quos inebriavit Dominus, ut dormiant somnum sempiternum, & non consurgant. Jerem. 41. O somnum infelicem! Tu saltem Domine dum spes aliqua superest, age mecum, quod cum lethargo laborantibus fieri solet, immitte amaritudines in sensus & cor meum, insona tubam illam novissimam auribus meis, quæ mortuum meum suscitet, infunde amaritudinem fel-

lis ac passionis tuæ in me, ut resuscites me, & vivat tibi in vigilijs anima mea.

III. Accipe & aliud in verbis istis documentum: Vigilare te vult, & vigilare nocte DEUS, ac orare. Nox DEO semper in delicijs fuit, diem ille ab ea, non autem charitatem diremit; gaudet dies ejus cruento dedicata sacrificio, exultat nox incruento sanctificata; audit dies in cruce spiritum Patri commendantem, & nox pro anima tua ter orantem; nocte nascitur, nocte ex die facta expirat, nocte resurgit, nocte orat Evangelista attestante Luc. 21. *Diebus erat docens in templo, noctibus verò exiens morabatur in monte, qui vocatur Oliveti.* Placétne hujus Sancti Sanctorum sequi vestigia, & noctem habere in delicijs, noctem sicut diem illuminare? Nox, ait David. Ps. 137. *illuminatio mea in delicijs meis,* nox illuminatio est, explicat Incognitus ibi, quia intellectui depellebat tenebras, & conferebat splendores: nox in delicijs meis, quia tanto affectu orans pangebatur DEO laudes, quantis perfundebatur delicijs in convivij regij apparatu satur præstanti cibo, vino primo hilaris, ac symphonia resonante totus dulcis. At cur iste noctem verterit in diem, & tristitia temporum silentia in delicias commutârit? Dixi, ait, *forfitan tenebra conculcabunt me:* Itane verò tenebræ in nocte ambulant,

& conculcant, homines? ita planè: DEUS totus lux, diabolus totus tenebræ; hæ tenebræ in tenebris temporum ambulant, & sæpe proculcant filios lucis: filij lucis erant Apostoli, & primi soles, quorum tamen, quia timebat conculcationem à noctis principatu, admonet eos inquit: *Vigilate, & orate, ut non intretis in tentationem*, exemplo nostro, ut vigilemus & oremus, ne fortè noctu veniant inimici nostri, & conculcent decorem nostrum sicut lutum in plateis. Nocte media vastator Angelus percussit Ægyptum, nocte media fatuæ virgines, quarum lampades extinguebantur, repulsæ sunt à nuptijs, & factæ sunt in conculcationem, servus vigilans intrat in gaudium Domini. Bene Psalmista Ps. 76 *Exquisivi DEUM manibus meis, nocte contra eum, & non sum deceptus*. Quasi diceret: stant alij tota die contra DEUM manibus, qui operantur iniquitatem; stant alij manibus complicatis otiosi contra DEUM, qui non operantur, cum tempus est operandi; stant tertij manibus contra DEUM, qui illum & se die aut nocte perdunt, ego verò steti contra eum nocte, & manus puras levavi in illum exquirendo eum de nocte, non secus ac ij, qui serviunt in atrijs DEI DEO extollentes manus suas in Sancta, & non sum deceptus, quia nox & Dominus illuminatio mea inimicum insidiantem cal-

## Caput V.

canéo meo ostendit mihi, & conculcare me fecit fortitudinem ejus, qui me conculcaturus erat. S. Franciscum solitum dicere accepimus, bonum Religiosum esse cicadam DEI in nocte, teste S. Bonav. in vita. quid ita? cicadæ non canunt nisi fervente sole juxta illud Virgilij in Eclog. *Sole sub ardenti resonant arbuta cicadis*. Cicada DEI etiam nocte, etiam sole frigente canit, quia etiam nocte calet, etiam nocte resonat benedictionem Domino. Ubi nos legimus, *Respexit in orationem humilium*: Ps. 101. alter textus habet, *respexit in orationem cicadæ*. Stridens cicada, ait Lorinus in hunc locum, non ore, sed totius corporis agitatione designat ferventem, intimam, & ex toto corde, totoque pectore perfectam orationem. Cicada DEI canit etiam nocte, quia sibi ab adversario timet, quia sibi ac securitati communi non fidit, quia vigilantem pro suis parvulis supplex laudat: cicada noctu mortua videtur, & cicada mortua etiam noctu DEUM laudat exemplo B. Petri Eugubini, de quo habet Philippus Elsius in Encomiastico Augustiano, quòd à morte sua à Fratribus Eremitis auditus sit concinere noctu cum iisdem fratribus hymnum, TE DEUM LAUDAMUS, inventusque ab ijs fuerit in monumento. genibus flexis, ac aperto ore, quasi adhuc tunc monens confratres suos. *In noctibus extollite*



*manus vestras in sancta, & benedicite Dominum.* Simile quid habet D. Greg. lib. 4. dial. cap. 21. Greg. Turon. de gloria Confess. cap. 47 &c.

Excitabat olim puer Domini tres dormientes gloriam, psalterium & citharam: Ps. 56: nomine gloriæ intelligit Theodoret. hic domum spiritus, nomine psalterij & citharæ animum & lingvam, quibus ad resonandas DEO laudes utebatur: & respondit ei gloria, psalterium & cithara, Exurgam diluculo, alter textus apud Lorinum hic, legit *Excitabo auroram*: pulchra responsio: Exurgam diluculo, non finam me cantu ab avibus, radiis ab aurora præveniri, exurgam diluculo, excitabo auroram: non excitabo artifices & colonos, qui orto sole procedunt ad operas, nec brutas imitabor feras, quæ albescente cœlo condunt se in antra somni causâ: exurgam diluculo, excitabo auroram. *Consurge & tu in nocte*, monet Propheta Thren. 2 in principio vigiliarum tuarum, & effunde sicut aquam cor tuum ante conspectum Domini DEI tui: vigila & ora & non intres in tentationem. Imitare in hoc primam Christianitatem, quæ olim in hoc veriùs laudabatur, quam accusabatur teste Plin. in ep. ad Trajan. quod noctu cæcus quosdam ad cænandum DEO, & Christo celebraret. Acameta, seu nunquam dormiens esse non potes, nec Anachoreta similis Ab-

bati Arsenio, qui rogatus, cur somno parceret, respondebat. Satis Monacho videri debet, si ei una ad quietem hora contingat. Horam saltem unam noctis abrumpe, & offer eam DEO tuo in laudibus, nec fide nimium inimico, qui te destinavit in conculcationem, nec publicano afficiare, sic somnum vocat Clem. Alex. lib. 2 pædag. cap. 9. *Somnus inquit non secus ac publicanus dimidium vita tempus nobiscum dividit*, sed adhæreat anima tua DEO in nocte; sed & in spiritu tuo in præcordiis de mane vigiles ad eum. Ecce Christus noctu orat, & te ad orandum noctu provocat, & tamen ipse tentatorem non timet: tu ora, ut non intres in tentationem.

## CAPUT VI.

## De Angelo Confortante.

I. S. Chysol. serm. 2 de patre filij prodigi loquens ait. *Dissimulat iudicem, qui vult implere genitorem.* Oppositum hic video: trinam jam fuderat orationem Christus ad Patrem, nec tamen exauditur: dissimulat genitorem, qui vult implere iudicem, dissimulat Patrem, qui vult filium servum. Orat CHristus plenus mæstitia & dolore, Pater non audit; vocat Patrem voce intermortua, Filij Pater misereri renuit; ter orat projectus in faciem, & tamen nec semel paterna vi-

scera commoventur: dissimulat Patrem, qui vult filium servum. Adam primus ille servus, qui seipsum vendiderat pro peccato, ad vocem DEI ambulantis in meridie, abscondit se; contrarium hic fit; DEUS ipse ad vocem secundi Adam servi pro peccato quod non fecit, abscondit se, & vocem clamantis ad se, audire contemnit. Verè tu DEUS absconditus es, qui nec ad vocem Unigeniti, qui est in sinu tuo, revelas potentiam tuam: epuloni in tormentis non negatur facies Abrahæ, etiamsi inter eum & Abraham magnum chaos firmatum fuerit; Filio DEI in doloribus suis negatur facies, & alloquium Patris, etiamsi inter eum & Patrem nulla unquam divisio fuerit. Verè tu Pater DEUS absconditus es, imò verè tu Fili DEI DEUS absconditus es, qui ut servum, quem suscepisti in doloribus consumeres, nullam consolationem unitæ Divinitatis in eum profuere voluisti; abscondisti ab eo omnem divinitatis tuæ dulcedinem: & naturæ servæ reliquisti amaritudinem, quam pateretur ob peccata, quæ expianda suscepisti. Non meus hic sensus est, sed Doctōris Angelici 3 p. q. 15 a. 6 in corp. *Delectatio, ait, Divinæ contemplationis ita per dispensationem Divinæ virtutis retinebatur in mente Christi, quòd non derivabatur ad vires sensitivas, ut per hoc dolor sensibilis excluderetur.* Est sensus etiam aliorum Pa-

trum dicentium ita partem inferiorem fuisse derelictam à superiore, ut hæc pateretur, quæ sibi secundum naturam hominis patienda erant, illa autem non impediret, quæ secundum divinitatem facile impedire potuisset. Verè tu DEUS absconditus es, imò verò tu Christe tibi ipsi absconditus es.

An ergo nullus in his servitutis angustijs consolator est? est utique, sed non alter nisi conservus: bene Angelum conservum Christi dixerim in forma servi angustiat, cum ipse Apoc. 19, & 22 conservum se fratrum ejus fateatur. APPARUIT, ait Lucas, EI ANGELUS DE COELO CONFORTANS EUM, confortans autem secundum formam servi, non DEI: nam ut bene Simon de Cassia lib. 13. *Christo in forma hominum constituto Angelus in subiecta figura de cælo missus sensibus ejus apparuit, & vocem emisit corpoream per eandem subiectam figuram confortans eum, velut hominem in agonibus fatiscentem, ut hujusmodi apparitio & confortatio tota reddatur ad formam servi, non DEI.*

Qualisnam verò hæc fuit confortatio? S. Thom. 3 p. q. 12 a. 4 ad imum docet: *confortationem hanc fuisse non per modum instructionis, sed ad demonstrandam proprietatem humanæ naturæ*, citatque Ven. Bedam lib. 6 in Luc. cap. 92 dicentem, in documento utriusque naturæ, & Angelos ei ministrasse, & eum confortasse; creator enim crea-

creaturæ suæ non eguit præsidio, sed homo factus sicut propter nos tristis factus est, ita propter nos confortatur, ut scilicet in nobis fides Incarnationis ipsius confortetur. Idem habet Glossa interlin. hic. *Christus, inquit homo factus, eo modo est confortatus, quo & contristatus, propter nos tristis est, propter nos confortatus.* Sanè Verbum illud quod in principio erat, & apud DEUM erat, & DEUS erat, cum in fine temporum propter nos factum est infirma caro, utique non gratiâ sui, sed gratiâ nostri carnem accepit, nullam illud respexit utilitatem suam, honorem nullum, non guttulam iucunditatis sibi obventuræ; pari ergo modo in suprema vitæ mortalis nocte confortari voluit non sui, sed nostri causâ. Tristitiæ rubum in se transfudit, & charitatis igne ejus spinas hebetavit, nubem mæstitiæ in se suscepit, & thesauros consolatorij roris pro nobis invenit.

Alium hujus confortationis modum exhibet prænominatus S. Thom. in 2 dist. 11 q. 1 a. 3 ad 7. *Dicendum, ait, quòd Angelus dicitur confortasse Christum non aliquid in ipsum imprimendo, sed per modum ministerij, in quantum congratulabatur fortitudini ejus, sicut homo naturaliter confortatur ad præsentiam amicorum.* Idem sentit D. Epiph. in Ancorato hæres. 69 putans confortationem sitam fuisse in glori-

ficatione ac benedictione sic angustia- ti: in quam rem derivat illud ex Cantico Moysis Deut. 32 juxta versionem 70. *Confortent ipsum omnes Angeli ejus.* Idem sentit Hier. dial. 2 advers. Pelag. Damasc. lib. 3 de fide cap. 20. Cyrillus epist. 9 & alij apud Barradi- um tom. 4 lib. 6 cap. 14.

At placeat ex mente Patrum divi- nare de verbis Angeli, quæ licet E- vangelista ponere omiserit, pietas in- quirere non prohibet. Erige te, cujus potentia, est & regnum, dicebat Angelus, erige te, qui te infinitæ charitatis pon- dere depressisti, sustenta te mundi vi- gor, refice te nostra lætitia: placuisti Patri in sinu Matris vagiens parvulus, placebis amplius in sinu crucis mortuus. Quæ te traxit è cœlo, non te re- trahat crux a cœpto. Legem volunta- tis paternæ, quam in medio cordis tui fixisti, si hodie imples, current ad le- gem tuam insulæ & regna: hætenus nulli cessisti difficultati, nec modo cedes; perseverantia es: tibi cedent om- nia, charitas es. Tibi ô summa rerum potestas omnes muri vivi nostræ su- blimioris Sion clamant: tempus mi- ferendi venit, fac benignè in volun- tate tua, & de sanguine tuo ædifica e- os, de tua brevi ruina imple ruinas no- stræ Jerusalem. Tibi à fundo inferni tendit supplices manus Sanctorum Pa- trum captivitas, erravit illa, sicut ovis, tu quære gregem in deserto; suscipe tua,

&



& solve ejus vincula, accipe clavum crucis, & inferni crucifige tyrannum. Ecce docuisti multos, & manus lassas roborasti, vacillantes confirmaverunt sermones tui, & genua trementia confortasti. *Job 4:* tibi acclamatum est: Nunquam sic homo locutus verbis vitæ, adde exempla patientiæ, & clamabit omnis populus. In Christi passione elucet humilitas sine modo, charitas sine termino, patientia sine socio. Dedisti hodie carnem tuam in cibum animarum, trade eandem in pretium, tuorum pedes aquâ lavisti, funde sanguinem, & mundum emunda: consignata sunt in cælis gloriosi ac onerosi contractus instrumenta. *Si posuerit pro peccato animam suam Isai 53 videbit semen longævum, & voluntas Domini in manu ejus dirigetur:* & rursus cap. 48. *Dabo homines pro anima tua.* Non est in cælo & in terra, qui possit animam ponere pro peccato, tu qui unus potes, tantummodo velis, & pro brevi morte videbis semen longævum, ac pro transitoria passione accipies cor Patris, ut dirigas illud quomodo velis. Hæc & plura ex mente Patrum confortator Angelus: quæ omnia in compendium redegit P. Emmanuel Sa in notis suis super hunc locum dicens, quod *confortavit eum proposita voluntate Patris, & passionis fructu.*

II. Piætores Catholici Angelo Christum confortanti dant in manu cali-

## Caput VI.

cem, plenum utiq; felle, quia iniquitate omnium nostrum repletum, aut si mavis dicere, plenum lachrymis perditorum, ut hoc signo demonstrent quàm amarum fuerit Angeli confortantis remedium. *Confortatus est,* ait Beda in cap. 22. Luc, *sed tali confortatione, quæ dolorem non minuit, sed auxit:* confortatus est ex fructus magnitudine, non subtrahæta doloris amaritudine. Efficax tamen hoc remedium fuit; Christo quidem: quia sicut ab Angelo tenebrarum Eva confortata fuit ad esum pomi, ita illo Christus confortatus est ab Angelo lucis ad esum fructus de ligno crucis: efficax fuit etiam nobis, quia quamprimum illud gustavit Christus, omnium nostrum infirmitas sublata est. *Ipse tanquam pius & laudabilis Medicus prius bibit potionem,* ait Bernardus serm. II ex parvis, *quam parabat suis, id est, passionem & mortem sustinuit: & sic sanitatem immortalitatis accepit & impassibilitatis, docens suos, ut confidenter biberent potionem, quæ generat sanitatem, & vitam.* Et hæc de Angeli confortatione dicta sufficiant.

Cæterùm si super nos ipsos reflectamus, veniet tempus desolationis & afflictionis nostræ, in quo cum humana deficiet consolatio, respiciemus in adiutorium Altissimi; non exaudiet fortè elongatos à se DEUS totius consolationis: ò si saltem mittat Angelum suum de cælo sancto suo, qui consolatur

letur nos in omni tribulatione nostra,  
 & confortet, ac corroboret brachium  
 suum super nos, ut possimus se-  
 curi obviam fieri adversarijs nostris  
 confirmati virtute ex alto! ô si & no-  
 bis offerat calicem non jam repletum  
 furore iræ DEI, sed plenum bonitate  
 misericordiæ, plenum sanguine saluti-  
 fero CHRISTI, plenum rore illo cœlesti,  
 qui confortet nos in benedictionibus  
 dulcedinis. Scio equidem beatos An-  
 gelos præstò esse in tribulatione, præ-  
 fertim suprema, scio quòd scribit ad-  
 mirandus ille Simeon in bibliotheca  
 Patrum tom. 2 collat. 103 *in hora exi-  
 tus nostri adesse nobis bonos Angelos, &  
 copias cœlestis auxilij*, sed simul scio,  
 quòd idem ait, *adesse pariter principes  
 tenebrarum, quorum utriq; ad suas se-  
 cum sedes animam conantur assumere*:  
 scio, quòd habet S. Chrysost. orat. 3  
 quomodo etiam boni sæpe nobis ad-  
 versentur, mittuntur ad supplicium ad-  
 versus Israëlitas, adversus David, ad-  
 versus Sodomitæ, adversus vallem lu-  
 ctus. Nazarius in paneg. ad Theodo-  
 sium visos refert Angelos, quorum ser-  
 mocinatio esset, *Constantino inus au-  
 xilio*, & cœlestium ardorum lucem ter-  
 ribilem exarsisse: e contra tamen sacræ  
 literæ perhibent, non confortatores,  
 sed exprobratores criminum fuisse An-  
 gelos, qualiter Judic. 2 *Angelus expro-  
 brat peccatum filijs Israël, ita ut iidem  
 vocem suam elevaverint, ac flevierint, ut*

*Et nomen loci vocatum fuerit locus fletum, sive lachrymarum. Quid igitur faxim, ut in summo eo discrimine confortatorem habeam Angelum, sicut habuit Elias 3 Reg. 19, Daniel inter Leones Dan. 14, Agar in solitudine Gen. 16 & Gedeon Jud. 6? maturè demerebor eum, ut cum in supremo illo Tartari volentis absorbere me articulo. clamavero cum Tobia: Domine invadit me Tob: 6, confortet me contra partes inimicas, victoremque faciat auxiliator Angelus in tempore opportuno.*

III. Accipe & aliud ex hac angeli-  
ca confortatione documentum: con-  
fortat ille CHristum, qui minimè ejus  
robore indigebat; ut & tu discas robo-  
rare, quod infirmum est ac debile: ne-  
cessitatem patitur conservus tuus, &  
tu claudis viscera pietatis tuæ, scito  
quòd non sit charitas Patris in te; sicut  
econverso si afflicto es consolator, de-  
bili confortator, lapso auxiliator, cha-  
ritas DEI in te perfecta est. Bene Greg.  
hom. 6 in Evang. *Unusquisque si à pravi-  
tate proximum revocat, si exhortari ad  
bene operandum curat, si æternum re-  
gnum vel supplicium erranti denunciat,  
profectò Angelus existit.* Amor ad di-  
lectum injurias dilecti suas persecutio-  
nes facit, etiamsi ipse esset circumqua-  
que pacatus; & diligens proximum si-  
cut seipsum, in animo persecutionem  
patitur, cùm ipsum videt affligi, ait S.  
Bernardinus Senens. serm. 9: brevis  
autem

autem S. Bern. epist. 70 *Non recipio consolationem, ubi video fratris desolationem.* Hæc deberet esse Christianæ charitatis perfectio, ut nusquam conqueri posset aliquis è minimis Christi adducto illo Pl. 68. *Sustinui, qui simul contristaretur, & non fuit, & qui consolaretur, & non inveni.*

Denique si ipsum te premit desolatio, disce locum dare consolanti te, quantumvis is vitæ ratione, ætate, imò & ipsa sanctitate sit inferior te; non respuit confortatorem Angelum caput Angelorum, ne & tu hominem per omnia similem tibi respuas: præcul à JESU verba ejusmodi: aliud est dicere, aliud pati, aliud cantares, si tibi ipsi mala hæc edenda forent, monitor capras age, & plura talia, quæ mens superba revomere solet contra inferiorem consolantem, fere sicut Job consolantibus se dixit Job 16 *Utinam esset anima vestra pro anima mea, consolaretur & ego vos sermonibus, & moverem caput meum super vos: roborarem vos ore meo, & moverem labia mea quasi parcens vobis.* Minorem ne contempseris, consilio pollet, ait Cato; cui vim natura negavit, unde unde vulnera medelam habeant, medicum admitte; si licet Pyladi præstare matellam, aut porcos pascere Perithoi indignus sit, nec è cortice judices de nucleo, exemplo DEI, qui non judicat juxta intuitum hominis, nec respicit vultum, aut

altitudinem stature, sed potius infirma mundi eligit, non modò ut confundat, sed etiam ut confirmet, & confortet fortia.

## CAPUT VII.

### De Agonia Christi.

I. **S**ervus ille, cui non erat similis in terra vir simplex & rectus percussus ulcere pessimo loquentibus sibi verba consolationis tribus amicis suis respondet: *Consolatores onerosi omnes vos estis* Job 16. Servus peccati Christus Dominus brevi percutiendus à Deo nonne idem Angelo consolanti, si non verbo, saltem re ipsa respondet? *Consolator onerosus mihi es:* vix enim verba consolationis finierat Angelus, & servus peccati factus est in agonia. Hæc ergo tua confortatio est Angele DEI? hæc virtus, quam infudisti? hoc robur, quod attulisti? circumdederunt eum dolores mortis, & torrentes iniquitatis conturbaverunt eum, dolores inferni circumdederunt eum, præoccupaverunt eum laquei mortis Pl. 17. Quando Angelus Domini locutus est, factus est in agonia. Qualis oro fuit hæc agonia? an ne similis illi, quæ Gen. 32 servus Laban luctabatur cum Angelo, & contra DEUM fortis fuit?

S. Laur. Justinian. lib. de agone Christi cap. 9, quem sequitur Lyran, Hugo Cardin. Dion. Carthus. &c. nomine



mine agoniz accipiunt bellum, ad quod accendit servum nostrum confortator Angelus. Erat, inquit, ista agonia reluctatio sensualitatis mortem horrentis, & rationis ipsam acceptantis, quia virtute Divina permittebatur quævis pars agere, & pati, quod erat sibi proprium: antagonista in hoc agone erant spiritus promptus, caro infirma; ille mortem admittebat, hæc horrebat, ac fugiebat, aut ut Raulinus serm. 146 antagonista erant mors & amor, natura & mors; sensualitas naturæ mortem fugiebat, amor provocabat: labor & amor: sensualitas nolebat passionis laborem, amor volebat: timor & amor: timor deterrebat à cruciatibus, amor eisdem desiderabat: innocentia & iustitia DEI: illa poenam verebatur, quam non meruit, hæc eam exigebat pro peccatis, quæ non fecit: denique antagonista erant omnis Divina excellentia, & summa ignominia, illa quidem, quia ab omni exinanire se debebat; hæc autem, quia ea suscipienda erant, in quibus novissimus virorum, opprobrium hominum, & abjectio plebis fieret. Gravis profecto lucta, in qua æternitas cum morte luctatura morti succumbere debebat; impassibilitas passioni, sapientia stultitiæ, & omnipotentia imbecillitati, in qua denique majestas & bonitas, veritas ac felicitas, totus denique DEUS vili creaturæ colluctans prosterni debebat: dicere tunc pote-

rat, quod nuper illa quæ duas gentes portabat in utero suo Gen. 25. *Si sic mihi futurum erat, quid necesse fuit concipere: si sic mihi futurum erat, quid necesse fuit fieri servum.*

Alij nomine agoniz accipiunt fluctus illos vehementis tristitiæ, qui instar validi luctatoris incumbabant Christo, ut Sa in notis, Barradius loc. cit: quæ mens videtur esse S. Thom. 3 p. q. 18 a. 6 ad 3 dicentis. *Fuit in Christo agonia, quantum ad partem sensitivam, secundum quod importat timorem infortunij imminentis:* pro qua re etiam citat S. Damasc. lib. 3 de fide cap. 18. In hac agonia projectus Christus dicebat cum Propheta, Jonæ 2 *Circumdederunt me aquæ usque ad animam, abyssus vallavit me, pelagus operuit caput meum, ad extrema montium descendendi, terra vestes concluderunt me.* Et cum Psalmista Ps. 142. *Anxiatus est spiritus meus, in me turbatum est cor meum:* Venerunt super me mala, quæ super hominem habentem pacem in substantia sua cadere solent in illa hora, quæ eductum è delicijs sæculi jubet Dominus reddere rationem villicationis suæ. Stabant hinc omnes chari ejus, quos in manibus hostium relinquebat, inde inimici parati torquere corpus, & animam; hinc Judæ proditio, ac perditio, inde infana sibi olim dilecti populi rabies; hinc fuga discipulorum, ac Petri negatio, inde furor Pontificum

cum, ac ingrata plebis; hinc paucitas electorum, inde innumerabilis multitudo damnandorum, quorum primis profutura erat passio in resurrectionem, posterioribus autem in ruinam: indeque plenus desolatione clamabat, quod olim projectus à Domino, & natus in sanguine suo Saul, 2 Reg. 1. *Ex omni parte angustie me tenent.*

II. 2 Machab. 3 scribitur de Pontifice Onia, quod cum Heliodorus templum diripere pararet, *facies & color summi Sacerdotis immutatus declaravit internum animi dolorem:* Græca lectio habet, *animi agoniam:* & quod omnis, qui videbat vultum summi Sacerdotis, mente vulnerabatur. Diripiendum pariter erat, imò planè destruendum templum, non humanis fabricatum manibus, corporis Christi, ac facies & color immutatus declaravit internam animi agoniam. Inspice vultum agonizantis, & mente vulneraberis, ubi te reflexeris super tantam ejus amaritudinem. Inspice vultum, ut mens tua salubri vulnere timoris Divini percutiatur: inspicere vultum agonizantis, & in eo lege, quod in eo legit S. Greg. lib. 24 moral. cap. 7. *Appropinquante, inquit, morte Christus nostra mentis in se certamen expressit, qui vim quandam terroris ac formidinis patimur, cum per solutionem carnis aeterno propinquamus iudicio: neque enim tunc cujuslibet anima immerito correitur, quando post pu-*

*illum hoc invenit, quod in aeternum mutare non possit.* Inspice vultum; hoc ipsum monet Apostolus Hebr. 12 *Recogitate eum, qui ealem aduersus semetipsum sustinuit contradictionem (agoniam) ut non fatigemini in animis vestris deficientes.* Veniet tempus agonizæ tuæ, in quo cum tota luctaberis æternitate; timor & tremor tunc venient super te, & coangustabitur in te anima tua memor præteritorum quæ fecit, certa de præsentis exitu, incerta de futuro: stabit ante oculos tuos felicitas perpetuum exuenda, & infelicitas perpetuum induenda: stabunt divitiæ congregatæ in malum Domini sui, de quibus nescies, cujus erunt, an non capitalis inimici tui? stabunt cognati & amici, quorum causa reliquisti DEUM factorem tuum, stabunt alij, qui ut vultur prædam, sic animæ tuæ exitum prostolabuntur ad diripiendam substantiam tuam, & quod maximum est, stabit ob oculos calix peccatorum tuorum in manu accusatoris Angeli, quem bibiturus es usque ad fæces, & fragmenta ejus devoraturus: stabis denique ipse tu, & stabis contra te, juxta quod psalmista ait Ps. 49. *Existimasti inique, quod ero tui similis; arguam te, & statuam contra faciem tuam.* Stabis ipse contra te, prò quantum tibi ipsi monstrum factus es, quanta abominatio! Malorum pessimum vocabat hominem Chrysost. hom. de ascens. pejorem-

pejoremque jumentis insipientibus, rationem quippe non accepisse à natura tolerabile est, ratione autem decoratum rationis expertem peccando fieri, voluntatis crimen est, tu te ipsum tunc malorum pessimum deprehendes. Anselmi sunt illa lib. de similitudinibus cap. 190. *Si hinc peccati pudorem, & illinc cernerem inferni horrorem, malletm purus, & innocens gehennam intrare, quam peccati sorde pollutus calorum regna tenere:* tu hæc omnia illo rerum articulo videbis; peccatum quod commisisti, infernum quem meruisti, bonum quod amisisti, teipsum, qui commisisti. Quis tibi tunc sensus, quis animus in hac agonia? utique in inferno protegi averes, donec pertranseat furor, & dices montibus, cadite super nos, & vallibus operite nos? Sanè horrenda sunt, quæ in agonia sua homo peccator patitur. Legere me memini de non nemine, cui foetidum prostibulum, cui olim assveverat, scatens vermibus agonizanti osculandum Dæmon porrigebat: sc̃to alium cui è detenta operarijs mercede offam eliquabat, alium cui abactas, cum militiam profiteretur, oves & hædos objectabat, & quod gravius est, alium contra quem lachrymæ & sanguis pauperum clamabant. Vindica Domine, vindica, redde retributionem. Gravis oppidò hic rerum articulus. Quid porro faxis, ut cum defecerit virtus tua, superior eva-

das? Inspice vultum pro te agonizantis Christi, & mente vulnerare, recogita eum qui talem adversus semetipsum sustinuit contradictionem, ut non fatigeris animo tuo deficiens: fac quod monet Sapiens Eccli. 4. *Pro iustitia agitare pro anima tua, & usque ad mortem certa pro iustitia, & DEUS ex-pugnabit pro te inimicos tuos.*

III. Sed adstemus adhuc tantisper agonizanti Christo, Lucas ait: FACTUS IN AGONIA PROLIUS ORABAT. Egit hic Christus, quod monet Jacobus in sua Catholica cap. 5. *Tristatur aliquis ex vobis, oret, & oret, ut hunc locum explicat Oecumenius, donec per orationem molestia sopiatur, & ad tranquillitatem redeat anima: egit quod Josue qui in pugna elevavit clypeum & brachium, & cum utroque supplicem ad DEUM spiritum, nec citius clypeum cum oratione dimisit, quam ubi Hæi capta & incensa fuisset. Ita planè Christus sentiens intra se bellum interius carnis & spiritus, ad precandum confugit, nec clypeum dimisit, dum timor pelleretur, amor vinceret. Origenes hom. 13 in Num. refert Moabitibus fuisset persuasum, Israëlẽ ore pugnare contra hostes, non manu, additque eandem esse Christiani pugnam, quæ superat inimicum: hanc pugnam pugnavit Hieron. epist. ad Eustoch. *Memini, ait, me clamantem diem crebro junxisse cū nocte, nec prius à pectoris cessasse**



*se verberibus, donec rediret animo tranquillitas: Hanc pugnam pugnavit Judas Machabæus i Mach. 4. Et nunc clamemus in cælum, & miserebitur nostri Dominus, & memor erit testamenti ei Patrum suorum, & conteret Exercitum istum ante faciem suam hodie. Hæc sunt illa arma de quibus Apostolus 2 Cor. 10. Arma nostra militia spiritusalia sunt, potentia DEO, quibus prioribus Ecclesia omnes diaboli conflictus devicit: Quoties ad hæc recurritur, ait S. Thom. de Villa nova serm. 2 Domin. 2dæ Quadr. certa est victoria, quoties negligitur indubitata est miseria: his armis vicerunt omnes, de quibus Cyrillus Alex. lib. de recta fide ad Juniorem Theodosium. Quicumq; se pios in DEI cultu dectaraverunt, citra sudorem & pulverem hoste devicto, debellatoq; triumphum cecinerunt: hi pietatis sunt fructus, hæc merces. Imperator certe Theodosius senior feliciter de Eugenio triumphum tulit, quia, teste Ruffino lib. 2 cap. 32 preparabatur ad bellum non tam armorum telorumque, quam jejuniorum, orationumq; subsidijs, quam observationum pernoctatione munitus, circuibat cum Sacerdotibus ac populo omnia orationum loca, ante Martyrum & Apostolorum thecas jacebat cilicio prostratus, & auxilium sibi fida Sanctorum intercessione poscebat. Decantatum id est de pietate Leopoldi I Imperatoris, quod hostes ejus faterentur,*

*plus se globulos ejus precatorios, quam bellica tormenta metuere. His deniq; armis pugnavit S. Laur. Justinianus pro desperatis rebus Venetiarum, de quo S. Eremita apud Corcyram teste Surio 8 Januarij. Nisi Pontificis vestri lacryma interpellarent pro vobis, jam dudum quasi Sodoma periissetis Ea demne tibi Christiane tuo in agone occupatio? verumne de te illud: factus in agonia prolixius oravit? an potius contrarium? factus in agonia abbreviavit orationem, omisit orationem. Deumne respicis, qui te de afflictione eruat, an pythoniissam, an gaudia vana & spes inanes? Sedeat animo quod habet Sapiens Eccli. 3. In oratione dierum exaudietur. Si dierum est pugna, si dierum est tristitia, dierum sit oratio: sedeat, quod habet D. Fulgentius serm. de oratione. Vadit ad tentationem, qui tristis non vadit ad orationem, nec dignus est gutta Divini solatij, qui toto procumbit ore in flumen transeuntis gaudij.*

## CAPUT VIII.

*De sudore sanguineo.*

**E**Ccli. 42 monet Sapiens, servus pessimo latus sanguinandum esse: quo hæc phlebotomia instrumento facienda sit, non exprimit, & quisnam hic pessimus sit servus non innuit: credo tamen ex mente Interpretum instrumentum illud parum discordare ab eo, quo

quo I  
pessim  
tere.  
sudat  
latera  
quali  
xius  
li no  
de v  
adha  
bit  
cond  
mem  
get,  
quan  
æstu  
lib.  
dare  
vi a  
cun  
res,  
urg  
con  
se  
le  
tot  
pa  
gv  
ris  
run  
L  
nu  
ti  
fa  
g

quo Phryx plagatus melior fieri solet, pessimi quæ nomenclaturam ei competere, cujus servitus friget, cum laborat, sudat cum vorat. Talis Arcadis tunde latera usque ad sanguinem, ut ignava qualitas cum cruore effluat, quam noxius torpor afflavit. Probus servus tali non eget medicamine, adhærere ei de veneno nihil potest, quia nihil ei adhæreret de veterino; nullus ei incumbit labor, nisi quem proprio sudore condiat, nulla actio quam profluo è membris suis omnibus imbre non irriget, quia nulla ei obvenit occupatio, quam dicere non possis pondus diei & æstus. Novisse se hominem testatur Aug. lib. 14. de civit. cap. 24. qui solet sudare, cum vellet: vivum hic boni servi archetypum est, sudat cum vult, quia cum laborat, vult omnes intendere vires, ad quarum intensiorem ardor exurgit prodromus pluvie de proprio corpore diffluentis. Eiusmodi servum se probasse videtur Christus; suum ille laborem vix in horto coeperat, & toto sudat corpore, sudat autem non parilem alijs sudorem aquenum, sed sanguineum. Vis hæc erat intensi laboris, ut foras emitteret testem interiorum affectuum cruorem. FACTUS EST, ait Lucas, SUDOR EJUS Sicut GUTTÆ SANGVINIS DECURRENTIS IN TERRAM. Pro guttis legit Irenæus lib. 3. cap. 32. globos sanguinis, Euthymius thrombos id est grumos, seu crassissimas guttas, Justu-

nus M. in dialog. sanguinem concretum, qui scilicet, cum deflueret, ut primum sacri corporis summa contingebat, ob circumfusam aëris frigiditatem in eam concrevit figuram. Pro quantis fluent rivis torcularia, cum ad passionis pressuram deventum fuerit, quando in principio laboris tam copiosus præludit imber! nondum incumbunt spinæ & tribuli, nondum botrus Cypri torculari crucis imponitur, & vindemia exuberat; nondum pondus peccatorum gravatum est super eum, & in sanguinem liquecit; quid tunc fiet, quando iniquitas tota dabit ei laborem in peccatis, & principatus potestatis ponetur super humerum ejus? Cruentam necesse est sequi diem, quam adeo rutilans incepti operis præcedit aurora. Obtulerat laboraturo confortator Angelus calicem passionis, & solo ejus odore percepto tam multus excussus est cruor, quid fiet cum à sistente inter labores & æstus diei totus haurietur usque ad fæces, & omnem vim venis infundet? rumpentur utique fontes abyssi magnæ, & cataractæ cœli aperientur, inundabitque diluvium sanguinis super universam terram. Intensiorem hanc ordientis laborem suum considerans Bern. serm. 27. Quantum, ait, anima Christi charitatis igne in intimis bulliendo fervet, scaturigo sanguinis clarius manifestat, si enim juxta philosophos causa sudoris est calor

lor naturalis, eò quòd dissolvat vaporem humidum, profectò interioris ardoris vehementia causa fuit tam copiosi cruoris in principio operarum à servo nostro effusi: prævidebat olivam suam fructiferam brevi subjiciendam trapetis, & ultroneè priusquam urgeat olitor, fundit oleum; prævidebat aratro hostium scindendam terram suam, & messem, priusquam arator appareat, profert de thesauris suis: prævidit veræ vitæ arborem vulneribus scindendam; & balsamum nulla adhuc incisione facta exudat. Adest servus noster prodigus sanguinis in principio laboris seque ipsum animat ad quævis atduas si sanguinem, ait, sitit Dominus, sanguis præstò est. Prodi cruor, erumpe sanguis, sudate pori, stillate venæ, rorate tempora, pluite cuncta membra, fundat totum corpus imbrem sanguinolentum. Obtulit hic servus noster propria voluntate, quam à subiectis sibi exigebat Joannes Basilides tyrannus Moschoviæ in corde hyemis plenam sudoris phialam teste Nicolao du Solt de confidentia in DEUM lib.

4 cap. 4: sudat toto corpore.

*Veq̃ soles pariter totis effundere signis*

*Corycij præ effusa croci*

Sic omnia membra ejus roseo pluebant cruore.

*Sanguis erant lachryma, quæcumq̃; foramina noras*

*Humor, ab his largus manat cruor, ora redundant*

*Et patula nares, sudor rubet, omnia plenis*

*Membra fluunt ventis totum est pro vulnere corpus.*

Lucan. lib. 9 Pharsal.

Expressit id Bern. serm. 3 de ramis palmæ. *Non solis oculis, sed quasi membris omnibus flevisse videtur*, totum est pro vulnere, totum pro lumine corpus. Beata terra, quæ talem bibit imbrem, beati horti tam pretiosa pluviam irrigui!

Decantatus est in fastis hortus Ultrogothonis Reginæ, quòd Childeberti Regis manu confitus, sudore irrigatus fuerit, de quo Venantius Fortunatus lib. 5 apud Raynaud. tom. 2 p. 252 n. 544: decantatus & alter Gvanaxacæ Regis Peruvij, heu quanto sudore verius pauperum, quàm olitorum elaboratus! quem rex ille regis suæ tegulis auro solidis instratæ subjecerat cum vijs aureis, stirpibus aureis, truncisque, ramis, ac fructibus ea mole stantium arborum, quæ in sylvis nascuntur, in quo quidquid in omni Peruvio bipedum, quadrupedum, volantium, reptantiumque, quidquid herbarum, germinum, florum fuit, universum auro, gemmisque ad veri simulachrum expressum fuit, de quo Bisselius in Argonautico lib. 14 pag. 437. Decantati Hesperidum, alijsque horti, an terrestres paradysi; celebrior nullus est, quàm hortus Gethsemani, quem sudore & sanguine proprio rigavit servus peccati Christus Dominus, hic unus Thessalis tempe beator, viridarijs omnibus amœnior, omnibus delicijs rarior est; fluunt in eo aromata pretiosi sanguinis, priusquam surgat Aquilo persequens, & veniat

niat



niat auster cruentos ciens nymbos: metitur in eo myrrha prima cum aromatibus, colligitur myrrha & aldé cum omnibus primis unguentis, leguntur botri cypri, aut ut alii explicant botri prælij, botri expiationis: vides in hoc horto, Judæ leonem à Patriarcha Jacob Gen. 49 prævisum, qui non jam in sanguine uvæ, sed in sanguine carnis suæ lavet stolam suam; vides castissimam Susannam in proprii cruoris lavacro sese tingentem, æstumq; restinguentem: vides vineam plantatam in sanguine operarii, Ezech. 19, *cujus fructus & frondes crescent ex aquis multitis, & sicut virga solida in scepra. Dominantium, & exaltabitur statura inter frondes, & videbit altitudinem suam in multitudine palmitum suorum.*

Joan. 11 visis pauculis lachrymis Domini ad sepulchrum Lazari quatri-duani dicunt Judæi. *Ecce quomodo amabat eum?* viso hic torrente sudoris sanguinei, quem servus peccati profudit, quidni dicam? Ecce quomodo laboravit, ecce quomodo amavit? Locum illum Isai 63. *Quis est iste, qui venit de Edom, tinctis vestibus de Bosra,* legunt 70 *Quis est iste, qui venit de Edom, rubor vestium de Bosra, sic formosus in stola sua, violentia cum fortitudine.* Edom, interprete Hieron. idem sonat, quòd rufum seu rubrum, quasi dicerent: quis est iste ruber, seu charitate patiendi fervens, qui tingit sto-

lam suam velut purpuram rubentem in sui sanguinis murice? quis est iste luctator fortis, operarius violentæ fortitudinis, qui usque adeo ferventer operatur, ut in sudore vultus sui lavet stolam suam, & in sanguine uvæ pallium suum. Magnus certè in laborando ardor esse debuit, ad quem tam copiosus imber exurgit; ingens fervor operantis, cujus æstus interius se continere non valens poros carnis rupit, & pretiosum, qui intus latebat liquorem foras expulit: vehemens æstus, qui nullas patiens angustias vas sacri corporis dirupit, ut fieret sudor ejus sicut guttæ sanguinis decurrentis in terram.

Accede mecum Christiane ad sacras has undas, & si durior caute es, & ad-amante, gutta cavabit lapidem, & duritia cordis liquabitur, ac emollefcet in sanguine Agni; si totus in peccatis natûs es, hoc baptismi balneo quasi lana alba erit anima tua: si sterilis est area, & vellus siccum animæ tuæ, pluviam habes, quæ eam feliciter, quàm nuper illa vellus & aream Gedeonis irrigabit; si mortuus es DEO, reviviscere te faciet sanguis pellicani. Acceder & collige rorem benedicti sudoris, si virgo es innocens, sanguis hic ornat genat tuas, dexteram tuam & collum tuum cinget lapidibus pretiosis; si famelicus es, lege sanguinem magis utilem, quàm fragmenta illa cophinorum duodecim, quæ supererant de quin-

que panibus; si Divinæ justitiæ obærat-  
tus es, accipe solutionem, quàm prius-  
quam super crucis mensam rescisso chy-  
rographo plenè extingvat, quasi in an-  
tecessum profundit fidejussor tuus; si  
æger es, cape balsamum, quod tibi de  
pretioso sudore suo præparavit Omni-  
potens medicus; si à latronibus spolia-  
tus in via abjectus es, accipe alligatu-  
ram salutis vinum & oleum misericor-  
dis Samaritani, quo immedicabilia cu-  
rentur vulnera tua; si deniq; pauper  
& egenus es, accipe pretium omni ma-  
jus pretio, quo leves paupertatem tu-  
am.

Ubi vulgata habet: *Dispersi sunt la-  
pides sanctuarij in capite omnium pla-  
tearum*, Thren. 4. legit Chaldaeus: *Ef-  
fusa sunt margarita sancta*. Hebræi  
putant per istas margaritas intelligen-  
das esse guttas sanguinis de vulnere Jo-  
siae Regis defluentes, quas Jeremias in  
templo religiosè custodiverat, & hostes  
Babylonici contumeliosè dissiparunt:  
intelligerent melius, si harum marga-  
ritarum nomine acciperent guttas su-  
doris sanguinei, quas Josias noster (Jo-  
sias interprete Hieronymo ignis Domi-  
ni est) accensus ardore patiendi in  
primordijs laboris sui pro nobis fudit:  
effusa sunt hæ margaritæ sanctæ in ca-  
pite omnium platearum, in capite pas-  
sionis, uniones hi de rore benedicto  
concepti, lapides sanctuarij sunt disper-  
si in capite omnium platearum, ne ul-

## Caput VIII.

lus conqueri valeat deesse sibi aliquid  
ad ornatum, pretium, vel medelam.  
Calumnias ac illusiones, quibus impe-  
tebatur vocabat margaritas Frater Ju-  
niperus teste Vadingo: *jacite*, ait, *ja-  
cite plures ejusmodi margaritas in si-  
num meum*: sanguinem è vulneribus  
Martyrum profluum Cyprianus vocat  
uniones excellentissimos; sudorem la-  
borantium in vinea Domini gemmis  
nobiliorem Gregorius: verùm quantu-  
læ hæ sunt margaritæ, si in pretium  
cum sanguineo sudore Christi venire  
debeant: una hujus gutta excedit pre-  
tia sæculorum omnium. Sed ecce dum  
sudorem laborantis pro nobis servi le-  
gimus, in pretiosas gemmas incidimus:  
bonus tamen hic error est, quia & hic  
ros pretiosa gemma est. Sanè si lachry-  
mæ Magdalænæ peccatricis gemmæ  
sunt Chrysologo, uniones necesse est  
esse pretiosissimos singulas cruoris  
Christi guttas. Appropriemus nobis  
has margaritas Christiane lector, ac  
quantarum eæ sint virium, nostro di-  
scamus documento.

I. Refert Fornerus conc. 82 ex S.  
Dorotheo in loco, ubi Christus suda-  
vit sanguinem, fuisse olim depictas in-  
ferni poenas, forsan eo fine, ut proba-  
mens haberet copiam conferendæ af-  
flictionis Dominicæ cum illa tormen-  
torum iliade: dura siquidem & hic si-  
cut infernus æmulatio, & mala, quæ  
inundarunt animam nihilo leviora  
sunt

sunt malis eorum, qui in inferno percutiuntur à Domino. *Dolores inferni circumdederunt me*, ait ipse de se Ps. 17 *præoccupaverunt me laquei mortis*. Vidit hanc picturam quispiam, & exclamavit. Existimo non esse necessarium, ut infernus ei ob oculos ponatur, qui videt, & considerat Christum pro peccatis suis agonizantem, sanguinem sudasse. Bene id quidem meo iudicio, nam quem non emollit benedictus sanguis Christi sudantis, nec ipsa corrigent tormenta inferni. Epulo evangelicus Luc. 16 desideravit mitti Lazarum ad fratres suos, ne & ipsi veniant in locum tormentorum, nec tamen obtinuit, eò quòd Pater Abraham iudicàrit inutile esse quenkumque resurgere à mortuis ad prædicandam veritatem Ihs, qui, cum habeant Moysen & prophetas, eos audire contemnunt. Sic planè inutilis est infernus ad curandum eos, quibus cruor iste benedictus non proficit ad medelam, neq; enim plus apud eos operabitur gehenna, quàm apud damnatos operetur boni, maximè cum & ipsi jam sint reprobati ac maledictioni proximi, juxta quod ait Apostolus Hebr. 6 *Terra sæpe venientem super se bibens imbrem, & proferens spinas ac tribulos, reproba est, & maledictioni proxima*.

Princeps Jonvillæus in vita S. Ludovici Regis Galliarum habet, quòd legatus Regis in urbe Ptolemaide vide-

rit mulierem una manu aquam, alia ignem ferentem, ut hoc cælum in cineres redigeret, illa infernum extingueret, ne deinceps DEO metu poenarum, aut spe præmij serviretur. Extingueretur sanè flamma illa novissima, nunquam enim illa tantæ potest esse efficaciz ad promovendum in bono, aut deterrendum à malo, quantæ est, qui de sacro Christi corpore funditur sanguis: hic unus mille infernis potior est, adeoque mille infernis efficacior. Subi mecum hoc justitiæ Divinæ, an amoris incendium, quisquis peccator es, injice peccata tua in ignem hunc, purgabuntur ea, imò tu non secus ac asbestus igni mundaberis; lava te ignito hoc balsamo, intingatur pes tuus in sanguine, dealba stolam tuam in sanguine Agni, & si fuerint peccata tua ut coccinum, quasi nix alba erunt. Cogita hos inter ignes toto æstuantem corpore, tecumq; conclude. Si tam amara accidit poena ei, qui peccatum non fecit, quanta accidet illi, super quem effusa est iniquitas usq; ad animam?

II. Alterius documenti loco potest nobis servire illud, quod habent Chronica Minorum part. 2 lib. 4 cap. 13 de quodam Magistro Theologiz, qui cum Parisiis ordinem Minorum ingressus fuisset, ac ad sollicitationem inopis Matris cogitare cœpisset ollas Ægypti, viso è vulnere lateris Crucifixi profuso



sanguine, auditaque voce ad se directa, *Ego majore amore, quam Mater tua te creavi, hocq; pretioso sanguine redemi*, ad saniores mentem reductus est. Potuit in hoc tanta efficere sanguis signi, seu imaginis emortuæ, ut non aquiesceret carni & sanguini, quid non poterit apud te sanguis vivus Christi in agone positi? habes hic sanguinis asperfusionem melius loquentem quam Abel. Hebr. 12 nam ut bene Rupertus lib. 4 in Gen. cap. 6 sanguis Abel nefarium fratris scelus accusabat, Christi sanguis universorum peccata excusat, & pro omni mundo interpellat. Sanguis Abel clamabat, quod animæ intersectorum Apoc. 6. *Usquequo Domine non vindicas sanguinem nostrum?* sanguis Christi clamat, Parce Domine, parce populo tuo, nam ut loquitur Greg. lib. 13 moral. cap. 12: *Sanguis Abel fraticida mortem petijt, sanguis Domini vitam persecutoribus impetravit.* Sanguis Abel clamat justitiam, sanguis Christi clamat misericordiam: sanguis Abel clamat illud, Job 16. *Terra ne operias sanguinem meum, neq; inveniat in te locum latendi clamor meus quoadusq; exurgat Dominus, & ulciscatur me de inimico fratre:* sanguis Christi idem clamat, quoadusque exurgat DEUS, & misereatur inimici fratris mei.

Hebr. 9 vult Apostolus omnia pœne in sanguine secundum legem mun-

dari, & sine sanguinis effusione non fieri remissionem: quod quidem de sanguine Christi intelligendum esse colligitur ex ijs quæ habentur. 1 Pet. 1 *Scientes quod non corruptibilibus auro, vel argento redempti estis de vana vestra conversatione paterna traditionis, sed pretioso sanguine quasi Agni immaculati, quod ipsum fatentur electi DEI* Apoc: 5 *quia redemisti nos DEO in sanguine tuo.* Clamat hoc sanguis Christi, priusquam, ut Bern. loquitur serm. 61 in Cant. *clamet clavus, clamet vulnus, quod verè sit DEUS in Christo mundum reconcilians sibi.* Expergiscere anima Christiana ad vocem clamoris hujus, & redama eum, qui majore amore, quam Mater tua, te creavit, hocq; pretioso sanguine redemit.

S. Ambrosius lib. 2 de Abel cap. 8 aliam in hoc clamore Abel facit reflexionem inquit: *Bene vox sanguinis fratris tui clamat, non frater clamat: hoc innocentia & gratia germani etiam in ipsa morte servat. Non accusat frater, ne videatur parricida, non accusat vox ipsius, non anima ejus, sed vox sanguinis accusat, quem ipse fudisti.* Ubi mysterium in illis verbis, vox sanguinis accusat, quem ipse fudisti, notat Del Castillo lib. de ornatu & vestibus Aaronis illat. 53 num. 105: *illum solum sanguinem clamare, qui effusus & jam terræ permixtus fuit, non verò Abelem ipsum, & sanguinem il-*

lum qui in corpore remanserat; ille enim ex permixtione cum terra quandam jam quasi impuritatem induerat, hic autem purus adhuc & impermixtus, adeoque procul à vocibus ultionem petendi fuit: vox sanguinis accusabat, qui effusus fuit, & quandam jam quasi impuritatem à terra induerat. Ut ut tamen se habeat hæc ejus reflexio: in Christi sanguine decurrente in terram vox hæc non fuit, non enim vindictam clamabat, sed misericordiam. Quamvis autem Rupertus Abbas lib. 12 de victoria VERBI cap. 21 velit cruorem hunc nihil aliud esse, quàm vehementem perfidiæ accusationem, quàm terribilem damnationem populi parricidæ: & Paschasius ad illud Hebr. 12 *Et sanguinis asperfusionem*, perseverare adhuc dicat increpationem Judæorum usq; in hodiernum diem, & sanguinem Domini, qui clamat contra eos cum sanguine Abel in terram effusus, non cessare adhuc clamare, nec auferri ab eis: hic tamen clamor non est tam sanguinis Christi, quàm terræ illius, quæ suscepit sanguinem ejus, & mansit maledictio illius. Hæc terra, quæ suscepit sanguinem ejus, nec in bonum emendata est, contra se terribilem damnationem clamat, quia sanguis Christi in ea perditus est, & Christus ei nihil profuit. Malitiæ hic clamor fuit, non sanguinis innocentis, qui clamat veniam, misericordiam, &

gratiam. *Terra ne operias sanguinem meum, & non inveniat in te locum latendi clamor meus*, exclamat ipse cum patiente Job 16; si enim sanguinem operueris, & locum latendi invenerit clamor meus, ipsa contra te loqueris amaritudines, & anima tua, sicut terra sine aqua tibi, clamabit equidem; sed non in bonum tibi, sed ut clamor Sodomæ, & Gomorrhæ in perditionem tuam. Sanguis Christi clamat veniam, misericordiam, & gratiam.

III. Fere in idem recidit & illud, quod habent Chronica Capucinatorum de fratre Joanne de Faventia, nobisq; hic documenti loco servire potest: hic cum semel tanta vi & efficacia motus iræ represlisset, ut rupta in pectore vena sanguinem vivum evomeret, procidens ad pedes Crucifixi ostendit, quæ pro ejus amore pateretur: cui Christus refixa è cruce dextera, haustoque è vulnere lateris sanguine. *Vide Baptista*, respondit: *quid pro te passus sum*. Geminum hoc oraculum est illi, quod datum est S. Petro Martyri de afflictione sua querulanti, Et ego, ait, quid feci, ut tot ac tantis onerarer opprobrijs, ac morte turpissima condemnarer? utrique profuit cum oraculo sanguis; proderit & tibi, si non fueris de numero eorum, qui teste Apostolo *Hebr. 10* deteriora magis merentur supplicia, quàm qui irritam fecerunt legem Moyfi, quod Filium DEI concul-

caverint, & sanguinem testamenti pollutum duxerint, in quo sanctificati sunt. *Sanguinem Christi semen fuisse Martyrum & incitamenta martyriorum* docet Bern. cap. 37 de passion: & S. Prosper sent. 68 ex Augustino, provocabat eos usque ad sanguinem cruor Domini magis, quàm i Machab. 6 elephantibus sanguis uvæ, & mori rubor accendebat in prælium, & ad resistendum tyrannidi, mulieri illi ebriæ de sanguine Sanctorum, de sanguine Martyrum JESU Apoc. 17, nihilque ijs optatius erat, quàm quod iis donatum fuerit, non solum ut in Christum credant, sed etiam ut pro illo patiantur idem certamen habentes. Averes fortè & tu unus è candidato martyrum esse exercitu, sed quia tyranni defecerunt in malitia sua, & finem habet peccatum infidelitatis, id saltem agas, ut cum in te incumbit pondus persecutionis propter peccata tua promerita, respicias sanguinem Christi clamantem ad te. Vide quid pro te passus sim. Et ego quid feci, ut tam copioso sanguine diffuierem: redde sanguinem pro sanguine, & misce sanguinem tuum sanguini meo, memor ejus, quod habet S. Franciscus Salesius lib. 7 epist. 28, quod ego fuderim sudorem ac sanguinem meum, ut miscerem illum tuo, ei que darem pretium vitæ æternæ: junge guttas tuas guttis meis, fac mixturam myrrhæ & aldés, quàm me sponsum sangvi-

num ungas, imò quàm ungas animam tuam, nam ut bene Chrylost. hom. 4. in Isai. Si sudaveris corpore, inunges animam tuam: præpara unguentum illud salubre, de quo psaltes regius Ps. 44. Myrrha & gutta & castia à vestimentis tuis, quo Christum, teque Christi athletam inungas non ad sepulturam, sed ad resurrectionem tuam.

IV. S. Augustinus in Ps. 93 sanguineum sudorem vult à Christo profusum ex commiseratione eorum, quæ sui passuri erant: præsentiebat ille, ait, *tanquam caput in membris suis emanaturas Martyrum passiones, & suum quidem ultero ipse profundebat, suorum autem fundi tenerimè commiserabatur.* Eadem mens est S. Laur. Justin. lib. de agone Christi cap. 19. Hic, inquit, cum S. Stephano fuit lapidatus, cum S. Petro crucifixus, cum S. Andrea ligno còextensus, cum S. Bartholomæo excoriatus, cum S. Ignatio à bestiis dilaniatus, cum S. Laurentio in craticula assatus. Sudat Christus sanguinem, quia patiuntur, qui sunt ejus; sudat caput, quia membra dolent. Habent Chronica Minorum, quod circa annum Domini 1597 cum in Japone multi Martyres ex Ordine Franciscano pro Christo sanguinem fuderunt, imago crucifixi in conventu Meacensi copiosum sudavit sanguinem: habet item Bartoli prima parte Asia lib. 4. quod lignea Christi crucifixi effigies



in paterna domo S. Francisci Xaverij guttis sudarit sanguineis, quoties hunc Indorum Apostolum conversioni gentium incumbentem acerbius aliquid pati contingeret; quod quidem prodigium ultimo vitæ mortalis ejus; anno singulis sextis feriis renovatum fuit: habentur & alia non pauca in simili miracula sacri cruoris ex imagine Salvatoris proflua, quale est illud, quod in spelunca Manresana in pervigilio S. P. N. Ignatij *ad annum 1627* contigit teste eodem Bartoli *in vita S. Ignatij lib. 1.* & illud in oppido Galtellinenfi teste Jacobo Pinto *lib. 3 Christi Crucifixi tit. 4 loco 12.* sicut & illud de quo in vita B. Henrici Sussonis *cap. 15 &c.* Verum hæc prodigia imaginum, si cum eo, quem vivum in horto CHRISTUS fudit, comparentur, omnino parva videntur: prodigium CHRISTI sudantis sanguinem prognosticum erat ingentium tribulationum, quas sui passuri erant: erat & demonstrativum sanguinei illius imbris, qui ex corporibus Sanctorum effundendus erat.

Ajunt veneficos cum homini cuiuspiam nocere volunt, efformare solitos statuam ejusdem ceream, desavireque ferro in eandem, & eadem parte ladi à dæmone personam, ac sanguinem fundere, in qua parte læsa fuit statua. Sudat CHRISTUS toto corpore, quia qui conformes sunt i-

magini ejus, toto corpore lædendi erant, non est ulla pars sacri corporis libera à cruore, quia nulla pars eorum, qui conformandi erant ad imaginem ejus, libera erat à vulnere. Dicebat ipse de se Zach. 2. *Qui tetigerit vos, tangit pupillam oculi mei:* & alibi: quidquid uni ex minimis meis fecistis, mihi fecistis: quod quàm verè dictum sit, probant lachrymæ pupillæ, de quibus Bern. ubi supra: Non solis oculis, sed quasi membris omnibus flevisse videtur, probat toto corpore proflua pluvia. Considerent hæc viri sanguinem, quibus alienus cruor in deliciis est, & videant quem sitiunt & in iniquitatibus suis bibunt sanguinem; proximum eumque inimicum cruentare se putant, & Filium DEI vulnerant: considerent rursus ij, in quorum sanguine lavat iniquitas manus suas, nec doleant sanguinem suum, cum pro ijs CHRISTUS sursum profuderit.

V Quanti cor stiterit DEO salus nostra sudor ostendit sanguineus: empti sumus pretio magno, non corruptibilibus auro & argento, sed pretioso sanguine quasi Agni immaculati. Pretium hoc adverterunt septuaginta Interpretes, qui locum illum Thren. 2. *Effusum est in terra jecur meum,* id est, sanguis meus (jecur enim officina sanguinis hic per metonymiam accipitur pro sanguine) ita legunt: *Effusa est in terram gloria*

*mea*, quasi dicerent, quidquid gloriæ & divitiarum habui, effudi pro salute hominis perditum. Quam rursus ardua Christo fuerit salus nostra, ostendit eadē sacri cruoris pluvia: poni debuit botrus Cypri in torculari, & effundi vinum Angelorum, ut haberetur vinum misericordiæ, quod in vulnera nostra misericors Samaritanus infunderet; torqueri debuit sub prælo oliva fructifera, ut exprimeretur oleum sanaturum infirmitates nostras; incidi debuit arbor vitæ, ut balsamum & myrrham primam exudaret nostris profuturum langvori-  
bus. Mortui jacebamus ictu venenosi serpentis, medela non erat super, nisi de sanguine Pelicani; percussor Angelus præ foribus aderat cum gladio, qui primogenita nostra deleteret, sanguine opus erat agni paschalis. Disce hinc Christiane, quanti æstimes animam tuam, quæ tanto constitit pretio: disce iterum quantum te pro te facere oporteat, cum pro te salvando tanta fecerit Filius DEI in forma servi. Non est ridendi in vita locus ait Seneca, non est facilis ad cælum

## Caput VIII.

via, sudore opus est: ut vescaris pane tuo in domo Patris tui. Age, labora ut bonus miles Christi, junge sudorem sudori, sanguinem sanguini, adimple quæ defunt passionibus Christi in corpore tuo, lava in vino stolam tuam, & in sanguine uvæ pallium tuum, adde sanguinem sanguini.

Petrus Matthæus Gall. narrat. 4. lib. 1. testis est Philippum II. Hispaniarum pretiosissimorum cimeliorum loco legasse flagellum sanguine suo ac Patris sui aspersum Philippo III. filio suo cum hac addita monitione: *Cape Fili pie instrumentum laniæ flagrum, & Patris atq; Aui sanguini quo respersum est, adde tuum.* Idem tibi ab agonizante pro te Christo dictum existima, cape sanguinem largiter pro te effusum, collige & serva pretiosum cruoris depositum, accipe sanguinem, & adde tuum: quod si faxis, non inveniatur in te sanguis Christi perditus, nec cadet in te illud Prophetæ, Ezech: 24. *Multo labore sudatum est,*

*& non exivit de ea nimia rubigo ejus.*



# PARS II.

## Christus in Passione Mancipium.



Actenus servus peccati operam suam locavit villico Gethsemani, jam nunc sub hastam venit: impius mercator Judas, qui paulò ante in buccella Dominum possederat, in questum intentus Dominum Majestatis in mancipium vendit iniquitatis. Turpis hæc negotiatio est, si enim verum est, quod habet Tacitus lib: 4. histor: *nihil esse contumeliosius, quàm inermes ac propenudos sub custodia ac pretio coire*, quantum dedecoris non fuerit Christo ut vile mancipium vendi cum omni decore suo. *Nunc si ridiculum hominem quæret quispiam, vernalis ego sum cum ornamentis omnibus*, ait turpe mancipium apud Plautum in Stich. Prævidit turpem hanc negotiationem propheta in Spiritu. Jerem: 2. *Nunquid servus est Israël, aut vernaculus? quare ergo factus est in predam, super eum rugierunt leones, & dederunt vocem suam*. Impium facinus ab avaritia inter

innocentiæ castra concepit unus è duodecim modò sanctitatis cultor, nunc transfuga sacrilegus, & quem totius mundi thesauris emere non poterat, villi lucello prodigit, ac in mancipium vendit. Summæ ignominia erant apud Romanos ij, qui trium nummorum causa subibant sub hasta, quiq; pluris faciendo vile pretium quàm se ipsos, optimam sui partem, libertatem scilicet propriam, venum dare ausi fuissent, de quibus extant leges in jure civili, *l. i. ff. quibus ad libertatem proclamare non licet, l. si ministerium, & l. non ideo. Cod. de liberali causa*: quantæ ignominia loco erit proditori, qui Dominum libertatis, à quo omnis libertas filiorum DEi descendit, vilibus nummis vendiderit in mancipium, & vendiderit inimicis, & vendiderit ad bestias. Olim servos venditos ad bestias patet *ex lege Petronia* pravam eam consuetudinem abrogante: Vis scire ad quas bestias Dominum Majestatis vendiderit mercator impius? audi Jeremiam: *Nunquid servus est Israël*



el aut vernaculus? quare ergo factus est in predam? super eum rugierunt leones, & dederunt vocem suam: audi & Psalmistam Ps. 21. Tauri pingves obsederunt me, aperuerunt super me os suum, sicut leo rapiens, & rugiens. Et iterum: Circumdederunt me canes multi, conciliū malignantium obsedit me, dinumeraverunt omnia ossa mea. Ad has bestias vendidit mancipium nostrum Judas, cum his colluctatio ejus, harum dentibus moli, harum unguibus lacerari debebit. Tanta potuit malus ardor habendi! tanta audere avaritia! Quid non mortalia pectora cogis auri sacra fames? Benè Chrysost: hom. 18. in 1. Epist. ad Timoth. cap. ult. Nullus quantumlibet Dominus adeo crudelia & indigna precipit ac avaritia: incassum inquit, & sine causa confunde animam tuam, DEum offende; ignora naturam ipsam, sive Pater, sive Mater omni verecundia deposita, te adversus illos instrue. Hujusmodi sunt avaritia precepta. Immola inquit, non vitulos sed homines. Sacrificate, ait Propheta homines, vituli enim defecerunt: non sic ista; sed cum adsint vituli, immola homines, macta eos, qui te nihil violarunt, etiam si beneficii affectus sis, jugula; omnibus esto adversarius, communisq; inimicus omnibus, omnes circumveni, naturam ipsam atque DEum: aurum collige non ut fruaris, sed ut serves, & majori cruciatu torquearis: neq; enim frui avarius potest congregatis, dum semper, ne minuatur aurum, timet,

dum metuit sollicitus, ne thesauri deficiant. Esto vigil, omnes suspectos habe & servos, & amicos, esto aliorum custos; si pauperem vides fame deficere, cave miserearis, imò si potes, ipsam illi detrahe cutem, perjurum, mentire, vera maledictis insectare, calumnias extrue, etiam si in ignes eundum sit, si mille subire oporteat mortes, si fame corrumpi, si morbo consensescere, noli ab instituto resilire. Nonne hujusmodi leges avaritia statuit? Esto imprudens, inverecondus, temerarius, audax, impius, nequam, ingratus, sensum omnem & affectum amicitiae pone, parricida magis, quàm homo esse contende, amaritudine serpentes omnes transcede, rapinà lupos, omnemq; feritatem magnitudine immanitatis exuperet, & si ad demonis malignitatem pervenire opus sit, noli retrahere pedem, ignom beneficium. Hæc Chrysostomus tam verè, quàm disertè. Quæ omnia quàm bellè Judam depingant, nemo non videt: impudens ejus avaritia, ut nummum lucraretur, pretium sæculorum vendere non erubuit: non eum à facinore rei indignitas, aut nummi vilitas retardabant: stabant ob oculos beneficia, quæ acceperat, nec absterrebant à delicto; obiciebantur divitiarum regni, quod promitti sibi meminerat, si perseveraverit; nec contra malignum prævalebant: retrahebat Charitas, quæ eum elegit in numero Apostolorum, nec contra avaritiam roborata est: dissuadebat pietas erga tam pium

Patrem tam atrociam molimina, nec per-  
suaſit, *avaritia in eo*, quod habet Sal-  
luſtius in bello Catilin. *fidem probita-*  
*tem*, *ceterasque bonas artes subvertit*,  
*proq; ijs superbiam, crudelitatem*, DE-  
um negligere, *omniaq; venalia habere*  
*edocuit*.

II. Sed obſecto quo pretio has nul-  
lo pretio æſtimandas merces mercator  
ſacrilegus diſtraxit? utique eo, quo ut  
loquitur Nazian. orat. 13 *non qui pro-*  
*debatur, ſed proditor dignus erat*. Quid,  
ait, VULTIS MIHI DARE? ET EGO VOBIS  
EUM TRADAM, *Idoneam mercedem pro*  
*meo capite paſci debuiſtis*, exclama-  
vit Quintus Calidius intellecto ſe à ju-  
dicibus pecuniâ corruptis damnatum  
eſſe: teſte Bruſonio lib. 13 cap. 10: & i-  
ſte: quid vultis mihi dare, & ego vo-  
bis eum tradam *quasi vile mancipium*  
*tradens* ait Hieron. in cap. 26 Matth.  
*in poteſtate ementium pretium ponit*,  
date quod vultis, & ego vobis eum  
tradam, quantumvis vile ac exiguum  
dederitis. Impius mercator, qui ut a-  
varus Achab 3 *Regum 21* venundatus  
eſt ut faceret malum, & ut illi, qui 1.  
*Mathab. 1.* juncti ſunt nationibus, ut  
facerunt malum, vendidit non jam  
populum, ſed Dominum multitudinis  
ſine pretio: nam qui non ita pridem  
pretium poſuit ungvento plùs quàm  
trecentos denarios, triginta argenteis  
vendidit eum, quem mulier peccatrix  
juxta taxam ejus unxit plùs quàm tre-

centis: fur erat, & oculos habebat, fu-  
rum modo rem nullo pretio æſtiman-  
dam in arbitrio emptorum reliquit.  
Mercator peſſimus, Iſcariotes *merca-*  
*torem ſignificat*, & *virum occiſionis*

*ter dena numisma a ſumens*

*Argenti parvo cæcatus munere, vendis*  
*Quantum cuncta ſimul terrarum regna, mariq;*  
*Droitias, omnemq; vagis cum nubibus æthram*  
*Si caperes, geſurus eras, neq; enim bona mundi*  
*Sufficerent magni fuſo pro ſanctiſſimo Chriſti,*  
ait Sedul. lib. 4. cærm: Paſchal.

Bella ſanè negotiatio! egregia ſtatera  
avaritiæ! inſigne lucrum, pro quo in  
ſervum venundatus eſt ab altero Juda  
Joſeph noſter! Sciebat furcifer, quod de  
pretio ejus dixerat beatus Job cap: 39,  
quod *neſciat homo pretium ejus*; ſciebat  
pluris appretiari beſtiam agri, nam Ex-  
od. 21. *ſi bos corruptus ſervum aut an-*  
*cillam invaſerit, jubebatur Dominus bo-*  
*vis triginta ſiclos argenti Domino ſervi*  
*vel ancilla illius pendere*; ſciebat, gentes,  
quasi ſtillam ſitulae, & quasi momentum  
ſtateræ reputari in comparatione ejus,  
*Iſai 40*, & allectus tenui lucro, eum qui  
ſupra omne pretium eſt, tam vili ven-  
didit. Caput ejus aurum optimum, co-  
mæ capitis ejus ſicut elatæ palmarum,  
manus ejus aureæ plenæ hyacinthis,  
venter eburneus diſtinctus ſapphyris,  
*Cant: 5.* & tantum pretium tam flo-  
ci eſt apud Proditorem. Abſolon 2. *Reg:*  
*24* ponderabat capillos capitis ſui du-  
centis ſiclis pondere publico, & Judas  
caput aureum vendidit triginta argen-

teis: pro capite Samsonis offerunt singuli Principes Philistinorum mille & centum argenteos, *Judic: 16*, & Judas mercator pessimus pro capite omnis creaturæ accipit triginta argenteos. *Thren: 1*. Dederunt *Isrælite pretiosa quæq; pro cibo ad refocillandam animam*, & Judas novus Esau pro lentibus primogenita, & primogenitum omnis creaturæ vendidit triginta argenteis: hoc nimirum erat pro nihilo habere terram desiderabilem, & pro modica substantia prodigere divitias nullo fine terminandas.

QUID VULTIS MIHI DARE? ET EGO VOBIS EUM TRADAM. Pretium ejus saltem ab eo discere debuerat, qui in ipsum post buccellam intraverat; ille enim pro unico actu illius, omnia regna mundi promiserat, inquiens: *Hec omnia tibi dabo*; hic autem ejus pretium nescit, & quasi vile mancipium tradens in potestate ementium pretium ponit, nec quod advertit *S. Paulinus epist: 4. ad Severum*, ante traditionem quidquam arrhabonis nomine accipit, conformiter ad dicta Evangelistarum, *promiserunt, & pacti sunt pecuniam se daturos*, & quod longè detestabilius est in tota hac negotiatione impia, non tam ei placuit quantitas pretij quàm magnitudo peccati; illius inquam peccati, de quo *Jerem: 17*. *Peccatum Juda scriptum est stylo ferreo in ungve adamantino, exanatum super latitus dinem cordis, & in cornibus ararum*. Ob quam causam meritò in eum excande-

scit *S. Leo serm: 16. de passione*, inquiens: *Tu impiissime homo, semen Chanaan, & non Juda, nec jam vas electionis, sed filius perditionis & mortis, utiliora tibi diaboli incitamenta credebas, ut facibus inflammatus avaritie ad triginta argenteorum lucra inardesceres, & quid divitiarum amitteres, non videres! Nam etsi putabas credendum esse promissis, quæ fuit ratio, ut tantillus pecunia modus præponeretur acceptis? Imperabas demoniis, medebaris infirmis, honorabaris cum Apostolis, & ut fivem tua cupiditatis expleres, patebant tibi furtiva de loculis. Sed animum interdictorum admonitum, quod minùs licuit, amplius incitavit, nec tam placuit quantitas pretij, quàm magnitudo peccati. Unde facinus commercij tui non jam ideo detestandum est, quia Dominum viliter astimasti, sed quia Redemptorem etiam tuum, ne tibi parceres vendidisti. Ubi notanter accipe verba posteriora. Quia Redemptorem etiam tuum, ne tibi parceres vendidisti. Peccatum quippe Judæ, quod mercedem iniquitatis vocat *Apostolus Act. 1*. ei in ruinam, & perditionem, nobis autem in resurrectionem, & salvationem factum est.*

Occurrit mihi hic quod de *S. Serapione Sidonita* habet *Barry* in foedere sancto 24 Februarij, quòd se cuidam gentili Comædo, ac rursus *Manichæo* vendiderit viginti aureis, ut hoc actu charitatis opportunitatem haberet eos cum tota illorum domo ad Christum perducendi, quod



quod & perfecit felicissimè: Proditor nefarius Judas venalem Christum habuit nummis triginta sibi quidem in perditionem, nobis autem in redemptionem, nam ut benè Ambr. lib. de Joseph. cap: 4. *Venditus Christus conditionis susceptione non culpa: peccati pretio teneatur, qui peccatum non fecit, pretio nostro, non suo era contraxit, chyrographum sustulit suo, feneratorum removit, exiit debitorum: unus exolvit, quod ab omnibus debebatur, non licebat nobis exire servitio, suscepit hoc ille pro nobis, ut servitutem mundi repelleret, libertatem paradisi restitueret.* Peccatum Judæ ei quidem in ruinam & perditionem, nobis autem in resurrectionem & salvationem factum est. Sed videamus an saltem debitum pro capite servi pretium acceperit?

Vile equidem in jure pretium est servorum, nam *leg. Si duobus Cod. communia de legatis & fidei commissi, & leg. in communes servos Cod. de communi servo manumisso.* Servi pretium si nullam calletet artem, erat viginti solidorum (solidi nomine in jure venit aureus) si autem aliquam didicisset artem, triginta solidorum; si verò medicus esset, usq; ad sexaginta extendebatur: vilius longè pretium accepit pro Christo vendito Iscariotes, quia accepit pretium servi, nam ut notat Rabbi Abraham in cap. 21 Exod: ordinarium servorum pretium erant triginta denarij: hinc & Ptolomæus Philadelphus teste Josepho lib. 12. antiquit.

facultatem fecit Hebrais, ut si quis illorum servus esset in Ægypto, posset triginta denariis in libertatem vindicari: imò Moyses in lege præcepit, ut si quis per imprudentiam alterius servum occiderit, appendat Domino triginta denarios. *Appenderunt mercedem meam triginta argenteos, decorum pretium, quo appretiatum sum ab eis, conqueritur ipse apud Prophetam Zach. 11. decorum vocat pretium per ironiam, id est, indecorum & vile, ut explicat Cornelius à Lapide & Sanctius in cit: locum Zachariæ, qualiter loquitur ironice Poëta, cum dicit: Egregiam verò laudem, & spolia ampla refertis:* Luto facta est vilior vita ejus *Sap: 15.* cum tamen tanquam lutum sit argentum omne in conspectu illius. Certè, qui Diabolum nundinantur apud Finnonos teste Olao Magno plura dant pro eo, quàm pro Christo acceperit mercator hic impius, qui pro tam vilibus sarcinulis tam pretiosas merces expendit. Conqueritur de hac vili sui æstimatione ipse apud D. Chrysost: hom. 24 in cap: 7. Matth. *Ego qui ob tuam salutem fieri servus elegi, qui palmis ora temeratus, & faciem sputaminibus aspersus, & servili supplicio deputatus, qui ut te de morte redimerem crucis mortem ipse sustinui: ego à te inhonoratus sum, & diabolo ipso vilior æstimatus.* Audiat hæc Judas, audiant Judæ posterij, à quibus Deus habetur pro nihilo, diabolus pro maximo; qui DEum pro lente vendunt, dia-

bolum & infelicem æternitatem mer-  
cantur carissimè, Testatur P. Joannes  
Krośnowski in face verbi DEI, se scire  
de magnate quodam Polonia, qui in sin-  
gulos annos in solam libidinem expen-  
derit ad octuaginta millia, cum tamen  
in DEI obsequium nec obulum sciatur  
expendisse. Vide quanti huic confiterit  
diabolus, quàm vili DEus fuerit. Sed re-  
linquamus hæc cujusq; considerationi,  
gradumq; faciamus ad ea, quæ cum ven-  
deretur in mancipium Dominus, cum,  
& ab eo contigerunt.

S. Ambros. tomo 5. lib. 2. epist. 7.  
agens de Joseph Patriarcha dicit eum  
*venditum in servitutem, & electum in  
potestatem, ut suis emptoribus imperaret:*  
& post pauca: *In servum, ait, venditus  
est, non servus factus est, quomodo hic  
servus, qui eruditur Principes populi in  
illa frumentaria dispositione? aut quo-  
mo servus, qui totam terram adquisivit,  
& universum populum Egyptiorum in  
servitutem redegit?* Eadem de CHRISTO  
in mancipium vendito dices, ubi per  
servitutem ejus subactas gentes, datam-  
que ei potestatem omnem, quæ in cœ-  
lo est, & in terra conspexeris: quod ta-  
men priusquam videas, age, & mecum  
totius negotiationis seriem examina.

## CAPUT I.

*De proditione judæ.*

I. **E**CCE JUDAS UNUS È DUODECIM VE-  
NIT. Ecce mercator iniquitatis,

## Caput I.

qui inaudito hætenus sacrilegio in  
mancipium vendit DEum: loculos hæ-  
tenus portabat, in quos mittebat ea  
quæ ferebantur, modò portat laqueos,  
in quos mittat eum, qui portat univer-  
sa. Unum eum è duodecim vocat E-  
vangelista, *unus erat*, ait Aug. tract.  
71 in Joan. cap. 13 *numero, non merito,  
unus specie, non virtute, commixtione  
corporali, non vinculo spiritali, carnis  
adjunctione, non socius cordis unitate.*  
Unus non tam quòd esset ex duodecim,  
sed quòd ex ijs esset exiturus; unus non  
imitator, sed insidiator, unus non tam  
Apostolus, quàm Diabolus; unus ex  
duodecim non filius Altissimi, sed fili-  
us perditionis; unus extra amicus, in-  
tus inimicus. Tremat hic homo, & con-  
cutiantur fundamenta terræ. Ecce u-  
nus de duodecim, una de primis cedris  
corrui, & Christum opprimit; unus,  
qui inter prima sidera posuerat nidum  
suum, in barathrum perditionis cadit;  
una de primis olivis inserta CHRISTO  
exarescit, & reservatur in fomitem i-  
gnis perpetui; unus de duodecim, pau-  
lò ante de socijs JESU, modò ex turba  
diaboli; paulò ante discipulus verita-  
tis, modò plenus dolo & iniquitate;  
paulò ante Apostolus, modò diabolus;  
unus paulò ante civitas firma factus  
est ut umbraculum in vinea, & sicut  
tugurium in cucumerario, & sicut ci-  
vitas quæ vastatur: unus è duodecim,  
signisne Zodiaci? altior unus: filijsne

Jacob? felicior unus: columnisne templi DEI? fortior unus. Unus, ait Cyrillus apud S. Thom. in catena. *Qui honoratus fuerat aequè Apostolis, factus est occisionis causa in CHRISTUM.* Unus denique ante triennium adlectus in album Apostolorum, ante tres circiter horas refectus pane Angelorum, factus est caput & dux proditorum. Quis terræ motus subvertit columnam hanc? quis turbo vehemens contrivit fortitudinem cedri istius? Evangelista id paucis exprimit.

Tunc, inquit, ABIIT UNUS È DUODECIM, tunc abiit, tunc, ait, quando pretiosa dona corporis & sanguinis accepit, & post dona intravit in eum Sathanas. *Judas equuserat,* ait Orig. hom. 2 in Cant. *sed donec ascensorem habuisset Dominum, de equitatu salutis fuit, sed ubi se substravit Diabolo, adversum Salvatorem nostrum cepit equitari:* tunc abiit, quando accessit meretrix vas alabastrum manibus portans, & unguentum super caput Domini effundens, tunc quando profundis obruta peccatis meretrix subito pudica processit, quando prostituta lupanar exivit, discipulus gehennam intravit, quando illa mercedem sui corporis abdicavit, tunc iste pretium sanguinis magistralis postulavit, quando illa osculabatur pedes, ut susciperetur, tunc iste labia osculabatur, ut proderet, quando quæ se cecidisse sciebat, exurrexit, tunc di-

scipulus, qui se stare putabat, cecidit: tunc abiit, tunc *Judas verè infelix,* ait Rupertus lib. 10. *Apostolatuum suum dimisit, Episcopatum suum alteri reliquit, abiit in consilio impiorum, abiit à DEO, stetit cum Diabolo:* abiit non invitatus à principibus Sacerdotum, nulla necessitate constrictus, sponte processit, & propria malignitate consilium genuit sceleratæ mentis nullo particeps convocato: tunc abiit, & discipuli exorta est proditio, ubi desit infamia meretricis, maleque didicit prodere discipulus, ex quo meretrix bene ungere docta est: abiit infelix, damnū quod ex effusione unguenti se fecisse credebatur volens Magistri pretio compensare, ut loquitur Hieron. in cap. 26 Matth. Tunc abiit Judas Iscariotes sic dictus à patria, cujus utinam ipsum quoque nomen nescire licuisset: tunc abiit Iscariotes sic dictus à vico Scariotho, qui alio nomine Marmotis seu mala mors dicitur, ut habet *author sermonum de Cæna Domini* insertus operibus S. Bernardi, neque eum à facinore memoria mortis proprio nomini infixæ cohibere potuit ait Sylveira in cap. 12 Matth. quest. 6: nam juxta S. Bonav. & Ven. Bedam Iscariotes *memoria, vel memoriale mortis* interpretatur: tunc abiit unus de duodecim, & hoc auget delictum detestabile proditoris, quod non fuerit de numero plebis, sed cæteræ regalis: tunc abiit proditoris



verba facturus, de questu pacta tractaturus, ait Chrysost. *tom. 3 hom. de prodit. Judæ.*

Disce hinc quanta sit abyssus judiciorum DEI: filii DEI ejiciuntur in tenebras exteriores, & alieni multi veniunt ab Oriente, & Occidente, ut recumbant cum Abraham & Isaac & Jacob in regno cœlorum; disce quomodo non desperes, cum abest gratia, ut non pereas; quomodo timeas, cum adest gratia, ut non excidas; quomodo provideas, cum abit gratia, ut non intereas: disce, quomodo non Christianum fuisse, sed in Christi schola Christianè vixisse laudabile sit, non Jerosolymis fuisse sed Jerosolymis sanctè vixisse gloriosum sit: disce quàm verum sit illud, quod habet Tertullianus lib. de præscript. cap. 36, quod etiam de olivæ mitis, optimæ & necessariæ radice asper oleaster exoriatur, etiam de papavere fici gratissimæ ac suavissimæ ventosa, ac vana caprificus exurgat, & noli mirari, verba sunt S. Ephrem in testamento, *super aliquibus, qui obedientie disciplinam complexi defecerunt, nam & inter duodecim Apostolos unus erat proditor Judas Iscariotes, & in vinea præter intentionem rubus germinare consuevit, & inter rosas spine nascuntur, & decerpuntur, memorque sis ejus, quod habet S. Hieron. lib. 3 in Ruffin. se cum lustraret monasteria Nitriæ, inter Sanctorum*

## Caput I.

choros aspides latentes conspexisse; mirum ut Varro ajebat: neque in bona segete nullum est spicum, neque in mala non aliquod bonum: quinimo gratulare pusillo gregi Christi, quod scabiosa ovis ab eo separata sit, & reliquus grex integer permanserit; qualiter post abitum quorundam perversorum sibi gratulabantur Patres, ut est in Actis S. Pachomii *cap. 32*, quod illis recedentibus grex universus in sui status integritate permanserit, electique magis ac magis ad incrementa virtutis assurexerint, sicut solent ex agris optima frumenta efflorescere, cum fuerint ab eis zizania radicitus amputata, sicut, qui probati sunt, manifesti sunt, cum hæreses oriuntur, aut ut loquitur S. Greg. *lib. 34 moral. cap. 3* sicut purgati sunt Sancti Angeli, quando Lucifero cum reprobis Angelis exeunte soli in coelestibus sedibus, qui beati in æternum viverent, remanserunt: Denique noli æmulari hæreticos, qui cum unum aliquem deficere conspiciunt, Ecclesiam incusant. Theodoretus lib. 12 contra Græcos sub finem. *Transgressores, ait, imprudenter nobis obstrictu, ac illorum causa conamini leges etiam accusare, contra autem oportuit eos quidem reprehendere homines, leges autem minimè detestari, neque enim propter malas vices à bonis etiam vitibus abhorremus, neque ob amaras amygdalas, eas continuò, que*

dul-

*dulces sunt aversemur, neq; ob aurum, quod ere subdito adulterinum censetur, id etiam quod purum putumq; est damnamus, non deniq; ob e mentitam purpuram carpinus utiq; & ingenuam, neque quod nonnulli sint inepti pictores, idcirco accusamus peritos. Hæc & alia plura ibidem Theodoretus. Sed nos ad nostrum revertamur mercatorem.*

II. ET CONFESTIM ACCEDENS AD JESUM DIXIT. AVE RABBI. Græca versio habet. GAUDE RABBI. Postrema hæc verba sunt Judæ ad Christum, mercatoris pessimi ad eum, quem in mancipium destinarat. Avere & gaudere jubet, cui compedes, & mortem parabat, plenus dolo & omni fallacia verba salutis profert, & proditionem fabricat, os impium mentitur pacem, & cor mortem machinatur. Ave, ait, gaude Rabbi: hætenus cingebas te, & ambulabas, ubi volebas; jam nunc hora est, ut alter te cingat cingulo ferreo, & vinculo æneo; hætenus tuus eras, possidebasq; divitias illas, quas probus omnis teste Seneca epist. 76. vocat inæstimabile bonum, scilicet esse suum, jam nunc venundatum est omne bonum tuum, tuq; non tuus, sed alterius eris: hætenus in deliciis vivebas cum filiis hominum, quia liber eras, nam voluptatem illam possidebas, de qua Cæsar ait. *Nulla voluptas viris ingenuis suavior est libertate*, nunc in doloribus vives, quos sustinebis à filiis hominum, quorum ca-

ptivus eris. Ave, gaude Rabbi: hætenus (verba sunt, S. Ambrosii lib. 3 epist. 19 loquentis de Patriarcha Joseph) nobilis genere, censu dives, subito ignobilis servus factus es, & (quod ipsam servitii vilitatem acerbatur) degeneris Domini ere emptum mancipium: minus enim vile putatur servire libero, geminatur autem servitus, ubi servitur vernaculis; hætenus imperabas ventis & mari, bene omnia faciebas, jam nunc sub potestate eris, patierisq; propria servorum supplicia, de quibus Plautus in Asinaria act. 3 scen. 2 stimulos, laminas, compedesq; nervos, catenas, carceres, numellas, pedicas, bojas, tortoresq; acerrimos. *Filius erat*, ait Bern. in serm. in fer. quartam hebdom. Sanctæ, & factus est tanquam servus, non solum formam servi accipit, ut subesset, sed etiam mali servi ut vapularet, & servi peccati, ut penam solveret, cum culpam non haberet. Ave, ait, Rabbi, Simulabat proditor salutem & obsequium, ut certius afferret perditionem, & caperet mancipium.

Habetur in actis expeditionis Holandicæ, quod cum primum in barbaras terras appulissent, lenociniis suis barbarum Japonem in navim suam attraxerint, varijsq; donatum peregrinis inibi munusculis, dum manus & sinus ejus replevissent, nec amplius haberet, quo raritates conderet, argentearum pro dono attulerint pedicas, per-

svaferintq; ijs eum indui eouſq; doli ignarum, quoad ſemancipium adverteret. Didicere Bæotica ingenia hanc à Juda proditore artem, nam & ille blanditur doloſ, quoad Chriſtum in vincula induat, & faciat mancipium. *Salve frater*, aiebat Joab ad Amalam 2. Reg. 20. *& tenuit mentum ejus quaſi oſculans eum, & percuffit eum gladio in latere, & effudit inteſtina ejus in terram, nec ſecundum vulnus appoſuit, & mortuus eſt.* Ave Rabbi, ait Judas, quaſi oſculans eum, & tenuit Chriſtum, & tradidit in mancipium, & occidit eum. O doloſ omni dolo major! verba ſalutis inſonat, & in occulto compedes & mortem inſtruit. Didicit hanc à proditore artem Carolus Martellus Rex Galliarum, qui cum S. Eucherio Epifcopo Aurelianenſi. *Ave Rabbi* diſxiſſet, ac conſiliis & perversitati ſuæ contrarium deprehendiſſet, pedicas in eum induit, & in exilium direptis Eccleſiæ theſauris ut vile mancipium eiecit teſte Surio in vita S. Eucherii 20 Febr. digno dolo, qui mereretur, ut cum Juda abiret in locum ſuum, locum tormentorum; prout deſacto partem ejus poſitam cum hypocritis vidit hic ſanctus exul, & draco ſepulchri ejus cuſtos, an vicarius infelicis cadaveris ad oculum demonſtravit. Didicere mille alij fratres draconum & ſocii ſtruthionum qui faciem quidē ſanctitatis oſtendunt extrinſecus, intrinſecus autem pleni

ſunt veneno, & omni fallacia, qui ſimiles ſunt monſtroſis illis locuſtis *Apoc: 9* faciem quidem mulieris pudicæ habentibus, ſed caudam ſcorpionum, qui quidem inveſtimentiſ ovium foris apparent, intus autem ſunt lupi rapaces. qui denique ut loquitur Petrus Cellens. lib. de pane lugentium cap. 16 oculum attendunt non DEUM, faciem non fidem, pecuniam non gratiam, non fruuntur DEO, ſed utuntur tanquam nummo, & nummo fruuntur tanquam DEO, DEO emunt mundum, fide, religione ſaculum, lachrymis vinum, jejuniiſ convivium, cilicio nummum: hem. quot Judæ poſteri! qui foris quidem innocentiam ſimulant, ſed in abſcondito doloſ ſtruunt.

III. Tertium, quod in Judæ mercatura invenio eſt oſculum. Et OSCULATUS EST EUM. Per hoc oſculum videtur mercator impiuſ implere regulam illam mercatoriam. Laudat mercator, quas vult extrudere merces: oſculum ſigit in teſtimonium æſtimationis ſuæ, revera autem inſignum proditionis ſuæ, diligere ſe & magnificere Chriſtum hac charitatis teſſera oſtendit, cum tamen quam nauci eum putet oculi triginta argenteis crepantes demonſtrent: ſignum conjunctionis intimæ ponit in oſculo, & effectum proditionis abſcondit in laqueo: laudat Magiſtrum ore, quem reipſa tradit in mancipium. Nobiliſ latro ut certius feriat, appropriat in



in osculo; ut noceat magis adest cum fascino: sic nuper mulier illa ornata meretricio præparata ad capiendas animas apprehensum deosculatur juvenem, & procaci vultu blanditur dicens: *Victimas pro salute tua vovi, hodie reddidi vota mea*, prov. 7. sic unus draconum spiritus pestilenter extingvit præta, & momento totam florum familiam exarescere facit: sic Afres illæ familiæ, de quibus Budæus ex Plinio, quem laudant, infascinant, ipsaq; laudatione interimunt: sic Judas dat signum osculi cum veneno doli, ait Hieron. in cap. 26 *Matth.* osculatur, & servitatem machinatur, salutat & prodit.

Lobbetius tract. de passione Domini, testis est Venetiis lethifero osculo fratrem à fratre liberatum esse à morte crudeliore, nam cum hic ob patratum facinus manu carnificis in foro publico tollendus esset, iste in ergastulum admissus, ut in perituri fratris amplexus ultimos rueret, dum basia fratris valedicturus figit, nucem plenam præsentissimo veneno, quam ad id paratam ore suo condiderat, in os fratris infudit, eumque vita pariter, & infami per carnificem morte liberavit. Docuit hunc ingeniosa necessitas, quod Judam perversitas diabolica, fratrem ille veneno sustulit in osculo, ne sufferi videret ab infamia carnificis, Christum iste, ut majore periret infamia,

quod periret ab infami discipulo: ille mortem promeritum, hic ipsam innocentiam, ille ut nocentem fannis populi subduceret, hic ut majoribus exponeret, mortem turpissimam afflavit.

Psalm. 10 *Cujus os dolo & amaritudine plenum est, sub lingua ejus labor & dolor.* Quam oro linguam hic laborantem & dolentem describit psalmista? ejusne cuius os dolo & amaritudine plenum est? crederem; nam & in dolosum Judam post buccellam scio introisse Satanam, qui utique non dabit requiem linguæ & animæ ejus, sed dolore & labore consumet eam: verum ne id credam, impedit illud: *stultus quasi perrisum operatur malum, & iterum letantur cum malefecerint, & exultant in rebus pessimis*: credere ergo necesse est, laborem & dolorem esse sub lingua ejus, quem os dolo & amaritudine plenum circumvenit in fraudibus. Ita planè, laborabit & dolebit, cui dolosus angvis oscula fixerit, laborabit, & dolebit, ut ex fabulis veritatem comprobem, cuius ori lemurum larvarumque basia concolores nocti & umbris notas impresserint; laborabit, & dolebit, quem tetra mephitis erumpens sepulchro viri fraudulentum, de quo scriptura ait. Sepulchrum patens est guttur eorum, afflaverit; certe si labor est hosti aperto resistere, si dolor est, quem causant vulnera aperte persequentis, incomparabiliter major

hor est labor resistere hosti blandienti, dolorque major sunt vulnera fraudulenter blandientis, & scævientis. Hostis apertus canis latrans est, quem vitare possis, & leo in via, quem fugere valeas; hostis occultus canis est sine latratu mordens, & serpens in sinu fatus ac occidens. Ego sanè quoties vulnera à domestico hoste inflicta inspicio, non dissimilia deprehendo ijs vulneribus, quæ parricidæ in culeo, domestica in eodem inflixerunt animalia, adeoque sicut teste Cicerone pro Roscio Amerino parricidale culei supplicium aliis erat gravius, sic & vulnus ac dolorem à domestico hoste inflictum iudico esse maiorem.

Vide jam, quantum laborem & dolorem proditor domesticus Judas causaverit Christo mancipio: explicat hunc ipse Christus Joan. 19. QUI ME TRADIDIT TIBI, MAJUS PECCATUM HABET, quasi diceret, gravis labor est & dolor, quem patior à flagellis Pilati, à spinis militum, à clavis crucifigentium, gravior tamen est, quem patior à Judâ domestico, hic me tuis Pilate flagellis, hic me vestris milites spinis, hic me vestris crucifixoires clavis affligit; maiorem hic mihi dolorem cretat, ideoque & majus peccatum habet; sicut majus peccatum habet Jeroboam, qui peccare fecit Israël, quàm qui de populo peccaverunt: sic iste majus peccatum habet, qui cum cognovisset DE-

## Caput I.

UM, non sicut DEUM glorificavit, sed vendidit eum in iniquitatibus suis, quàm alii, qui si cognovissent DEUM, nunquam Dominum gloriæ crucifixissent: propterea melius erit in iudicio terræ Sodomorum, quàm Galilæo huic. Hoc ipsum respexisse videtur Propheta Amos 2. *Super tribus sceleribus Juda, & super quatuor non convertam eum, pro eo quod vendiderit pro argento justum, & pauperem pro calceamentis.*

## CAPUT II.

*De Verbis Christi ad Judam.*

I. **V**ideamus jam, quid responsi detur ad proditorium suum Ave impio mercatori Judæ. De Fulvio reo proditoris ac læsæ majestatis lego, quoddum Cæsarem Augustum, ratus incognitas ei artes suas salutatum accessisset, dixissetq; Ave Cæsar, Imperator offensus subtracta illico facie sua responderit, Vale Fulvi. Dignus responso simili proditor Judas, Vale Judâ: hætenus infelix transfuga, prædonum feralis ductor, proditor amentissime artes tuæ dissimulatæ sunt, hætenus oculi furem te ad laqueum petebant, & æs alienum vindictam frustra clamabat in cælum; hætenus pestilens illa lingua murmurantis contra Magdalenam excisa non est, cor cogitans cogitationes afflictionis & impietatis erutum non est, manus avaræ ad numerandum pretium sanguinis ab-

scissæ

scissæ non sunt; hæcenus sciebaris nebulo, & flagitium tuum dissimulabatur; videbaris flagitium, & contra scelus poena differebatur; notabaris scelus, & inter primos testamenti Angelos admittebaris ad videndam faciem: jam nunc vale mercator pessime, non videbis faciem meam in æternum. Vale Juda jam non meus, jam non Apostolus, sed Apostata Diabolus; vale Discipule sine Magistro, Apostole sine conscientia, Christiane sine religione, apostata ab utraq; lege: vale ad sonitum tubæ horribilis, ad quam aures tuæ ambæ modò ad inspirationes meas surdæ tinnient: in terra Sanctorum iniqua egisti, non videbis gloriam DEi. Act: 20. *Magus stectus factus est omnium, & procumbentes super collum Pauli osculabantur eum dolentes maximè quòd dixerat eis, quia amplius faciem ejus non essent visuri.* In lacrymas debuisset diffuere Judas ad hanc decretoriam. Non videbis faciem meam, nisi filius perditionis esse maluisset. Horrenda vox ad quam concutiantur omnia fundamenta terræ! Non videbis faciem meam. Si Absalom 2. Reg: 14. interfici prælegit, quàm non videre faciè Regis Patris sui, quid Judas, cujus Absalom, teste D. Aug. in Ps: 7. typus erat, nā sicut hic *pax Patris erat, & bella dolose contra illum fovebat in corde, sic iste coactè subjectus* (Niremberg de origine Sanctæ Scripturæ lib: 6. cap: 9. Iscariothæ nomen idem significare do-

cet, quod (*coactè subjecti, vel coactè modesti*) venit cum instrumento pacis, & tessera amoris, & bella ciet, ac pacem rumpit; quid inquam Judas projectus à facie DEi præligere debuisset? Deut: 31. *Abscondit Deus faciem suam à populo, & eris in devorationem: inveniendum omnia mala & afflictiones, id est ut dicat in illa die. Verè quia non est Deus mecum, invenerunt me hæc mala.* Gen: 4. abscondit Deus faciem suam à primo fratricida, & ille ait: *Ecce hodie ejicis me à facie tua, & à facie tua abscondar, & ero profugus & vagus in terra, omnis qui invenerit me, occidet me.* Horrenda vox: Non videbis faciem meam! aut ut loquitur Vates regius Ps: 43. *Usq; in æternum non videbis lumen:* horrenda plaga, multoq; terribior, quàm tenebræ illæ horribiles Ægyptiæ Exod: 10, in quibus nemo vidit fratrem suum? nam in hac in æternum non videbis DEum factorem tuum, *Tam horrenda res est,* ait Card: Bellarminus serm: de inferno, *sine fine torqueri* (in æternum non videre faciem DEi) *ut licet unus tantum ex omnibus filiis Adæ tali supplicio esset maculandus, merito ab omnibus pavendum ac trepidandum esset.* Vale Juda, has tibi tenebras prædixi, cūa dicerem, Væ illi, per quem tradar ego, bonum erat illi, si natus non fuisset homo ille. Vale Juda in æternum despiciabilis, frustra enim clamabis cum Sponsa Cant: 8. *Quis mihi det te fratrem meum, ut inveniam te foris, & deoscaler te, & jam*



*jam nemo me despiciat.* Vale ertonum omnium erro summus, incassum vociferare, quod nuper Ruben Joseph vendito: *Puer non comparet, & ego quo ibo?* O miserum quod! ô quod poenale! ô æternum quod! quo tu ibis. Vale Juda in æternum separate à me, in æternum non videbis faciem meam. Et ita quidem credebam respondendum proditori, sed aliam audi responsionem ex Matthæo.

II. AMICE AD QUID VENISTI? O svave nomen! ô immeritum nomen! inimicus homo Judas hostibus jungitur, ac necem spirat, & amicus vocatur. Hic ergo stylus DEi pro nobis servi, ut amicos vocet, quos capitales suos hostes novit? justum Petrum Sathanæ appellatione, alios sine intellectu vocat, & incredulitatis damnat, & proditorem amicum nominat. Verum putavi illud Greg. hom. II. in Evang. *Omnipotens DEus & terribilis peccatoribus, & blandus est justis:* & sursum versus sacrorum fluminum feruntur fontes: amicus est Judas, Sathanas Petrus; ut proinde vix non dici debeat: Omnipotens DEus blandus esse peccatoribus, & terribilis justis. Amicus tamen Judas est, quia & ipse servus est venditus pro peccato, ut faceret malum, amicus est, quia requisitam ad leges amicitie similitudinem habet: sicut enim servus peccati traditur ad mortem, ita Judas traditur in perditionem: amicus Judas est, sed lingua sola & labio, licet à tergo prava volutet, sed amicus tra-

gædus; talem se ei objicit velut in speculo, qualis apud ipsum est Christus, non est amicus ejus, sed amicum se simulat proditor, & Christus non per speciem, sed revera amicus esse vult, si per Judam steterit, paratusque est inter se & illum facere sua omnia communia, etiam sanguinem, si proditor voluerit. Videtur hic mihi Christus agere cum Iscariothe, quod habet Sapiens Eccli. 22. *Ad amicum etsi produxeris gladium, non desperes, est enim regressus, ad amicum si aperueris os triste, non timeas, est enim concordatio;* non fugito amicum, dum obrutus malis jacet. Amice: quid sis, novi, quid esse possis, si velis, scio: quid moliaris penetro, quam metam habeant desideria tua, prævideo: tu quidem amicum exuisti animum, at non ego: amicus sum non ex te, sed ex me: tibi imputare debes, quod inimicum potius, quam amicum amem. Vide Juda, quid tibi de meo subtraxerim: Apostolatium meum tu possides, sacculum meum manus tuæ dividunt, manus meæ tuos pedes abluerunt. O amice ad quid venisti? proditore opus non erat, ipse pro te superimpedendus sponte hostibus obviam processit. Ad amicum etsi produxeris gladium non desperes, est enim regressus: ad amicum si aperueris os triste, non timeas, est enim concordatio: amicus eris, si esse volueris, imò jam amicus es, si vis esse. Amice ad quid venisti? in quantam miseriam incidisti? è statu primatiali Apostolorum

lorum in postremum peccatorum, è statu filij DEi in statum filij perditionis, è statu viæ in statum perpetuæ mortis.

Juvat hic annotare verba S. Ambrosij, quibus alloquitur Susan<sup>nam</sup> lapsam cap: 2, quæ facile Judæ accommodaveris. Unde, ait, incipiam? quid primum? quod ultimum dicam? bona commemorem que perdidisti? an mala defleam, que invenisti? Eras virgo in paradiso DEi utiq; inter flores Ecclesiæ: eras sponsa Christi, eras templum DEi, eras habitaculum Spiritûs Sancti: & quoties dico, eras, necesse est, ut ingemiscas, quia non es, quod fuisti. Incedeas in Ecclesia tanquam columba illa, de qua scriptum est: penna columbæ de argentata, & posteriora dorsi ejus in pallore auri. Splendebas ut argentum, fulgebas ut aurum, quando cum sincera conscientia procedebas. Eras tanquam stella radians in manu Domini, nullum ventum, nullas nebulas pertimescebas. Quæ ista subitanea conversio? quæ ista repentina mutatio? de DEi virgine facta es corruptio Sathana, de sponsa Christi scortum execrabile, de templo DEi fanum immunditia, de habitaculo Spiritûs Sancti tugurium Diaboli: que incedeas cum fiducia ut columba, nunc lates in tenebris sicut stellio, que fulgebas ut aurum, propter virginitalis decorem, nunc vilior facta es tuto platearum, ut etiam indignorum pedibus conculeeris: que fueras stella radians in manu Domini, veluti de alto rueris celo, lumen tuum ex-

tinctum est, & conversa es in carbonem.

Amice ad quid venisti? ut pro vili mercede venderes primogenita, mecum eras, & meus eras, modò separaris à me, & nullam partem mecum habere desideras: quid feci tibi unquam mali, imò quid tibi boni aliquando non feci? nostin alienos rapere regnum? ut quid filii regni projici vis in tenebras exteriores? nostin hemoroißam ad pedes meos reperisse salutem, Chananazam comparatam canibus consecutam quæ optavit? scis me amicum publicanorum, esse amicum tuum; velis tantum, & salvus es. Ad amicum etsi produxeris gladium non desperes, est enim regressus: ad amicum si aperueris os triste, non timeas, est enim concordatio.

Amice ad quid venisti? imò unde & qua via venisti? suxisti venenum è pretioso ungento, displicuit tibi officiosa mulier, quæ me prævenit in sepulturam; trecenti denarii visi sunt tibi perijisse, cum liquor ungenti in caput meum fundetur, & me triginta assibus unà tecum vendis in mancipium. Amice ad quid venisti? Surdus ad talia Judas facit, quod facit, & insuper habens amicitiam DEi nummum mavult habere, quàm amicum DEum. O perversitas! ô iniquitas proditoris! amici quidem nomine dignus est, sed illius, cui dicatur illud. Amice quomodo huc intraisti non habens vestem nuptialem? aut illud: Amice non facio tibi injuriam, an oculus tuus nequam

quam est, quia ego bonus sum? Vide hic quam misera sit conditio ejus, qui per peccata recedit à DEO: nescire vult, quòd pro modica voluptate cœlum, sc. DEUM perdat: non eum beneficia & gratiæ Divinæ corrigere possunt, sed nec ipse corrigit infernus; non eum salutaria Christi monita, non dona DEI, non ipse pretiosus Christi sanguis emollire possunt, sed nec emolliet ignis infelicitis æternitatis.

III. Perdidit primum in proditore assultum Christus, tentat secundum. JUDA OSCULO FILIUM HOMINIS TRADIS? *Judam de nomine appellat, ait Cyrillus Jerosol: cathechesi 13, ut modum suggerat, quo iacturam damnosissimam emendet.* Judæ nomen confessionem sonat, hanc si arripit, peccatum proditiōis mundat in sanguine: Judæ nomen significat laudationem, ad hanc si attendit, illaudata proditiōe sordidari non poterit. Juda osculo filium hominis tradis. *Per interrogationem id pronuntiandum puto, ait Ambrosius serm: de Judæ osculo & Christi traditione, quasi amantis affectu corripiat proditorem.* Osculo filium hominis tradis? hoc est amoris pignore vulnus infligis? & charitatis officio sanguinem fundis? & pacis instrumento mortem irrogas? Discipulus Magistrum, servus Dominum, electus authorem tradis? aut ut idem S. Pater lib. 6 Hexam. cap. 9 loquitur, *charitatis insigne*

*convertis ad signum proditoris, ad infidelitatis indicium, pacis hoc pignore uteris ad officium crudelitatis?* pro te suscepi ingrate, quod tradis in hypo-crisi. Grave certè accidit osculum proditoris Christo, plenus siquidem Diabolo ac immunditia Judas sepulchrum patens erat, evomens nihilo meliorem quam sit in inferno mephytim: non satis erat Apostata in aures sacras impulsus averni spiritum inhalasse; in illud etiam os, quo Divinitas loquitur, quo respirat sacra humanitas, è putri ore suo animam inhalat planè cada-verosam, quia jam nunc & Magistri mortem olet, & suam.

Prov. 27 *Meliora sunt vulnera diligē- tis. quam fraudulenta oscula odien- tis:* Quam hoc verum sit, patet ex osculo Judæ: *Osculatus est Dominum* ait D. Chrysost: hom. de feren. repræhen- sion: & conversione S. Pauli, *venenum habebat os ejus, malitiāq; repleta est lin- gua ejus:* tale osculum est osculum Pha- langiorum, araneæ id genus est maximè virulentum, quod vix ore lambit, & to- tum inficit hominem: de hoc genimine agens Clem. Alex lib: 9. pædag. cap: 1. Est autem, ait, aliud osculum incestum, veneno plenum, sanctitatem simulans: an nescitis, quòd etiam Phalangia gra- ves dolores, si ore tantum tangant, affe- rant? tale osculum fuit Philetarum seu Philistarum apud Xenophont: qui la- trocinia sua ut plurimum in osculo pa- cis



cis perficiebant: tale osculum fuit osculum Joab, in quo Amasam confodit: tale postea osculum fuit veri illius Judæ germani, Constantij Imperatoris, qui ut Arianam perfidiam fide Christi excisa feliciter plantaret, quidquid blanditiarum invenire poterat, adhibebat, quem propterea graphicè depinxit S. Hilarius lib: 2. contra ipsum Constantium in-  
*quiens: Osculo Sacerdotes excipis, quo & Christus est proditus: caput benedictioni submittit, ut fidem calces: convivio dignaris, ex quo Judas ad prodicionem egres- sus: censum capitum remittis, quem Christus, ne si andalo esset, exolvit: vestigia Caesar donas, ut ad negationem Christianos invites. Quæ tua sunt relaxas, ut quæ Dei sunt amittantur; Hæc tua falsa ovis indumenta sunt &c.* Tale deniq; Iscariothæ, de quo Sedulius lib: 4. pasch: carm.

*Facem ferebas osculo*

*Quam non habebas pectore.*

Et Arator lib: 1. in Acta Apost.

*oscula fingens*

*Pacis ab indicio bellum lupus intulit Agno.*

Crudele revera hoc osculum signum fuit, fuit enim pacis indicium, & per illud pacis ruptum est Sacramentum, & per illud bellum inchoatum est, per quod consueverunt gentes bella finire. Expressit hoc Sedulius in-  
*quiens:*

*Tunc cruento, ferox, audax, insane, rebellis,*

*Perfida, crudelis, fallax, venalis, inique,*

*Traditor immisus, fere proditor, impie latro*

*Præcius horribile comitatus signifer enses,*

*Sacrilegamq; aciem, gladijs sudibusq; minacem*

*Commovens? ori ora premu, meliq; venenum*

*Inferis, & blanda Dominum sub imagine prodit*

*Quid socium simulat, & amica fraude salutat.*

*Nunquid terribiles, aut pæ: conjurat in enses?*

*Aut irruentis pio lupus oscula porrigit Agno?*

Crudele osculum, quia crudele ac grave peccatum: peccat proditor in gentem patriam, nam illa osculum voluit esse signum bene affecti animi, ut patet ex ijs quæ habentur Gen: 19. v. 11. Exod: 18. 2. Reg: 14. Tobie 7. &c. & Judas illud vertit in prodicionis argumentum peccat in jura gentium, neq; enim tam barbara moribus, tam humanitatis expers gens reperitur, ut tactum osculi non videretur esse telum inimicitiae: certè Galbæ Imp. succensisse omnis populus, quod eo dte quo Otthone accepit in socii imperij osculi symbolo ad mortem pararet teste Sveton. in Otthone cap: 6. Peccat in sanctitatem sui Collegij, nemo siquidem Apostolorum non cohorrui, quando è cætu illo suo, qui se invicem salutatur in osculo sancto, prodijt angvis, qui sub pacis tessera venena fundit, & pacem rumpit: peccat in seipsum, quia guttur illud quod modò infideliter extendit ad osculum, extendet ad laqueum: peccat deniq; in ipsam Christi innocentiam, quia cum quo pacem se habere mentitur osculo, eum vendens in mancipium tradit ad crude issimam passionem. Recanta jam proditor tuum illud, *Nunquid ego sum Rabbi*, en te tacente, labijs, lingua, osculo vociferaris, Ego, ego.

Eusebius Emillenus hom: 1. de Quadrages: contactum impudici osculi vocat

L

more

morsum diaboli, & arrham peccati. Verè morsus diaboli est osculum Judæ, hoc ille unus ex Apostolis diabolus mordet DEum suum, nam & cerasus ille est, qui mordet ungulam equi, ut cadat ascensor ejus retro *Gen: 49*, quem locum intelligit Basilus de Juda proditore; glossa autem Ordinaria de dolo ejus. Judæ convenit illud *Ecclesi: 10*. *Si mordeat serpens in silentio* (serpens scilicet ille antiquus) *nil eo minus habet, qui occultè detrahitis*, qui dolo osculi occidit. Verè etiam arrha peccati est osculum Judæ, nam ex quo hoc osculo desponderi à se magistrum mentitus est, potestatem in eum accepit potestas tenebrarum, & peccata pullularunt quasi ex adipe, ut ne quidem vereretur affigere homo DEum suum.

Cressolius anthologiæ Sacræ *Decade 2da*, cap: 11. *sect: 10* docet, quòd in Palæstina osculum manuum fuerit argumentum subjectionis, *decade autem 1ma* cap: 4. *sect: 3*. vult osculum esse signum adorationis, hinc etiam est, quod *Osee 13*. ubi nos legimus, *adorantes virulos*, Hebræa habeat, *osculantes virulos*: sic etiam explicari solet per osculum locus ille *Gen: 47*. *adomnis fasciculum virga ejus*: certè S. Hieron: in Ruffin. scribens ait, quòd qui adorant, solent deosculari manum & capita submittere; unde etiam ab ad ora mittendo deducta videtur etymologia nominis adorandi. Quod si ita est, videre piaculum Judæ, O-

sculatur non jam manum Salvatoris, sed faciem, & per dolum signum subjectionis, eum quidem in mancipium tradit filiorum hominum, se autem in servitutem diaboli; adorat Dominum turpis idololatra, cui potior DEo nummus erat, & per adorationem DEum prodit. Ubi nos habemus *Apprehendite disciplinam Ps: 2*. Hebræa legit *Osculamini filium*, vel, *adomte filium*, idem ergo apprehendere est, quod osculari, quod adorare? certè idem est apud proditorem; osculatur filium & apprehendit eum, ac tradit inimicis mancipium, adorat DEum, & apprehendit illum in dolo suo, ut eum tradat in manus Pilati. Maledicta religio Judæ, quæ in tali spiritu mendacij adorare docet.

JUDA OSCULO FILIUM HOMINIS TRADIS. S. Chrysost. in cap. 26. Matth. Ambr. in cap. 22. Luc. aliiq; Patres advertunt, quod accedentem ad osculum Sacratissimi oris sui cruentam bestiam non sit aversatus Christus, sed os, in quo dolus inventus non est, ori quod abundavit malitià dulciter applicuerit, ut ostenderet adhuc superesse spei anchoram mox jactando in abyssum damnationis: si enim qui faciem suam non avertit à conspuentibus se, avertisset à Juda, potuisset hic de salute sua dubitare: nunc autem pacem ei offert in osculo, si pacem velit, & salutem in anima, si sanari velit, paratumq; se ostendit, qui eum transformet in Angelum lucis, si velit desili-

desinere esse Diabolus. Advertit hoc loco S. Chrysost. documentum dari ijs, qui curam habent animarum, ut non desperent correctionem lapsi, sed in rebus desperatis præstò sint cum medicina. *Admonendus est, ait, frater etiamsi nihil proficiat: si hodie non persuades, forte persuadebis cras: piscator tota nocte retia trahens, serò tandem pisces capit, Christus eisi sciret Judam non convertendum, non desistit facere, quod suum erat.* 4. Reg. 4. Giezi iussus accipere baculum, & ponere super faciem pueri demortui, non suscitavit eum à mortuis, suscitavit Elizeus incumbens super eum, ponensq; os suum super os ejus, & oculos suos super oculos ejus, & manus suas super manus ejus: quod explicans S. Petrus Damian. opusc. 12. cap. 28. ait. *Quem terroris virga suscitare non potuit, per amoris spiritum puer ad vitam rediit:* nimirum si vis ut suscitetur frater tuus mortuus, incumbere super eum, commoda ei oculos, manus ac totum te, adhibe media, quibus nihil proficientibus, sollicitus esto de aliis, alterna reprehensiones, & virgam disciplinæ cum osculis ac amplexibus, fac quod svasit Livia Augusto Imperatori, qui cum Lucium Cinnam hostem suum, quem libertate, patrimonio ac honoribus donarat, corrigere non posset, ac ob id dolore tabesceret, muliebre ab ea, sed prudens accepit consilium teste Seneca lib. 1. *Fac, ait, ut*

*medici solent, qui ubi usitata remedia non procedunt, tenent contraria. Severe ritate adhuc nihil profecisti, nunc tenet a quomodo tibi cedat clementia. Qui alios vult corrigere, expectare debet fructum in patientia, labia ejus debent esse ilia distillantia myrrham primam, lilia quidem ut explicat Hugo Cardinalis propter gratias loquelæ, quo sensu dici solet aliquis rosas loqui, distillantia autem myrrham primam ratione necessaria increpationis: scire etiam debent sicut equorum, ita & hominum non eandem esse naturam, magis generosos molli frango regi, duro efferafcere: unde si apud aliquos mollia non proficiunt, veniant ad eos in virga furoris exemplo S. Augst. hom. 24 ex 50. cap. 2. dicentis. *Vobis dico, siue presentibus, siue absentibus, quibus inimicus efficior verum predicans, quibus consolando videor onerosus, quorum requirens utilitatem, cogor offendere voluntatem. Nolite fieri sicut equus & mulus non habentes intellectum: nam & hac jumenta eos calce, morsusq; appetunt, à quibus curantur, & ut curantur, eorum vulnem contrectantur. Non parcis, non parco, adversaris, adversor, resistis, resisto, lucta nos comparent, sed causa separat; tu inimicus es medico, ego morbo, tu diligentia mea, ego pestilentia tue. Deniq; si ficus tanto labore à te curata fructum non ferat, hanc habeto consolationem, quia**



& Judas periit nec CHRISTO fuit solatio: unum certè osculum, si cetera deessent sufficiens fuisset ad curandam ægritudinem ejus, si nebulo medicum non respuisset; si enim S. Deusdedit Papa tanti fuit meriti, ut leprosum osculo sanârit teste Baronio *in martyrol. Romano 8. Novembriæ*, quod idem de S. Elzeario Comite Ariani habet vita ejus, de Agathone I. Pontifice Trithemius *lib. 3. de viris illustribus Ord. S. Benedicti cap. 150*, quantarum non fuit virium osculum CHRISTI? si osculum S. Romualdi rationem amenti dare potuit, teste Bollandi *in actis S. Febr.*, B. Inardi Ord. Prædic. hydro-pico vigorem teste Bzovio *annal. Eccles. tom. 13*, ulcus horrendum momento abstergere porrectum à S. Elizabeth Regina Portugalliæ, ut habetur in vita ejus, quid non potuisset osculum Christi, si per proditorem stetitisset? credo ego in hoc osculo accepturum eum fuisse spiraculum vitæ, si non planè brevi egressuram CHRISTI animam, ritu veterû, qui moribundo dulcia libabant oscula, ut animam exeuntem hoc illicio in se transferrent, teste Kirchmanno de funeribus Rom. *lib. 5. cap. 1.* si ipse, Iscariotes manere non maluisset. Sed jam tandem relinquamus probrum non citiùs illud revisuri, quàm cum profanum guttur, quod modò extendit ad osculum, extendet ad laqueum:

## CAPUT III.

*De verbis Christi ad comprehensores, & vicissim.*

I. SÆpe apud ipsum JESUM quærendus est JESUS: vadunt discipuli in Emaus, & oculi eorum tenentur, ne JESUM in JESU agnoscant; amaro erat animo Magdalena, & hortulanum putat, qui JESUS erat; jactâtur fluctibus discipuli, & JESUM videntes putant se phantasma videre; vide quot informas se novit transformare JESUS. Quærit eundem in horto turba multa non eo quidem modo, quo Jerem: 50 prædictum est: *In diebus illis, & in tempore illo, ait Dominus, venient filij Israël, & filij Judæ simul ambulantes, & stentes properabunt, & Dominum DEum suum quarent, sed cum lanternis, gladijs ac fustibus, & facibus & armis. Quærit turba JESUM, & in ipso JESUM non invenit, tenebantur oculi eorum, ne eum agnoscerent, si enim cognovissent eum, ait Apostolus 1. Cor: 2. nunquam Dominum gloriæ crucifixissent. Quem porrò inveniunt apud JESUM? utiq; dicetis mihi, eum, cui non erat aspectus, neq; decor, novissimum virorum, percussus à DEO, contra quem conjuratio facta est in viris Judæ, quia DEUS dereliquit eum, persequimini eum, quia non est, qui eripiat. Quem in JESU inveniunt? hortulanum credo, & servum glebæ, cui petulans turba dicat. Domine si tu sustulisti eum, dicito mihi*

hi & ego eum tollam: si tu sustulisti per absconſionem virtutis tuæ formam JESU, dicito mihi, & ego eum tollam cum ſuſtibus, & gladijs & armis. Quem inveniunt? forſitan phantaſma: quia quis cogitavit unquam talia, aut in cujus cor deſcendit, quòd Dominus Majestatis ex inanire ſe deberet ad formam ſervi, & ſervi mancipij. Quæris & tu anima Chriſtiana non rarò JESUM apud JESUM, & non invenis JESUM apud JESUM, quia abscondit faciem ſuam à te, & arbitratur te inimicum ſibi, talisq; tibi ſolùm apparet, qualem tu in phantaſmate tuo, & vita depinxisti tibi, prò quale non rarò phantaſma! quale monſtrum! peccas in deſiderijs animæ tuæ, reipſa, quamvis non verbo occinens tibi illud Eccli. 23. *Quis nos videt? tenebra circumdant me, & parietes cooperiunt me, quem verear?* & JESUM te poſſidere autumas? cùm tamen monſtrum teneas, neq; enim JESUS ſine ſapientia JESUS eſt: adjutorem eum vis iniquitatis tuæ, phantaſma ex eo facis, neq; enim DEUS eſt volens iniquitatem: ſic quoties alienum facis à bonitate, divinitate, alijsq; DEI proprietatibus, monſtrum tibi ex JESU fabricas. Bern: *epiſt.* 249. Chymæram ſe ſui ſæculi vocat, id clamare monſtroſam vitam ſuam, id ærumnoſam conſcientiam, quod nec clericum gereret nec laicum, & monachi jam dudum exuerit converſationem, non habitum. Fere talis apud multos

eſt JESUS, ac eos præcipuè, qui eum in ſuos mores formare intendunt, & cùm ipſi mali ſint, malitiæ patronum optant eſſe. Non invenitur à talibus JESUS apud JESUM, ſed phantaſma.

II. Turba ſe JESUM NAZARENUM quærere dicit: Nazarenus ſignificat ſanctificatum, vel ſeparatum, aut ſi per Sade ſcribatur, ſignificat cuſtoditum vel floridum. Sanctificatum quærît: utinam potius quæreret ſanctificatorem! ſanctificatum quærît, à quo infideles ejus turbæ filii reprobabuntur: ſeparatum quærît, ò quæreret potius conjunctum, & conjungi volentem, ne & ipſa ſeparetur in diem malum! cuſtoditum quærît, ò quæreret melius cuſtodientem ſe, ut anima ejus cuſtodita maneat ab impetu maligni! denique floridum quærît, ut ejus radicem evellat de terra viventium: quæreret melius eum, qui arentē ejus animam reſfloſcere faciat in vitam æternam! JESUM Nazarenū quærunt cohors & tribunus & miniſtri. Quorſum? ut ſanctificatum peccati reſuſcitant, ut ſeparatum trahant in mancipium inſipientiæ ſuæ, ut cuſtoditum in ſpectaculum inſipientiæ ſuæ producant: denique ut floridum coæquent ijs, de quibus dicitur, *Omnis caro fanum, & omnis gloria ejus quaſi flos ſani* Iſai 40. JESUM quærunt Nazarenum, ut florem hunc alligent in faſciculum ad comburendum; ut cuſtodem hunc abducant in vincula: ut ſeparato huic col-

ligentur arctius, sed sicut conjungi solet iniquitas æquitati, peccatum sanctitati, impietas pietati, ut denique sanctitati injiciant compedes iniquitatis, eamque trahant in funiculis Adam ad tribunalia improbitatis. JESUM quærunt Nazarenum, non ut Magi & pastores ad adorandum illum, non ut Magdalena ad ungendum illum, sed ad perdendum eum: JESUM quærunt, sed ut illi, de quibus dixerat Christus Joan; 8. *Quæretis me, & in peccato vestro moriemini*, JESUM quærunt Nazarenum. Quis ostendet eis? Judas utique, qui accepit pretium appretiati, & signum intonuit perfidiæ: sed & ipse Nazarenus manifestabit se eis, ut si fortè signum Judæ falleret, certius haberent ab eo ipso. Nec id mirum est, quòd ipse dicatur, fieri signum sui, cum & ipse fuerit traditor sui, juxta quod dictum est: *Qui dilexit nos, & tradidit semetipsum pro nobis oblationem & hostiam*. Plin. lib. 13 cap. 3 habet de Placione Equite Romano, quòd cum jussu Senatus ad mortem quæreretur ob facinus, nec ulla arte reperiri posset, latentem prodiderint balsama, quibus inungi solebat. Abesse fac signum ferale inimici Judæ, prodet seipsum odor Nazareni. Audi quid dicat inquireribus se.

III. Ego sum. Frustra alibi signum quæritis malitiæ, cum mea me prodat bonitas. Ego sum, & ad hoc veni in

mundum, ut testimonium perhibeam veritati, testimonium de memetipso. Ego sum servus peccati, emptitius Judæ, vestrum mancipium. Agite, quòd vos furor jubet; habetis signum, tene te signatum: quæri à vobis scio abjiciendum ab hominibus, ego sum vermis, & non homo, opprobrium hominum & abjectio plebis: quæri scio emptitium ex Israël, ego sum, qui & loquor vobis: quæris me Synagoga, ut perdas me. Ego sum, quem tu persequeris: quæris cujus humeris imponas laborem in præcepto. Ego sum qui deleo iniquitates tuas laborans propter te. Breve verbum Ego sum, sed plenum mysteriis. Idem hoc verbum respondit DEUS Moyse volenti scire nomen ejus ad colendum eum, quod synagoga quærenti illum ad perdendum eum; hoc est nomen Domini exercituum, quo vocabunt eum, qui colunt eum, hoc est signum, ex quo cognoscent eum, qui venerunt ad perdendum eum. Ego sum dicit DEUS Majestatis, hoc est nomen meum, quod me distingvit à te, & ab omnibus extra me: Ego sum ait servus infirmitatis, hoc est signum, quod me distingvit à te, & ab omnibus extra me. *DEUS est, quod est*, ait Bern. lib. 5 de considerat. ad Eugenium, *id est suum ipsius, & omnium aliarum rerum esse, ipsi sibi, & omnibus est, ac quodammodo solus est: si bonum, si sapientem dixe-*



*ris, in hoc verbo instauratur, qui est: hoc est ei esse, quod hæc omnia esse, est universè totum esse in se complectens, sempiternè est totam implens æternitatem, immensè totam imaginabilem exæquans immensitatem, immutabiliter, quia nihil potest aut acquirere aut amittere. Servus peccati prope idem dicere potest. Ego sum omnium esse, ipse sum omnibus, ac quodammodo omnium solus esse, nam nisi ego essem, non dicerent, qui me cognoverunt, vivo ego jam non ego, sed vivit in me Christus, si bonum, si sapientem dixeris, in hoc verbo instauratur, Qui est. Esse creaturæ potius est non esse, quàm esse, quia priusquam crearetur illa non fuit, & si corruptibilis est, habebit æternum non esse, imò etiam hoc esse, quod habet creatura, solum est esse puncti, nam omne tempus quod præterit, jam dicit non esse, & omne tempus, quod futurum est, adhuc dicit non esse, momento sumus, quicunque sumus, ideoque plus habemus de non esse, quàm de esse. Hoc ipsum docuit DEUS S. Catharinam Senensem apud Raymund. in vita. *Tues illa, quæ non es, ego sum qui sum.* Advertitque jam olim Plato in Theæteto. *Qualibet res creata etiam dum existit plus habet de non esse, quàm de esse: sed & Propheta idipsum docuit Isai. 40. Omnes gentes quasi non sint, sic sunt coram eo, & quasi nihilum, & inane**

*reputata sunt.* Solus DEUS est, qui est, per quem cætera sunt; Est & Christus servus peccati, quia est, per quem cætera sunt; nihil quippe nobis nasci profuisset, nisi redimi profuisset, & quod sumus, debemus ei, per quem redempti sumus à nihilo peccati. S. Hieron. in cap. 3. epist. ad Ephes. expendens illa verba ego sum qui sum, sic illa declarat. *Nunquid solus DEUS erat, & cætera non erant? utiq; Angeli, calum, terra vel maria, & ipse Moyses, cui Dominus loquebatur, & Israël, & Aegyptij erant? & quomodo nomen communis substantiæ sibi proprium vendicat DEUS? illa de causa, quia cætera ut sint DEI sumpsere beneficio: DEUS vero, qui semper est, nec habet aliunde principium, & ipse sui origo est, suæque causa substantiæ, non potest intelligi aliud habere, quo subsistit.* Hæc probè servo peccati Christo Domino accommodaveris, nam de ejus sumpimus beneficio, quod sumus; hærerem in abyssos mei nihili, nam & substantia mea tanquam nihilum est ante DEUM, nisi à nihilo extraxisset me CHRISTUS per redemptionem à peccatis, ejus enim solum gratiâ sum id, quod sum, & ille solus est, in quem non cecidit nihilum peccati.

IV. Vide etiam Christiane in hoc responso Christi documentum utile relinqui tibi. Quæret te forsan persecutor, an JESU Nazarenus sis? noli erubescere.

bescere Evangelium, noli dissimulare, nam *negat* ait Tertullian. lib. de idololatria, *quicumq; dissimulat, in quacunq; causa pro Ethnico habitus*, sed audacter confitere, quia Ego sum, ne alioquin cadat in te illud Chrysost. relati in cap. noli timere u. quæst. 3. *Non solum ille proditor est Veritatis, qui transgrediens veritatem palam pro veritate mendacium loquitur, sed etiam ille, qui non liberè veritatem pronuntiat, quam pronuntiare oportet: proditor tamen vocat, non secus, ac eum qui res vel munitiones hostibus tradit, vel secreta sibi commissa revelat, aut crimen sibi cognitum maliciosè publicat, ait Glossa ibidem; neq; enim minori criminis est non defendere arcem cum possis, ac tenearis, quàm eandem prodere. Credidit David, propter quod locutus est, psalm. 115, & nos credimus, propter quod & loquimur, ait Apost. 2. Cor. 4; non enim perfectè credunt, qui, quod credunt, nolunt loqui, ait Aug. in Ps. 115. Et hinc est, quod Rom. 10 dicatur: corde credi ad justitiam, ore autem fieri confessionem ad salutem, & Luc. 9. minetur Christus, quòd qui me erubuerit, & sermones meos; hunc Filius hominis erubescet. Boni servi prima gloriatio est, quòd sit servus, sicut Domini excellentia prima est in eo sita, quòd sit Dominus: indecens ergo est, ut cum de servitute interrogatur, servum se prodere, vere-*

## Caput IV.

atur, sed potius æquum est, ut sicut ipse DEus gloriatur in eo, quia Ego Dominus, ita servus gloriatur, ac liberè profiteatur, quia Ego servus, & filius ancillæ.

## CAPUT IV.

## De casu turba retrorsum.

I. **L**ingvam servi patronam vocat servus ille apud Plautum in *Asinaria*, nihil is habet sui, nisi lingvam; hæc, si ipse quid scelestè faciat, pro illo pejerat. Lingvam video etiam patronam esse servi peccati; venalis is ierat, & in mancipium in vinculis abducendus fuerat, nec usquam aederat, qui causam ejus ageret, non quidem Pater videns Josephum suum vendi Assyriis, non Angelorum plusquam duodecim legiones dolentium Dominum suum duci captivum in Babylonem, *Babylon confusio* dicitur, non pusillus grex discipulorum, qui capto pastore in dispersionem iverat, non erat, qui staret pro eo ex omnibus charis ejus; sed nec manus ejus fortis ad prælium, quæ inuper turbam vendentem de templo ejecit, & æs nummulariorum evertit, præsidio ei ei esse volebat, nec oculi ad quorum aspectum tremunt gentes, & regna concidunt, auxilio veniebant: ipsa adeo Divinitas, quasi ligata, & impotens reddita fuisset, nullam ferebat opem, unicum  
in

in lingua patrociniū fuit super. Audi quod habet Evangelista. Ut AUTEM DIXIT EIS, QUIA EGO SUM, ABIERUNT RETRORSUM, ET CECIDERUNT IN FACIEM SUAM. Verè hic servi patrona lingua, verè hic bellatur lingvâ, & vincitur. *Ceciderunt retrorsum* ait Ambros. in cap. 22 Lucæ, *quia vocem ferre non potuerunt.* Quò mihi legiones Angelorum? quò mihi cœlestem exercitum? vox servi plura potuit. Jam capio, quì fieri potuerit, ut quis spiritu distaret legiones, cùm ad vocem servi percussas videro, & projectas retrorsum comprehensorum ejus legiones. *Vocem Domini, vocem in virtute, vocem in magnificèntia, vocem concutientem cedros,* vocat David Ps. 28; vox servi prope parvis est potentia, ac virium; vox ejus intonuit, & cecidit spiritus procellæ, & posuerunt omnes fluctus ejus, turbati sunt, & moti sunt, sicut ebrius, & omnis sapientia eorum devorata est; vox Domini prostravit Saulum, vox Domini occidet impium spiritu oris sui; vox servi prostravit turbam cum facibus & gladijs & armis: hæc nimirum illa tuba est, ad cujus sonitum corruerunt muri Jericho; hæc facies Jonatha, contra quam ceciderunt Philistæi: hæc mandibula asini, quâ novus Samson mille prostravit inimicos. Prævidit virtutem vocis hujus Isaias cap. 28 *Udant, inquit, & cadant retrorsum, illaqueantur, & capiuntur:*

& Propheta regius Ps. 54. *Convertantur retrorsum, & confundantur cogitantes mala mihi.* Dedit nimirum voci suæ vocem virtutis, & ceciderunt omnes adversarii ejus. Probro hætenus habitum est lingvâ bellare, aut ut Appulejus loquitur, verbigerare, seu verbis digladiari, plerumque enim ubi lingua Martem sonat, frigida est bello dextera, & sæpe minus faciunt illi, quì magna loquuntur; sic fere canes timidi latrant vehementius, & vasa vacua magis sonant: non eadem hodie res est, ad vocem servi contremuerunt fortes Israël, & ceciderunt omnes, quì operantur iniquitatem. Ad vocem Josvé stetit sol, ad vocem Eliæ fudit ignes cœlum, quì devorârunt quinquagenarium: ad vocem Elizei saltus emiserunt ursos, qui petulantiam puerorum depasti sunt; ad vocem servi peccati, cecidit cum Juda, qui futurus erat sol orbis, synagoga; aperuit infernus os suum, qui cum Juda devorandas animas prostrati fuerunt. Dicant jam redempti à Christo: nunquam sic homo, nunquam sic servus locutus est.

II. Ut AUTEM DIXIT EIS, EGO SUM, ABIERUNT RETRORSUM, ET CECIDERUNT. S. Thom. opusc. 60 de humanitate. *Una vox, ait, turbam odij ferocem, armis terribilem sine ullo telo percussit, repulit, ac stravit virtutelatentis Divi-*



*nitatis: quid faciet judicaturus, qui hoc fecit judicandus? quid regnaturus poterit, qui moribundus hoc potuit? Aludit hic S. Doctor ad illud Job 26. Cùm vix parvam stillam sermonis ejus audierimus, quis poterit tonitruum ejus intueri? Ego sum, dicit, quem queritis, nihil habens de me præter infirmitatem carnis, quem emisistis; & ceciderunt, qui operantur iniquitatem, expulsi sunt, nec potuerunt stare; quis jam iram ejus tolerabit, ait Greg. lib. 27 moral. cap. 21, *cujus mansuetudo non poterat tolerari?* aperuit agnus os suum, & corruerunt fortes terræ, quomodo stabit iniquitas, cùm ut leo rugiet? *Propter hoc sciet populus meus nomen meum in die illa*, ait ipse per Prophetam Isai 41, *quia ego ipse, qui loquebar: ecce adsum*, sciet dicit, qui loquebar, ecce adsum, & quomodo ignorabit, cùm dicet, ecce absum, ecce in sæculum, ecce in æternum absum à vobis? Bonfinius lib. 3 decade 1. testis est, quod cùm Attila Hunnorum Rex Italiam invasurus esset, nocturnæ voces auditæ fuerint. *Cave tibi Italia*, cùm aderit flagellaturus orbem, qui nunc in vincula, & flagella paratus est, cave tibi Italia, cave orbis: dedit vocem suam & mota est terra, cùm ut mancipium captivaretur; quid fiet, cùm ut iudex in virtute flagellabit virgâ oris sui omnes peccatores terræ? non poterant stare negotiatores, cùm fecisset*

flagellum è funiculis, sed relicto ære nummulario, omnes fugerunt è templo, quomodo stabunt cùm in furore suo percutiet impium, & exterminabit eum de domo Domini? quid faciet judicaturus, qui hoc fecit judicandus?

VT AUTEM DIXIT EIS EGO SUM, ABIERUNT RETRORSUM, ET CECIDERUNT. VOX hæc concutientis delertum, concutientis cedros, è nube humanitatis, in qua latebat fulgor Divinitatis velut tonitruum egressa prostravit inimicam aciem, ut vel sic agnoscerent, quid potestatis haberent in eum cohors militum, & ministri, qui ne quidem ad unum verbum ejus stare potuerunt. *Ubi tunc fuit savitia conspiratio?* exclamat S. Leo serm. 1. de passion. *ubi ardor inrum? ubi instructio armorum?* Dicit, *Ego sum, & ad vocem ejus prosternitur turba impiorum* Hæc ipsa vox occidit primogenita Egypti, Pharaonem, & exercitum ejus projecit in mare, cùm ostenderet potentiam suam, & terribilia in mari rubro per Moysen famulum suum, cui dixerat: *Ego sum, qui sum:* hæc postea Saulum spirantem cædis, ac minarum feliciter dejecit in terram, quia dejecit ad poenitentiam, cùm diceret: *Ego sum, quem tu persequeris:* hæc in novissimis, velut vox tonitruum ejus in rota prosternet impios, qui ambularunt in circuitu, cùm dicet eis. *Ego sum quem confixisti*, fulminabitq; illam decretoriam. *Discedite maledicti.*

Et quidem suffecerat vox una ad liberandum se de manibus impiorum: *Verrum si nunquam se ab eis permetteret apprehendi*, Aug. tract. 112, *non quidem illi facerent propter quod venenat, sed nec ipse faceret, propter quod venenat. Eum quippe illi occidendum querebant saviendo, sed querebat nos & ipse moriendo*. Quare ad iteratam vocem Ego sum, resumpserunt spiritum, & timorem ponentes egerunt ea, quæ maledictus, & insana rabies suggerebat; quasi & ipsi voce hac confirmatos se crederent ad agendum malè, sicut nuper discipuli periclitantes in mari, cum diceretur eis. *Ego sum, nolite timere*. Hoc tamen priusquam videamus, adhuc quid in casu eorum lateat mysterij, discamus.

III. ABIERUNT RETROSUM. Quid est abire retrorsum? S. Greg. lib. 31 moralium cap. 18. *Retro cadere*, ait, *est ex hac vita repente decedere, & ad quæ supplicia ducatur ignorare*. Talis videtur fuisse casus Heli, 1 Reg. 4 qui cum audisset captam arcam Domini, cecidit de sella retrorsum, & fractis cervicibus mortuus est; talis casus videtur eorum, de quibus Ps. 34. *Avertantur retrorsum, & confundantur, qui volunt mala mihi: & iterum ps. 39. Confundantur, & revereantur simul: qui querunt animam meam, ut auferant eam, convertantur retrorsum, & revercantur, qui volunt mihi mala, ferant confestim confusio-*

*nem suam, qui dicunt mihi Euge, euge: talibus dicit vix Propheta Isai. 1. Vaganti peccatrici, populo gravi iniquitate, semini nequam, si is sce erat: dereliquerunt Dominum, blasphemaverunt, Sanctum Israel, abalienati sunt retrorsum. & cap. 28. Et erit verbum Domini, ut vadant, & cadant retrorsum, & conterantur, & illaqueentur, & captantur*. Tales denique sunt, de quibus Jerem. 7. *Et non audierunt, nec inclinaverunt auribus suis, sed abierunt in voluntatibus, & in pravitatis cordis sui malis, factique sunt retrorsum, & non in ante*, de quibus dicit Dominus apud eundem prophetam Jerem. 15. *Tu reliquisti me, retrorsum abiisti, & extendam manum meam super te, & interficiam te*. *Qui cadit post se*, ait idem Greg. hom. 9. in Ezech. *ibi proculdubio cadit, ubi non videt. & post pauca: Iniqui ergo post se cadere dicuntur, quia ibi corruunt, ubi quid eos tunc sequatur, modo videre non possunt*.

Et hinc jam colligo, quid causæ sit, quod nemo omnium de turba captivante, ad vocem tanti miraculi resipuerit, sed in malitia cordis sui interierit; quia scilicet omnes ceciderunt retrorsum, & illuc ceciderunt, ubi non viderunt periculum casus, & mala, quæ secuta sunt casum. Dolet super hunc turbæ casum insanabilem Jeremias, Thren. 1. *Peccatum peccavit Jerusalem, propterea instabilia facta est, omnes qui glorifica-*

*viscabant eam, spreverunt illam, quia viderunt ignominiam ejus, ipsa autem gemens conversa est retrorsum.* Talis casus est eorum, qui cum Christo appropinquassent, labuntur retro, & quia adiunguntur hostibus DEi, unâ cum illis ruinâ involvuntur. Deplorat hos Petrus Apostolus 2. Pet: 2. *Melius erat illis non cognoscere viam justitiæ, quam post agnitionem retrorsus converti ab eo, quod est illis traditum, sancto mandato, contigit enim illis illud veri proverbij: Canis reversus ad suum vomitum, sus lota in volutabro luti:* de his Sapiens Prov: 6. *Homo apostata vir inutilis graditur ore perverso, huic exemplo veniet perditio sua, & subitò conteretur, nec habebit ulnâ medicinam.*

Alter longè casus est eorum, qui cadunt ante se, quia ibi cadunt, ubi vident: nam cum ceciderint, timore compuncti videntur, humiliantur, culpasq; suas agnoscences poenitendo desunt: Utile talibus est cadere, quia cadunt in faciem, & agnoscences ruinam suam, ad primam vocem DEi resurgunt, benediciuntq; DEum, quòd eos labi permiserit, & ipso casu docuerit, quàm cautè agere debeant, videreq; , ut qui stat, videat, ne cadat. Ex horum numero videtur fuisse Paulus, sicut ex priorum Judas, cui proinde meritò accommodes illud Isai. 50. *Dominus DEus aperuit mihi aurem Ego autem non contradico, retrorsum non abij.* Sic cecidisse videtur Dy-

## Caput IV.

nasta ille Germanus, de quo Leander lib. 2. *de viris illustribus* Ord: *Prædicat.* qui cum filium suum unicum adlectum esse didicisset in Ordinem dictum à Jordano II. Generali Prædicatorum spirans minarum ac cædis in comitatu centum equitum in Italiam accurrit, ipsumq; Jordanum de Jordano sciscitatus, ubi à viro DEi bina solum verba *Ego sum*, audiisset, diceret fulmina non voces auribus ejus impactas equo desiliens in terram, piasq; solutus in lacrymas, ratam habuit filij vocationem, ipseq; melioris vitæ studio loca Palestinæ invisurum se spondit, quod & præstitit. Hoc erat cadere salubriter, cadere cum ijs, qui in faciem cadunt, & cadentes timore compuncti humiliantur.

## CAPUT V.

*De alijs verbis Christi ad turbam.*

I. **J**uvat & reliqua dicta ad turbam expendere: si enim verum est, quod habet Chrysologus serm: 146 *quòd non apices, non literæ, non syllabæ in Evangelio divinis sunt vacua mysterijs,* quantum arcanorum thesaurum non debent habere verba passionis; fragmenta hæc licet forent, replere tamen ijs possemus non duodecim cophinos; sed totius Sapientiæ horrea; micæ licet forent cadentes de mensa divitis, satiari tamen ijs posset omnis humanitas; guttæ licet forent, hæc ipsæ tamen, ubi



bi in concham puri cordis ceciderint, in pretiosissimos formarentur uniones.

Primum, quod à lapsu turbæ verbum protulit servus noster, est hoc. DIXI VO-  
BIS, QUIA EGO SUM, SI ERGO ME QUÆRI-  
TIS, SINITE HOS ABIRE. De Diogene ha-  
bet Aulus Gellius, lib. 2. quòd cùm in-  
servitutum venditus esset, & quærere-  
tur ab eo, in cujus potestatem venerat,  
quid servitutis sciret? responderit: *No-  
vi liberis hominibus imperare*. Magna  
certè ars est, ars imperandi liberis ho-  
minibus, præcipuè in servo. Sessorem  
non patitur equus non assvetus habe-  
nis, & liber homo Dominum, multo-  
minus servum imperantem sibi. Sam-  
bucam citius caloni aptaveris, quàm  
Dominum imperio servi. Calluerit ar-  
tem hanc Diogenes, necne? nescio,  
Christus certè venditus in mancipium  
eam novit optimè. Si me quæritis, a-  
it, finite hos abire: *Sinite*, dicit, quæ  
vox imperantis est, non deprecantis,  
ut advertit Salmeron hic, & Chryso-  
stomus inquires: *Quis continuit Ju-  
deos, ne discipulos comprehenderent?*  
*nemo alius, quàm qui eosdem retror-  
sum projecerat potentiâ: & iterum:*  
*mandavit, finite hos abire, ne putetur*  
*illorum fuisse propositi, sed virtutis ejus,*  
*qui comprehensus erat.* Sanè esset, quod  
miraremur, cur nemo discipulorum  
cum Christo eandem nassam subive-  
rit, nisi aliunde sciremus, servî nostri  
imperium tanta potuisse, ut solo eo il-

lorum comprehensionem impedivisset.  
Optaverat id Judas, nam teste Ruper-  
to lib. 11 in *Matth. quod Apostolos libe-  
ros vidit, cucurrit ad laqueum*; optave-  
rat Annas & Caiphas, ipsaque rabies  
Judaica, sed votum irritum reddidit  
servi contraria jubentis imperium. Si-  
nite hos abire: indemnus Petrus ferit  
in gladio, securus Joannes versatur in  
atrio, & sub crucis opprobriò stat tu-  
tus à discrimine: non permisit ista ple-  
bis dissimulatio, sed effecit servi impe-  
rium. Age verò, quid sibi hoc vult im-  
perium? Sinite hos abire: imperia e-  
quidem non examinanda esse scio, sed  
efficienda; ast ab eo, quem stringunt,  
non ab alijs, qui ijs non ligantur. Si-  
nite hos abire. Quorsum? sinant illi,  
non abibunt isti, abeat cymbula à præ-  
toria navi, abeat à pastore errans ovi-  
cula, abijsse, perijsse est. Sinant illi, non  
abibunt isti: Verùm sine & tu, quisquis  
examinas imperia, sic eum decet om-  
nem implere justitiam: prospicit catu-  
lis leo ultimam pugnaturus pugnam,  
& pastor ovibus vitam pro ijs positu-  
rus. Vetat comprehendi secum, pro  
quibus venerat comprehendi; nec vult  
ullum abduci secum in servitutem,  
qui pro omnibus venerat pati servitu-  
tem: torcular calcare solus voluit, so-  
lus evacuare passionis calicem; ne vir  
ex gentibus esset cum eo, providendum  
erat imperio: Sinite hos abire, ut pri-  
us discant à me, quod postea patian-  
tur:

tur pro me, secundum ætatem hominis est & robur ejus, virtute eos oportet indui ex alto, ut in passione sequantur me. *Sinite hos abire.*

Vide hic, quantam suorum curam agat Christus, cum agitur de eo, servus obediens est usq; ad mortem, cum de suis, ut Dominus imperat imperantibus sibi: quod quidem imperium si apud rebelles lumini locum non invenisset, credo, quod qui tanquam Agnus coram tondente se obmutuit, ubi sui aliquid paterentur, fureret ut leo: sic & gallinam cum persequeris, ferè patientem habes; si tamen pullos ejus insectaris, furentem vides: pupillam suam tangi falsus est ipse, cum tanguntur sui, ut vel hinc discas, quanto gravius ei accidat dolor de afflictione suorum præ dolore proprio. SINITE, ait, HOS ABIRE, magis forte conveniens fuisset dicere: Sinite me abire, quidquid sit de meis, qui ut umbra ad radium, ut gutta ad oceanum, ut exigua arena respectu mei habentur: dicit tamen, sinite hos abire, amore enim suorum suscepit in se infirmitates, & servitutis incommoda, ut sui liberi essent, juxta quod ipse dixerat Joan: 8. *Si ergo vos filius liberaverit, verè liberi eritis:* & Apostolus Rom: 6. *Cum servus essetis peccati, liberi fuistis justitiæ. Stipendia peccati mors, gratia autem DEi vita æterna in Christo JESU Domino nostro.* Bonitas ejus, & amor erga nos efficit, ut nos abire sineret, dum peccata no-

straveret. *Descendit ipse, ait Bern: tract. de grad: humilitatis, misericorditer, quo illi ceciderant miserabiliter, non simili curiositate, sed mirabili charitate, non ut miser cum miserijs remaneret, sed ut misericors factus miser liberaret, ac de luto facis extraheret:* Et Ambros. *Servitutem suscepit in corpore suo, ut servus redderet libertatem, servus factus est, ut tu peccati servus esse desisteres.* Super hæc omnia dicit: Sinite hos abire, quos turpi fugâ brevi dilapsuros præviderat, ut honestè abire videantur, nec notam aliquam incurrant, quod in causâ difficili, pedem referant.

Vide hic etiam tu, quisquis præes alijs quantam tuorum curam habere debeas; depositum tibi creditum est, serva illud usq; in diem, quo illud reddas depositori tuo, tibi potius pereundum est, quàm ut tuæ creditus fidei pereat. *Ecce ego ipse, ait Dominus DEus, Ezech: 34 super pastores requiram gregem meum de manu eorum, requiram, ait, sicut requisivi ab eo qui dicebat, Nunquid ego sum custos fratris mei? ubi est anima tuæ curæ commissa? ubi est frater tuus? redde depositum. Sanè si verum est, quod habet D. Chrysostomus hom: 3. in Acta Apostol. quod unius animæ perditio tantam habeat jacturam, ut nulla ratione possit æstimari; si unius animæ valor tantus est, ut ob ejus redemptionem necesse fuerit filium DEi incarnari, & tanta pati; quantam oro merebitur poenam*

nam, cujus incuria tantum pretium perit? Quod si quis ob hominem in hac vita perditum morte dignus est, quanto dignior erit, qui animam occidit? Metuebat hanc redditionem rationis Chrysof. lib. 3. de Sacerdotio. *Si enim ait horremus, dum id nobis iudicium subeundum est, in quo peccatorum propriorum rationem reddituri sumus, quid illi expectandum est, qui tam multorum nomine causas sit dicturus? Vigilant inquit Apostolus, pro animis vestris tanquam rationem reddituri. Hicne exigui tibi videtur comminationis terror? equidem illum quantus sit, verbis exprimere, non possum. Et Bern: serm. 3. de adv. Quid ego infelix? quo me vertam? si tantum thesaurum, si depositum illud pretiosum, quod sibi Christus sanguine suo pretiosius iudicavit, contigerit negligentius custodire: si stillantem in cruce sanguinem Domini collegissem, esseque repositus penes me in vase vitreo, quod & portari sapientius oporteret, quid animi habiturus essem in discrimine tanto? Et certe id servandum accepi, pro quo mercator non insipiens, ipsa utique sapientia, illum sanguinem dedit. Hæc Bern. Reflexat se omnis qui præest, super se & super commissos sibi, memor, quod non sua solum, sed & aliena portet peccata ad iudicem, ut innuit S. Greg: scribens Anastasio præfecto epist. 29. Ego te inquit, bene vivere scio, me autem multo peccatis oneratum novi. Quia; si tu*

*etiam peccator es, me tamen multo melior, quia tu tua tantummodo peccata, ego & eorum, qui mihi commissi sunt porro. Vera sunt illa Salomonis Sap: 6. Iudicium durissimum his, qui præsumunt, dum de manibus eorum requiretur anima subditorum. Princeps Saracenorum Vualid homo alioquin fidei expertus sigillo suo hæc verba insculpta habebat: O Vualid moriturus es & rationem redditurus: teste Erpenio in hist. Saracena lib: 1. cap: 13. Utinam præfides Christiani eandem secum circumferrent signaturam non tam in annulo, quam in medio cordis sui, ausim promittere, quod non tot secum præcipitarent in ruinam. Cura tibi aliorum commissæ est, ita eam habe, ut nec te, nec quenquam ex eis perdas. Sed revertamur ad Christum.*

II. Alterum verbum servi nostri habetur apud Matthæum cap. 26. *Tanquam ad latronem existis cum gladijs & fustibus comprehendere me. Varro lib. 6 de moribus Rom. dicit quosdam servos vocatos fuisse latrones, vel quod servirent pro mercede, merces enim græce latron dicitur, vel quod adhærent lateri Dominorum à quo latrones seu latrones dicebantur. Servus noster tanquam latro factus est, adhærebit lateri eorum, à quibus emptus est, dum vita supererit, servietque pro mercede, quam pro eo licitatus est impius. Quid porro volunt ista: tanquam ad latronem existis comprehendere me?*



verba sunt exprobrationis, an approbationis? Exprobrationis putarem reflectens me ad ea quæ habet Apostolus 1 Pet. 4 *Nemo vestrum patiat ut fur, aut homicida*, quanto ego magis indecorum videri debet, si cum sceleratis reputetur latronibus, qui peccatum non fecit. Sanè si iniqua res visa est Goliatho, quòd David secum descendisset in prælium non in gladio, & arcu, sed in baculo, ut eidem exprobràret 1 Reg. 17 *Nunquid ego canis sum, quia tu venis ad me cum baculo*, quanto exprobratione dignius est, quòd ad Christum tanquam ad latronem descenderit turba cum fustibus. Quotidie, ait, apud vos sedebam in templo, et non me tenuistis, quasi diceret: latro & latet & nocet, ego nec latui, nec nocui; non latuisse me probat facies templi, non nocuisse me testantur miracula: Latro vias obsidet, vitæ insidiatus, aut nummo; ego urbes & castella omnia benefaciendo transivi: si latro fui, tenendus eram, cum quotidie apud vos essem docens in templo. Stultum est ait Hieron. in hunc locum, cum gladijs & fustibus querere, qui ultro se tradit vestris manibus, & in nocte quasi latitantem & à vestris oculis declinantem proditorem investigare, qui quotidie in templo doceat. Exprobratoria ergo verba fuerunt verba Christi. Verùm & approbatoria fuisse negare nequeo. Latronem se, seu tan-

quam latronem nominat, qui postridie insigni latroni postponendus est, & cum iniquis reputandus: patitur hodie tempus reputationis, cras subibit tempus putationis, quando medius duos inter latrones putabitur latro, clavis amputabitur è vita? Personam primi latronis, qui suis rapinis abstulit nobis cum vita omnem substantiam, in se suscipit; hinc est, quod tanquam latro quærat ad patibulum. Vidit in eo vix dum nato personam hanc latronis Bern. serm. 2 de circumcis. ubi de eo dicit; vix dum natus, *quæ non rapuit exsolvit, nec solum formam hominis, sed formam habet peccatoris, & infigitur velut quòdam cauterio latronis*. Vidit & in morituro lib. de perfect. vitæ cap. 6 *Adhuc vide*, ait Christi majorem ignominiam, quia & inter latrones tanquam latro suspenditur, & in medio tanquam Princeps latronum. Vidit ante eum Propheta: unde & nomen ejus vocat: *Accelera, spolia detrahete, festina prædari*. Isai 8. ipseque Jacob. Patriarcha de eo vaticinans Gen. 49 *Catulus Leonis Juda, ad prædam fili mi ascendisti*, qui scilicet expoliens principatus & potestates traducturus erat confidenter palam triumphans illos in semetipso. Latronem ergo se Christus vocat, & tanquam talem approbare videtur.

Judic. 11. cum fratres sui exclusissent ab hæreditate Jephthæ, congregati sunt ad eum viri inopes, & latrocinantes

nantes, & quasi principem secuti: quem locum ponderans Aug. in *Judic. quest.* 49. advertit eum optimè competere Christo, ejecerant eum fratres sui ab hereditate, ejecturi eundem paulò post de vita, & congregati sunt ad illum viri inopes, & latrocinantes, & quasi principem secuti, id est, ut explicat Aug. collecti sunt ad eum sceleratì homines propter remissionem peccatorum & usq; nunc ad eum confugiunt mali, ut justificet impios, & discant iniquas vias ejus. Latro ergo Christus, & princeps latronum, ad cujus capturam turba mixti generis conjurat, magistratus concurrit, & subditi, divites & pauperes, pontifices & laici, Judæi & gentiles. Latro ergo Christus est: ò si in hunc latronem incidam! O si id unum latrocinii addat suis, ut me ipso me exuat, aut saltem adlegat in numerum eorum inopum & latrocinantium, qui ut principem eum sunt secuti!

III. Vltimum, quod ad comprehensores Christus proloquitur, verbum est. HEC EST HORA VESTRA, ET POTESTAS TENEBRARUM: in hoc verbo se alienæ subjicit potestati servus noster: quod si factum non fuisset, frustranea fuisset Judæ ac Pontificum licitatio, frustraneus omnis conatus impiorum, neq; enim DEus potuit fieri servus peccati, nisi volens: quanquam & aliàs semper suspectæ fidei est obsequium, quod vis aut metus extorquet, fere si-

cut Seneca lib. 4. de benef. cap. 19. *in-gratum vocat eum, qui metu gratus & obsequens est*, hoc tamen singulariter verum est in servo peccati, sicut enim ipsum peccatum non nisi voluntate contrahitur, ita servitus peccati, & obsequia servitutis non nisi voluntaria esse non possunt.

Làértius lib. 6. refert de Diogene, quòd cùm moneretur ab amicis, ut insequeretur servum profugum, riserit consilium, inquiens: nulli unquam invito panem ingerendum esse, maxime cùm nihil intersit, sive nullum, sive metu adactum servum habeas. Vis & metus monstrare servum possunt, non demonstrare, & facere; simulat enim obsequium, non præstat, qui invitus est servus: & hinc est, quòd lege Romana cautum fuerit, teste Alexandro ab Alex. lib. 29. *genial. cap. 20.* ne ij, qui civibus capti in prædam venissent, venum irent, ne fortè simulata eorum obsequia detegerentur, cùm ferro perditam libertatem in cervicibus Dominorum ulciscerentur: imò nec ipsi DEO placet coacta servitus: sic teste Basilio Episcopo Seleuciæ orat. 3. primo servo in paradiso his omnino verbis præceptum DEus imposuit. *Tu non terrore, sed amore honorem mihi defer, tu major cùm sis, esto plantæ paradisi illustrior, & voluntaria sua obedientiâ carpam fructum honoris:* sic Ambrosius in ps. 118 loquens de Isaia propheta

pheta, Imperare, ait, potuit servulo suo, sed maluit eum spontanea oblationis non fraudare mercede, qui ut ipse se offerret prestolatus est, unde inquit Isai. 6. quem mittam? & quis ibit nobis? etenim quasi voluntarium organum DEUS requisivit. Et hinc est, quod in ipsis etiam sacrificijs primitiarum servitutem voluntariam requisiverit Dominus, ut patet ex illo Exod. 32. Omnis voluntarius & prono animo offerat eas Domino, quod Hebræus & Chaldæus legit, omnis cuius spontaneum est cor, offerat oblationem DEO: certè vates regius non aliter se hostias laudis oblatorum promittit, quam in bona voluntate, unde & ait: voluntariè sacrificabo tibi, & confitebor nomini tuo, quoniam bonum est, Ps. 53: quin & in ipsis victimis bestiarum id suo modo requisitum fuit apud cæcam gentilitatem, nam teste Macrobio lib. 3. Saturn. cap. 5 & Plin. lib. 8. cap. 45 id à sacrificantibus observatum est, ut si hostia, quæ ad aras ducebatur, fuisset vehementius reluctata, ostendissetque se invitam altaribus admoveri, amoveretur. Et ita quidem se res habet cum obsequio alterius servitutis.

Cæterum servus noster propria omnino voluntate talis est: Oblatus est, ait de eo Scriptura, quia ipse voluit; quod si noluisset, in cassum cecidissent casses Judæ, & artes Judæorum; traditor ipse sui esse debuit, prout defa-

cto seipsum tradidit: ubi enim dixit, hæc est hora vestra & potestas tenebrarum, filius lucis exiit se potestate lucis, & subdidit potestati tenebrarum, & Dominus omnium factus est omnium servus: hæc est hora, in qua vir potens opere & sermone impotens apparuit, in qua impleta est Scriptura Isai 54. Ad punctum, in modico dereliqui te, & in miserationibus magnis congregabo te: hæc est potestas tenebrarum, in qua summa rerum potestas sine potestate, potestati tenebrarum se subicit. O hora semper prima! quia nulla ante te similis fuit, semper novissima! quia nulla tibi similis unquam erit. O potestas supra omnem potestatem! quia potestati huic subditur ille, in cujus manu est potestas omnis terræ. Eccli. 33. Filio, & mulieri, fratri & amico non des potestatem super te in vita tua: & super eum, cujus potestas est potestas æterna datur potestas nocti, & tenebris, datur inimico. Quod DEUS fœmina obtemperet, ait Bern. hom. 1 super missus est, humilitas est absq; exemplo, & quod DEO fœmina principetur sublimitas absque socio, & tamen ut DEUS fœminæ obtemperaret, maternitas exigebat, ut fœmina DEO principeretur, suscepta filiatio requirebat.

Quis verò vidit unquam talia, ut qui posuit solem in potestatem, diei lunam & stellas in potestatem noctis, sub potestate fieret tenebra-



nebrarum; quod verò lux potestati tenebrarum obtemperet, humilitas est sine exemplo, quòd luci potestas tenebrarum principetur; sublimitas est sine socio. Acceperat equidem in beatum Job potestatem potestas noctis tribulantis, sed hanc oppidò limitatam, nam de hac potestate dicitur. *Ecce in manu tua est, veruntamen animam illius serva*; acceperat potestatem noctis iussus immolare filium Abraham, sed non acceperat ejus exercitium, nam eidem dicitur: *non extendas manum tuam super puerum, nec facias ei quidquam*: usurparant hanc potestatem fratres in Joseph, inveterati malorum senes in Susannam, in Danielem Babylonij; sed vana fuit hæc eorum potestas, neq; enim lumen eorum extingvere poterant: quæ supra servum nostrum potestas data est tenebris, est potestas sine exemplo, subjectio sine socio. *1. Reg: 1. expoliavit se Jonathan tunica, qua erat indutus, & dedit eam David, & reliqua vestimenta sua usq; ad gladium & arcum suum, & usq; ad baltheum*. Nonne ad hanc ipsam vocem, Hæc est hora vestra & potestas tenebrarum expoliavit se his omnibus Dominus omnium, & rediit in servitutem iniquæ potestatis? quid enim aliud est vestimentum? nisi potestas defendendi se, quid gladius? nisi potestas ulciscendi, quid arcus? nisi libertas agendi, quid deniq; baltheus? nisi autoritas judicandi: expoliavit se his omnibus Dominus Maje-

statis, cum seipsum tradidit potestati impiorum; dixi, cum seipsum tradidit, nam & ipse sui traditor est, & Pater est traditor, & Judas est traditor, ut observat S. Thom: irepist: ad Galat. *Ipse, ait, Filius tradidit se, & Pater quoq; tradidit Filium, & Judas etiam tradidit eum, & totum quidem una res est, sed non una intentio, quia Pater ex charitate, Filius ex obedientia simul & charitate, Judas impius ex cupiditate & proditorie fecit. O horâ! horam brevem! in qua transit omnis voluptas, & omnis decor, & succedit afflictio & miseria corporis & spiritus: ô potestatem tenebrarum! in qua datur libertas principibus tenebrarum omnia mala perpetrandi in Christum. O horam! ô potestatem! in qua ipsa potestas tenebrarum in filios lucis evadere posset, si vellet. Conspice, quantus hic erit dominatus, ubi penes ipsas inferni furias imperium est: nullus hic furor Amanis in Mardocheum, nullus uxoris Putiphar in Joseph, nullus fabulosæ Junonis in Paridem similis cogitari potest, simulq; mente tua non excidat illud dictum ad Pilatum. Non haberes potestatem super me ullam, nisi tibi datum esset desuper. Ego priusquam, quid in servum meum petulantia potestatis hac hora operetur, inspiciam, ad ea, quæ initio horæ contigerunt convertar.*



## CAPUT VI.

*De abscissione auriculæ, ac verbis  
ad Petrum.*

**I**EXod: 21. perforari jubentur subulæ aures servo in signum perpetuæ servitutis, qui anno septimo illius liberari non vult à subjectione: quæ res ad ipsas etiam gentes promanasse videtur, ut colligitur ex Juvenale Satyrico ubi libertinus monet servum molles in ejus aure fenestras ostendere, cujusnam ille sit conditionis. Tempus passionis Christi tempus libertatis est, & annus septimus, quo datur exire de servitute longè graviore, quàm fuerit servitus Ægypti, quia datur exire de servitute peccati: Beatus revera animus, quem jure pascha nostrum dicere possumus, in quo solutis vinculis peccatorum servus asseritur in libertatem filiorum DEI, annus Jubilæi & remissionis, in quo solvitur dura servitus, in quam ab origine venditi eramus. Quid verò? an etiam beato hoc tempore servitutem aliqui servire desiderant? probat id gladius Petri secantis auriculam Malchi. Servus Pontificis aurem porrexit non modò perforandam sed penitus abscindendam. Ne aliquando esset non servus Pontificis: servilis homo capite potiùs minuendus, quàm auriculâ, priusquam sacrilegam manum in obsequium Pontificis extendat ad alamp infligendam liberatori. Nauci homo aurem perdere maluit, quàm ser-

vitutem, & sæcularibus famulari potestatibus absq; aure, quàm aurem aperire ad audiendam vocem liberatoris. Bene Petrus aurem Arcadi abstulit, *neque enim fas est habere aurem in specie, quàm in mysterio non habebat*, ait Ambr: Orat. de tristitia, dolore, & tædio. Bene Petrus aurem abstulit malè audientis, quia ipse sicut absolventi, ita condemnandi obtinuerat potestatem: abscindi digna est auris servi, quam ad omnia aperit, præterquam ad verba sapientiæ. Diabolum in quorundam auribus nidulari scribit Bernardus, demonstravit Malchus, qui quæ à Pontifice audiit verba Sathanæ, tam fidei aure conservabat; dignum proinde erat, ut cum nido ipsum nidi receptaculum erueretur: si scandalum sit auris, aurem abscindendam monet veritas, exequitur Petrus, qui si scandalum ipsum tulisset in gladio, zelatus fuisset pro suo officio. Abscidit auriculam servi, quam ille revelaverat Pontifici, ut faceret malum in virtute Domini. Dexteram auriculam abscidit quia à Petro excommunicati, ait Costerus hic, efficiuntur alieni à divinis rerum cælestium promissionibus, retinent autem sinistram, qua post istius temporis solatia districti Judicis maledictionem audiant: quod ipsum innuit Theophylactus. *Attende*, ait, *tu, hic desecati auriculam servi Pontificis, signum fuisse inobedientiæ Judeorum, ut audientes non audiant propter impietatem erga*  
Sal-

*Salvatorem, quæ maximè fuit Pontificum, & ideo auriculæ abscissio in servo Pontificis facta est: Et Euthymius. Ablata est servo Pontificis auriculæ, ut sit signum, quod principes Sacerdotum præ invidia auditu privati essent, ne audirent & intelligerent, quæ de Christo emunt, prophetias.*

At siste zelum, & gladium Petre! ignoras, quem percutis? ERAT NOMEN SERVO MALCHUS: Regem significat Malchus, regem feris? de crimine Majestatis reus ageris? nihil ad hæc Petrus, non ille Regem, non Pontificem reveretur, percutit in gladio, quem videt inimicum Domino: sit Rex ait, aut servus est; regna sua regat ille, ego regam illum, & auriculam ejus. Pontifex futurus Ecclesiæ Christi, & majorem Regibus auctoritatem habiturus hac abscissione auriculæ exemplum dabo successoribus, quomodo etiam reges percutiant in gladio. *Cum de Religione agitur, neq; cujusquam vultum reformido,* ait Sbignæus Cardinalis Episcopus Cracoviensis reprehensus à Vladislao Rege Poloniae, quod legatis Bohemorum Hussitis Cracoviæ præsentibus mandaverit cessari à sacris teste Cromero *hist. Polon: l. 20:* ardentius autem D. Ambrosius prodicionem Ecclesiarum impediens utiq; ad jugulum, *Respondi, ait, quod sacerdotis est, quod Imperatoris est, faciet Imperator; prius est, ut animam mihi, quàm fidem auferat, Et rursus in Au-*

*gentium scribens: Scitis quod Imperatoribus solem deferre, non cedere, supplicij me libenter offerre, nec metuere, quæ parantur. Si me vis aliqua abducere posset ab Ecclesia, caro mea posset, non mens exturbari; si ille faceret, quod solet esse regia potestatis, ego subirem quod sacerdotis est. Siste tamen zelum, & gladium Petre! princeps futurus fidelis militiæ malè aurem adhibendam fidei (fides enim ex auditu, & sine aure auditio non est) amputas, arma quidem portaturus es; sed arma tua erunt orationes, & lacrymæ teste D. Bern. *epist. 232,* post D. Ambrosij lib. de basilicis non tradendis, dicentem: *Lacrymæ mea arma sunt, talia enim munimenta sunt sacerdotis, in cassum apprehendis gladium: Acholium Episcopum Thessalonicensē laudat Ambrosij lib. 1. *epist. 22.* quod furias Gotthorum exegerit ex Macedonia non gladijs, sed orationibus, non telis, sed meritis, quod ipsum de S. Jacobo Nizibes Episcopo testatur Nicephorus lib. 14. *cap. 4.* talia planè arma tua Petre sunt, arma justitiæ, arma lucis, armatura Dei, & gladij spirituales; his tu gladijs bellabis, sed non præpropere: ferro enim abscindenda sunt vulnera, quæ non sentiunt fomenta, ut habetur in Synodo Romana sub Symmacho Papa circa annum 550, & in Aurelianensi V. Nullus sacerdotum quencquam rectæ fidei hominem pro parvis & tenuibus causis à communione suspendat, prater**



*eas culpas, pro quibus antiqui Patres ab Ecclesia arceri jusserant committentes. Quid porro ad hæc servus peccati, in cujus defensionem Petrus arma strinxerat? dicitne? Percute: amputa auriculam malè audientis populi, qui habet aures audiendi, & non audit, amputa auriculam magistrorum prurientium auribus, qui à veritate quidem auditum avertunt ad fabulas autem convertuntur, amputa auriculam, ne amplius delinquant, qui audita servare nolunt, amputa auriculam, ad quam velut ad infamem scopulum tot saluberrima monita perierunt. Dixit talia CHRISTUS? absit.*

II. CONVERTE, ait, GLADIUM TUUM IN LOCUM SUUM: OMNES ENIM, QUI ACCEPERINT GLADIUM, GLADIO PERIBUNT. CALICEM, QUEM DEDIT MIHI PATER, NON BIBAM ILLUM? Caput servile nullum jus habere tradunt jura *leg. 3. ff. de capite minutis*, nullamq; servos pati injuriam *Instit. de injurijs §. servis*. Ure, seca servum, totum eum lacera, impune feceris: lex nulla afflictioni servili posita est, nulla obligat Dominum contra servum. An non novit id Polonia nostra? in qua cum oppressus pauper statuta & constitutiones appellat, non raro audire cogitur. Non pro te furcifer statuta scripta sunt, sed pro Dominis teste *autore Reformationis morum Polonicorum cap. 5.* Et ne humana solum jura in his deficere videan-

## Caput VI.

tur, neq; Divina lege vetitam esse injuriam servi mentitur sibi iniquitas. *De servis*, ait Macrobius lib. I. Saturnal. cap. II. *Divina non curant*, contra quem bene Seneca epist. 27: hinc ortum habet illa maxima, quam sibi pro lege statuit dominatus apud Chrysolog. serm. 141. *Quidquid Dominus indebitè, inacundè, libens, nolens, oblitus, cogitans, sciens, nesciens, circa servum fecerit, judicium, justitia, lex esto, & imperantis ira subito jus est: hæc lex Medorum est, atq; Persarum, hanc non licet immutare.* Hacne etiam lege teneatur mancipium nostrum? utique: nam & teste scriptura, *fecerunt ei quacunq; voluerunt.* Tentaverat quidem Petrus in ore gladii prohibere injuriam servi, sed hic ipse avertit auxilium gladii ejus *nolens persecutorum vulnere defendi, qui voluit suo omnes sanare*, ait Ambros. in. cap. 22 *Luc.* nec sustinens eximi legibus servitutis, qui venerat omnem legem adimplere, Converte gladium tuum in locum suum, omnes enim qui acceperint gladium gladio peribunt; Per quæ, ait Euthymius, eum increpando docuit, neq; etiam pro DEO defendendo utendum esse gladio. Deut. 33 dicitur. *Benedictus es tu Israël, quis similis tui populi, qui salvaris in Domino, scutum auxilij tui, & gladius gloriae tae.* hic unus tuetur servum gladius, gladius gloriæ, de quo Ps. 120. *Dominus protectio tua super mē.*

*manum dexteram tuam, cæteri gladij nihil profunt.*

Teste Ammiano Marcellino *lib. 31 hist.* servilis Alanorum gens nullum templum, aut delubrum habebat, sed gladius nudus humi defixus ei pro DEO erat, quod nihil aris, divumq; providentiæ adscriptum vellet, sed ab ore gladii omnia fatorum decreta, & de manu gladii omnem fortunæ sortem se expectare testaretur. Gladium ali-um & tu Petre frustra defendendo ser-vo iadhibes præter gladium gloriæ, præter gladium DEI, ipse sicut con-stitutum est servire debet, duciq; ab illo, qui in proximo cinget eum.

Tertullianus *lib. de patientia cap. 3* hoc Petri gladio vult esse vulneratam Christi patientiam: verba ejus sunt: *Ne unius quidem discipuli (id est discipuli) gladium in ultionem probavit: patientia Domini in Malcho vulnerata est, itaq; & gladij opera maledixit in perpetuum, & sanitatis restitutione ei, quem ipse non vexaverat, satisfecit per patientiam misericordie Matrem.* Hæc ille. Putabat Petrus se ferire Malchum, & tetigit Christum, patientiam ejus vulneravit. Ut video cum Christus in forma servi apparuit, non solum ea quæ fecerint homines minimis ejus ipsi faciunt, sed etiam quæ fecerint inimicis ejus. Nec id mirum est, inimici enim ejus dominati sunt ejus, unde in quo læduntur ipsi, in hoc dolere

debet servus. Audiant hæc viri sangvini, qui contra jus omne & fas cædunt in gladio: Christus maledixit opera gladij, quæ processerunt ex zelo Apostolorum principis, quod ijs ipse vulneraretur in servo Pontificis, & injustum militem non feriet de impio vulnere: sangvinem animarum requireret de manu justorum, qui judicat justitias, & non requireret de manu hominum perversorum? si bestia, quæ hominem devorat, & homicidio non poluitur, poena homicidij plectitur, quanto magis plectetur is, cuius manus plenæ sunt sanguine. Cum occiderit DEus peccatores, viri sangvinum declinate à me, clamat Psalmista, ne unâ vobiscum ruinâ opprimar: si omnes qui acceperint gladium, gladio peribunt, quanto magis, qui in gladio occiderint, & insontes occiderint, gladio occidi oportet: denique si teste Tertulliano *lib. de idolol. cap. 19* lege Romana firmatum est, ut gladio subiciatur, qui gladium vertisset in ministros magistratus etiam nocentes, quanto magis plecti dignus est, qui innocentem sangvinem fuderit.

CONVERTE GLADIUM TUUM IN LOCUM suum, neque enim alieno vulnere sanabis cauterium servitutis meæ: calicem quem dedit mihi Pater non vis ut bibam illum? bibisti ipse calicem in cenaculo, quem miscui tibi; bibunt subditi calicem, quem ipsis porrigunt

Domini.

Domini, & ego non bibam calicem, quem mihi manus Patris obtulit, voluntas Sanctissima propinavit? ædificare debeo in triduo templum nomini Domini supra te petram, & quomodo sanguine polluar alieno? Davidi dictum est 1 Paralip. 22 *Multum sanguinem effudisti & plurima bella bellaſti, non poteris ædificare domum nomini meo tanto effuso sanguine coram me: & tu quem elegi, ut ædifices domum nomini meo, inquinare vis manus tuas sanguine peccatorum? Calicem, quem dedit mihi Pater, non vis ut bibam illum? porrigit eum iniquitas, sed Pater miscuit: offert persecutor, sed propinat Pater; ab homine odiente videtur procedere, & procedit à Patre diligente: non respice virgam quæ percutior, sed manum, quæ percutit, Pater est, qui ferit: ita fiat; quoniam sic placitum est ante eum.*

CONVERTE GLADIUM, AN PUTAS QUIA NON POSSUM ROGARE PATREM MEUM, ET EXHIBEBIT MIHI MODO PLUSQUAM DUODECIM LEGIONES ANGELORUM? cesset vindicta, ubi exhibenda est patientia: agnus sum, sed septem cornibus proviſus, quibus ventilare possum omnes gentes; septem oculis conspicuus, ut si vellem, possem effugere omnes; leo sum, cujus rugitum nemo ferre posset, fortis zelator sum, quem nemo sustinere posset, nec tamen mihi meus defensor sum, & tu arma protectionis

conde, converte gladium, sine modo, sic nos decet omnem implere justitiam.

QUOMODO ERGO IMPLEBUNTUR SCRIPTURÆ, QUONIAM SIC OPORTET FIERI? Tempus patiendi, non faciendi, tempus ferendi, non ferendi, tempus portandi, non excutienti jugum servitutis: Sic oportet fieri. Oportet verbum necessitatis est: ubi serviendum est, patientia necesse est interveniat servi. Vides quot motiva offerat condendi gladij vulnerata Christi patientia: ut & tu discas, quid agere debeas in tempore opportuno in quo te oportebit bibere calicem, quem ob delicta tua tibi miscbit justitia misentis DEI. 2 Reg. 16 maledicente Semei Davidi fugienti à facie Absalom, & in ultionem accenso gladio Abisai filij Sarviz, ait Rex: *Quid mihi, & vobis est filij Sarviz? dimitte eum, ut maledicat: Dominus enim præcepit ei, ut malediceret Davidi: & quis audeat dicere, quare sic fecerit? dimittite eum, ut maledicat juxta præceptum Domini.* Dominus, ait, præcepit. Si præcepit? oportet implere præceptum mandantis Domini, grave sit, vel leve, dulce, vel amarum. Dominus est, quod bonum est in oculis ejus, faciat. Virgam ego osculabor, quacunque me feriat manu Pater meus; crucem amplectar à quocunque ea fabricata sit artifices: quoniam sic oportet fieri: oportet verbum necessita-



tis est. Sic nos decet implere omnem justitiam.

III. ET CUM TETIGISSET AURICULAM EJUS, SANAVIT EUM LUC. 22. Veteres medicinam per servos exercuisse testatur *lex in communes Cod. de communi servo manumisso*, habetque Cicero pro Dejotaro, Varro lib. 1 de re rustica cap. 16. Seneca lib. 3 de beneficijs cap. 24. Hanc etiam artem exercet servus peccati, & exercet erga Malchum, à quo paulò post alapa crudeli ferendus est; sanat auriculam miraculò, quam utinam commodaret fidei, quæ est ex auditu: *aurem servi*, ait B. Leo serm. 1 de passion. *jam ipsa sectione demortuam, & à compage viventis corporis alienam in sedem debonestati capitis revocat manus Christi, nec tardè caro sequitur ejus imperium, cujus erat ipsa figmentum*. Dignus erat nebulo, qui caput perderet pro maleficio, & restitutionem amissæ auriculæ accipit in beneficio. Aurem recepit servus Pontificis, ut pareat, nisi serpens esse maluisset è numero eorum, qui obturant aures suas, ne vocem audiant incantantis sapienter: Restitutus est in eum statum, in quo accedere posset ad ministerium Domini, & oblationem sacrificij; nam ex versione septuaginta Interpretum, truncus auribus sicut & alij navili, de quibus *Levit. 21* prohibebatur immolare Domino, vel si non fuit de filijs Aaron servus Pontificis, & partem nul-

lam habuit cum altari, saltem restitutus est in eum statum, in quo dicere posset: *Sacrificium & oblationem nolui, aures autem perfecisti mihi: & iterum illud: Dominus DEUS aperuit mihi aurem, & ego non contradico, reorsum non abij; nisi ingratus homo de grege servilium illarum animarum fuisset, apud quas cum feritur beneficium, metitur contumelia*.

Auricularium fecerat sibi David Banaïam filium Jojadæ nominatum inter tres robustos, qui erant inter triginta nobiliores 2 Reg. 23: talem sibi & Malchum paratus fuit facere Christus, si ille appropinquasset, ut audiat. Verùm furdus homo etiam cum miraculosa aure sua nec ipsum VERBUM Patris audire sustinens cum integris etiam auribus mutilatam mentem, adeoque incapacem secretorum se habere monstravit. Potes esse salvus, dicebat Antonius Magnus Paulo Simplicio; cùm eum acerbis durisque exercuisset, ut experiretur, an dignus esset, qui in numerum monachorum adlegeretur: potes esse salvus, si habeas obedientiam, teste Palladio in *Lausiaca cap. 28*: dicit idem non verbò, sed re ipsa Malcho suo Christus, sed non inveniens in eo auricularium, seu virum auditionis operam ludit, neque enim loquentem sequitur, sed coedit in faciem. Itane Malche, ita rependis vicem sanatæ auri, ita beneficiū illud, quod dehonestamen-

tum mutilati capitis tui auferendo, in aure, hoc est in memoriæ symbolo collocatum est? Unam talem ingratam belluam terra te tulit, qui ponis mala pro bonis adversus eum, à quo sanitatem recepisti; unus tu ingratum induisti mulum, qui calce ferias, à quo beneficia accipis; unus tu canem peregrinum, qui allatres ac mordeas eum, à quo offam obtinuisti. Omne dixeris maledictum, ait Syrus, cum ingratum hominem dixeris. Sed quid ego officiperdam? sic vocat Cato eum, qui beneficia perforato haurit animo, quæ quasi ex cribro aquæ effluant, quid inquam ego Malchum accuso? meam mihi vellicat aurem mea ingratitudo, toties aurem mihi perfecit Christus, quoties salutares inspirationes mihi ad aurem locutus est; & quid ego? an non contradixi? an retrorsum non abij? simul misertum est, gratia interiit simul. *Æliano* teste lib. II de animal. cap. 4. Cum Cereri sacrificandum erat, indomitum taurum per aurem trahebat Sacerdos foemina ad altare, quem duodecim viri non caperent & detinerent: hæc poterat una mulier cum bellua indomita, & non potest mecum omnis virtus DEI, ut inclinem aurem meam in verba oris ejus; Malcho necesse est deterior sim, & ijs quorum incircumcisæ aures aggravatæ sunt, ut facerent malum, & levarent calcaneum suum contra Altissimum. Tu saltem

Christe aperi mihi aurem, ut cantem tibi, quia omnia bene fecisti; & surdos fecisti audire, & mutos loqui

## CAPUT VII.

## De fuga Discipulorum.

I. **N**emo libenter servituti sit comes; citius invenies, qui cum Lacone illo clamante, *Non serviam*, caput illisum parieti frangat, de quo *Seneca epist. 78*, quam qui servili miseriam socius esse velit, hocque tantò minus, quantò quis plus ante de servitute novit. Sic de Catone Uticensi refert Dio in *Cæsare*, quòd cum Cæsarem victoriâ potitum videret, morti se dedit remisso ad eum filio ac nuncio, qui diceret, præsentem hunc statui assuefieri posse, se autem qui in libertate natus, atque educatus consensisset, servitutem deinceps ferre non posse, & Cæsaris misericordiam longè sibi morte graviolem futuram: noluit hic filio proprio comes ire in servitutem, sicut noluerunt sibi proprios filios jungi in servitute mulieres illæ Macedonicæ atque Dardanicæ, de quibus *Philo lib. quod omnis probus sit liber*, testatur, quòd cum crederent servitutem esse miseriarum turpissimam, pueros, quos in ulnis gestabant, projecerint in gurgitem fluminis vociferando: *Nos certe non serviemus*. Misera res est servitus, nemo in eam facillè conjurat cum alio; alijs malis communes humeros faci-

facile commodamus, jugum commune servitutis nemo audet subire. Dominus Majestatis servitutem subiit, & jurati ipsi usque ad mortem recedunt. TUNC OMNES DISCIPULI RELICTO EO FUGERUNT. Matth. 26 fugerunt, inquit, ut ipsa fuga se non esse servos demonstrarent. *Leg. 17. ff. de adilitio editto* dicit Coelius, libertatis cujusdam speciem esse fugisse: speciem dicit, quia, ut loquitur Tacitus *lib. 1 ab excessu Augusti*, simulachrum quoddam libertatis est, apud tales fugitivos potius, quam res ipsa: fugiunt tamen tales metu ne unâ ruinâ servitutis opprimantur. At state viri, non bene quæritur in pedibus libertas, pro qua pugnandum est, & occumbendum, nemo verius liber est, quam qui pro libertate moritur. Liberos Nursini dixerunt eos teste Svetonio in *Octav. Aug.* quorum, cum in acie Mutinensi occubissent, tumulum coronarunt hoc epitaphio: *Pro libertate occubuerunt.* State & ab imbelli fuga trepidum revocate pedum; non servietis modò, nondum enim venit hora vestra; servietis autem postea, quando tradet frater fratrem in mortem, & pater filium, quando circuibitis in molis, in pellibus caprinis egentes angustati, afflicti, servi & mancipia projecta terræ, state securi omni timore, unus ipse Christus, sicut vires omnes hortium sustinet, & lassat, sic unus jugâ servitutis subiturus est. Sic nuper

Sedecia in servitutem Chaldaicam reducto fugit omnis comitatus ab eo: *Jerem. 52*, sic potestate à diabolo accepta in Beatum Job avelluntur ab eo omnes chari ejus. *Obsederunt*, ait ipse, *Job 9 in gyro tabernaculum meum, fratres mei longè steterunt à me*. Sic capto Israël lamentatur Jeremias. *Thren. 1*, quia *abstulit Dominus de medio ejus omnes magnificos ejus*.

II. TUNC RELICTO EO OMNES FUGERUNT. *Ps. 39* conqueritur David quòd cor ejus dereliquit eum: mira hæc querela est, quomodo enim aliquem cor ejus fugere potest? primum hoc vivens, & ultimum moriens, cum primo ab homine recederet, homo cederet à seipso. Cadaver erat, non homo fenerator ille de quo in vita S. Antonij Patavini, cujus cor inter nummos sepultum jacebat, Nihilominus queritur David, quòd cor ejus dereliquerit eum, metonymiam crederem, sic enim vagos motus animi vocare solemus avolationes cordis, de qualibus lamentatur Augustin. in *Ps. 75 Bern. in modis* Sc. nisi fugitivum Christi gregem respicerem. Ad dictus ille erat servituti peccati, distractusque in mancipium, cor ejus dereliquit eum, cor ejus erant noti ejus, in his quos amabat, magis erat cor ejus, quam ubi animabat: hoc cor ejus dereliquit eum, quando omnes noti ejus quasi alieni recesserunt ab eo *Job 19* factus est Christus in servitute sua



quasi excors. Lamentatur ipse de hac cordis sui amissione apud psalmistam ps. 87 *longè fecisti notos meos à me, posuerunt me abominationem sibi.* Et iterum: *Elongasti à me amicum & proximum, & notos meos à miseria.* Miserriam vocat sanctissimam humanitatem suam servituti subiectam, ut advertit D. Hieron. in hunc locum; ab hac velut à cadavere elongari solent homines; recessit cor ejus, cum discipuli relicto eò omnes fugerunt. Locum hunc, *Elongasti à me amicum & proximum & notos meos à miseria*, Chaldaeus ita legit: *Et notis meis obscurus ero in conspectu eorum:* quasi diceret; obscuros se, & ignobiles putarent noti mei, si me suum agnoscerent: ita pudet eos ignominiae mex: Alia autem versio habet: *Et noti mei in tenebris sunt*, abdentes scilicet se in tenebris, ne me videant. Vide quomodo dereliquit eum cor ejus, quomodo abominati sunt eum quondam consiliarii ejus. *Judic 16* Samson capillos amisit, & recessit ab eo virtus ejus, Christus libertatem perdidit, & cor ejus dereliquit eum. O cor olim imperterritum, quod antehac dicebas: Tecum paratus sum & in carcerem, & in mortem ire! incudem te putabam, & stipula es, quæ vento rapitur: non metuit incus maxima strepens quidpiam, mensque sapientis vim trahentem quamlibet, & tu ad crepitum agitaris? justum & tenacem propositi vi-

rum, non civium ardor prava jubentium, non vultus instantis tyranni mente quatit solida: si fractus illabatur orbis, impavidum ferient ruinae: & tu inani metu percelleris? ô cor cervinum, non cor Christi! Dicebas olim, Eamus & nos; moriamur cum illo; tantumq; non illud poëtae Juvenal. Phalaris licet imperet, ut sis falsus, & admoto dicet perjurium tauro, summum crede nefas animam præferre pudori; & nunc fugis nemine persequente, & ante tubam tremor occupat artus? nempe immemor promissionis, ait Remigius hic, vitæ nimis memor factus es. Hæc nimirum sunt promissa Antigoni, hæc plaustra pollicitationibus plena, & montes aurei, quos plures spondent, qui ne scortum nummum proferunt. Imitantur hos ij, qui in aurora verba magnificant, & pro DEum! in meridie obliti omnium, res alias agunt; manè promittunt illud ps. 29 *Non movebor in æternum;* adultiore die quolibet vento dissipantur, & dejiciuntur: rectè fortitudo eorum stipula, & magnanimitas arundo, seu folium quod vento rapitur. Tales vocat Scriptura instabiles, nubes sine aqua, quæ à ventis circumferuntur, & filias vagas, quæ quidem identidem cogitaverunt consilia faultis, sed quæ non potuerunt stabilire: voluerunt bene, sed fecerunt pessimè, qui utinam citius sapiant, quam sapuerit ille, de quo Materdona in *iti-*

*nere peccatoris p. 1 c. 6 qui à morte ap-  
parens Episcopo, Satis ait, volui, satis  
promisi, nihil operatus sum. Cor & os lon-  
gè à manibus absterunt, cor & os totus  
ipsemet in manibus Dæmonum aterna-  
liter cruciandi traditur.*

III. TUNC DISCIPULI OMNES RELICTO  
EO FUGERUNT. Qui servo amicitia jun-  
gitur, servus sit necesse est, amicitia  
quippe nisi inter pares esse non po-  
test. Liberè nati sicut nihil commune  
cum servo habere volunt, sic nec com-  
munem amicitiam: & demus aliquem  
fuisse talem amicum, dum olla ferveret,  
ubi ea frizerit pedibus mille ab eo diffu-  
giet. Exemplum habes in discipulis Chri-  
sti, steterunt ipsi, dum ei bene fuit, fu-  
gerunt, dum sub hastam tūt omnis felici-  
tas ejus, ipseque venditus est in manci-  
pium: sequebantur relictis retibus, dum  
eos vocaret Dominus, celerem fugam  
apprehenderunt relictā non benè par-  
mulā, dum ille sit servus. Ita fit non  
rarè etiam modò, advolvimur luben-  
tes ad felicem parietem, adoramusque  
orientem: ubi autem labat felicitas, &  
sol vergit in occasum, colligimus sarcina-  
nas, nostrasque tantum res curamus.  
Hoc nimirum est amare bona amici  
non amicum, sequi JESUM propter e-  
sum, non propter JESUM. Neque ta-  
men usque adeo forsan succensendum  
est Discipulis, quòd in hac universi con-  
fusione fugam capessere voluerint,  
quando & Paulum à fratribus perma-

rum dimissum in sporta fugisse lego,  
& sic evasisse manus impiorum in no-  
mine Domini. Chrysologi est illud  
serm. 150. *Bellicosus miles quòd in bel-  
lo fugit, artis est, non timoris*: hinc &  
Demosthenes cum è prælio fugisset,  
probrū fugæ hisce diluit: *Servo me Pa-  
trie*, quod ipsum fugæ Doctoris gentiū  
applicare videtur D. Greg. lib. 31 mo-  
ral. cap. 14. inquiens: *Paulus felicius  
pugnaturus ad alia se bella servavit;  
non loco virtus, sed virtuti locus defu-  
it, & idcirco fortissimus miles ab obsi-  
dionis angustiis certaminis locum qua-  
sit.* Et D. Ambr. lib. de fuga sæculi  
cap. 9 Paulus fugit, ut Evangelium to-  
to orbe prædicaret. Non ergo succe-  
nsendum censeo discipulis: illis justè suc-  
censere debeo, qui à Christo servitu-  
te libero, eoque liberatore petulantes  
fugiant. Fugit Apostolus, quia videt  
impium stantem cum catena & vin-  
culis contra Christum, fugit mercena-  
rius, quia videt lupum, hi autem fu-  
giunt, quia vident ipsum DEUM cum  
catenis levis alicujus molestiæ, & fu-  
nes præclaros Christi, quibus ei arcti-  
us alligari possent: inanis tribulatio,  
quam pati renuunt, eos per calcatum  
etiam Christum & crucem ejus in fu-  
gam agit. Josue 7 dicit ductor hic po-  
puli DEI, *Hec Domine DEUS, quid vo-  
luisi traducere populum istum Jorda-  
nem fluvium? mi Domine DEUS, quid  
dicam videns Israellem hostibus suis ter-*

*ga vertentem, & quid facies magno nomini tuo? ubi notanter accipe postrema hæc verba, & quid facies magno nomini tuo? quasi diceret, opprobrium quod per istius modi fugam nomini tuo inuritur, quomodo delebis? ecce ob unius illecebræ vanitatem, ob unius oculi inanem respectum, ob unius contradictionis verbum recedunt à te cari tui: quid facies magno nomini tuo? corona erant capitis tui, lapsique pretiosus; nunc autem fugiunt de capite tuo, & excidunt de corona verticis tui: quid facies magno nomini tuo? tui erant, & confitebantur te; nunc autem recesserunt à te, negantes te ob modicam passionem, quomodo enim ait Tertullian. cap. 7 de fuga, confitebitur fugiens? quomodo fugiet confitens, & si detracto passionem confundo confessionem. Quid facies magno nomini tuo? quomodo probrum hoc tolles? Opereat talis fuga à me? & nunquam poenis ullis; nulloque unquam respectu avellar ab eo, mihi enim adhærere DEO bonum est. & ponere in Domino DEO spem meam.*

IV. RELICTO EO OMNES FUGERUNT. Ita pariter tecum fiet mancipium carnis & sanguinis; relicto te omnes imò omnia fugient. Veniet tempus; quò venditum te in peccato in servitutem vindicabit sibi inimica mors; tuq; debitum naturæ & servitutis solvere cogeris, tunc relicto te omnes, imò omnia fugi-

ent à te. Prodet te hostis domesticus Judas, excessivus nimirum ille humor corporis tui, tradedq; in vincula mortis, ut ducaris, quo forte nolles; tunc avolabunt à te omnia, velut avolare solent locustæ æstate, & muscæ translatis ollis; tuque solus tibi relictus vociferabere: *Circumspexi, & non erit auxiliator, quasi, & non fuit, qui adjuvaret.* Isai. 63. & Ps. 68. *Sustinui, qui simul contristaretur, & non fuit, & qui consolaretur, & non inveni.* Respicias ad tuos, tui te derelinquent, tuq; hoc rerum articulo clamabis: *Fratres mei prættereunt me, sicut torrens, qui naptim transit in convallibus.* Job 16. vel ut Pagninus legit: *Fratres mei transferunt inquam rivum cum impetu fluens.* Respicias tua, tua relicto te fugient à te. *Homo cum interierit,* ait David Psal. 48. *non sumet omnia, nec descendet cum eo gloria ejus;* in quem locum scribens S. August. *Vides ait, viventem, cogita morientem, quid homo habet, attende! quid secum tollat. Multum auri habet, multum argenti habet, multum pradiorum, multum mancipiorum: remanent illa, nescio quibus, remanent non sequuntur, remanent diripienda cum suo Domino, hunc enim vermes in sepulchro, illa latrones fortè in mundo diripiunt.* Quis tibi tunc sensus? talis utique, qualis esse solet homini nautanti in divitijs, quem spoliatum omnibus ac nudum in Tartaricam servitutem captivum abducit inimicus; qualis est



eius quem fugit improbus, & sub cultro relinquit; qualis imbelli agno in faucibus lupi. Præpara te ad hunc articulum, & ita tuis adhære, ut memineris te paulò pòst ab omnibus relinquendum. Scelus Imperator teste Aelio Spartiano in actis ejus, moriens dicebat: *Omnia fui, & nihil expedit?* muta tu phrasim, & dic: omnia habui, & omnia perdidit, omnia fui, quid expedit?

## CAPUT VIII.

## De Comprehensione Christi.

I. **S**ed jam tempus est vindicandi serviti: vindicatio fiebat manus injectione, à qua & mancipia dicebantur, teste Isidoro in Ethymol. quod ipsum habet *lex libertas ff. de statu hominum*. Tunc, ait Matthæus, *ACCESSERUNT ET MANUS INJECERUNT IN IESUM, ET TENUERUNT EUM*. Ecce mancipium, ecce manu captum. *Comprehendi se à persecutoribus patitur, qui continet mundum*, ait S. Leo serm: 18. de passione, *& eorum manibus nescitur, quorum corde non capitur*. Injiciuntur manus sacrilegæ sacro corpori, suique juris innocentiam facit iniquitas. Cave tibi thesauro divinitatis, manus prædatrices extentæ sunt super te; cavete vobis cæli divitiæ, fures & latrones cum violentia præstod sunt; cave Samson, Philistij super te. Manus injecerunt in IESUM. O manus Sauromatarum manibus feriores, Tar-

taricis crudeliores! *Concluse me DEUS apud iniquos*, ait patiens, Job 16 *& manibus impiorum tradidit me*. *Insidiati sunt mihi*, ait idem cap: 30, *& prævaluerunt, & non fuit, qui ferret auxilium quasi rupto muro, & aperta januâ irruerunt in me*, aut ut Salmeron tract: 18. loquitur, sicut ignis diu compressus, nec valens erumpere, & aqua diu retenta nec valens elabi, si fortè detur exitus vehementius erumpit, ita desiderium capiendi IESUM, quod habebant Judæi tot signis quasi impediti, & compressi, ubi data fuit facultas, cum magno impetu foras prodijt. *INJECERUNT MANUS IN IESUM*. Plurali utitur numero, ut demonstret, quod non unius alicujus privati hominis esset mancipium, sed omnium. Irruunt cohors, & tribunus, & ministri velut lupi immanes in Agnum mansuetissimum, velut phrenetici in eum, qui eorum insaniam curare venerat, velut canes venatici in imbellem feram. Opportunè hic eos, qui manus injecerunt in IESUM, canibus comparavi, nam & ipse Thren: 3. venatione se captum confitetur: Vis scire latratus canum horum? audi, quid habeat Jeremias Thren: 2. *Aperuerunt super me os suum omnes inimici tui, subtilaverunt, & fremuerunt dentibus, & dixerunt: devorabimus, en ista est dies quam expectabamus, invenimus, vidimus*. Et David Psal: 34. *Subjannaverunt me subjannatione, frenduerunt super me dentibus*

ribus suis, & dilatauerunt super me os suum, dixerunt: Euge, euge, viderunt oculi nostri. Euge, euge anima nostra, deuorabimus eum. Describit hanc venationem Delrio lecti: 7. de passione. Audite ait, venationem cui similem nec Xenophon, nec Oppianus, nec Gnatius, nec Nemesianus, nec alij Cynegitici scriptores cognouerunt. Sylvia fuit hortus Gethsemani, binulus (teste Salomone in Canticis) fuit JESUS, venator robustus Nemrod est Diabolus, umber seu odorator canis est Judas, promptus vertagus est tribunus, canes succincti, & agiles quales Laconici, sunt milites Romani, cohors integrâ potentibus Pontificibus à Pilato concessa; canes informes, villatici ac pecuarij sunt manipulus illerum, ministrorum dico magnam multitudinem, famelici sevi & acres molossi sunt cunei Principum, Sacerdotum, Scribarum, & Pharisaorum, & aliorum seniorum, qui se cateruatim adjunxerant, ut cautiùs & animosius cuncta peragerentur: prait umber sagana re, & dat latratu signum inventa fera dicens: Ave Rabbi &c. Hæc ille. Sed en dura de comprehensoribus mancipij nostri agimus, incidimus in venatores.

Herodotus lib. 7. author est Nomadas & Sagartios quasi per venationem solitos esse capere mancipia, nam in bellis laqueos, ac retia tendebant, quibus incautos ligarent in servitutem;

callent probè artem hanc vicini nobis Tartari, qui ejusmodi laqueis tot milia gentis nostræ abduxerunt in mancipia. Tales venatores erant cohors, & tribunus, & ministri, venatione ceperunt Christum quasi avem, & fecerunt mancipium. Vis scire quomodo ceperunt? David ait Psal. 139. Qui cogitauerunt supplantare gressus meos, absconderunt superbi laqueum mihi, & funes extenderunt in laqueum, juxta iter scandalum posuerunt mihi, Theodoretus in vitis Patrum lib. 9 cap. 13 refert Ducem quendam feras insectando, reperisse in vertice montis venerandum senem Macedonium, ad cujus pedes projectus, petijt quid rerum in hac solitudine ageret? cui Macedonius: tu verò venar rei gratiâ huc venisti? ut feras venar ait ille: & ego, respondit senex: Deum meum venor, nec desistâ donec hac præda potitus fuero. Idem sed longè diverso animo respondet turba præsens: DEUM venor, nec desistam donec hac præda potita fuero; feram quæro, nec desistam donec hac præda potita fuero, Christum quæro in mancipium, nec desistam, donec hac præda potita fuero. O venationem improbam! similem illi, de qua Propheta Michæ 7. Perijt sanctus in terra, & rectus in hominibus non est, omnes in sanguine insidiantur, vir fratrem suum ad mortem venatur.

II, Tunc INJECERUNT MANUS IN JESUM

SUM, ET LIGAVERUNT EUM. Ubi nunc aurea libertas tua Christe? Et tu fili hominis, ecce data sunt super te vincula, & ligabunt te in eis, & non egredieris de medio eorum. Ubi regnum tuum, in quo liberis juxta ac servis imperabas sanctior Sedecia? ecce in Chaldaicam abductus es servitutem: ubi Patris optimi Fili sanctissime, qui solus ligandi atque solvendi potestatem habuisti, aurea libertas tua? ecce arca DEI capta est, & translata est gloria ab Israël: verè tibi competit nomen filij Ichabod quem 1 Reg. 4 peperit viro suo socrus Heli: *Ichabod*, enim significat, *ubi gloria*? Manasses ille impius 2 Par. 33 Patris optimi Ezechiae filius, qui seduxerat Judam, & habitatores Jerusalem, ut facerent malum super omnes gentes, quas subverterat Dominus à facie filiorum Israël, qui conversus instauravit excelsa, quæ demolitus fuerat Ezechias Pater ejus, construxitque aras Baalim, & fecit lucos, & adoravit omnem militiam cœli, & coluit eam, postquam superinduxisset ei Domiaus principes exercitus Regis Assyriorum, captusque ac vinctus catenis, atque compedibus ductus esset in Babelonem, agnovit se qualis ante fuisset, & egit poenitentiam valde coram DEO Patrum suorum. *Incurvatus sum*, ait ipse de se in oratione sua *multo vinculo ferreo, ut non possim at-  
tolere caput meum, & non est respira-*

*tio mihi, quia excitavi iracundiam tuam, & malum coram te feci.* Agnovit iste se in vinculis antea ignotus sibi: Agnovit & Christus se, & nos agnovimus eum in vinculis ejus, neque enim unquam ita mihi manifestata fuisset gloria ejus, nisi ignominiam meam factus pro me mancipium fuisset in vinculis. Inclaruit in vinculis Joseph humilis usque ad servitutem, verecundus usque ad fugam, patiens usque ad carcerem, remissor injuriæ usque ad remunerationem, ut de eo scribit S. Ambros. lib 2 de offic. cap. 27: inclaruit & nostrum mancipium, noster Joseph, postquam eum Synagoga adultera comprehendit, & ipse pallum humanitatis reliquit in manibus ejus: inclaruit beatus Job, postquam inimicus pharetram suam aperuit, & affixit eum, & frænum posuit in os ejus: inclaruit Christus postquam traditus est in manus impiorum, & ferreo vinculo incurvatus est.

III. ET LIGAVERUNT EUM. Inter cætera servorum genera alij erant; quos vocabant *præferratos*, seu *ferratilè genus*, teste Plauto in *pseud*: vile hoc genus servorum erat, quia erat è numero eorum qui ad metalla damanabantur, sicque dicebantur à compede ferrea, qua constringebantur. Talis servus est mancipium nostrum? planè talis; nisi quod ipsa vilitas ejus summæ apud nos gloriæ argumentum sit. O-



ciso per dolum Joab, Abner filio Nerplangens super eum David ait. *Nunquam, ut mori solent ignavi, mortuus est Abner, manus tue ligatae non sunt, Et pedes tui non sunt compedibus aggravati* 2 Reg. 3, ignavum negat, quod compedibus constrictus non fuerit, multos enim tales reperire est, quos nisi in pedicis ad laborem non traxeris: ligantur manus mancipio nostro, pedes ejus compedibus aggravantur, an ergo etiam inter ignavos pars ejus erit? operatur ipse à saeculo & usque modo, ligat aquas in nubibus, tribus digitis appendit orbem terræ, & portionem ejus pones cum grege illo inutilium servorum, qui ut cochlea veloces sunt ad operas? Dic quæ velis, qui servum semel induit, nullam etiam abjectissimi mancipii nomenclaturam refugit. *Non decet vinciri Regem*, ait Magnus Alexander vincendus à medico. *Scelus est vincire civem Romanum*, ait Cicero orat. 7 in Verrem, decet Christum; nec pro scelere computatur vincire cœli Dominum, & ignava compede eum gravare, qui cum in forma DEI esset, in mancipium traditus est. Non lædit eum ignominia, quam ei affricas, neque enim juxta judicium hominum ipse judicat, tua de ipso opinio non tangit eum, neque enim judicium tuum de se perversum apprehendit aliquid malum, nec vilescit in se, quod tu vilem eum judices.

*Venit ad laqueos*, ait Ambros. serm. 6 in Ps. 118 *sed voluntarius venit ad retea, sed securus*: venit ad vincula, sed gloriosus, ipsi hi laquei illi quidem in instrumenta gloriæ, nobis autem servant in alligaturam salutis: certè si funiculus Rahab servavit meretricem de communi interitu urbis, laqueus Christi servabit nos de communi interitu carnis. Innuit hoc Propheta Thren. 4 inquit. *Spiritus oris nostri Christus Dominus, captus est in peccatis nostris* (aut ut legit paraphrasis Chaldaica, *in rete occisionis sceleratorum compulsus est*) cui diximus: *in umbra tua vivemus in gentibus*. Sed moremur adhuc tantillum ad hos laqueos.

IV. Forerius reflectens se super hanc Christi comprehensionem. Hic mecum, ait, Christiane lector considera peccata tua, & mea, partem illius exercitus extitisse, qui in Christum irruit, alienis tu, & ego manibus illi vincula injecimus, alienis eum pedibus conculcavimus, alienis laqueis eum cepimus in mancipium. Ego, tuq; iniquitatis hujus causa sumus, & tristis servitii, de quo jure possit queri Christus adducto illo Tibulli lib. 2 Eleg. 2.

*servolum sui tristo datur, tenorq; catenis*  
peccavimus cum patribus nostris, iniquitatem fecimus, & peccatis nostris catenam paravimus Filio DEI, qua eum in miserrimam traheremus servitutem peccati: Et quantuli nos, ut ausi fueri-

mus levare manum contra Filium Regis? Judæ nos, aut Judæ posterius, si non ipso peiores Juda proditores, posuimus adversus eum mala pro bonis, & pro beneficijs innumeris induimus eum vinculis ingratitudinis. Piaculum nunquam satis expiandum dicebatur, quod commiserunt, qui pro benefactis vinxerunt Agamemnona Graji: scelus erat omni scelere majus Juliani Apostatæ, quo Constantium Constantini Magni filium catenis, carceri ac morti destinabat, à quo tamen in consortem imperij adlectus fuerat teste Ammiano Marcellino lib: 15 hist: Romanae, ut probat oratio cavillis & scommatis in Constantium refertissima, qua in Senatu recitata exclamatum est ab omnibus. *Authorituo reverentiam rogamus:* ingratitudo ipsa ingratitudine major erat Alexij Angeli, qui Isaacium fratrem, à quo ingenti lytro trecentis millibus ducatorum redemptus fuerat è captivitate Turcica, in carcerem compegit, eamque manum, quæ tam liberalem se præstitit vinculis stringere non erubuit teste Volaterano lib: 23. crimen super omnia crimina est, quo ego, tuque DEum nostrum alligavimus in mancipium: poterat tunc de me meiq; similibus conqueri Christus, quod postea de partidis Judæis conquestus est, teste Joanne Gans in hist: Virg. Austriac: lib. 12. cap: 5. qui cum effigiem crucifixi impie violassent, multisq; contumeliis affectam pestum dedissent, ac plu-

ries in ignem conjecissent, hac ab eadem imagine lapsa voce repressi sunt: *Cur me tam impie tractatis? an nescitis me DEum vestrum esse?* poterat verbo uno me, meiq; similes perdere in gehennam, nisi dies illa fuisset, in qua commendanda erat patientia, non ostendenda potentia, ut loquitur S. August: *serm: 6. de Passione Domini:* poterat ruptis funibus, quomodo si rumpat quis filum de stuppæ tortum putamine iniquos nos omnes perpetuæ, eiq; pessimæ adscribere servituti, nisi suis vinculis nos in libertatem asserere voluisset. Audi quid ipse de te loquatur apud Gverricum Abbatem *serm: 1. de ramis palmarum:* *Non serviam homo creatori: ego igitur serviam tibi, inquit creator homini. Tu recumbe, ego ministrabo; ego tibi pedes lavabo. Tu quiesce, ego languores tuos feram, infirmitates tuas portabo: utere me, ut libet in omni necessitate tua, non modo ut servo tuo, sed etiam jumento tuo. Si fatigatus, aut oneratus es, ego te, & onus tuum feram. Si esuris, aut sitis, & ad manum fortè nihil melius habes, ecce ego paratus immolari, ut carnos meas comedas, & sanguinem meum bibas. Si in captivitatem ductus es, ecce ego, vende me, teq; pretio mei vel meipso pretio redime. Si infirmaris & mori times, ego moriar pro te. ut de sanguine meo præbeas medicamenta vita.* Hæc Gverricus. Quid porro restat amplius; nisi ut quæ ingrati imposuimus

vincula volenti, grati agnoscamus pro salute nostra suscepta, ne si ingrati esse perseveraverimus, decretoria nos ligatis manibus ac pedibus mittat in tenebras exteriores, ubi erit fletus & stridor dentium.

V. Alterum, quod ex his Christi vinculis utilitatis copias, est tui ipsius cum Christo conjunctio. S. Francisca Romana vidit in spiritu Dominum passum, de cujus sacris vulneribus fluebat pretiosus liquor, & catena descendebat de caelo in terram, ut habetur *vitae ejus lib. 3. cap. 10.* Significabantur hac catena efficaces illæ gratiæ divinæ, virtute passionis divinæ nobis dandæ, quibus veluti vinculis quibusdam attrahamur ad DEum, & veluti circulus unus in catena adhæret alteri, sic nos eidem inhæreamus. Sanè si Apostoli vincula salutis futura erant Israël, ut ipse fatetur Act. 28. inquit: *propter spem Israël catenâ hac circumdatus sum*, quantum mihi non proderunt vincula redemptoris: funes hi cadent mihi in præclaris, etenim hæreditas, quàm mihi mensurant funes isti, præclara est mihi. Mirus vinculorum Pauli encomiastes S. Chrysost. homil. 8. in epist. ad Ephes. vult illustrius esse Paulum vinctum Christi JESU, quàm esse Apostolum, nec ita reddi splendidum caput impositâ coronâ margaritis conspicuâ, ut catenâ ferreâ susceptâ propter Christum. *Si quis ait, mihi vel universi celi, vel hujus ca-*

*tena copiam & optionem largitus esset, catenam hanc ego planè elegissem; si mihi cum Angelis, vel iis, qui propè thronum DEI stant, sursum standum fuisset; aut cum Paulo vincto, carcèrem utique præoptâssem. Nihil hac catena beatius: non ita beatum dico Paulum, quod in paradysum raptus, atq; quod vincula sustinuit. Simile quid habet idem de vinculis Petri. Sic Petrus, ait, vinctus fuit, & ab Angelo solutus: hic si mihi quispiam dixisset, elige utrum velis? vis esse Angelus Petram solvens, an Petrus vinctus? Petrus utiq; esse maluissem: majus hoc vinculorum donum est, quàm solem sistere, aut mundum movere, aut dominari demonibus, eosq; expellere. Quantò hæc veriora sunt de vinculis Christi, quæ mei causa suscepit, nihil honorificentius, nihil beatius mihi esse potest vinculis ejus, quæ immortalis pro mortali, DEus pro homine, creator pro creatura factus mancipium suscepit: hæc planè vincula sunt omni torque, & aureis monilibus pretiosiora. Pergit Chrysost. reflectens se ad illud Act. 16. quod orante in vinculis Paulo soluta sint vincula omnium. Vides, ait, naturam vinculorum vincula solventem, nam sicut mortem interemit mors Domini, ita ligatos solvunt vincula Pauli. Quantò id verius vinculi Christi competat; paucis siquidem captivis profuerunt vincula illius, Christi omnibus; sicut enim mors ejus mortem interemit omnium,*



ita ligatos omnes solverunt vincula ejus. Nemo nostrum à laqueis liber est, multi laquei, ait Ambrosi lib. 4. in Luc. quacunq; progredimur laquei in corpore, laquei in lege, laquei in pinnis templorum, in crepidinibus parietum eruduntur à diaboio, laquei in philosophis, laquei in cupiditatibus, oculus enim meretricis laqueus est peccatoris, laqueus in pecunia, laqueus in religione, laqueus in studio vanitatis: & tamen hos omnes laqueos solverunt laquei Christi, quia sicut mortem omnium interemit mors ejus, ita ligatos omnes solverunt vincula ejus: vincimur alij vinculo improperij Job 39, alij vincti sumus in mendicitate Psal: 106, ab his vinculis solvunt nos vincula Christi; quia sicut mortem nostram interemit mors ejus, ita ligatos nos solverunt vincula ejus. Agnisco quid sit Christum pro me factum fuisse mancipium; exterior vir-

tutem vinculorum, virtutem brachij funes mihi detrahentis, & sibi implicantis; agnosco vinctum mei causâ: jacebam ego vinctus in carcere poenas expectans peccatorum, & Rex gloriæ de solio sancto suo descendens peccatoris mei personam servilem, ac vincula suscepit, suscepturus etiam plagas, & vulnera, quæ ego latronum maximus sustinere debueram. O amor omni amore major! viderunt hæc Angeli, & admirati sunt super magnitudine miserationum, quod filiam Abraham, quam alligaverat Satanas à tot sæculis tanta pietate derivatis in se vinculis liberârit Filius DEI. Vide & tu anima mea, & quod soluta sis à vinculis, grates refer servituti Christi, reddeq; amorem amoris exemplo Apostoli Act: 21. dicentis: *Ego autem non solum alligari, sed & mori paratus sum propter nomen Domini JESU.*



## P A R S III.

*Christus Servus in Passione per sententiam Judicis.*

Hrysoft. hom: 4. de Sacerdotio ait *eds, qui mancipium aliquod empturiunt, tum ostendere illud medicis, tum sponsores emptionis postulare, tum interrogare quoq; vicinos, ac ne tunc quidem adhuc considerare, quinimò & diurnum aliquod tempus petere, in quo illud probare possint.* Idem hom: 22. ad popul. *Ut frugi, ait, servum compares, & aurum dinumeras, & cum mercatoribus multis verba facis, & longas interdum peregrinationes suscipis.* Emptitius factus est Christus, concessitq; in mancipium, & quanti motus facti non sunt? non sic exultant victores captâ prædâ, sicut Judæa victo hoc mancipio: curritur per vias & compita, implentur clamoribus fora, & tribunalia, cientur in spectaculum summi, juxta ac infimi. Ec-

ce, ajunt, spoliū! Quid vobis videtur de Christo, cujus pretij est? ecce prædam ad quam ascenderamus cum facibus ac fustibus, cum gladijs & laternis: ecce mancipium, quod emimus à discipulo! Quid vobis videtur de Christo, cujus pretij est? Verbis explicari nequit, quanta fuerint molimina ac motus, & quàm diversa perversæ multitudinis judicia, dum alij alijs viliores facerent. Jerosolyma facta est lapis judicij, in quo de pretio servi litigaretur, digna propterea, ut non maneret in ea lapis super lapidem. Jerosolyma illa urbs perfecti decoris facta est domus perfectæ negotiationis, & ea quæ fuerat sedes recti judicij conversa est in Babylonem. Credebam ego effundendam in æstimationem ejus urbem, in qua mirabilia operatus est heri & nudius tertius: auditurum me sperabam Ozanna Filio DEI: Voces benedictium expectabam simili-

les

les illis Gen. 24. *Ingredere benedicite DEI*, nam & ante paucos dies benedictum qui venit in nomine Domini Christum appellaverat: & ecce alienata sunt judicia civitatis, aliam enim canit cantilenam, & reducto calculo, quem prius magnificerat, locat inter opprobria.

Ludovico Undecimo primū ingredienti Tornacum obviam effusa civitas oratricem pro se adhibuit Virginem: hæc, extracto de sinu suo corde aureo, in cujus medio stemma Gallicum, seu tria lilia visebantur, docuit Regem, urbem hanc semper fuisse illibatam Virginem, nullumq; aliū unquam scivisse florem præter lilia regni sibi dominantis; refertur id in *hist. Batavic. anno 1463*. Et tu Virgo filia Sion ingredienti portas tuas Christo cor plenum absinthio, plenum dolo & amaritudine offers? frons mulieris meretricis facta est tibi, & adhærens amatoribus alijs sprevisi eum, quem olim diligebat anima tua. Quid tibi videtur de Christo? nihili eum facis civitas sancta, quem ab hominibus ejicere meditaris, effusus est in capite omnium platearum tuarum taxator, nec inventus est, qui eum non pili faceret. Hæc ergo est æstimatio, hoc homagium, quod reddis Regi tuo in die visitationis tuæ? depravatum est insipiens cor tuum, & subversum est in temetipsa, quoniam amaritudine plena es, & pro nihilo habes eum, qui

cordis tui dominium obtinet.

Sub hastam positi fuerant pueri & Britannia in foro Romano, quorum innocentem vultum considerans Gregorius Magnus angelicam appellavit patriam, in qua talis forma nasceretur: adhæsisse ex hoc tempore nomen Angliæ volunt aliqui patriæ puerorum: adhæsit certè res ipsa, siquidem submisso S. Augustino Anglorum Apostolo, aliisque Sanctis viris terram illam fidei Christianæ assertam, effecit Angelicam. Veniit sub hasta, & veniit inter hastas Christus mancipium, veniit ipsa innocentia, & quis ex gentibus aut turba non modò Angeli, sed vel hominis pretio dignum censuit? opprobrium hominum & abjectio plebis judicatus sine pretio factus est. Occlude aures Christiane, ne audias quanta isti dicunt de pretio ejus. Quam gloriosus, ajunt, sit hodie Rex Israël discoperiens se ante ancillas servorum suorum, & nudatus est, quasi nudatur unus de scurris, despectum alij, & novissimum virorum, ac prope non mancipiorum mancipium, seductorem alij, ac Samaritanum, nulliusque frugis hominem, alijs alij despectibus appetiant: circumdandos nos ab inimicis vallo prophetaverat seductor, & ecce circumdatus est ab ijs, qui quærunt animam ejus, qui utinam inutile ac nocivum germen quantocyus tollant de numero viventium: promiserat non relinquere



quendum lapidem super lapidem in Jerusalem, minatus erat tollenda omnia desiderabilia ejus; & ecce de lapide venit, qui utinam quantocytus allidatur ad lapidem, ne amplius perseveret memoria ejus: destruendum templum divinayerat; & ecce quasi rex super eum interitus, & destructio venit. Ejice de civitate impium, ne omnes nos infernus sicut Sodomam abliguriat. Et hæc quidem erant judicia vulgi de pretio mancipij. Cæterum fors alia fuit mens tribunalium.

Ex ijs, quæ in procemio diximus, colligi potest, servitutem etiam contrahi posse per Sententiam Magistratus, quod ipsum bene ostendit Molina *tratt. 2, disp. 33, §. secundus titulus*. Gabriel *in 4. dist. 15. q. 5. notabili 3*. Di Castillo *lib. 2. tract. 1, disp. 1. dub. 11. n. 146 §c.* Sic *can. eas qui, dist. 32*. Urbanus II. concedit sæcularibus Principibus facultatem subjiciendi servituti fœminas, quæ compertæ fuerunt contraxisse cum initiatis sacris ordinibus, si illi admoniti à suis Prælati non destiterint. Sic Alexander III. *p. ita quorundam, de Judæis & Saracenis* statuit in Conc. Lateran: ut Christiani deferentes arma, ferum, & ligamina galearum ad Saracenos, aut in galeis & piraticis Saracenorum navibus regimen, & curam gubernationis exercentes præter alias poenâs servi fiant capiendum: sic & in jure civili, *leg. si manumissus Cod. de liber-*

*tis & eorum liberis*, libertus ingratus in eum, qui sua sponte eum dimisit in poenam delicti per sententiam revocatur in servitutem. Trahitur etiam Christus ad tribunalia, ut de servitute ejus litigetur, stare cogitur cum lite sua in utroque foro, judicabit eam Ecclesiasticus & civilis magistratus, decidet summus Pontifex, decidet Rex ac Præses: accusatores agent, qui eum suæ potestati jam subjectum novo injustitiæ titulo per sententiam Judicis subjici volent summi Sacerdotes cum senioribus & scribis, & universo concilio: defensorem nemo, nisi mulier una multa passa per vilum, & latro in eadem damnatione positus, agat. Quin ergo tu ipse causam tuam agis Christe: ætatem habes, loquere pro te ipso; causam bonam habes, triumphabis: verificabitur de te hodie illud. Psalm. 81, *DEUS stetit in Synagoga Deorum, in medio aulam Deos dijudicat*, ubi per synagogam Deorum communiter Patres nihil aliud intelligunt, quàm conventum judicum, teste Cajetano, Bellarm &c. quem tu judicandus judicaturus es. Ordire telam judiciariam, & fune ligabis ora perversorum: impietatem tribunalium non formida etiam si causa tua quasi impij judicanda est, causam, judiciumque recipies. Adit tribunalia Jesus, comitatur eum, quamvis à longe redax e fuga Petrus, comitatur & Joannes: comitemur & nos, ut liquet.

siquidem causa ejus triumphaverit, gratulemur, si causa ceciderit, compatimur.

## CAPUT I.

## De Gestis apud Annam.

I. **E**T ADDUXERUNT EUM AD ANNAM PRIMAM, Joan. 18. Beatam te Annæ domus, si cognoscis tempus visitationis tuæ, prima tibi felicitas nascitur, si notis esse infelicissima: nunquam JESUS ædes aliquas ingreditur, quin magnificè ibi faciat: verius de eo est, quàm quod de se jactavit Hippocrates: quocunque ingredior, ad habitantium salutem ingredior. Lustra domos Christo hospite felices, & pro earum numero gratias computabis: lustra domum Archisynagogi, & mortuam puellam vitæ redditam exhibebit; lustra domum Pharisæi, & mirabilem tibi in Magdalena metamorphosim monstrabit; lustra ædes Zachæi, & adhuc admirantes super poenitentia publicanorum reperies: lustra domos alias, hæ socrum Simonis, aridam manum, hydropicæ, aliosque repente salvos ostentabunt: non subit unquam Domum JESUS, quin cum eo, descendat DEI benedictio. Beatam te rursus Annæ domus, quæ prima è curiis & palatiis JESUM salutat: qui hactenus in aula principum non stetit, primas tibi defert, & quem optabant videre

Domus Abraham, ac Prophetarum, nec viderunt, hunc tu videre mereris. Beatam te, si cognoscis tempus visitationis tuæ. Verùm ô domum infelicissimam! descendit quidem in eam JESUS, sed non ut per eum salveatur Paterfamilias domus, verùm ut ipse sacer hospes perdat omnia desiderabilia sua, Annas secundum nomen suum *affligens vel humilians* excipit equidem Christum domi suæ, sed ut libertate spoliatum perdat. Socer Caiphæ nihilo melior genero, priusquam litem moveri audiit, jam decretum tulit sacrilegii. Non satis erat impio simoniacè introivisse in Sacerdotium, pacisci etiam voluit de pretio sanguinis cum proditore: Annam enim hunc mercedem proditoris solvisse proditori ventus est Patrum traditio cum S. Cyrillo *lib. 11 in Joan. cap. 18.*

ADDUXERUNT EUM AD ANNAM PRIMAM, ERAT AUTEM ANNAS SOCER CAIPHÆ, ut qui erant affines sanguine, sociarentur in crimine, ait Beda: verè de illis tenet illud diverbium, *Gener, socræque perdidistis omnia*. Non invenit apud hunc Pontificem asyllum Christe libertas tua, non habes hic domum refugii, in qua Paterfamilias tua emit vincula. Spelunca draconum Domus Annæ prima venena fudit, quibus florem tuæ libertatis arefecit; latronum habitaculum domus Annæ è qua cum scandalo erupit impietas, quæ Domi-

num

num Majestatis ceu servum iniquitatis traxit captivum in vinculis: mutatum nonnihil optâsem tecum illud Sapientis prov. 25 *Subtrahere pedem tuum de domo proximi tui, ne quando satiatus oderit te*, dictumque tibi: subtrahere pedem tuum de domo Pontificis, jam enim satiatus odit te, satiatus utique invidiâ benefactorum tuorum, satiatus zelo malo, quem ceu aranea è flore optimo venenum, è tuis suxit miraculis, satiatus applausu innocentis populi, qui post te visis tot signis abiecit. Subtrahere pedem tuum è maledicta hac domo, in qua tantum hospitatur flagitium. Verum non idem votû est Christi, qui libertatem suam venundari passus est à discipulo, eandem ab impio Pontifice, scelesto opprimi sustinet judicio: stat coram sacrorum præside in vinculis libertas rea servitutis, nunquam minus libera, quàm cum decreto Pontificii tribunalis libertatem est perditura. Tibi interim cum tua decretoria non plaude Anna, servum equidem dices Christum, sed contra te sententiam ferēs; Christum ad modicum tempus addices servituti, te perpetuò illi innodabis. Cromerus de rebus Poloniæ lib. 9 testatur Episcopum Cracoviensem voce hac coelitus lapsa; quæ à circumstantibus septuaginta audita est, increpitum: *Vae tibi Paule Episcopo, melius tecum alium fuisset, si*

*natus non fuisset*: hoc planè fulmine servitus tua ferietur impie Pontifex, quo ipso etiam tactus est comprehens tuus Judas proditor, ut qui complicitas in scelere, sociemini in poena. Vae tibi Anna, melius tecum actum fuisset, si natus non fuisses. Sed relinquamus scelus ad diem malum, videamusq; qualiter telam judicariam texat improbitas.

II. PONTIFEX ERGO INTERROGAVIT EUM DE DISCIPULIS SUIS, ET DE DOCTRINA EJUS. Proba hæc quæstio est, nam & Pontificis respondet obligationi, & servi nostri cōmendationi: & quidem obligationem esse Pontificiam inquirendi in discipulos ac doctrinam clarum videtur: sunt enim custodes animarum, quæ facilè perversa societate, ac peregrinis doctrinis abducuntur: sunt pastores ovium, quas à lupis & scabie defendere debent; sunt *Ecclesie oculi* juxta S. Hilar in Ps. 138, Isidor. Pelusiot. lib. 2 epist. 112, quam ab omni sorde mundam servare tenentur: cui suæ obligationi utinam etiam hodie satisfecissent viri Ecclesiastici, ac de discipulis & doctrina quævisissent eos, qui peregrinis falsisque populum DEI dogmatis imbuerunt! non desieremus tot in grege Dominico ruinas. Verum aliter factum est, viderunt ipsi leprosum jungi integro, nec attendentes legem de separatione, lepram sano affricuerunt;



runt: viderunt fermentum in massam injici, & per eorum dissimulationem tota corrupta est; viderunt virus afflari ab homine improbo, nec providerunt, ne pestis serperet, quæ totas devoravit regiones: abscindendi erant, qui conturbabant Ecclesiam, auferendum erat malum de medio ejus, compescendum nefas, ex quo dira per incautum vulgus serpsit contagia: *hoc majores nostri quæsti sunt*, ait Seneca lib. 1. de benef. cap. 10, *hoc nos querimus, hoc posteri nostri querentur, everfos esse mores, regnare nequitiam, in deterius res humanas* Et in omne nefas tibi, quia scilicet ij, qui debebant esse spiritû serventes, sollicitudine non pigri non obviârunt malis impendentibus, sed dormiârunt somnum suum, cum inimicus superfeminaret zizania, & lupus raperet, & dispergeret oves, quia ij, ad quos pertinebat; non quæsi verunt falsa seminantem dogmata de discipulis & doctrina ejus.

Serviet etiam cômendationi servi nostri allata ab Anna quæstio: ut primùm enim aperiet os suum ad loquendum, agnosceretur sapientia ejus, & siquidem Pontifex in se sine cerebro non est, aget quod monet Sapiens Eccl. 7. *Servus sen- Jacus sic tibi dilectus quasi anima tua, ne defraudes illum in libertate, neq. inopem relinquant illum*. Ara divinitatis mens est bonis artibus, & disciplinis instituta juxta S. Aug. lib. 20 contra Faustum cap. 3. sonantibus ab hac ara oraculis discet

Pontifex judicium. Verùm non ad discendum motam hanc quæstionem puto: vafer homo quærit de discipulis, ut ex eorum vita judicet de probitate Magistrî: sic solent perversi ex moribus subditorum censurare Dominos, & ex moribus filiorum sententiam ferre de sanitate parentum, quasi vero non nascatur etiam ex vite rubus, & ex optimo vino acetum pessimum proveniat: reperiuntur non rarò heroum filij noxæ, & aurei Patris filij plumbei, in quibus dedecorant bene nata culpæ: non tenet judicium, quod ex factis discipulorum formatur de moribus magistrorum, & scatera falsa est, quæ ex inanitate subditi colligit pondus Domini. Quærit Pontifex de discipulis, quem derelictum scit à discipulis, ut erubescere faciat Magistrum sine discipulis: impius homo unum ex discipulis inescaverat pretio, qui Magistrum tradidit, de reliquis quærit, quos timor abegerat: ut decreto servitutis, quod apud se formaverat auctoritas accederet, testimonium domesticum petit à discipulis: horum fuga si reum non facit Magistrum, ipsum quem dixit reum, testem habet; habuisse se discipulos fatetur, cum quibus de summa rei certare meditabatur; elegisse se Apostolos duodecim, ut prophetis duodecim eos sufficeret; assumpsisse septuaginta duos, ut septuaginta duorum seniorum loco eos substitueret; duxisse post se turbam multam, quæ se regem

facere volebat, huic ipsius testimonio si Pontifex deferre voluerit, tenebit oris proprii confessione, quod frustra ex absentium discipulorum extorquere conatur indagine.

Interrogavit eum de discipulis ejus; interrogat & de doctrina, quam pridem damnaverat in corde: interrogat, non ut eam ediscat, vel examinet, sed ut condemnet: doctum se putat in lege, qui omnem devorârit sapientiam, aut ut cum Sidonio loquar, qui putat se tenere cum Orpheo plectrum, cum Æsculapio baculum, cum Archimede sphæram, cum Euphrate horoscopium, cum Perdice circinum, cum Vitruvio perpendiculum, cum Thalete tempora, cum Athlante sidera, cum Zetho pondera, cum Chrysippo numeros, cum Euclide mensuras, ideoq; ipsi Sapientie DEI quæstionem movet de doctrina ejus: faceret melius teruntij homo, si vellet discipulus ejus fieri, ac audire eum, qui verba vitæ æternæ habet, si audiret eum qui habet clavem David, qui aperit, & nemo claudit; aperiret hic illi sensum, ut intelligeret scripturas, & incipiendo à Moyse & Prophetis interpretaretur illi, quæ de ipso erant.

Hieron. epist. 65. gratulatur sibi, quòd jam in senio repererit Didymum Alexandrinum, à quo in sacris literis institutus est. *Jam canis, ait, spargebatur caput, & Magistrum potius, quam discipulum decebat; perrexi tamen Ale-*

*xandriam, audiivi Didymum, & in multis ei gratias ago; quod nescivi, didici, quod sciebam illo docente non per didi.* Gratulari sibi magis deberet Pontifex, quòd eum audiat, in quo est plenitudo omnis sapientie, si projectas ante se margaritas porcus agnosceret. Interrogat de doctrina, quam non sustinet audire, & unà cum Doctore vult perditam: Et habebis quidem Anna, quam desideras doctrinam, sed illam audiens non intelliges, neque enim ex eorum numero es, de quibus dicitur Joan: 7. *Si quis voluerit voluntatem ejus facere, hic cognoscet de doctrina ejus: & ante jam prædixit Spiritus. Deut: 33. Qui appropinquant pedibus ejus: accipient de doctrina ejus:* capere voles in sermonibus, quem servituti addicas; sed frustra jacies rete ante oculos pennatorum: laqueum quidem tuum conteret, te autem minimè erudiet. Audi quid respondeat.

III. EGO PALAM LOCUTUS SUM MUNDO, EGO SEMPER DOCUI IN SYNAGOGA, ET IN TEMPLO, QUO OMNES JUDÆI CONVENIUNT, ET IN OCCULTO LOCUTUS SUM NIHIL. QUID ME INTERROGAS? INTERROGA EOS QUI AUDIERUNT QUID LOCUTUS SIM IPSIS: ECCE HII SCIUNT, QUÆ DIXERIM EGO. Arguit per hæc incitie judicem Christus, quòd se testem velit, quem reum esse jussit; ruit testimonium, quod domo missum est, & pro nullo habetur testis in causa propria: Primis labris

vix videtur dilabasse jura Pontifex, qui in ipso limine sic impingit: à servotestimonium jura respuunt, ut cum Abbate communiter volunt JCTi: respuunt ab accusato *leg. in testimonium ff de testibus*, respuunt à captivo in vinculis, *c. si testes omnes 4 q. 2.* respuunt à criminoso *c. super eo de testibus; c. constitutum, 3. q. 3.* qualem jam decrevit Christum Pontifex, à quo tamen testimonium quærit: in examen vocare debuerat allegata contra ipsum, & sic in quæstione procedere, & ille inverso juris ordine, in testem adhibet reum: Animatum jus voluit esse judicem Philosophus, magistratū esse legē loquentem Cicero, qui tamen si ab ore rei pendeat, summum jus summa erit injuria, & lex quidem loquens erit, sed injustitias. Claudite tribunalia, si in judicijs rei testimonio standum est, sibi quisque innocentior Metello est; fur sit & latro, pessima ejus triumphabit causa, si rei statur rationibus. Non reddit testimonium Pontifici de seipso, cujus testimonium verum est, ne judicem probare videatur, qui ex mente rei loqui vellet. Ego, ait, PALAM LOCUTUS SUM MUNDO, quasi diceret, quod nuper Isaias cap. 45. *Non sum locutus abscondita, nec in tenebroso terræ loco.* Nunquid non sapientia clamat in summis, excelsisque verticibus, supra viam in medijs semitis stans, juxta portas civitatis in ipsis foribus loquitur; notior nulla est Jo-

niis fabula nayibus, quàm quòd ego palam locutus sum, hoc Janus summus ab imo perdocet, hæc recinent juvenes dicta, senesque: interroga eos qui audierunt, auritos testes adhibe. Interroga Nicodemum, & dicentem audies: Scimus, quia à DEO venisti Magister; interroga Nathanàëlem, & audies: Rabbi tu es Filius DEI, tu es Rex Israël; interroga Jairum Principem Synagogæ, Centurionem, Lazarum resuscitatum, & audies: Nunquam sic homo locutus, verba vitæ æternæ habet; interroga, si placet inimicos, quos ad capiendum me in sermonibus expedivisti. *Non credas mihi*, ait Hugo Cardin. *sed interroga inimicos meos, qui insidiantur mihi, eos qui me ligaverunt; hi dicant, veritatem prodet vel inimicus, vel mendax Creta.* Vide hic Christi de sanitate doctrinæ suæ prædiciam, censuram ejus ab ipsis quærit inimicis. *Id maximum est veritatis argumentum* ait S. Chrysost. hom. 82 in Joan. *cum quis inimicos in testimonium adducit: & D. Thom. in catena: hæc est veritatis inalterabilis demonstratio, cum inimicos quis invocat testes:* nam ut bene Isidorus Pelusiota lib. 4 epist. 225. *Et Græcis, & barbaris, & omnibus omnino hominibus videtur, & jure quidem hostium testimonium fide dignum.* Et demus istos mercede Balaam corruptos maledicta mendaciter parare; aperiet Dominus os asinæ, quæ de eo testimonium



nium perhibeat. *Interroga volatilia cæli*, ait B. Job c. 12; & *indicabunt tibi*, aut ut vertit Pineda, coram profitebuntur, atque palam exponunt; & si nec horum lingvæ sufficiunt, lapides ipsi clamabunt longè vocalius, quàm postea à concione cæco Bedæ acclamarent. Bene dixisti Venerabilis Beda. Verùm frustra hæc omnia testimonia de doctrina, quando eâ non eruditur insipiens; frustra quæstio movetur de verbis, quando quod queritur jam pridem re ipsa damnatum est. Interrogat tamen iudex impius de doctrina, qua vitæ ejus condemnatur, querit de luce, in qua videantur ejus opera tenebrarum. Imitantur hunc ij, quos ad infamiam, ut loquitur Festus Astor, 26. multe literæ converterunt, totos se eviscerant ad intelligenda abscondita scripturarum, multaquæ subtilitate examinant, quæ de sacra doctrina alijs relinquunt, & vitæ propriæ ad sacram eam doctrinam aptandæ immemores alia agunt ab ijs, quæ in scripturis habentur, quibus utinam hæreat in corde illud Thomæ, à Kemp. lib. 1. de imit. c. 1. *Quid prodest alta de Trinitate disputare; si careas humilitate, unde displices Trinitati.* & cap. 2. *M. lior profecto est humilis rusticus, qui DEO servit, quàm superbus Philosophus, qui se neglecto cursu cæli considerat.*

## CAPUT II.

*De alapa Christi, & verbis ad percussorem.*

**I. M** Anumissionem servorum fieri insuetâ alapâ testis est Petrus Gregorius Tholosanus lib. 14. *synecgæm cap. 5.* quod ipsum colligitur ex *novella 81.* ubi dicitur quod emancipationis actio servos alapis liberet: testatur id ipsum S. Ephrem. serm. de passionem inquiens: *Servi omnes, cum liberati efficiuntur, accipiunt alapam, ut morali libertate potiantur.* Sed & Germanis usitatum esse testatur Raderus ad lib. 2. *Martialis epigramma 6.* ut antequam quis famulorum jus gladii consequatur, à viro nobili certis conceptisque verbis in faciem cadatur, ac dein gladio succinctus liber declaratur. Chronica certè Flandriæ ad annum 1247 memorant moris esse ibi gentium, ut, cum quis in Ordinem Equestrem adlegitur, maxilla electi percutiatur à prælide, adjecta sequenti electionis formula. *Ad honorem DEI Omnipotentis te militem ordino: memento quoniam Salvator mundi coram Anna Pontifice pro te colaphizatus & illusus est, ejus opprobria memorari non desinas, cujus crucem acceptare consula, & mortem Christi ulcisci te moneo.* Et ita quidem se res habet cum servis hujus mundi, cum in libertatem afferuntur. Vide ve-

rò quid etiam servo nostro accidat in domo Pontificis UNUS ASSISTENS MINISTRORUM DEDIT ALAPAM JESU; an & ipse in libertatem asseritur? crederem equidem, nisi qui audaci palma Divinam illidit malam, ipse servus esset, De palmat trifurcifer faciem Christi, à quo de servitute liberandus erat, & crudeli pugno infringit colaphos ei, à quo redemptionem à subjectione impetrare poterat. Agit hic impius verbero, quod diobolaris illa Papyriæ famula apud Festum, quam cum Domina donasset libertate, oblita beneficii seipsam salutavit despectâ eâ, quæ illam è latrinæ lavacro ereptam dixerat liberam: hinc originem traxit proverbium. *Liberta salve, vapula Papyria.* Ita planè semissis Pontificis servus dans in faciem palmas ei, à quo è tyrannica servitute liberatur, aliud non occinit, nisi, *liberte salve, vapula redemptor:* ignoravit ancilla Dominam cum dicta fuisset libera, ignorat & Malchus, non meminerat illa ejus, quæ sibi imperaverat, non meminit & Malchus: concuti tunc Roma poterat, cum ingrata ancilla Dominam cecidit: concuti debuerunt cœli cardines, cum ingratus verna cædens suum redemptorem impio vociferabatur istu, *liberte salve, vapula redemptor*

S. Chrysost. reflectens se super indignitatem hujus plægæ exclamat homo in Joan. Exhorrescat cœlum contremi-

scat terra de servi impudentia, alapis DELLIS percuti potuit! O Angeli qui hac intuemini, quomodo sileatis? quomodo manus continere potestis? quomodo pro Domino non respondetis? an hoc faciat, quod attonitos vos teneat tanta insolentia? S. autem Cyrillus, ipsam, ait universam creaturam perhorruisse putato, si sensum hujus rei habuerit, Dominus enim gloria impia hominis manna cadebatur: Sonantiùs autem B. Ephrem serm. de passione. Contremuerunt cœli, inhorruerunt fundamenta orbis terrarum, Angeli & Archangeli omnes obstupuerunt, Gabriel & Michaël vultum suum alis contexerunt, Cherubim in throno sub rota absconderunt, Seraphim in se mutuò alas in illa hora concusserunt, quando ille impietatis ac tenebrarum minister alapam dedit Domino Majestatis & gloria.

Sugillat Marianum Martialis, quod à Latino Domitiani Imperatoris mimo irrisoriis alapis cæsus fuisset inquiring: O quam dignus eras alapis Mariane Latini: dolet Apostolus, quod eum Angelus Satanz colaphizet 2. Cor. 12: sugillat impietas, dolet pietas, quod creator, verba sunt S. Ephrem loc. cit. qui de pulvere hominem sinxerat, pro gratia à manibus, quas ipse formaverat alapam accepit: aut ut loquitur S. Théodorus Studita serm. de Domini supplicio, quod qui cælum palmo, et terram menjus est pugillo, lanceâ, mon-

*res libravit, servi pulsetur dexterâ: In-*  
*glorius homo, & omni mimo infani-*  
*or, si non ipso Angelo Satanæ infeli-*  
*cior audet manum suam levare contra*  
*Altissimum, & faciem in quam deside-*  
*rant Angeli prospicere impio ictu fe-*  
*rrire, ita atrociter; ut teste S. Vincen-*  
*tio Ferrerio *serm. de passione* ex vi per-*  
*cussionis ictus in terram prociderit; i-*  
*ta vehementer; ut teste Landsbergio*  
*hom. 19 de passione dentes moveren-*  
*tur, & sanguis sacer manârît è naribus,*  
*digitorumque vestigia retineret cæsi*  
*maxilla; ita crudeliter; ut teste Ludo-*  
*vico Granatense ad eum ictum arma-*  
*tâ manu minister sacrilegus uteretur.*

II. *Unus ministrorum dedit alapam*  
*JESU. Quid ad palmarem hanc in-*  
*juriam Judex oculatus Pontifex? si mu-*  
*tus esset, linguam in verba imò ful-*  
*mina solvere debuisset, & ut nuper e-*  
*lingvis ille filius Cræsi videns percuti*  
*Patrem exclamare, *Rex est, ne feri. Si**  
*quis magistratum percusserit, ait Phi-*  
*losophus 5. Ethic. 5. non satisfacit,*  
*si repercussionem sustineat, sed, ut lo-*  
*quitur Jason in leg. 1. Cod. de precibus Im-*  
*peratoris offerendis, capitali supplicio pu-*  
*niendus est: nam ut bene Demosthenes*  
*apud Petrum Gregorium Tholosanum*  
*lib. 31. syntagm. cap. 3. n. 2. Verberans*  
*magistratum, vel pretorem, vel contume-*  
*liis afficiens, injuria publica velut civi-*  
*tatis reus est, ideoq; nec levi solum pœ-*  
*na plectendus est. Quid inquam ad e-*

jusmodi insolentiam judex Pontifex, in  
 cujus facie patraturs scelus? uteretur gla-  
 dio quem portat in vindictam crimi-  
 nis, nisi qui delinquit esset servus Pon-  
 tificis: pœnam non habent facinora,  
 quæ patrantur à domesticis principum:  
 tacet judex ad injuriam, qui in perdi-  
 tionem juravit innocentiae, ac risu ap-  
 probat factum servi, quod sanguine e-  
 lui non potest à Domino: improbus te-  
 nebrio tetendit adversus DEum manum  
 suam, & contra Omnipotentem robo-  
 ratus est, quia sic faciendo scivit se fa-  
 cere quod places Domino: tesseram pri-  
 mus nomine principalis sui proponit,  
 quam ad explendum furorem arripiat  
 plebs insolentia.

De Galba Imperatore dicebat Ottho  
 apud Tacitum lib. 2. quod minore licen-  
 tia grassatus fuisset Vinus, si ipse Gal-  
 ba imperâisset, nunc autem & subiectos  
 nos habet tanquam suos, & viles ut alie-  
 nos, quibus scilicet non ipse, sed Vini-  
 us servus Galbæ imperaret: ita planè  
 minus puto crudeliter sæviturum fuisse  
 Pontificem, si ipse sævisset; nunc autem  
 non ipse sed servus ejus, tanquam in  
 suum, quem manu ceperat vernam, &  
 tanquam in alienum, quod triginta ar-  
 genteis emerat Pontifex, sævit manci-  
 pium; imò nunc sævit ipse & servus e-  
 jus, quem à servo nihil aliud præter ti-  
 tulum Pontificis fecernit: sævit ipse per  
 servum Pontifex, quia & hic verifica-  
 tum est illud 1. Esd: 9. *Manus principum*  
 &



*Magistratum fuit in transgressione hac prima: & illud Dan. 13. Egressa est iniquitas de Babylone à senioribus & iudicibus, qui videbantur regere populum.*

Saltem ergo facinus vindicet cælum, cum id dissimulet iudex Pontifex: aruisse scio manum Jeroboam Regis, quam extenderat contra virum DEi 3. Reg: 15. Scio carnificis brachium mansisse immobile, quod contra S. Addam leuaverat teste Moscho in pmo spirituali cap: 70, obriguisse dexteram S. Hospitium Confessorem ferire volentem teste Philippo Ferrario die 21. Maji: turbam lapidare volentium S. Eucharium ita cælitus punitam, ut quo quemque situ deprehendit DEi indignatio, immobilis persisteret; alij quidem extensis inflexibiliter brachijs, alij pro colligendis lapidibus deorsum inclinati, & pronis cervicibus inhærentes terræ, alij alio situ velut exanime cadaver immobiles, ut habetur actis S. Eucharij: scio alios alijs pœnis percussos, dum manus suas extenderent contra servos DEi: & cum depalmatore Christi similem pœnam non video. Reflexit se supra idem S. Chrysostomus inquitens: *Vide benignitatem, quo pacto, quæ servorum sunt vindicet, quæ verò sua sunt pratermittat, quando servus injuriam passurus erat, Regem punivit, quando alapis ipse cadebatur, nihil mali ei, qui alapas impingebat, inferebat.* Neq; tamen id mihi

mirum videtur, quòd non aruerint manus cadentis Malchi, cum considero quòd non aruerint labia Judæ osculantis: servi personam Christus assumpserrat, & ideo vindictam noluit, cum proprio servorum more tractaretur. Poterat equidem cum Michæa percussio in maxillam à pseudo propheta 3. Reg: 22. malum denuntiare percussori: poterat tam servo, quam Domino ultionem divinam prophetare cum Paulò colaphizato Act: 23. *Percutiet te Deus paries dealbate: Et tu sedens iudicas me secundum legem, & contra legem jubes me percuti:* poterat cum tenebrione agere ea, quæ optavit cum eo fieri Aug. tract: 113. in Joan. inquitens: *Si consideremus, quis accepit alapam, nonne vellemus eum, qui percussit, aut celesti igne consumi, aut terra dehiscente sorberi, aut corruptum demonio volutari, aut alia huiusmodi qualibet pœna vel etiam graviore puniri?* Certè si Oza manu tangens arcam DEi, quam bobus calcitrantibus casuram putabat, occiditur à Domino 2. Reg: 6. si Dominus de viris Bethsamitibus percussit septuaginta viros, & septuaginta millia plebis eò, quòd vidissent arcam Domini 1. Reg: 6, quantò dignior fuit percussione servus Christi percussor. Verum tempus tunc non erat ultionis, sed hora patientiæ: danda tunc erat percutienti maxilla, & fatiendus opprobrijs; tractandus tunc erat Christus ut servus, non vindican-

dus ut Dominus. Ceterum nec Malcho sua poena deerit, cum venerit tempus ultionis. Refert de eo Franciscus Alchoratus in suo terra Sanctæ hodeporico apud Lyraum *de imitatione Christi patientis cap. 8.* visum eum in lacu aqua & sulphure horrido acerrimè cruciatum manum incunctanter instar molæ Ixionis rotantem, voceq; hac tristi ejulantem. Sic respondes Pontifici? visum autem à Petro Barzio Vicentino nobili, quem anno 1571 Turca quidam ad lacum hunc in secretiore Jerosolymæ parte, à cuius ingressu ferreâ arcebat janua, deduxerat. Sit sua fides authori, clausumq; maneat tot sæculis incognitum claustrum, immanis certè à poena Malchus non est.

Lex est Athenis teste Valerio Maximo, ut libertus convictus ingratitude nīs recadat in servitutem: lege hac tenetur servus Pontificis: audi quid de eo habeat S. Ephrem serm. de Passione. *Alapam quidem dedisti omniam Domino, sed servus servorum factus es in æternam.* O diram poenam! poenam tota graviorem æternitate! Sed videamus quisnam manum ministri armavit contra Christum.

III. SIC RESPONDES PONTIFICI? De Hadriano Imperatore habet Dio Cassius, quòd cum servum quendam videret inter duos Sacerdotes ambulantiem, submisit, qui ei alapam infringeret, diceretq;: *Noli inter eos ambulare, quo-*

### Caput II.

*rum potes esse servus.* Grave fateor delictum est irreverentia Sacerdotum. Sacerdotium, ait S. Ignatius epist. 10 ad Smyrnenſes, *est omnium bonorum, quæ in mundo sunt apex, qui adversus illud fuerit, non hominem ignominia afficit, sed DEum.* Delicti gravitas patet ex poenis irreverentium. Core, Dathan & Abiron aperiens os suum terra devoravit, descenderuntque vivi in infernum, quòd vocem murmuris elevârunt contra unctum Domini. Majorem Imperatoribus authoritatem habet sacerdos; majore, quia læsæ Majestatis Divinæ poenâ reus est, in sacerdotem delinquens, quàm qui Cæsarem lædens erga eum sit irreverens. Bene Salvianus de providentia lib. ult. *Sicut si servos nostros quispiam cadit, nos in servorum cadit injuria, & si à quoquam filius verberatur alienus, in supplicio filij pietas paterna torquetur, ita & cum DEI servus à quoquam leditur, Majestas Divina violatur:* & hinc est, quod bene jura velint atrocem esse injuriam, quæ fit Sacerdotibus, sic l. 4. C. de injurijs dicitur, *Atrocem injuriam sine dubio esse factam manifestum est, si tibi illata est, cum esses in Sacerdotio, & dignitatis habitum & ornamenta praferres:* & l. 10 C. de Episcopis & Clericis, pulchrum recitatur statutum Imperatorum his verbis *Sit cunctis laudabile, factas atroces Sacerdotibus aut ministris injurias veluti crimen publicum persequi, aut de tali-*  
bus

*bus reis ultionem mereri.*

SIC RESPONDES PONTIFICI, dicit Malchus percussor, scelus ferio, quod patraſti in irreverentia. Furia armavit Malchi dexteram & ille zelum mentiebatur; sic, ait, temere, sic arroganter, sic stultè ac irreverenter, sic incivilliter ac præſumptuoſè, sic conditionis tuæ oblite, sic respondes homo inutilis, ac terrâ indigne; homo perditæ, opprobrium hominum & abjectio plebis? sic respondes Pontifici, principi Synagogæ, capiti Jerosolymæ, totius populi electiſſimo? meminisse te oportuit mandati Sapientis Eccli. 7. *In tota anima tua time DEUM, & sacerdotes ejus sanctifica: & iterum, honora DEUM ex tota anima tua, & honorifica Sacerdotes.* Ita quidem sibi Malchus plaudabat de justitia injuriôsæ alapæ: ita plaudunt etiam ij, qui cum male fecerint, ad excusandas excusationes in peccatis, fucos virtutis adhibent, qui ut loquitur Abraham apud Hugonem in c. 3 Apoc: cum vitam vivant corvinam, innocentiam simulant columbinam, cum ferocitate sæviant lupina, de conversatione sibi mentiuntur ovina, cum diabolo ipſo nequiores sint, sibi ipſis plaudunt quod non sint sicut cæteri, raptores, adulteri, & velut poenitens publicanus; mentitur nimirum sibi ipſi iniquitas, nemoque tam malus est, quin sibi bonus videatur: obviabis detractori, qui humana omnia ac divi-

na arrodit, veridicum se venditabit; occurreſ prædoni, qui pauperem devorat in abscondito, cautum se dicet ac providum: sic crudelitas justæ se vindictæ exuvijs induit, avaritia providentiæ futura respicientis, prodigalitas humanitatis: nullum scelus est sine patrono, & vel in pessimo reperies larvam, quâ vitia contegat non citius propalanda, quàm quoad inspector cordis DEUS larvam detrahet.

IV. Acceperat palmare injuriam Christus à servo, putas saltem eadem mensura remensus est nebuloni? Henningius in genealogia ad annum 1380 habet de Megalo Lorcario Genuensi, quod cum à nobili quopiam Turca sub lusum alapa percussus esset, adeo graviter rem acceperit, ut illico Genuam reversus, triremibus instructis ferro & igni Turcicas ditiones depulatus fuerit, hominibus duntaxat quos capere contigit, auribus ac nare mutilis in perpetuæ contumeliæ testimonium dimissis. Movit indignitas rei Imperatorem Ottomanicum, ut non contemnendam contra eum classem direxerit; sed & hujus parte non contemnenda potius aliud à captivis litrum habere noluit, quàm quas singulis absciderat aures. Adeo graviter iste tulit alapæ contumeliam, ut tot millibus aurum compensandam judicaret. Accepit haud imparem Christus ignominiam à vili verna, cui non ita



pridem aurem mutilam restituerat; accepit autem non per lulum, sed svadente diabolo, nec tamen ab ingrato recens auris sustulit beneficium, quini-  
mo malè audienti aures aperuit, ut intelligeret, contra quem roboratus fu-  
isset.

SI MALE ait, LOCUTUSSUM, TESTIMO-  
NIUM PERHIBE DE MALO, SI AUTEM BE-  
NE, QUID ME CÆDIS? *Quid hac respon-*  
*sione*, ait Aug. tom. 9 serm. 113 in Jo-  
an. *verius, mansuetius, iustus?* Asinæ  
Baalam percussæ à Domino suo aperu-  
it DEUS os, & locuta est. *Quid feci ti-*  
*bi? cur percutis me?* Num. 3, & Chri-  
stus impia contusus manu amplius ni-  
hil dicit, quàm quid me cædis: ingra-  
tus homo beneficium rependit male-  
ficio, & non feritur fulmine alio, quàm  
miti verbo. Quid me cædis? *Christus*  
*caditur ut servus* ait Cyrillus Alex c. 26  
in Joan. *qui nutu solummodo perdere po-*  
*tuisset omnes Judæos, nec ultionem fe-*  
*cit ullam, nec enim ira, nec tristitia,*  
*nec dolore vincitur.* Quid me cædis?  
culpam proba, qui pœnam irrogasti:  
parum erat tibi, quòd creaverim te de  
nihilo, quòd in horto pro te labora-  
rim, quòd in vinculis serviêrim tibi,  
parum erat, quòd in loco dehonestati  
capitis aurem tuam restituerim. Quid  
me cædis? causam indica, ob quam  
contra me calcitraſti: si pauca sunt,  
quæ feci tibi, paratus eram facere mul-  
tò plura. Quid me cædis? perdere te

possum, si volo; periisti, si volo, cul-  
pam proba, qui pœnam irrogasti; cau-  
sam indica, ob quam contra me calci-  
traſti, vel si causam nullam habuisti  
jam nunc furoris tui sit satis.

Autor arboris Nabuchodonosoris  
in lilio S. Xaverij habet, quod se à P.  
Zuschi accepiſſe tradit terribile facinus  
hominis improbi: adamaverat hic mu-  
lierem quampiam perduto amore, cu-  
jus ut copiam haberet, in quasunque  
se juraturum ostendit conditiones: Di-  
cta dies, & hora sceleris majore emen-  
da scelere aderat, cùm leno in abditū  
conclave intromittitur, in cujus medio  
inter duas ardentes faces posita erat  
grandis statua Christi è cruce penduli:  
hoc loci scelus scelere emendum erat:  
quo putatis? atrox cogitate, quod vul-  
tis, atrocius vix cogitabitis, quàm in  
quod jurandum fuit. Euge, ait male-  
dicta mulier, si mei copiam habere cu-  
pis, necesse est te binas alapas inflige-  
re ei, qui pro te tam crudeli affixus  
est patibulo. O pactum improbum! o  
diris omnibus devovendam conditio-  
nem! putatis lenonem totis artubus  
contremuisse, ac è domo maledicta  
quovis vento citiùs evolasse: heu quid  
non audet impia libido! extendit no-  
vus Malchus manum suam, & horri-  
bili plaga faciem penduli de trabe Sal-  
vatoris concussit. Contremuit tunc cre-  
do terra, & cardines cœli moti sunt,  
aperuit opinor infernus os suum, ut  
devo-

devoraret impios in iniquitate, & fulmina omnia de cœlo lapsa sunt, & consumerent in flagranti malitiam. Audi poenam, & exalta misericordiam: vix primam infregerat alapam homo improbus, cùm è cruce pendens Salvator os suum aperuit, nihilque aliud prolocutus est, nisi unicum hoc verbum: *Satis est.* Et profuit quidem verbum hoc alteri Malcho, nam ab ea hora ita immutatus est, ut domum ingressus poenitentia, in amaritudine animæ suæ facinus quoad vixit religiosus defleverit: an autem etiam primo illi percussori, imo an tibi profuerit verbum vitæ affirmare non aulam: cædis & tu tot repetitis vicibus DEUM tuum, quoties graviter delinquis; & ille clamat ad cor & conscientiam tuam: satis est, quid me cædis? audisne an rides clamantem ad te? interroga conscientiam tuam, & jam tandem cessa à crimine: quòd si non faxis, deterior Malcho es; cæcidit ille, in quem non credidit, tu cædis, in quem credis. Satis est. Vulgò dicitur, regem cædere, qui monetam regis adulterat, tu DEUM cædis, quoties imaginem DEI animæ tuæ impressam deformas. Quid me cædis? Satis est.

V. Sed quid oro causæ est, cur servus noster, qui tanquam agnus coram tondente, coram carnificibus obmutuit, ad ictum alapæ arguat percussorem? gravis fateor est injuria alapæ, ad quàm

justè doleat ipsa DEI patientia: sed graviora fuerunt flagella & spinæ, gravior fuit crux & lancea, graviora fuerunt opprobria & illusiones, & tamen omnia hæc in silentio concoquantur; ad solam alapam aperitur os dicentis. QUID ME CÆDIS? Varij varias fracti silentij ab Isaia prænuntiati rationes assignant: alii causam devolvunt in hoc, quod tali responsione opus habuerit impudentia servi Pontifici adulantis, quem quia pro munere suo non corripit Dominus, corrigit Christus: digna certè hac correctione etiam ævi nostri servitus, cui verè accomodaveris illud Lipsij ad Lectorem de Cruce: *Ædum hoc ut multis delictis sibilam, ita petulantia & licentia laxat, & quod aures procacissimus quisque, id etiam audet.* Observat, inquit S. Petrus Damiani Opuſc: 22, *callidus explorator animum Domini, quid sibi magis placeat, oculis gliscit, gestibus innuit, festivitatem sereni cordis ore pretendit, pendet ad nutum, ut sis herile præceptum tanquam per Sybillinū os Phæbi præstoletur oraculū, ire jubetur, evolat, stare præcipitur, silicem repræsentat, una illi vitæ perpes fit regula Princeps, nec est facinus quod præstare non audeat servus in gratiam Domini.* Talem, cùm tacente Domino impunè sævit, meritò læsa patientia reprehendat, & admoneat criminis in obsequium Domini patrati. A Sigismundo Imperatore quendam gravi alapa cæ-

sum, qui cum Dijs assimilaverat testis est Æneas Sylvius lib: 2. de rebus gestis Alphonſi, dicentiq; illi: *Cur me cedis Imperator?* responſum eſſe à Sigismundo: *Cur me mordes adulator?* Bellum cum responſo præmium paraſiti! cui ſimile ſi dediſſet Pontifex ſervo ſibi blandienti, patientia Chriſti piſce amplius tacuiſſet. Alij rupti ſilentij cauſam petunt ab ingratitudine Malchi: juſtè ſiquidem omnis lingua in verba objurgationis ſolvitur, cum vitium ingratitudinis culpandum eſt: ſic mitiſſimus virorum Moyſes aculeata oratione increpat populi ingratitudinem Deut: 32. *Hæcne reddis Domino popule ſtulte & iniqui?* ſic natura ipſa inſtigante nemo non perirequitur ingratum. Conqueritur de filijs Iſraël David Pſal: 77 *quia non ſunt recordati manus ejus, die qua liberavit eos de manu tribulantis*, quidni juſtius conqueratur de ingratitudine Malchi Chriſtus, quia hic die, qua ſanavit eum, & redemit de manu tribulantis, levavit contra ipſum manum ſuam. Meliùs alij cauſam increpationis reponunt in eo, quòd hoc responſo caſtigari debuerit lingua irreverentiam in Sacerdotem objiciens. Hujus mentis S. Cyprianus lib: 1. epiſt: 3. & epiſt: 65 ad Rogatianum, ubi & addit, quod hoc exemplo docuerit *Sacerdotes veros legitime honorari, dum erga falſos Sacerdotes ipſe m. exiit*. Nimirum ſubſtantialis illa ſanctitas, ne infamaretur objecto miniſtri,

reſpondere debuit ſulto juxta ſtultitiã ejus, & objurgatione delere crimen quod ſibi impietas impingere parabat. Audiant hæc noſtri temporis cavillatores, quibus de nulla re ſermo frequentior, & oratio eloquentior eſt, quàm de moribus ac vita Sacerdotum, nulla menſa & congreſſus ſapit, ſi non condiatur convitijs contra Sacerdotes. Chriſtus docuit Sacerdotes veros legitime & plenè honorare, dum erga falſos ipſe talis exiit.

Cum n ipſa hæc objurgatio plena morali eſt, quia in eum ſolum finem direxit, ut ad mentem redeat maleſans, verbero, & ſalubriter erubeſcat ad livorem faciei benediſcã; vel ſi ipſe frontem amiſit, nos ſaltem ad palmarum hanc injuriam conteramur, conſiderantes, quia venit ſuper Chriſtum plaga, quam Dominus comminatus fuerat ſuper Ægyptum. Jerem: 46. *Dabo eos in manus quærentium animam eorum, & in manus Nabuchodonosor Regis Babylonis, & in manus ſervorum ejus*: Dignum quippe eſt nos conteri ſcientes, quòd noſtri cauſa ab impia manu cædatur, per quem à plaga crudeli inimici eruimur. Sanè ſi Balthazar regis facies commutata eſt ad viſionem articulorum manus ſcribentis contra candellabrum, ſe cogitationes ejus conturbabant eum, compages renum ſolvebantur & genua ejus ad ſe invicem collidebantur: quantum non compungi nos oportet,



tet, cum videamus impiam manum scribentem contra Christum amaritudines plectere in capite culpam, quam nos membra ejus meruimus.

VI. Denique ad sacrilegam hanc depalmationem errorem quendam advertit D. Bern. serm. 3. de Nativ. *Quis, ait, errat, vel mundus, vel Christus? mundus, qui vult incuti alapam pro alapa, vel Christus, qui vult accipi alapam sine alapa.* Errorem utiq; Christo impingere piaculum esse dices; mundus ergo eadem mensura qua mensum est ei remetiens, in errorem abiit: quod si ita est: ex ore tuo te judico, si mundus errat cur errantem sequeris? percuteris alapa, & supra modum excandescis, facies ignoscit, scintillant oculi, pallescunt labia, lingua in blasphemias erumpit, manus tremunt, pedes currunt ad effundendum sanguinem: *Verbum contumeliosum audisti,* ait August. in Ps. 54, *& tu vis exigere damnationis supplicium, pugno percussus es, & interfectionem quaris:* non est hæc regula Christi, sed errantis mundi alapam pro alapa, dentem pro dente, oculum pro oculo, imò pro vili verbo mortem imperantis: regula Christi est, quam recitat Apostolus 2. Cor. 2. *Sustinetis, si quis in servitutem vos redigit, si quis devorat, si quis in faciem cadit.* Hanc regulam profitebantur S. Christophorus Martyr Christi, qui cum in faciem caderetur, depalmatori suo respondit. *Repercuterem, nisi Christianus essem,*

ut de eo Metaphrastes in vita. S. item Bernardus exemplo patientis Christi amplectens percussorem ut habetur lib. 3. *vita cap. 16.* Noster P. Petrus Skarga Elias ille ardens zelo Dei, qui cum Evangelicæ veritatis ardore invecus fuisset in vitia Poloniæ, trinam diversis vicibus alapæ contumeliam sustinuit, nihil aliud reponens, præter illud Dominicum, *Si malè locutus sum, testimonium perhibe de malo:* fili si placet, en tibi & alteram maxillam, adjectis insuper apud Majestates regias precibus, ut immunes à poena essent percussores Ecclesiastæ regij. Hanc regulam docuit S. Isidorus Pelusiota Hieronymum Comitem lib. 2. epist. 219 Inquiens: *Ad imperium effectus es, majorem tibi nominis celebritatem comparabis, si eos à quibus injuriâ affectus es, minime uliscaris, ac nunc maxime omnes molestias oblivioni mandes, cum maxime ipsos uliscendi potestatem imperij tibi licentia præbuit.* Denique hac regula vixit B. Pius V. de quo in addit. ad Ciaconium Victorellus in vita Pij V, nam quendam, à quo adhucdum religiosus Ordinis Prædicatorum famoso libello profectus fuerat, jam Pontifex amplexatus est dicens: *Quia in Pium V non es convitiatus, sed in fratrem Michaëlem Monachum (sic enim antea Pius V. vocabatur) id ego non prosequar, nec tu gubernatorem eo nomine, vel panam aliquam metuens, abili liber quo velis: profiteor me ex fratre Michaë-*

chaële Monacho Scarpione JESU Christi Vicarium factum; & illam humilitatem generis mei vita cultu & in animo semper retinebo, ac lubens profitebor, & ero in oculis meis vilis & abjectus coram Domino. Sed reliquamus jam arenam, in qua pugnis pugnatur: vocant atrociora,

### CAPUT III.

#### De falsis testibus.

I. QUAM verè dictum sit, illud Senecæ, lib. 3 de benef. cap. 20, probat in servitute sua Christus, Errat ait ipse, si quis existimat servitutem in totum hominem descendere, pars melior ejus excepta est, Corpus itaq; est, quod Domino fortuna tradidit, hoc emit, hoc vendit, inferior illa pars mancipio dari non potest. Hæc ille. Steterat pro tribunali emptitius noster, & ratihabita est venditio ejus in Synagoga, in quam scribæ & seniores convenerant; corpus tamen solum privatum est libertate, animus in libertate remansit. Quantum non egit iniquitas, ut & illum sub jugum mitteret, quantum non laboravit, ut eo exueret Dominum universorum: falsarios conduxit testes, facta & dicta discussit, laqueos coelavit: sed in cassum ceciderunt omnia, libera est mens, servitutem non patitur: impleta est hic illa juris gnome leg. capere ff. de com-

### Caput III.

mun. prædior. Servitutem non recipit, quod humani juris non est. Introspecte artes, & videbis, quàm inanis fuerit omnis conatus iniquorum. Vates Regius prædixit eorum technas Ps. 30. In eodum convenirent simul adversum me, accipere animam meam consiliati sunt. Habebant jam captivum corpus in vinculis, possidebant mancipium, trahebant illud, quo volebant, cum tendiculas ponerent animæ, ut & hanc illaquearent. In eo dum convenirent simul adversum me, accipere animam meam consiliati sunt. Pars melior adhuc libera erat, & in infinitum comes celestibus ibat, hanc ut sibi subjiceret iniquitas, nullum non movit laqueum. Verùm frustra jactum est rete ante oculos pennatorum, sui semper juris anima cum subesse nunquam vellet; nec posset, nullum non lussit laqueum. Quid agat scelus? cogit concilium, quod habitum judicij & figuram prætexeret, in quo ut loquitur Chrysost. in cap. 16 Matth. ipsi judices essent accusatores, ipsi discutientes, ipsi sententiam proferentes; emit falsos testes, viros Belial, viros diaboli, qui ut nuper contra Naboth 3 Reg. 21, dicerent contra eum testimonium coram multitudine, testimonium falsum, testimonium Belial, quod interpretatur absque jugo, quia nullam legem, nulla jura, divinã ea sint, vel humana, scripta aut tradita respicit, aperuit os peccatoris & os do-

loſi ſuper eum, excivit inveteratos ma-  
lorum, qui loquerentur adverſus eum  
lingvâ doſâ, & ſermonibus odij cir-  
cumdarent illum, & expugnarent eum  
gratis, nihilque omiſit, quo poſſet in  
ſervitutem illum inducere: ſed cadu-  
cus fuit labor omnis, neque enim in  
totum Chriſtum ſervitus cadere potu-  
it, pars melior ejus excepta fuit. In-  
ſurrexerunt equidem in eum teſtes in-  
iqui, ſed mentita eſt iniquitas ſibi,  
ſcrutati ſunt iniquitates, funes pecca-  
torum poſuerunt, quibus implexam tra-  
herent, ſub commune jugum, animam  
ejus, ſed defecerunt ſcrutantes ſcruti-  
nio; mens libera, & ſui juris in inſini-  
tum comes cœleſtibus ibat, & interior  
illa pars mancipio dari non poterat,  
*Anima Chriſti*, ait Origen, lib. 2 peri-  
arch. cap. 6 *que quaſi ferrum in igne,*  
*ſic ſemper in Verbo, ſemper in Sapientia,*  
*ſemper in DEO poſita eſt, inconvertibi-*  
*litatem ex Verbi DEI unitate indefinen-*  
*ter ignita poſſedit:* aut ut habet D.  
Thom, in 3 diſt. 12 q. 2 a 1 in Corp.  
*anima Chriſti & corpus fuerunt quaſi*  
*organum Deitatis, ſecundum quod dicit*  
*Damaſcenus, Deitas regebat animam &*  
*anima corpus, unde non poterat pecca-*  
*rum attingere ad ejus animam, ſicut nec*  
*DEUS poteſt peccare.* Stultè ergo po-  
nit laqueos animæ Chriſti Synagoga,  
in quos incidere non poteſt. Arguit e-  
am ſtultitiæ S. Cyrillus Alex. lib.  
contra Antropomorph. cap. 23 in-  
quiens, *Stolidi verò ac dementes pror-*

*ſus, qui ipſum etiam Chriſtum neſcio*  
*quo pacto peccare poſſe affirmant eam*  
*ob cauſam, quod in eadem at nos ſpe-*  
*cie fuerit verſatus, quodq; formâ ſervi*  
*acceptâ cum hominibus in terra egerit.*  
*Si enim deſijt eſſe quod erat, aut ex di-*  
*vina natura in humanam tantum, ac*  
*noſtri ſimilem naturam abiit, humanam*  
*imbecillitatem illi obijciant; ſi verò id-*  
*circo humanam naturam geſtavit, ut*  
*eam, quam ab Adam acceperat imbe-*  
*cillem in ſe validam, ac peccato ſuperi-*  
*orem declararet, cur fruſtra id anxie*  
*inquirunt, quod invenire non poſſunt?*  
Hæc ille.

II. ET CUM MULTI FALSI TESTES AC-  
CESSISSENT, NON INVENERUNT, Quid eſt,  
quod non invenerunt? niſi laqueum  
peccati, quo animam ſervam traherent.  
Non inveniebant, ait Origenes tract.  
35 in Matth. *adverſarii ejus, quod dice-*  
*re poſſent adverſus eum vel colorare:*  
*quarebant omnes Sacerdotes & concili-*  
*um univerſum, & nihil veriſimile pote-*  
*rant invenire, quoniam falſa teſtimonia*  
*tunc locum habent, quando cum ali-*  
*quo colore proferuntur, adverſus JE-*  
*SUM autem nec color inveniebatur, qui*  
*poſſet contra JESUM adjuvare menda-*  
*cia, in hoc cum eſſent multi volentes*  
*gratiam tribuere Caiphæ & principibus*  
*Sacerdotum, & ſcribis, & ſenioribus,*  
*& univerſo concilio hoc ipſum audire*  
*deſideranti.* Quod ipſum pulchrè am-  
pliat Cyrillus lib. 10 in Joan. cap. 11  
ad ipſius Diaboli teſtimonium; nam &



hoc pariter ruisset, si contra innocentiam Christi adductum fuisset, confor-  
miter ad illud Joann. 14. *Venit princeps  
hujus mundi, & in me non habet quid-  
quam.* Sed obsecro in quo defecit au-  
toritas tam affectata testium? Rauli-  
nus *serm. 313* tria requiri docet ad con-  
ventiam testimonij, veritatem, purita-  
tem, ac bonitatem: veritatem quidem,  
nam testis debet esse medius inter u-  
tramque partem, ut pro utraque dicat  
ea solum, quæ veraciter novit. c. non  
sanè 34 q. 5. unde Seneca, *testimoni-  
um veritati non amicitia, nec inimi-  
citia reddes*: puritatem autem, ut abs-  
que fūco & colore exponat; bona-  
tem denique, ut non habeat volunta-  
tem nocendi & damnificandi: quocun-  
que horum deficiente ruit testimonij au-  
toritas, ruit ipsa justitia, quâ remotâ,  
quid sunt regna, nisi magna latroci-  
nia. Principes convenerunt in unum  
adversus Dominum, & adversus Chri-  
stum ejus, cõegerunt concilium Sime-  
on & Levi vasa iniquitatis bellantia,  
adduxerunt in conventum malignan-  
tium procusa in officina Satanæ arma  
testimonij, nec tamen conveniens fu-  
it testimonium, quia carebat notis te-  
stimonij, detracta est larva & apparu-  
it mendacium, absterfus est color, &  
patuit impuritas; appositum est specu-  
lum, & furor apparuit sub pallio boni-  
tatis. Ita fit non raro: reus agitur A-  
thanasius de abscisso Arsenij brachio,

ac vi illata mulieris; damnatur Susan-  
na de falso crimine, & produntur ad  
cavillum, quæ latuerunt in simulatio-  
ne testimonij: non patitur DEus nocere  
malitiam innocentia, sed fraudes &  
perjuria detegit ad poenam malevolen-  
tia.

III. NOVISSIME VENERUNT DUO FAL-  
SI TESTES, ET DIXERUNT. HIC DIXIT; POS-  
SUM DESTRUERE TEMPLUM DEI, ET POST  
TRIDUUM REEDIFICARE ILLUD. Malè de-  
tortum falsariorum horum testimoni-  
um advertit Origines. Impietatem, ait,  
solutionis templi non ipse promisit fa-  
cere, sed ipsis qui fuerant apti ad opus  
hujusmodi, commisit: & Hieron. Sal-  
vator, ait, dixerat: Solvite templum  
hoc, isti commutant, & ajunt: possum  
destruere templum DEI. Vos inquit  
solvite, non ego, quia illicitum est,  
ut nobis ipsis inferamus manus. Stro-  
phas commutant pseudologi, ut falsi-  
tas fidem mereatur à facie verbi Di-  
vini. Falsariorum hæc est consuetudo,  
ut mendacio suo authoritatem conci-  
lient, æra obaurant, & iniquitatem cau-  
sæ detortis in pravum sensum legibus  
ut justam venditant. Sic & hæretici,  
ait Vincentius Lirinensis lib. contra hæ-  
reses cap. 36 ut fallaciùs incautis ovi-  
bus obrepant, manente luporum fero-  
cia deponunt lupinam speciem, & sese  
Divinæ legis sententiis velut quibusdâ  
velleribus obvolvunt, ut cum quisque  
lanarum molliem præsenferit, nequa-  
quam

quam aculeos dentium pertimescat. *Et cap. 35* Videas hæreticos volare per singula quæq; Sanctæ legis volumina, per Moysis, per regnorum libros, per psalmos, per Apostolos, per Evangelia, per Prophetas, sive enim apud suos, sive alienos, sive privatim, sive publice, sive in sermonibus, sive libris, sive in conviviis, sive in plateis, nihil poene de suo proferunt, quod non etiam scripturæ verbis adumbrare conentur. Lege Pauli Samosatani opuscula, Priscilliani, Eunomii, Joviniani, reliquarumq; pestiū cernas infinitā exemplorum congeriem, prope nullam omitti paginam quæ non novi aut veteris testamenti sententiis fucata & colorata sit. *Et post pauca.* Sciunt factores suos nulli fere citò esse placituros, si nudi & simplices exhalentur, atque idcirco eos cœlestis eloquij velut quodam odore aspergunt, ut ille, qui humanum facile despiceret errorem, divina non facile contemnat oracula. Itaque faciunt, quòd hi solent, qui parvulis austeram quædam temperaturi pocula, prius ora melle circumlinunt, ut incauta ætas, cum dulcedinem præsenferit amaritudinem non reformidet: quod etiam his curæ est, qui mala gramina & noxios succos medicaminum vocabulis præcolorant, ut nemo fere, ubi suspensum legerit remedium, suspicetur venenum. *Hæc Vincentius Lirinens.*

IV. ET NON ERAT CONVENIENS TE-

STIMONIUM EORUM. Patuerunt falsarii, tenentur lege falsi testes iniqui, putas poenam legibus præscriptam alicui eorum irrogatam? Lex antiqua convictum falsi testimonii de saxo dejecit, teste Alex. ab Alex. *lib. 6 genial. cap. 10.* Lyciorum lege venditur is, qui falsum dixit testimonium, simulque ejus patrimonium publicatur teste Heracli. *in Politiis, & in Rep. Lyciorum.* Apud Indos falsus testis extremis decurtatur teste Strabone *lib. 34* Lege Longobardorum à Luithprando statutum est, ut falsus testis componat proquadrigildo, id est pro delicto, mediam partem regi, & aliam parti; & si non habeat, unde rependat, fiat servus adversarii, contra quem falsum dixit. *Leg. 1 de testi. lib. 2 leg. Longobard.* Lege Divinæ cum inventus fuerit falsus testis dixisse contra fratrem suum mendacium, reddent ei, sicut fratri suo facere cogitavit, & auferes malum de medio tui, ut audientes ceteri timorem habeant, & nequaquam talia audeant facere. Deut. 19. Norunt legem judices, nec judicant juxta legem, nisi fortè legem eos Longobardorum implere dixeris, juxta quam falsarium addicunt servituti servi quem infamavit; sed eo genere servitutis, quali servivit Esau fratri suo Jacob Gen. 25 Major serviet minori, juxta explicationem S. Augustini. 38 de tempore dicentis: *Serviet et non obsequendo, sed persequendo.*

quomodo lima vel mallei auro, quomodo mola serviunt tritico, quomodo panibus coquendis fornalia. Dissimulat Iudex, imo non dissimulat: audi Hieron. tom. 9 in hunc locum. Ira princeps & impatiens non inveniens calumnia locum, excutit de folio Pontificem, ut vesaniam mentis motu corporis demonstraret: unde sequitur: & surgens princeps Sacerdotum ait illi. Nihil respondes ad ea, quae isti adversum te testificantur? cum vehementi clamore, ait glossa hic: impatiencia actus interrogare coepit, ut saltem ex ore ejus extorquere posset, quo injustitiam suam operiret, & causam Christi laederet. Hæ nimirum sunt artes inistorum judicum, ut autoritate conentur opprimere, quos veritate non possunt.

## CAPUT IV.

### De silentio Christi.

1. **P**lus oportet servum scire, quam loqui, ait Comicus in milite glorioso. Ei dictum puta illud Eccli. 32. Audi tacens, & pro reverentia accedet tibi bona gratia. Advertit hoc Philo lib. qui inscribitur, quis rerum Divinarum hæres, inquires. Est servi laus maxima, nihil ex jussis Dominicis contemnere, sed impigre, industrie, vel supra vires conari, cuncta exequi ex illius animi sententia; servi enim audire debent potius quam loqui, ad quos nimirum dicitur. Tace, & audi, pulcherri-

mum praeceptum &c. servus parum differt à stulto, stultus autem, ait sapiens proy. 17, si tacuerit, sapiens reputabitur, & si compresserit labia sua, intelligens. Hinc est, quod S. Hieron. in cap. 3 ad Titum Maximum velit esse servorum vitium mussitare, ac respondere, & contumaciae intolerabilis reus sit servus ille apud Plautum in Persa, qui Domino indicenti silentium respondit, servam operam, & linguam liberam herus meo me jussit habere. Induerat Christus habitum servi, & cum eo omnes probi servi virtutes, inter quas primas meruit cura silentii. Audi quid eo prædixit psalmista Ps. 37 Qui inquirebant mala mihi, locuti sunt vanitates, & dolos tota die meditabantur, ego autem tanquam surdus non audiebam, & sicut mutus non aperiens os suum, & factus sum sicut homo non audiens, & non habens in ore suo redargutiones. Et iterum, Ps. 38 Posui ori meo custodiam, cum confisteret peccator adversum me, obmutui & humiliatus sum, & silui à bonis, & dolor meus renovatus est. Stabat contra eum turba mendax cum falsis testibus, sedebant scribe & seniores cum opprobriis, surgebat Pontifex cum insultationibus, ille autem tacendo ad omnia, omnes boni servi partes implebat. Impletum est in eo vaticinium prophetæ Ezech. 3 Linguam tuam adhibere faciam palato tuo, & eris mutus, nec quasi vir objurgans, quia domus exasperans est, cum autem locutus fuero



fuero tibi, aperiā os tuum, & dices ad eos. Exasperans certē domus fuit domus Caiphæ, quia quidquid acerbitatum & dolorum tota servitute passionis Christo sustinendum fuit, in hac domo omne parturiit: hīc virgæ & spinæ creverunt, hīc crux plantata, hīc clavi, aliæque instrumenta afflictionis fabricata sunt; hīc illusiones & scomata nata, hic denique mors ipsa procreata est, fatente impio Patrefamilias domus, quia expedit unum hominem mori pro populo, ut non tota gens pereat. In hac ergo exasperante domo statuā taciturnior fuit servus noster, quia servus bonus fuit. De Abbate Vestorio refert Bellovac. in speculo *part. 1 lib. 3 dist. 4* quod quæritus ab Abbate Pastore, unde tantam acquisivisset virtutem, ut quidquid ei injungeretur, nihil loqueretur, adjuratus respondit: *Quando intravi in monasterium dixi: tu & asinus unum estote, ut sicut asinus verberatur, & non loquitur, injuriam patitur & non respondet, sic & tu: sicut in psalmo legitur, ut jumentum sum factus sum apud te.* Idem planē silentio suo loquitur Christus, tacere se ad opprobria & calumnias, quia servus est, & servi boni nota est tacere ad injurias.

II. ILLE AUTEM TACEBAT. At solve jam tandem silentium serve bone, NON RESPONDES AD EA, QUÆ TIBI OBJICIUNTUR AD HIS? non purgare se, non diluere ob-

jecta, & accusationem silentio excipere contentis est, ait Cicero. *Si nunc silueris, tu & domus Patrie tui peribitis* dicebat Mardochæus ad Esther. *Esth. 4.* Vides quanta dicunt adversum te testimonia, quæ si silentio excipis, vereor ne de te fabula canatur, quia Amyclas perdidit silentium. Certè si ad tam enormia mutum te esse vellet iniquitas, orator pro domo tua Tullio eloquentior esse deberes, memor ejus, quod tacendo crimen fiat acrius: si loquenti minas intentaret, loquendum esset pro veritate exemplo Stasimi servi in trinumno Plauti, quem cum bona suggerentem, malè rebus suis consulendo jussisset tacere Laconicus herus, inquit. *Oculum ego effodiam tibi, si verbum addideris,* respondit servus: *bercle, quin dicam tamen, si sic (puta videntem utroque oculo) non licebit, luscus dixerō.* ILLE AUTEM TACEBAT. Tacet servus noster, *causa innocentis*, ait Simon de Cassia hīc lib. 13, *magis silentio, quàm clamore agitur.* Taceat lingua necesse est, ubi ipsa veritas adest, ait Aug. *serm. 118* Scivit enim Salvator, quomodo silentio vinceret, quomodo non respondendo superaret. Et Ambr. *serm. 49* de accusato Domino apud Pilatum: *Bene tacet, qui defensione non indiget: ambiat defendi, qui metuit superari, festinet loqui, qui timet vinci: Christus autem cum condemnatur & superat, cum judicatur & vincit.* Quid opus illi erat loqui ante ju-

dicium? cui ipsum iudicium erat plenum victoriâ, vincit cum iudicatur Christus, quia sic innocens approbatur, unde & Pilatus ait: innocens ego sum à sanguine iusti huius: quod ipsum de concilio in domo Caiphæ collecto docet S; Leo inquitens. *Inter inconditas & dissonas voces hoc IESUS mirabiliter elegit, ut taceret, nec enim opus erat reprehensione, cum ipsorum etiam sacerdotum iudicio allata à subornatis testibus criminatio non poterat suffecisse.* Tacet Christus, quia neque legitime interrogabatur, accusabatur, aut iudicabatur; ut quid enim responderet iis, qui responsum non in veritatis cognitionem, sed in calumniæ occasionem essent accepturi; ut quid loqueretur pro se, qui se illam vivere horam sciebat, in qua non pro suis, sed pro nostris delictis ei respondendum erat, nam ut bene Hieron. apud S. Thom. in Catena ad cap: 14 Marc. *Taciturnitas Christi apologiam Adæ absolvit.*

III. ILLE AUTEM TACEBAT. Plutarch. lib: de Homero. *Silentium, ait, esse Graecorum; vociferationem autem Barbarorum*, quod illi tacite ferre scirent maledicta & male facta, isti autem insolenti clamore, qua parte tangeretur ulcus, proderent: illi Deos imitarentur suis in injurijs insensibiles, isti canes ad quemlibet motum oblatrantes. Bene id quidem, nam & veterum Sapientum oraculum erat apud Claudium Mioden ad Alciati emblem: 11. *Loquendi homi-*

## Caput IV.

*nos nos habere magistros, tacendi autem Deos: quo respicit etiam illud Catonis*

*Virtutem primam esse puta compescere linguam, Proximus ille DEO, qui sit ratione tacere.*

Grave fateor malum est contumelia, & calumnia iniquo teste probata, in tantum, ut ipse Apostolus non vereatur dicere. 1. Cor: 9. *Expedi magis mori, quam ut gloriam meam quis evacuaret*, hoc est, ut explicat Justinianus in paraphrasi: *Melius est mori, quam gloria & estimationis meae iacturam facere.* Grave malum calumnia, Tobiam, quem cæcitas non turbavit, afflixit calumnia uxoris, & Saram filiam Raguelis, quæ septem virorum necem siccis oculis toleravit, improprium ancillæ per triduum oclusam cubiculo flere cœgit; & patientem Job, quem Diabolus non commoverat, uxoris contumelia contristavit. Verum est illud Sapientis Ecclesi: 7. *Calumnia conturbat sapientem, & perdet robur cordis illius*, Pagninus legit, *insanire facit*: hinc etiam Siracides Ecclesi: 26 dicit. *Atribus timuit cor meum, & in quarto facies mea metuit, deleturam civitatis, collectionem populi, & calumniam mendacem, super mortem omnia gravia*: eandem deprecatur David Psal: 118: *Redime me à calumnijs hominum, ut custodiam mandata tua.* Quod si nihilominus illa ipsa cadat in virum compotem sui, eumque talem, qui non hominem, sed DEum Magistrum habet

habet, omnem suam perdit virulentiam, & ea lacessitus non aliter eam curabit, quam nobilis fera soleat latratus canum minorum securè obaudire. Benè Seneca lib: 2. de ira cap: 15. *Pusilli hominis est & miseri repetere mordentes ut mures & formica, ad quas si manum admovent, ora convertunt. Qui Deos habet Magistros, insuper habet omnia, quæ per calumnias sibi impinguntur, nec minùs constans ac immotus est, quàm rupes aliqua in vadoso mari destituta, loquor cum eodem Seneca lib: de vita beata cap: 27. quàm fluctus non desinunt, undecunq; moti sunt, verberare, nec ideo aut loco eam movent, aut per tot ætates crebro suo incursu eam consumunt. Affilite, ait ipsa, facite impetum, ferendo vos vincam: in ea, quæ firma, & insuperabilia sunt, quidquid incurrerit, malo suo vim suam exercet. Tales Deorum discipuli sunt ij, de quibus Origenes tract: 35. in Matth. *Discedimus ex hoc loco contemnere calumniantium, & falforum testimonium voces, ut nec responsione nostra dignos eos habeamus, nec defendere nosmetipsos velimus: talis erat Augustinus, cujus hæc sunt lib: contra Secundinum cap: 1. Senti de Augustino quodlibet, sola coram Deo conscientia me non accuset: tales volebat suos omnes S. Macarius Abbas Aegypti, teste Bollando in vita 15. Januarij: qui cum interrogaretur à fratre, quomodo salvus fieret, respondit. Vade ad**

monumenta & maledic mortuis, quod cum ille fecisset, retulissetq; nihil sibi ab ijs responsum: Vade cras iterum, ait Abbas, & lauda eos, cumq; hic iusta executus fuisset, nullo pariter ab ijs accepto responso, ait Senex. Vide sic & tu sis velut mortuus, si cupis salvus fieri, & neq; injuriâ hominum, neq; gloriâ movearis: tales vult esse Christianos S. Ambros. lib: 1. Offic. cap: 5. inquit: *Quando aliquis nobis conviciatur, lacessit, ad violentiam provocat, ad iurgium vocat: tunc silentium exerceamus; tunc muti fieri non erubescamus. Hac sunt arma iusti, ut cedendo vincat. Imitemur dicentem: Obmutui, & humiliatus sum, & silui à bonis. Tales denique Christus ipse vult esse suos, prout S. P. N. Ignatium quarentem, quomodo ei pro infinito passionis suæ beneficio satisfacere posset instruxit apud Osorium Dom: 11. post Pentecosten. Inimici, ait, mei me totum vinxerant, sed linguam ligare non potuerunt, hanc verò ego ligavi patientiâ summâ & mansuetudine, tu ergo linguam tuam liga, cum mala passus fueris, & nihil stultum loquaris, & sic mihi satisfacies patienti pro te, pro modulo tuo. Sanè pulchrum est, quod habet Plutarchus in libro: Quomodo quis juvetur ab hostibus, dictum illud. Silentium cum ubiq; culpa vacet, tum maximè inter convitia, nescio quid egregium, Socraticum, aut potius Herculeum praefert, siquidem & Hercules ne gry quidem*



*odiosa verba curabat*: dixisset melius, nescio quid Christianum, Christo ac DEo dignum.

Hæc tamen non ideo dicta sunt, ut non interdum respondeas stulto secundum stultitiâ ejus, exemplo Christi, qui licet ad calumnias fuisset velut surdus non audiens, & velut mutus non aperiens os suum; ubi tamen gloriæ Divinæ periculum instare videbatur, velut leo rugiebat. Sic S. Thomas *lib. 2 de Trin. & opusc. 19* contra impugnantes Religionem appositè monet, caninos detractorum dentes quandoque retundendos esse: sic S. Gregorius *hom. 9 in Ezech.* justos, dicit, sicut sine arrogantia loquuntur aliquando bona quæ agunt, ita sine zelo privatæ gloriæ detrahentium sibi lingvas redarguere, quia noxia loquuntur. Sic ipse Joannes Evangelista *epist. 3* agens contra Diotrephen. *Propter hæc*, ait, *si venero commonebo ejus opera, quæ facit verbis malignis garriens in nos.* Nimirum *Apostolici precepti & exempli est*, ait S. Paulinus *epist. 50 ad Celant.* *ut habeamus nomen non conscientia tantum sed & famæ.* Quandoque ergo loquendum est, ne diutius interrupta defensio palmam criminis comprobati calumniatoribus concessisse videatur, judicisque tacendo crimen agnoscere, & simpliciores lenitatem tuam malæ conscientia signum interpretentur. Ea propter S. P. N. Ignatius *teste Bartoli*

#### Caput IV.

*invita*, quantumvis ad obrectationes esset animo semper pacatissimo, ubi tamen sua, & sociorum fama proximo necessaria læsa fuisset, nullis precibus adduci potuit; ut taceret, dum ea in integrum per sententiam Judicis restituta fuisset.

#### CAPUT V.

##### *De Adjuratione Caiphae, ac responso Christi*

**L.** **A**ctum egerat Caiphas, & omne concilium à Diabolo congregatum, nam & testium fraus irrita cecidit, & malitia defecit in adinventio-nibus: servam animam habere volebat, nec tamen eam diabolo ipso adjutore captivam habere potuit: Sumit ergo Pontifex ipse personam actoris ac judicis, simulque laqueum instruit, quem devitare nequeat, quidquid egerit. ADJURO TE, ait, PER DEUM VIVUM, UT DICAS NOBIS, SI TU ES CHRISTUS FILIUS DEI? Adverte laqueum, in quem incidet sive se talem fateatur, sive neget, sive dissimulet: & quidem si talem se esse fateatur, tenetur reus affectatæ Divinitatis, vel saltem læsæ Majestatis terrenæ, cujus imperium Messiam se faciens pessumdare meditaretur; si autem neget se Filium DEI, tenetur rursus reus prævaricationis, & falsi, utpote quem omnis turba audiverat dicentem, se Patrem habere DEUM: si denique dissimulet, tenetur reus irreligionis contra DEUM

DEUM, qui cum per eum tam solenniter esset adjuratus respondere contemneret; imo reus læsæ Pontificiæ autoritatis, ad cujus legitima interrogata pertinax siluisset. Et poterat, equidem Christus, ut bene advertit Salmeron hic, etiam Pontificem confundere in consilijs, utpote qui majorem illo haberet autoritatem, poterat eum ad legem, quam scire deberet remittere, è qua facile posset agnoscere, quod quæreret: poterat ad opera remittere, quæ nemo alius facit, imò & ad ipsa dæmonia, quæ exhibant clamantia, quia ipse esset Christus Filius DEI: verum ob reverentiam Divini nominis maluit ipse confiteri, quod esset, ut vel ipsa confessione veritatis demonstraret, quia sponte se tradidit in mortem, quam ei hypocritæ nunquam intentassent, nisi fucum justitiæ ob eo læsæ obtendere potuissent. ADJURO TE PER DEUM VIVUM. Sic Abraham senex, dierumq; multorum adjuraverat servum *Gen. 24* per Dominum DEUM coeli, & terræ, ne unquam acciperet filio suo uxorem de filiabus Chanaan, quomodo Caiphas adjurat servum nostrum, an ipse sit Filius DEI: verum longè dispar fuit in utroque servo conditio, servus enim Abraham ad obligationem juratoriam cogi poterat; non poterat Christus. Hinc, bene S. Thom. 2. 2. quæst. 90 art. 1 ad 1 peccasse docet Pontificem, quod ausus fuerit coactivè adjurare

quem revereri debuerat: quod quidem ejus peccatum magis aggravat textus Græcus, nam *Coftero teste meditat. 15* in eò, loco verbi adjurandi habetur verbum exorcizandi, unde juxta cum testem Caiphas dixit. Exorcizo te per DEUM vivum. Vides in quanta opinione fuerit apud Caipham servus noster, ut eum non secus, ac obsessum à diabolo alloquatur, cum tamen in illum ipsum verius hæc nomenclatura cadere potuisset, utpote qui fecit opera Patris sui Diaboli: Sed jam audiamus, quid adjuratori suo Christus respondeat.

II. Dicit illi JESUS. Tu dixisti; id est, sic est, ut tu dicis, te ipsum testem habeo, si contra veritatem nolis calcitrare. Quid me interrogas? interroga cæcum natum, cujus aperui oculos, interroga Lazarum, quem excitavi à mortuis, interroga turbam, quam paucis pane satiavi in deserto, interroga teipsum, & conscientiam tuam; hæc tibi una pro mille testibus est; hæc tibi recantat, quia ipse est, qui venturus est expectatio gentium, salus populorum, Messias & Filius DEI benedicti: interroga eos qui te circumstant, an non ipsi dixerunt de me, cum in triumpho comitarentur me, Christus Rex Israël. Benedictus, qui venit in nomine Domini. Osanna Filio David. Quia tamen meum de meipso testimonium habere desideras, aliud tibi non

do, quàm quòd tibi de me dat cor tuum, & quòd malitia tua negat. Procidere ad hoc Verbi testimonium debuerat Caïphas, & adorare coram multitudine, prout ei conscientia faciendum dictaverat, nisi perditæ conscientia homo contra stimulum calcitrare maluisset, honoremque negare ei, cuius vitam perdere cogitabat.

De Casimiro III Rege Poloniarum habent Chronica Poloniæ apud Crompterum *lib. 23*, quòd cum ei loqui vellet Sendivoius Canonicus Cracoviensis, monuerit sedentem Regem, ut assurgeret, ac staret coram se, quoad mandata DEI nomine sibi exponeret, rege vocem ejus non aliter ac oracula Divina percipiente. Consimili fervore egit S. Patamon Episcopus Heraclæ, cum Eusebio Cæsareæ, fautore hæreticorum in conciliabulo Tyri contra S. Athanasium congregato, nam cum hunc stantem eo tanquam iudice pro tribunali sedente videret, exclamavit indignabundus teste S. Epiph. hæres. 68 apud Baron. anno 335. *Tuse- des Ensebi, & Athanasius stans à te judicatur? quis tolerit talia?* Consimili etiam fervore, hic agendum esset, nam non decebat Caipham ejusmodi situs, imo decebat, ut in faciem prostratus exciperet vocem ejus, à quo stante coram se in compedibus acceperat verba confessionis. Verùm timidus homo moveri loco non sustinuit

ipsum etiam Filij DEI reverentia. Audiatur ergo etiam sua in sede sedens, quid ei comminetur Divinitas. VERUNTAMEN DICO VOBIS, AMODO VIDEBITIS FILIUM HOMINIS SEDENTEM A DEXTRIS VIRTUTIS DEI, ET VENIENTEM IN NUBIBUS COELI? quasi diceret, Sedisti Caïpha adversum me in concilio vanitatis; sedisti cum impiis in cathedra pestilentia, sederunt principes & adversum me loquebantur, amodo videbitis filium hominis sedentem à dextris virtutis DEI, & venientem in nubibus coeli; videbitis sedentem in solio judicii, qui dissipat omne malum intuitu suo, videbitis sedentem in throno, qui judicat justitiam. Et nunc Caïpha. Hæc dicit Dominus DEUS, eò quòd elevatum est cor tuum, & dixisti, DEUS ego sum, & in cathedra DEI sedeo in corde maris, cum sis homo & non DEUS, & dedisti cor tuum quasi cor DEI, Ezech. 28: & nunc Caïpha, ibi sedebo ut judicem te, & omnes gentes in circuitu, ipse portabo gloriam, & sedebo & dominabor super folio meo, & sedebo confians & emundans argentum, & purgabo filios Levi, & colabo eos. Et nunc Caïpha tu stabis ad videndum me, & diabolus stabit à dextris tuis, stabis in via peccatorum, stabis à longe inimicus meus, stabis contra judicium meum, ibi cadent, qui operantur iniquitatem, expellentur, nec poterunt stare. Videbis filium hominis



nis judicantem, quem modò vides judicandum; videbis sedentem in virtute: quem modò vides stantem in infirmitate; videbis sedentem ad dexteram virtutis DEI, quem vides stantem coram vilissimis hominibus; vides nunc satellitum turbâ obvallatum ad infamiam, videbis nubibus elatum ad gloriam: humanam naturam indutus ulciscar me de hominibus tantò magis, quantò acerbius erit videre verti sibi in tormentum gravius, quod poterat esse occasio lætitiæ, mortemque inde venire, unde alijs vita nata esset. Miser Pontifex, & ubi tunc tumor tuus erit, quo inflatus sedes adversum me? ubi tunc sella tua judiciaria, è qua contra fas & nefas decernis injustitias contra me? Valentis Imperatoris Ariani sella dissilijt in frustra, cum in ea residens scriberet poenam exilij in Basilium Magnum; dissiliet etiam tua, cum filius hominis veniet vindicaturus se de te impio: quid tunc faxis cum debbis respondere ei, & non poteris respondere unum pro mille. Phocæ Imperatori de throno dejecto ac vincito compedibus pro tribunali dixit Heraclius Imperator. Miser itane Rempubli- cam gubernasti? teste Spondano in epitome annalium Eccles. anni 610, tibi idem dicet sedens à dextris virtutis Dei Filius hominis. Miser itane gubernasti? itane judicasti? itane decrevisti? Veniet Salvator, ait Cyrillus Jerosoli-

mit. cathech. 15, non ut iterum judicetur, sed ut judicet judicantes, qui prius in judicio tacebat, deinceps dicet iniquis: hec fecisti & tacui?

III. TUNC PRINCEPS SACERDOTUM SCIDIT VESTIMENTA SUA Dicens: BLASPHEMAVIT. QUID ADHUC EGEMUS TESTIBUS. ECCE NUNC AUDISTIS BLASPHEMIAM: QUID VOBIS VIDETUR? Res in yado est, servam tenemus animam. Blasphemavit. Ecce nunc audistis blasphemiam? Vomit ore blasphemiam in Christum vir secundum nomen suum, Caiphas enim vomens ore, vel vomitus oris interpretatur, & ex ficto crimine violatæ per blasphemiam DEI tatis animam servam pronunciat. Blasphemavit: quid adhuc egemus testibus? nulla major probatio est, quàm proprij oris confessio, nec ulla est indigentia testium, ubi rei est aperta declaratio. Advertit hoc loco S. Chrysost: homil. 85. in Matth. insignem Caiphæ malitiam, quòd qui primò sententiam blasphemix intorsit in Christum tanquam judex, peracto judicio agit personam accusatoris; & testis. Blasphemavit: ecce sententiam judicis; quid vobis videtur? ecce delationem accusatoris: nunc audistis blasphemiam: ecce testimonium iniquitatis. Hæc tibi impie blasphemia est, quòd Unigenitus, qui est in sinu Patris æterni, Filium DEI se nominet? hæc blasphemia est, quod cui data est potestas super cælum & terram promittat se reatus tuos judicaturum? imò tu

tenebrio blasphemus es, qui Filio DEI Divinitatem auferre contendis: covicinaris impie Filium DEI, & blasphemus inflammatus spiritu gehennæ, qui tibi neq; in hac neq; in altera vita remissibilis est: filiationem DEI illi detrahis ac officium judicis, ac per hoc ex Patre Diabolo es, & non ex DEO, juxta quod dicitur 1. Joan: 4. *Omnis spiritus, qui solvit JESUM, ex DEO non est.* Quantum cordi Divino plagam tunc influxerit Caiphas, expendendum relinquo. Sanè si verum est, quod habet Bernardus, quod qui nomen alterius decolorant, cor ejus excoriant, graviter sentire debuit impactam sibi læsæ Majestatis Divinæ injuriam, & ipsius Pontificis contumeliam: blasphemiam impius, quæ teste D. Thom: 2. 2. q. 13. a 3. in corp. *gravissima est omnium peccatorum*, & quæ juxta D. Chrysost: orat. 2. de fato & providentia, *nullum peccatum deterius est. neq; par*, impingit, ut deterrimorum omnium deterrimum pronunciet, meritaq; servitutis reum agat.

Neq; verò sententia iniquitatis solo in verbo stetit, factò insuper sigillari debuit. Tunc PRINCEPS SACERDOTUM SCIDIT VESTIMENTA SUA. O si potius monito Joelis Prophetæ, scidisset cor suum, & non vestimenta sua Joël 2. ! Scissio tamen vestimentorum placuit, quia magis apta fuit demonstrandæ contumeliæ, quam Pontifex texuerat: dolorem super injuria DEI læsi simulat divisio-

ne vestis, qui tamen tunc maximè DEO fuit injurius. Et quidem scissio vestium in lege veteri signum fuit detestationis peccatorum, imprimis autem blasphemiarum: sic Ezechias Rex auditis blasphemijs Rabsacis scidit vestimenta sua. *Isai: 37.* signum item fuit doloris interioris, sic Jacob audita nece filij, Job clade suorum, Josue plagâ exercitus, David audita morte Jonathæ sciderunt vestimenta sua, ut hac scissione testarentur scissionem cordis afflicti. Verùm non eadem scissionis hujus causa est apud Caipham; advertit aliam S. Hieronym. inquit: *Quem de solio sacerdotali furor excusserat, eadem rabies ad scindendas vestes provocat. Scindit vestimenta sua, ut ostendat Judæos sacerdotij gloriam perdidisse, & vacuam sedem habere Pontifices.* Eadem mens est S. Leonis serm: 6. de passion. Caiphas ad exaggerandam auditi sermonis invidiam scidit vestimenta sua, & nesciens, quid hac significaret insania sacerdotali honore se privavit. Ubi est Caipha rationale pectoris tui, ubi est continentie cingulum, ubi superhumeralia virtutum? mystico illo sacrotoq; amictu ipse te spoliast, & propriis manibus Pontificalia indumenta discerpis, oblitus præcepti illius, quod legeras de principe Sacerdotum. *Leviti 21.* De capite suo cidarim non deponet, & vestimenta sua non dirumpet. Tu verò quo alienabatur hac dignitas, ipse tibi es executor opprobrij, & ad manifestan-


*dum finem veteris instituti pertinet eadem disruptio sacerdotij.* Hæc Beatus Leo. Scindit vestimenta sua ut ostendat Judæos, sacerdotij gloriam perdidisse, sicut *1. Reg: 15.* Scidit Dominus regnum Israël à Saul, quando vestis Samuelis scissa fuit. Scindit vestimenta, ut per foramina vestium pateat nuditas pectoris carentis omni virtute sacerdotij: pectus aperit, ut flammis iracundiæ, quibus æstuat, nonnihil indulgeat: denudat cor & viscera, ut pateat omnibus, quod nihil habeat sani intrinsecus, sed cor ejus plenū sit dolo & inimiticia. *Vide per fissuras pallij tui, vanitatem tuam,* dixit Socrates Antistheni; servit id melius hypocritæ Pontificiæ per scissuram vestium aucupanti nomen zelatoris justitiæ: reipsa hoc facit, quod verbo ille apud Horat. lib: 1. epist: 16.

*Pulchra Laverna*

*Da mihi fallere, da sanctum, justumq; videri,  
Noctem peccatis, & fraudibus objice nubem.*

Vidisti judicia injusta Pontificis: Vide sis, an non & tu Caiphæ sis imitator, sedens adversus fratrem tuum loqueris, & contra filium Matris tuæ ponis scandalū, judicas Inique secundum ea quæ parent, nec introspicis, quæ in fundo latet innocentia & veritas: scrutaris corda & renes aliorum, & affingis ijs scelera, de quibus ne quidem cogitavit cor eorum: Caiphæ discipulus es, nam in quo judicas alterum, te ipsum

condemnas. Vidisti rursus injuriam Christi, vide sis, an devotus ejus sis imitator: quod à lingvis hominum tibi calumnias impingentium futurus sis liber, promittere non audeo, maximè cum sciam, quod docet S. Nilus in asceti sua, quod homines invidia plerumque vituperant, quæ honesta sunt, non sicut in cælesti theatro res incorruptè judicantur, & veritas omnibus suffragijs comprobatur: arripiendum duntaxat tibi consulo exemplum Christi, ut si homines, verba sunt modò dicti S. Nili, qui nec piè viventibus præmia tribuere, nec impiè vitam traduentes supplicijs afficere possunt, per invidiam virtutis operibus vitiorum nomina imponentes, vitam tuam DEO atq; Angelis approbatam fictis calumnijs atque maledictis fuerint infectati, ne movearis. Tene firmiter menti tuæ impressum, quod habet Simon de Cassia lib: 3. in cap: 3. Luc. quod *nec fama bonos, nec infamia possit facere criminosos, justus enim judex, meritumq; liberator non secundum famam, aut infamiam, sed secundum veritatem virtutis, & vitij homines judicabit.*





## CAPUT VI.

De prima Christi damnatione,  
ac illuſionibus.

I. **T**Ullerat impius iudex ſententiam in Chriſtum, damnâratque animam nullius peccati obnoxiam ſervitute peccati; & univerſitas concilij captat in animam juſti, & ſanguinem innocentem condemnat. Reus eſt mortis. Hoc ergo judicium eſt iniquitatis? hoc planè: nam ut bene Salvianus lib: 4. de gubernat. *Divites & nobiles cùm occidunt ſervulos ſuos, juſ putant eſſe non crimen.* Reus eſt mortis: dicere debebat: reus eſt latriæ Filius DEi, reus eſt cultûs & venerationis, ſi enim filij regum, regio digni ſunt honore, Filius DEi Divino cultu digniſſimus eſt; debebat dicere, reus eſt amoris, amore ſynagogæ puniendus eſt, cujus languidos ſanavit, ſurdos & cæcos curavit, mortuos vivificavit: reus eſt compaſſionis, vincula noſtra ſuſcepit in ſe Filius DEi, & in compede ſervitutis patitur opprobria, cùm tamen ab eo omnis vera libertas deſcendat. Reus eſt mortis. *Quantum erroris fuit,* ait Origen. tract: 35 in Matth. *ipſam principalem vitam ream mortis pronunciare, & tantorum reſurgentium teſtimonio non aſpicere fontem vitæ, do quo in omnes viventes vitæ fluebat?* quoniam ſicut Pater vitam habet in ſe, ſic & Filio dedit vitam habere in ſemetipſo: dicere debebat perdita ſynagoga. Reus

## Caput VI.

eſt vitæ Filius DEi, ipſe enim eſt, per quem, & in quo vivunt univerſa: & impleta decreta format, quia reus eſt mortis. Hæc ergo tua eſt juſtitia Caiapha, hoc tuum judicium ſynagoga; ut contra legem morte damnes eum, qui peccatum non fecit? Non latet me equidem habere te legem, ſecundum quam mori debet prævaricator legis, ſcio quid ſcriptum ſit Levit: 24. *Qui blaſphemaverit nomen Domini, morte mori atur;* ſed lex hæc cadere non poteſt in Sanctum Domini, nec tangit eum, cujus lingua plena eſt laude DEi. Examina cauſæ merita, & reum mortis Caiapham deprehendes, non Chriſtum: reus planè ille mortis eſt, quia reus eſt blaſphemix, ſi juxta leges & jura pronuncias, Chriſtum vitæ, Caiapham mortis reum pronuncias. Angelus Clavaſius in ſumma verbo *Blaſphemia, ex D. Thoma,* ſicut & D. Bonav. in cap: 5. Luc. ſpecies blaſphemix ad tres contraxit claſſes, ſcilicet cùm aliquid attribuitur DEo, quod illi non convenit; cùm detrahitur, quod illi convenit; cùm attribuitur aliquid creaturæ, quod propriè DEo convenit: blaſphemiam tribuit Caiphas DEo, quæ ei non convenit; detrahit officium judicis, quod ei convenit; tribuit ſibi juſ in Filium DEi, quod ſibi non convenit; blaſphemus ergo Caiphas eſt, ac reus mortis. Utinam recta judicafes filia Si-on, ac ſaltem impleres legem Nabuchodonofor, quam tulit idololatra Dan: 3.

ut

ut, qui contra DEum Sidrach, Misach & Abdenago locutus fuerit blasphemiam, dispereat, & domus ejus vastetur, profecto Caipham mortis reum, non Christum diceres. Verum in judicio iniquitatis absolvitur impietas, pietas condemnatur. Reus es mortis Christe non ob peccata tua, quæ non commisisti; cecidit in te sententia mortis, qui mortem nostram destrueturus veneras. Ego sum, qui peccavi, ego iniquè egi, & tu reus mortis pronunciaris; in me effundat indignationem furoris sui synagoga, hic enim nihil mali fecit. Reus tamen mortis est JESUS; & tu, qui totus in peccatis natus es, cujus res es? utiq; amoris: tui amor eum mortis reum fecit, ut tu amoris reus esses: amaeum, qui cum dilexisset te, usque in finem dilexit te, ut traderet semetipsum pro te in mortem, & mortem turpissimam.

II. TUNC EXPUERUNT IN FACIEM, ET COLAPHIS EUM CECIDERUNT, ALII AUTEM PALMAS IN FACIEM EIUS DEDERUNT DICES: PROPHETIZA NOBIS CHRISTE, QUIS EST QUI TE PERCUSSIT? Levit. 24. dicit Dominus Moyse. *Educ blasphemum extra castra, & ponant omnes, qui audierunt, manus suas super caput ejus, & lapidet eum populus universus.* Blasphemia damnaverat servum nostrum Pontifex, ac ob id mortis reum dixerat synagoga, & vides impleri legem, priusquam educatur extra castra portans improperium: ponunt quippe omnes qui

audierunt manus suas super caput ejus dando palmas in faciem ejus, lapidat eum populus universus lapide magis contumelioso, quàm ille, quo lapidatur piger de stercore boum, quia lapidatur lapide fætidis sputaminis, lapide opprobrij & contumeliæ, quali nullus unquam malefactor lapidatus est. *Si quendam in brevio vel foro DEum blasphemantem audieris,* ait S. Chrysost. tom. 5. operum hom. 1. ad pop. Antioch. *accede, increpa, & si verbera infligere oporteat, ne recuses, ipsius faciem alapa percute, contere os ipsius, percussione manum tuam sanctifica.* Fecit id & plura alia servo nostro synagoga, non quod ipse hæc opprobria meritus esset, aut quod dignus ijs haberetur, sed quod reus judicaretur: negavit filiationem ejus Divinam impietas, & se talem esse confitentem, blasphemiam arguit; quid amplius superesse potuit, nisi ut omnem ejus hæreditatem pessumdaret? Hæreditas ejus & naturalis possessio est sanctitas, hanc blasphemiam ei impacta prostravit; hæreditas & possessio naturalis est omnipotentia, hanc alapa in faciem data contriverunt; hæreditas & possessio ejus est sapientia, hanc abstulit velamen faciei, & illusio volentium ab eo prophetizari: hæreditas & possessio est summa majestas, bonitas infinita, hanc fætida sputamina, & opprobria peccatoris extinxerunt: non remansit quidquam decoris ejus, ablata est omnis virtus ejus, &

& ipse tanquam vir projectus à DEO hereditatem suam reliquit in manibus inimici. Mortis reum dixit Concilium, & morte ipsa acerbiora sustinere cogitur opprobria. *Mirabantur planè celi ait S. Laur. Justin. lib. de triumph. Christi agonè cap. 14. mirabantur Angeli, omniumq; celestium spirituum legiones, videntes VERBUM, per quod facta sunt omnia contemni à perfidis, Sapientiam hominum super se sordidissima sputa recipere, undiq; DEI Filium attritum, despectum, agitatum, illusum. Et iterum Obtoxit cruor defluens imaginem vultus, sputa humana deturpavere formam, sicque factus est opprobrium hominum.* Sed bene Tertullianus lib. de patientia cap. 3. *Saginari voluptate patientia volebat discessurus, despicitur, verberatur, irridetur.* Moremur hîc paululum.

III. TUNC ESPUERUNT IN FACIEM EJUS. Non erat ergo locus aptior his sordibus recipiendis, quàm facies servi? Horrete coelum & terra, exclamat Euthymius, universa que creatura, in quam faciem, quam intulerunt injuriam? in faciem illam, ait Titus Bo-strensis in cap. 22. Luc, quam fluctus maris reveriti sunt, quam sol in cruce videns radios occuluit, spebant. *Aman-tissime Domine* ait Bern. serm. de passione, *quanta indigna à propria gente pertulisti, vultum tuum desiderabilem, in quem desiderant Angeli prospicere, qui omnes celos adimplevit letitia, quem*

*deprecabantur omnes divites plebis, polluti labijs, suo sputo coinquinaverunt.* Hoc ergo rore flos campi, & lilium convallium obrui debuit? hoc melle satiari currens in siti viam passionis? hoc colore pingi Patris æterni imago? Phocion Atheniensium Dux justissimus injustè damnatus decretum patienter accepit, at ab adversario conspui non sustinuit, sustinuit Filius DEI. *Filij stultorum & ignobilium & in terra punitus non parentes abominantur illum, & in faciem ejus conspuere non verentur.* Job. 30, & ipse non avertit faciem suam ab increpantibus & conspuentibus in se. Occurrit mihi illud, quod habet Lærtius de Aristippo, qui cùm consputus esset à Dionysio tyranno, cuidam hanc ei ignominiam exprobranti respondit. *Piscatores ut gobium capiant, non egreferunt à mari aspergi, & ego ut balenam capiam, non patiar oris ejus excrementis aspergi?* Quorsum oro tanto foetore conspurcatur facies servi nostri? quorsum tam patienter recipit in se sordidi oris rejectamenta? nisi ut balenam capiat, grandem illam bestiam, de qua prædixit Isaias cap. 27. *In illa die visitabit Dominus super Leviathan, serpentem vectem, & super Leviathan serpentem tortuosum, & occidet cetum, qui in mari est.* Suscepit in se sputamina oris sordidi, & occidit bestiam illam grandem, quæ devoraverat sanctos, & occidit peccatum



nostrum. Sputis occisum Hur Filium Caleb tradit glossa in cap. 34 Exod. cum exprobraret filiis Israël idololatriam vituli, eò quodd mutarent gloriam suam in similitudinem vituli comedentis fœnum ac obliviscerentur DEI sui: occisus pariter est sputis filius perditionis, quæ suscepit in se Christus servus peccati: in se suscipere dignatus est has sordes, ut ijs serpens antiquus interimeretur. Herodotus in Euterpe testatur inter cætera Ægypti sacra, quibus expiabant domos suas fuisse etiam sacra conspuationum, in his illi conspuebant victimam, rati per hoc omne malum quod capitibus suis impenderet, derivandum in caput hostiæ: superstitio hæc fuit Ægyptiorum: veritas est, in Christo sputis sordidato; factus is hostia pro peccato consputus est à populo, & malum quod impendebat cervicibus nostris derivavit in se, nosque ab omni malo liberos occiso omnis mali autore fecit.

TUNC EXPUERUNT IN FACIEM EJUS. Quinam verò illi malum hoc facere ausi? filii utique Belial, filij Chanaan non pepercerunt in faciem ejus spueri; maledicta utique synagoga quam cum repudiasset veris ex DEO filiis orbam, inverecunda vidua in os sacrum expuit. Sed & modo nondum finem accepit peccatum, expuunt in faciem ejus omnes illi, qui recte facta aliorum sinistra accipiunt, eaque velut sputis qui

busdam conspurcant malè interpretando, quæ optime sunt facta: expuunt in faciem omnes illi, qui cum malefecerint, gloriantur in rebus pessimis, suasque immunditias coram aliis exaltant; expuunt in faciem ejus, qui alios bene operantes subsannant, & erubescere faciunt in bono: utinam hi omnes spuerent in sinum suum, & erubeſcerent de scditate sua, quomodo si Pater expuit in sinum filiæ, septem diebus rubore confunditur. Tu interim Christiane, accede mecum ad sacratissimam faciem, & suavi oculo vultum defœdatum absterge; lege inde, non jam sputa, sed uniones attractu sacræ faciei consecratos: objice faciem hanc irato DEO ingeminans illud. Non avertas faciem Christi tui; agnoscat ipse figuram substantiæ suæ, animamque tuam salvam faciet.

IV. Alteram à decretoria mortis contumeliam describit Marcus. COEPERUNT QUIDAM VELARE FACIEM EJUS. Velaverat jam ipse Christus Majestatem suam, cum in forma servi apparuit, & adhuc fulgor Divinitatis ejus, quæ in humana facie relucebat, impietati intolerabilis visa est, velamen adhibet, quia lucem Divinitatis ferre non poterat: exuerat Christum Divinitate, & splendor ejus oculos tenebrionum verberabat: vultum operit, ne videant peccatum, quod peccabant, quasi liberi, non quasi velamen habentes mali-

tia libertatem. Stabat tunc DEUS Majestatis non alis Seraphim tectus, sed velamine nequitia; ostendebatur arca, sed in tabernaculo peccatorum tecta velo impuritatis: aderat novus Moyses, qui loqueretur, sed opertus faciem à consortio impiorum. Verè tunc dicere poterat Christus de se illud Ps. 43. *Tota die verecundia mea contra me est, & confusio faciei mee cooperuit me à voce exprobrantis & obloquentis, à facie inimici & persequentis: & iterum illud Isai 53. Absconditus vultus ejus, & despectus, unde nec reputavimus eum.* Meruerat nempe hanc oculorum injuriam licentiosa illa primæ parentis libertas, quæ fatale pomum videndo, quòd esset pulchrum viliu, primum oculis scelus concepit: meruere prociaces oculi, qui vident mulierem ad concupiscendam eam, meruit oculus livescens invidi, meruerunt denique omnes illi, qui vellent DEUM aut nescire scelera, aut non posse punire, hanc obnubilatæ frontis contumeliam. Operuit confusio faciem ejus, quia iniquitates diviserunt inter hominem & DEUM, & peccata absconderunt faciem DEI.

Ezech. 12 dicitur. *Faciem tuam velabis, quia portentum dedi te domui Israël.* Grande revera portentum DEUS servus est, & inauditum veritas rea mendacij sapientia stulta, bonitas peccati damnata, vita mortua. Portentum es do-

mus Israël velate JESU; hoc probant fannæ & convitia, illusiones, & contumeliæ, alapæ & flagellæ: portentum es domui Israël, cui hac tua obnubilatione portendis ablationem prophetarum, ablationem testamenti, ablationem regni. Portentum es domui Israël, quam projicis à te, & exhæredas, quæ tibi domus exasperans est, quæ hæcenus domus tua, jam tua non est. Portentum es populo Israël, qui hæcenus populus tuus, jam non populus tuus, à quo cum non longè sis, elongaris, quem projicis à facie tua. Portentum deniq; es populo Israël, quia ecce venit hora, in qua verificabitur hora, de qua prædixisti illi: quia quæretis me, & non invenietis, & in peccatis vestris moriemini. Portentum es & mihi, quia servitùs tua mihi libertatem, ignominia gloriam, velamen oculorum beatam mihi tuam faciem, vitam mors tua portendit. Terribile & gratum portentum! terribile impijs, gratum electis: velo oculorum tuorum sublatum est ignorantia nostræ, & velum confusionis, quæ operuerat facies nostras, nam & nobiscum verificatum est, quod prædixit Isaias cap. 25. *Et præcipitabit in monte isto faciem vinculi colligari: super omnes populos, & telam quam orditus est super omnes nationes: quod glossa marginalis ita legit. Et auferet in monte isto velamen, velamen quod est ob faciem omnium populorum, & operimentum, quod ope-*  
rit

*sit omnes gentes.* Gratulare tibi omnis iste, de cujus corde velamine Christi ablatum est velamen, quo palliaveras iniquitates tuas, ut videre possis, quid desit tibi. Time rursus omnis iste, in cujus corde, loquor cum Apostolo 2. Cor: 3. manet velamen usq; hodie, ne velamen hoc dividat inter te & DEum tuum, tuq; DEo & tibi absconditus maneat, quoad dies ultima illud tibi detrahet, quando in fine hominis erit denudatio operum ejus, diceturq; tibi, Ecce homo & opera ejus. Tu verò Christe abscondes me in abscondito faciei tuæ à conturbatione. In velamento tuo sperabo, illustrabis faciem tuam super servum tuum, tibi enim dixit cor meum, exquisivit te facies mea, faciem tuam requiram.

V. Tertiā contumeliā describit Sacer textus. ET PERCUTIEBANT FACIEM EJUS, ET INTERROGABANT EUM DICIENTES. PROPHETIZA NOBIS, QUIS EST, QUI TE PERCUSSIT? En rursus notam servitutis. Homini misero plus quingentos colaphos infregit mihi, queritur servus quispiam apud Terent. *in Adelp.* Velata jam fuerat facies Christi, forma vetus nimium lacero circumdata peplo; conspurcatus foedo sputamine vultus fuerat illius; adhuc deerant servo notæ servi; has promiscua multitudo colaphis alapis colaphos confundendo inurit. Irruit vesana turba in sacrum velati corporis verticem pugnōs & palmas alter-

nando, illudunt, insultant, feriunt infano ludibrio, nec finem faciunt moribus canes impudentissimi nescientes saturitatem. Sonuerunt inter verbera etiam verba, ut non solis manibus colaphizaretur: dederunt vocem suam manus, dederunt & lingvæ, quasi mutuo secum certarent, utrius major esset insolentia: aperuerunt super eum ora sua, & percusserunt maxillā ejus: percusserunt lingvā, percusserunt & manu, ut nescires cujus gravior fuerit ictus, nisi Siracides monuisset, quia *flagelli plaga livorem facit, plaga autem lingua comminuit ossa.* Eccli: 28. PROPHETIZA, ajunt, NOBIS, QUIS TE PERCUSSIT? prophetam te facis, impostor es, nisi explicas de palmatore tuo; seductor es, nisi manifestas eum, qui in faciem te cecidit. Audis hæc Christiane, & non contereris super iniquitate: prophetam volunt, cujus oculis nuda sunt omnia, & aperta; videntem volunt, in cujus conspectu manifesta sunt abscondita cordis. Prophetiza tu potius nomine Christi, quis est, qui percussit eum: judex utique qui non ex æquo & bono, sed inflammatus ultionis cupiditate, & odio iniqua decernit: Pontifex utiq; , qui peccato suo plebi est scandalō; homo utiq; , qui pupillum & pauperem opprimit, qui seditiones excitat, qui proximum convitijs laceffit, ille est, qui percussit.

ET ALIA MULTA BLASPHEMANTES DICEBANT IN EUM. Dicebant, ait, sed &



faciebant. *Sibilaverunt, & moverunt caput suum, plausuerunt super eum manibus, aperuerunt super illum os suum omnes inimici ejus, sibilaverunt & fremuerunt dentibus* Thren: 2. Fustibus aut baculis, ait Maldonatus ceciderunt illum, vel fortè crepidis, quibus Judæi plurimum utebantur, & est verosimile Judæos contumeliæ causa crepidis faciem ejus cecidisse. *Conclūsit me DEus apud iniquos, & manibus impiorū me tradidit, tenuit cervicē meam, & posuit me sibi quasi in signum.* Job. 16. Considera, quæ potes ludibria, omnia hæc vengerunt super eum; dedit ipse corpus suum percutientibus, & genas suas vellentibus, caput & collum ejus diffregerunt, oculos suffoderunt, ruperunt labia, comam deniq; sacri capitis depilaverunt: quia & hæc debebatur servo contumelia, ut in aliena manu capillum relinqueret. *Servus cum sis, comam nutris*, dicebat quispiam mancipio apud Aristophanem, & Pomponius Lætus de triumpho Diocletiani consuetudinis fuisse dicit, ut liberati captivitate currum triumphantis sequerentur abraſo capite in argumentum præcedentis conditionis. Quis reliquam noctis hujus ignominiam edisserat? quis cladem illius noctis, quis funera fando explicet, aut possit lacrymis æquare dolorem? *Quæ voces exprimere*, ait Delrio lect: 7. de passione. *quæ lacryma queant funeste noctis contumelias, & indignitates dignè deslere?*

4. Esdræ 1. *Atrissimus dedit intellectum quinq; viris, & scripserunt, quæ dicebantur excessiones noctis, quas non sciebant.* Graviore noctis hujus excessiones nec Evangelistarum historia, nec ipse Divini digiti calamus adnotare ausus est; in ipsa hac nocte pertransierunt omnes bestię sylvæ, catuli rugientes, ut rapiant & quærant escam sibi. *O noctem nefariam, noctem execrandam* exclamat Delrio. *Nolite micare stelle, Cynthia vulsatum obnubila, ne Creatoris injurias conspiciatis.* Huic potius nocti maledic o Jobe, quæ tuam tibi patientiam extorqueret, hanc potius o Jeremia lacrymosis prosequera threnis, quanto funestior est nocte conceptionis tuæ. *In hac iuge o filia Sion anima Christiana, sume lamentum super dilectum tuum. Aspicite Christiani Dominum & DEum vestrum velut in casta expositum, columna firmiter boja & funibus crassis alligatum pro vobis non ferenda perferentem, petulantia servili. & militari insolentia traditum: undiq; blasphemias auribus ingerunt, in faciem expuunt, crebris eum alapis cadunt &c.* Hæc fere Delrio. In hac nocte ait Theophilaſt. prophetarum Dominus, quasi pseudo propheta irridetur, ut impleatur quod olim prophetaverat Salomon. *Contumelia & tormento interrogemus eum, ut sciamus reverentiam illius, & patientiam ejus* probemus Sap: 2. Et Gverricus Abbas fermi 1. in ramis palm. Christus contumelia, &

& tormento interrogatus fuit, veluti servus aut latro subditus quæstioni, qua confessio extorquetur criminis. Hæc planè nox est, de qua patiens Job cap. 3. *Noctem illam tenebrosus turba possideat, non computetur in diebus anni, nec numeretur in mensibus, sic nox illa solitaria, nec laude digna, in qua Christus squalor factus (squallores vocabantur servi omnium abjectissimi, sicut lautitij dicebantur servi illi, quibus res digniores committebantur teste Quintilianus de declam. 4.) in qua Christus totus squallidus, totus squalor erat, in qua teste Marco, invidia plebis fecit ei, quæcunque volebat.*

## CAPUT VII.

## De Negatione Petri.

I. **D**Evenimus ad squallorem servum, Christum squallidum, quem horum numero magis peccata nostra, quàm foeda sputamina, ac sacrilegæ colaphizantium manus inseruerunt. Nostin hunc Petre? credo, nosti: nam licet nubila solem tegant, sol se prodit: cognovisti eum in monte gloriosum, cognosces utique etiam in passione ignominiosum; cognovisti mari inambulantem; cognosces etiam alapis, ac opprobrijs vapulantem; cognovisti ventis & mari imperantem, panes multiplicantem, leprosos mundantem, mortuos ad vitam revocantem; cognosces etiam potestati tene-

brarum obedientem, afflictiones sitientem, leprosis se sociantem, inter mortuos versantem: confessus es, quia ipse est Filius DEI vivi ad vocem Magistri te probantis; confiteberis & ad sibilum mulieris te tentantis; recusasti ab eo recedere, quòd verba vitæ æternæ haberet, nec nunc recedes, cùm facit opera vitæ æternæ: non te negaturum promissisti, etiamsi omnes essent negaturi; redde quod promissisti. Sed ò instantem Apostoli constantiam, ad vocem ancillæ concutitur petra, & ad flatum auræ tenuis columna evertitur. NON NOVI, ait, HOMINEM, NESCIO QUID DICIS. Siccine Petre non nosti hominem, pro quo animam ponere volebas? sic non nosti Magistrum discipule, Christum Apostole, pastorem ovis? sic ponis animam, cùm Magistrum negando eam occidis? tam citò nimirum notitiam Domini abscondit à Petro servitus induta à Domino.

II. PETRUS, ait Scriptura, SEQUEBATUR EUM A LONGE. Bene, ait Ambrosius. *Sequebatur à longè, jam proximè negaturus, neque enim negare potuisset, si Christo proximus adhaesisset.* Poterat tunc dicere Petrus, quod postea de se dixit August. lib. 3 Conf. cap. 3 *Vagatus sum praesidenti collo ad longè recedendum à te, amans vias meas, & non tuas, amans fugitivam libertatem* Sequebatur à longè vitam & salutem suam: quid superest, nisi ut qui lucem deserit ait

Chrysologus homil. II. in epistol. ad Philip. *in tenebris cacutiat?* ut recedens à calore torpescat, recedens à veritate vanescat, recedens ab eo, qui summè & incommutabiliter est; in deterius mutatus deficiat. Recedit longè à sole luna, & ecclipsim patitur; recedit homo à Jerusalem, & in via Jericho incidit in latrones; recedit filius prodigus à Patre, & in terra longinqua porcorum filiquis famem pascere cogitur; recedit anima à corpore, & hoc turpe fit cadaver, recedit homo à DEO, & inveniunt eum omnia mala.

SEQUEBATUR EUM A LONGE. Quàm animosus erat Petrus, quando prope JESUM erat: non ille minas, non militem, non mortem formidabat, elongatus autem ab eo ad vocem ancillæ labitur: dicere olim poterat cum B. Job cap. 17. *Pone me juxta te, & cujusvis manus pugnet contra me:* oppone Pharaonem contra eum, bellabo pro libertate tua & populi; oppone Achabum, Eliam in me reperiet respondentem sibi: non ego turbator Israël, sed tu, & domus Patris tui, qui mandata DEI post tergum infidelis projecisti Baalidolo serviturus: oppone Joram cum regibus, Elizæus ego dicam: Quid mihi & tibi est? vade ad prophetas Patris, matrisque tue, nam vivit Dominus, nisi faciem Jozaphat Regis Juda hinc adstantis revererer, nec tibi loqui, nec

te videre dignarer; poterat hæc & similia Petrus dicere, cum prope JESUM erat; elongatus autem ab eo, robur omne & animum perdidit, atque ad unus mulierculæ vocem prostratus est. Sic nuper princeps Angelus nulli creaturarum secundus in donis gratiæ & gloriæ abierat longè, & omni decore spoliatus periit; sic filius prodigus profectus in regionem longinquam dissipavit substantiam inter meretricios amores; sic Patres nostri steterunt à longè, & exturbati sunt, de quibus Jerem. 2 *Audite verbum Domini Domus Jacob, & omnes cognationes domus Israël, hæc dicit Dominus: Quid invenerunt Patres vestri in me iniquitatis, quia elongaverunt à me, & ambulaverunt post vanitatem?* ideoque interierunt juxta quod dicitur Ps. 72 *Eccce qui elongant se à te, peribunt.*

SEQUEBATUR EUM A LONGE. Sed fortasse in hoc maxima sit nobis admiratione reverendus Petrus, ait Ambros. ferm. de Petri prodizione per ancillam *quod Dominum non reliquit, etiam cum timeret: metus nature est, cura pietatis, alienum quod timet; suum quod fugit, quod sequitur devotionis, quod negat, obreptionis; commune quod labitur, fidei quod pœnitet.* Nostra potius nobis miseranda fors est, qui ne quidem à longè sequi Dominum dignamur; appropinquare ille vult ad nos, & nos, ut loquitur patiens Job



34 quasi de industria recedimus, & sequi vias ejus nolumus: iniquitates nostræ dividunt, inter nos, & DEUM nostrum: abimus ab eo, & perimus recedentes à via justitiæ nosque ipsos in eum statum dejicimus, in quo magnum chaos armetur inter nos & DEUM. Quin ergo appropinquemus Deo, ut ipse appropinquet nobis, & qui elongavimus nos ab eo, non loco, sed merito, affectuum non locorum spatijs, accedamus ad illum, ut ipse accedat ad nos, & accedens confirmet in bono constantiam nostram, ne sicut oves elongatæ à pastore, pereamus in scelere.

III. Altera occasio lapsus Petri fuit ingressus aulae Pontificiæ, ac incauta cum malis conjunctio. *Non intrat regium limen fides*, ait Sen. in Agamem. non intrat & Pontificium. *Mare qui intrat & navigat*, ait Lipsius, *fluctus expectat, qui aulam motus*: & Bernard. lib. 4. de consid. ad Eugen. *Curia bonos facilius recipere, quam facere consuevit*, addere potuisset, & servare. Notus est in historia Ecclesiastica Eulogius, qui quoad de operibus manuum vivebat, cor DEI erat; ast ubi aulam terreni Imperatoris terere coepit, cum pietate prope hominem exiit: noti sunt alij, qui cum extra aulam degerent, labis omnis expertes vivebant, ubi autem illam subiissent, scelere ipso sceleratiores facti sunt. Quis enumeret horrendas metamorphoses eo-

rum, quos hæc Circe transformavit in bestias? quis funera innocentiae explicet, quæ in his castris improbitatis contigerunt? *Neque fera ita pungunt*, ait Chrysost. in Ps. 4. *ut hominum* (aulicorum) *improbitas, illa enim venenum aperte præferunt, hi autem insensibiliter, & absq; ullo strepitu virus quotidie immittunt*. Periculi plena res est, ac proxima exitio jungi ijs, quibus ut loquitur D. Paulinus ep. 7 ad Sever. *duke est, quod amarum, turpe quod castum, & hostile quod sanctum*. Bene Synesius epist. 57 ad Andronicum vix fieri posse, ut si Angelus cum his hominibus assvescat, nulla infima face, ac contagio inficiatur. Et hinc est, quod cane pejus & angve fugiant curiales domos, quibus aliquis adhuc amor honesti est, eò quod sciant virtuti suæ inibi strui laqueos mala adhortationis, periculosi exempli, & clicita necessitatis, verba sunt S. Hilarij in Ps. 140. Quin & ipse DEUS non raro prophetas sibi dilectos exesse voluit palatijs principum, ne fortè pulvis aliquis sceleratæ Domus inhæreat. Sic Amos > Prophetam ab aula Regis Jeroboam removit dicens. *Qui vides, gradere, fuge in terram Juda, & prophetabis ibi, & in Bethel non adjicies ultra, ut propheses, quia sanctificatio regis est, & domus regni*: qua de causa Patriarcha Jacob, ut observavit Lyranus, fugiens in Mesopotamiam in suppositis capiti lapidibus

pidibus pernoctare maluit, quàm in vicinam urbem Luzan divertere *Gen. 28*, quia scilicet suspectos habebat habitatores Palatinos de malitia eorum: rara quippe in aulis pietas, rara veritas; & dedecus est in ijs non esse scelestum. Utinam verò & Petrus pedem suum subtraxisset ab aula corruptionis, non ita miserè imegisset. Ingressui aula peccatum ejus adscribit D. Ambr. in *cap. 22. Luc. Vbi*, ait negat Petrus, non in monte, non templo, non in sua domo, sed in pretorio Judæorum, in domo principis Sacerdotum; ibi negat, ubi veritas non est, ibi negat, ubi Christus captus, ubi Christus ligatus est. Utinam Petrus non sedisset cum concilio vanitatis, & cum iniqua agentibus non introivisset; profectò quasi petra firmissima fuisset robor illius. Utinam ad hanc Petri ruinam suis provideant lapsibus ij, qui cùn in innocentia cordis sui dixerint D<sup>E</sup>o: non movebor in æternum; etiam si oportuerit me mori tecum, non te negabo, in gratiam pravæ societatis deficientes deficiunt, & ad nihilum rediguntur, priusquam se deficere intelligant. Optarem talium cordibus inferi illud D. Hieron. epist. 47. *Quid tibi necesse est in ea versari domo, in qua necesse habes quotidie aut perire aut vincere. Securius est perire non posse, quàm juxta periculum non perijisse. Quis juxta viperam securus somnos capit, que etsi non percutiat, certè sollicitat.* Quo etiam facit illud S. Cyprian, lib.

## Caput VII.

de singulari a te cleri. dicentis. *Nunquam securus cum thesauro latro tenetur inclusus, nec intra unam cavernam habitans cum lupotutus est agnus: alligabit quis in sinu suo ignem & vestimenta ejus non comburentur: ambulabit super carbones, & pedes illius non ardebunt: lubrica spes est, que inter fomenta peccati salvari se sperat, incerta victoria est inter hostilia arma pugnare, & impossibilis liberatio est flammis circumdari, nec ardere.* Et post pauca. *In hac parte expedit plus bene timere, quàm male fidere, & utilius est infirmum se homo agnoscat, ut fortis existat, quàm fortis videri velit, ut infirmus emergat.* Tales habeto socios, quorum contubernio non infameris, tales visita domos, quas nulla afflavit pestilentia; tales eligito familiares, è quorum conversatione mens tua scabiem non contrahat. Bene Greg Nazian. *car. 50.*

*Ne tibi qui v ijs scateat, conjunge sodalem, Namq; etiam firmos pestu graui occupat artus, Non tu virtutem iribuas, sed dedecus ipse Accipias, vñq; atq; inficere profanis.*

IV. Tertia occasio ruinæ Petri fuit ancilla ostiaria. Nulla est firmitas, quæ non fameis artibus concutiat. Mulier una omne ostium, & omne malum ad omnem ruinam aperuit; mulier una male includendo Adamum exclusit à paradiso; mulier altera male introducendo Petrum exclusit à Christo: non bona ostiaria, quæ principem Apostolorum in domo Sacerdotis inclusit, ut exclu-

excluderet à fide. Invenit Petrus amariorem morte mulierem, quæ laqueus venatorum erat, & sagena cor ejus Eccl. 7: invenit mulierem, quæ apostatare facit sapientes Eccli. 19. invenit mulierem, à qua initium factum est peccati Eccl. 25, invenit mulierem, & se perdidit, se inquam olim ad quævis pericula, & mortem imperterritum; se perdidit olim petram ad quævis mala inconcussam, nunc vilem paleam, & stipulam quolibet vento mobilem; se perdidit elevatum ut cedrus est Libani, nunc agitatum, ut levis arundo agitari solet; se perdidit, cum DEum negando perdidit. Satanæ, qui experierat eum cribrare sicut triticum, hoc inventum erat, ut quod ipse per se facere vix potuisset, effecerit per mulierem. Hoc nimirum præfētissimū Diaboli instrumentū est, medio quo sternit, quos ipse sternere non potest: hoc est antiquū Diaboli organum, sic mulierem vocat Chrysost. apud Raynaudum de sobria alterius sexus frequentatione cap. 4. & 6, hic est funis Satanæ, sic mulierem vocant Hebræi apud eundem, hic est viscus, quo diabolus aucupatur, sic eam vocat Cypræianus lib. de singularitate cleri: hic est ignis usque ad consummationem devorans, & omnia eradicans genimina Job. 31. Sic & modò, ait S. Maximus serm. de poenitentia Petri, fideles non nisi per mulierem oppugnare diaboli consuevit, ibi Adam per Evam, hic

Petrum vincit per ostiariam, fuit enim sicut legimus in paradiso deliciarum diabolus, nec defuit, sicut intelligimus in pratorio Judæorum.

Adam, Samsonem, Petrum, David, Salomonem  
Decepit mulier, quis modò tuus erit?

Judith 14. Una mulier Hebræa fecit confusionem in domo Nabuchodonosor, fecit & in domo Principis Sacerdotū principem Apostolici gregis prosternendo, ecce enim Petrus jacet in terra, & caput non est in eo, illud inquam caput, de quo 1. Cor. 12. Omnis viri caput Christus est, facit quotidie in domibus fidelium, eum quos ipse aggredi non præsumit, mulier una prosternit Revoca sis impias Jezabeles, crudeles Athalias, luxuriosas Cleopatras, numerosa Messalianas, Faustinas, Fredegundes & in confusionem quam fecit mulier, Babylonicā majorem incidisti. Reflexit se super hoc malum Tertullianus lib. de habitu mulier. cap. 1. ideoq; mulierem alloquens dicit: Tu es diaboli janua; tu es arboris illius resignatrix, tu es Divina legis prima defecatrix, tu es, quæ eum invasisti, quem diabolus aggredi non potuit, tu imaginem DEI hominem tam facile elusisti, Petrum petram illam fortissimam prostravisti, propter tuum meritum, id est, mortem, Filius DEI mori habuit. Heu quanta confusio processit à muliere! At videamus, quibus artibus usa stravit hunc potentem.

V. Sacer textus dicit: ACCESSIT AD IL-



LUM UNA ANCILLA, ET CUM VIDISSET SEDENTEM AD LUMEN, ET CALEFACIENTEM SE DIXIT: ET HIC CUM ILLO ERAT, ET ASPICIENS ILLUM AIT: ET TU CUM JESU NAZARENO ERAS? NUNQUID ET TU EX DISCIPULIS ES HOMINIS ISTIUS? AT ILLE NEGAVIT CORAM OMNIBUS Dicens; NON SUM, MULIER NON NOVI ILLUM: NEQUE SCIO, NEQUE NOVI, QUID DICAS. Tota hæc est series mulieris tentantis: omnes hæc artes & machinæ, quas velut araneorum telas sufflare potuisset Petrus, si Dominum ejus causâ servum, si se ipsum nosse voluisset. Verum infirma reddita fuit virtus Apostoli, & ad unius auræ impulsus columna illa firmissima collapsa est. Exaggerat ruina hanc Aug. serm. 124 de temp. *Quid agis Petre? quid loqueris? nondum fidem tuam aliquis tentavit, atque discussit, nondum te ob Christi negationem adversarius traxit in publicum: nondum es apud reges & præsides propter nomen ejus exhibitus, non tibi flagella, nondum sunt admota tormenta. Quid porro est, quod tam citò negasti? non est servus, non liber, non Pharizæus, non scriba, non Sacerdos, non miles, non centurio, non spiculator, nullus postremò est, qui auctoritate sua posset formidinem incutere contenti: mulier te simplici voce interrogat, & fortasse nec proditura confessum; nec verò tantum mulier, sed puella, & non solum puella, sed & ostiaria, vile proculdu-*

*bio abjectumq; mancipium.* In quem sensum etiam loquitur D. Chrysostomus hom. 28 in Joan. *Utilis erat ostiaria, & abjecta, nec asperè percunctata, non dixit: deceptoris & perditii illius discipulus es, sed hominis istius, tanquam ejus miseretur* Et D. Greg. lib. 17 mor. cap. 16 *Non panis, non afflictionibus, non terribili potestate cujusquam, sed unius mancipij sola interrogatione prostratus est. Ecce quam vilis ad tentandum est persona requisita, ut aptè probaretur, quanta eum timoris infirmitas possideret, qui nec ad vocem ancilla ostiaria subsisteret.*

Non sum, mulier, non novi hominem, neq; scio, neq; novi quid dicas. Non nosti hominem Petre, qui te segregavit in grande illud opus Apostolici ministerij, qui cum primò te vidit præclaro nomine audum super alios extulit, qui te suæ olim Ecclesiæ fundamentum elegit, qui tibi vicarias sui vires credidit, traditurus etiam regni cælestis claves? non nosti hominem, qui à socru tua febrem verbo abegit, qui multitudinem piscium in retia tua compulit, qui furentem tempestatem ventis & mari imperans composuit, teq; magnis semper ausis minorem, cum mergereris, manu protensa morti eripuit? Non nosti hominem, qui piscatorem tuam cymbam suæ doctrinæ cathedram consecravit, qui quæstioso pisco capto staterem in eo inventum pro

te, & se exolvit, qui hujus ipsius debilitatis tuæ diversa pronuntiatione te admonuit? Hic utiq; homo est, qui non ita pridem pedes tuos lavit, pro quo animam te positurum promiseras, à quo te recedere non posse jactitaras. Hocce est sequi Magistrum, se negare discipulum? Hic utiq; homo est, quem revelante Patre, qui in cælis est, Filium DEI confessus es, quem cum caperetur ferro in libertatem asserere voluisti, quem modò non secus ac febrî insaniens medicum te non nosse profiteris? Advertis hic speculum humanæ fragilitatis, ac exemplum inconstantiae: solem facilius à cursu suo quàm Petrum à bene cœptis avertendum judicasses, & ipse ad unius ancillæ tentationem factus est sicut nubes sine aqua, quæ à ventis circumferuntur, sicut parvuli fluctuantes, instabilis facta est fortitudo ejus, & ipse assimilatus est fluctui maris, qui à vento movetur.

Jud. 9. Gaal filium Obed de præsumptione arguit Zebul inquit: *Ubi est nunc os tuum quò loquebaris? Quis est Achimelech ut serviamus ei? nonne hic est populus quem despiciebas? Egrede & pugna contra eum.* Bene id ipsum applicueris Petro, nam & ipse robori suo prædicens dicebat: Etiam si omnes defecerint, sed non ego; qui tamen omnium primus ad vocem unius ostiarie defecit in virtute sua. *Ubi est illa promissionis audacia,* ait S. August. in Joan.

cap: 18, & de se plurimum presumens? *ubi sunt verba illa, quando ait: Etiam si oportuerit me mori tecum non te negabo?* Ita nimirum infirma est humana firmitas, ita debile robur hominis. *Ecce qui serviunt ei, non sunt stabiles,* ait B. Job cap: 14 & in Angelis suis reperit pravitatem, quantò magis qui habitant domos luteas, qui terrenum habent fundamentum. addit D. Greg. lib. 5. mor. cap: 18. *Vidimus multos Domine, & audivimus à Patribus nostris, exclamat S. August. soliloq. cap: 29, quod utiq; sine magno tremore non credo, sine multo timore non confiteor, ascendisse primitus quodammodo ad celos, & inter sidera nidum suum collocasse, postmodum cecidisse usq; ad abyssos.* Hoc tibi quoq; salutaris timoris deberet esse incentivum, ne supra quàm extollaris in virtute tua, sed in omni timore operens salutem tuam; nam quis novit, an tu etiam tentationi non succumbes, negabisq; DEUM, cui te in æternum adhæsurum spondidisti? Vbi ceciderunt magni, timeant parvi, monet Hieron. timor fundamentum est virtutis, timendo cavebimus, cavendo salvi erimus; qui sollicitus est, is poterit verè esse securus.

Vide & aliud in hac Petri ruina documentum: sine Spiritu cedit voci Ancillæ; qui cum Spiritu nec principibus cessurus est. Innuat hoc documentum S. Aug. serm. in. fer. 4. passion. *Idio*

*Beatum Petrum paululum Dominus subdeservit, ut in illo totum genus humanum posset agnoscere, nihil se sine gratia Dei prevalere, hæc si adest, inter mille pericula, & tentationes securus es, si abest, ne in ipso calo securus eris: tolle gratiam, & nihil tam validum erit, quod non infirmetur, adde gratiam, & nihil tam infirmum est, quod hominem non confirmet. Nisi gratiâ meâ plenus esses, ait August. serm: 7. de verbis Domini, nonne ante Baal etiam ipse genua flecteres, tolle gratiam, & expers mortiferi criminis diu esse non poteris. Ceciderunt stellæ de calo ab impetu ferientis caudæ Draconis, steterunt homines lutea vasa portantes immobiles ad omnia totius Satanæ tentamina, quia prioribus defuit grâtiâ, quæ posterioribus adfuit confirmans in bono, quod debile fuit.*

VI. Neq; verò hic solummodo stetit casus Petri, semel lapsus ruit in deterius: refrigercente in eo ad prunas charitate iteratò negat cum juramento, quia non novisset hominem. Sic nimirû peccatum unum gradus est alterius, & qui semel DEO infidelis est, non erubescit addere peccatum pejus priori. Intervallo quasi horæ unius incumbit in eum tentatio gravior non jam ab ancilla, sed à satellitibus, quæ velut muscam adustis semel alis se non subducentem periculo exurere solet, Petrum plenè consum-

## Caput VII.

psit. Certatum est cum eo non nuda interrogatione, sed argumento testium de visu. NONNE EGO TE VIDI IN HORTO CUM ILLO? adhibentur rationum momenta, an tormenta fidei probandæ. Verè ET TU EX ILLIS ES, NAM ET LOQUELA MANIFESTUM TE FACIT; & Petrus jam impos sui, quo uno se laqueum evadere posse judicat, negationem negationi adjicit, iurandum addit, diris se devovet. COEPIT DETESTARI, ET ANATHEMATIZARE, ET IURARE, QUIA NE SCIO HOMINEM, QUEM VOS DICITIS. O grandem Apostolici principis ruinam! ô durior omni petra Petri vocem! Videte quorsum delapsa est tanta de seipso Petri præfidentia: *Videte quàm imbecilla sit*, ait Chrysost: hom: 82 in Joan. *natura humana cum nos DEUS deserit: rupes illa firmissima contrita est quasi pulvis, nec remansit in Petro quidquam virium. Huc malorum delapsus est, qui se perverforum junxerat consortio: fugiendum erat de medio nationis praviæ, si salvam voluisset animam suam: recedendum à prunis perfidiæ Judaicæ, si consumi noluiisset igne malo omnem decorem suum; fugiendum erat, sicut à facie colubri à peccatoribus, si intactam voluisset virtutem suam.*

Considera hic tecum Lector, quàm verum sit illud S. August. serm: 250 de temp. *Sine ulla dubitatione qui familiaritatem non vult vitare suspectam, citò labitur*



labitur in ruinam, tecumq; ipse discute, an non similis tibi ruina imminet. Error Petri, ait Ambr. in cap: 22 Luc. doctrina iustorum est, & titubatio Petri omnium petra est. Si Petrus tentatus est, pergit Idem, quis astruat se non posse tentari; Fidem equidem te hactenus non negasse arbitraris, credo si de verbali negatione intelligas, nam fortasse nec habuisti à quo tentareris: at si de negatione reali res accipiatur, vereor ut tibi mentiatur iniquitas. Negat Christum, qui quod ipse docuit verbis, moribus reprobatur; negat Christum, in quo fides est mortua; negat Christum, cujus vita vitæ Christi non congruit. Sanè si verum est, quod habet August. lib: 21. de civit. cap: 26, quod is Christo terrena ac temporalia anteposuisse convincitur, qui salutaria præcepta contemnens committit illicita, profectò Christum negare convincitur, qui moribus suis ei contrariatur. Audi quod de fide in Christum habet S. Thom: de Villanova in octav. pasch. *Fides p̄mva desideria frenat, effrenes appetitus cohibet, ferores cordis motus sedat, vitia pellit, virtutes inserit, mollia calcit, asperum tolerat, in prosperis non erigitur, in adversis non dejicitur, nihil tam arduum, tam durum, quod non aggrediatur.* Hæc si fides in te non est, quantumvis verbo dicas te non negare Christum, re tamen ipsa & moribus eum negas, propeq; est, ut de te dicam, quod de fide quorundam

dixit August. serm. 38. de Sanctis: *Qui credunt, & opera bona non faciunt, fidem Daemonum videntur habere.* Sed demus te nec moribus negasse Christum, persuadere tamen tibi non audeo, quòd non in proximo eum sis negaturus. Certè nisi perfidiæ castra declinâris, non poteris non esse perfidus. Veritatis oraculum est, quod pronuntiavit Syracides Ecclesiast. 3. *Qui amat periculum, peribit in illo: & ut loquitur Cyprian. lib. de singularit. Cleri. impossibilis est liberatio, flammis circumdari, nec ardere: si alluescat ovis sana scabiosa, scabiem contrahit, si bonus malo, malitiam.* Stare volens ait Greg. Nazian. extra limina stato mali, Christo adherere cupiens non conjungitor ijs, qui non sunt ejus.

## CAPUT VIII.

## De resipiscencia Petri.

I. **N**ulla hactenus Servo nostro ipsa etiam intempesta nocte data est requies, & ad primû galli cantum revocatur ad operas: Avis hæc non minus servorum, quàm auroræ excitatrix est, ut advertit S. Basilius hom. 8. inquit: *Ad opera conficienda te familiaris ac domestica excitat ales, acuta imitans voce, cantuq; suo solem adhuc à longinquo advenientem prædicans.* Et Alciatus emblem. 15.

*Instantis quod signa canens det cantus Eoi  
Et revocet famulas ad sua pensa manus.*

Intonat avis hæc, quia hora est jam de somno surgere, & servitus quietem cum labore mutare jubetur. Age ergo & tu serve peccati, auspicare gallo excitatore laborem tuum, opus illud grande redemptionis, cujus causa in forma servi apparuisti; porta pondus diei & æstus, pondus peccatorum, quod sicut onus grave gravatum est super te, onus Ægypti, onus Moab, onus omnium peccatorum terræ; labora tanquam frugi-servus, nec sudorem ac sanguinem dole, quem à te cui te subjecisti, Dominus extorquebit. O quantum operarum videbit dies hic, in quo tótis viribus, toto sanguine, toto se laborabit, qui cum Patre usque modò operatur! O quantum laborem consummabit dies hic, in quo quod nulla sæcula facere poterant, opus sæculorū perficietur! Laborabis bone JESU à mane usque ad vespertum, laborabit tecum omnis virtus tua, nec habebis requiem, nisi ubi feliciter consummato opere deficies in virtute tua: Laborabis unus pro omnibus in sudore vultus, & totius sacri corporis, nec cessabis ab opere, donec tota natura mota de fundamentis suis fructum sentiat tui laboris: laborabis solus sine auxiliatore, nam & Divinitas te quodammodo derelinquet. in quantum naturæ servili proprias relinquet operas, illaquæ coge-

tur experiri in labore suo an plus illi demandare possit iniquitas dominantis sibi peccati, quam tu perficere. Vide verò primitias diurni laboris ordinatur ad petram: contrita hæc fuerat sicut pulvis. & eversa de fundamentis fidei, hanc primitus restaurandam, & in pristinum statum restituendam suscipit servus noster.

CONVERSUS RESPEXIT PETRUM: *Ve respexit* ait S. Leo serm. 9 de pass. *crexit, & in soliditatem suam rediit petra tantam recipiens fortitudinem, ut qui in Christi expaverat passione, in suo post supplicio non timeret.* O felicem laborem! respexit & erexit, quod prostratum fuerat; respexit & erexit, quod contritum fuerat. Bene ego hunc respectiōni ac erectioni accommoda vero illud Eccli. 11 *Est homo marcidus, egens recuperatione, plus deficiens virtute, & abundans paupertate: & oculus DEI respexit illum in bono, & erexit eum ab humilitate ipsius, & extulit caput ejus, & mirati sunt in illo multi, & honoraverunt DEUM.* Verè enim Petrus marcidus erat post Christi negationem, cor quippe ejus dereliquit eum & elanguit omnis virtus ejus: erat egens recuperatione, quia perierat omne robur ejus; erat plus deficiens virtute, quia in negatione minus animi exhibebat, quàm præsumptionis ostenderat in promissis: erat denique abundans paupertate, quia nihil ei reliquum fuit de divitiis meri-

meritotum; respexit hunc talem oculis DEI in bono & erexit eum ab humilitate ipsius, & extulit caput ejus, & mirati sunt in illo multi, & honoraverunt DEUM. Sed oro inspiciamus totam erecti Petri seriem, prout eam nobis facer textus exhibet.

II. ET STATIM (scilicet post negationem) GALLUS CANTAVIT Job 38 *Quis posuit in visceribus hominis Sapientiam, aut quis dedit gallo intelligentiam?* peccarat Petrus peccatum grande, & statim cantat gallus, quis dedit gallo intelligentiam? Scio equidem per bruta animantia sæpe divinitus prodi scelera, quemadmodum docet Scriptura Eccle. 10 *Aves cæli portabunt vocem tuam, & qui habet pennas, annuntiabit sententiam;* notæ sunt hirundines Bessi parri-cidæ, aves proditores interfectorum Ibyci pœtæ apud Plutarch. de sera Numinis vindicta; noti sunt corvi ultores in homicidas S. Menradi apud Surium 21 Jan. Decantatus est gallus Bononiensis apud Vincent. lib. 25 cap. 64, qui etiam assus revixit in tabula, ac excusso alis jure in faciem blasphemorum negantium Petro & Christo possibilitatem ejus suscitandi, percussos hæreditaria lege redarguit de crimine: aliquid nihilominus latere in hoc gallo Petri, mysterij non ambigo.

Pagninus locum illum. *Quis dedit gallo intelligentiam*, legit: *Quis dedit cordi intelligentiam?* idem huic gallus,

quod cor, intelligentia galli, quod cordis: non abnuo quidem & cordi vocem suam, singulariter post admissum peccatum: cantat illud omni gallo vocalius, & recantat admissum facinus, nec ullam permittit requiem peccatori, non secus ac aves illæ rodentes jecur Titij nullam misero relinquunt requiem. Gallus hic jugiter negantem arguit, ac individuus peccatoris est comes; non eum locorum distantia, non occupationum multitudo, non effusa in voluptates licentia abigere potest, jugiter intonat facinus commissum. De hoc gallo accipe illud Aug. tract. 41 in Joan. *Non fugit seipsam mala conscientia, non est, quo eat, sequitur se, imò non recedit à se, peccatum enim, quod facie intus est.* Et illud Ambrosij in apol. David. *Va mihi qui latere cupio, & latere non possum: quomodo enim latebo, qui inscripta in pectore meo gero meorum indicia peccatorum?* Cantat & recantat gallus hic iniquitates hominis & pavescere facit temeritatem ejus; da mihi quippe injustum, & omni impietate iniquiorem, ut primum gallus huic leoni omnia dissipanti intonuerit, terrebit eum sonitus folij volantis: da lascivum & omni Venere impuriorem, ut primum sonitus terroris hujus in aure ejus auditus fuerit, fugiet impius nemine persequente, scelusque suum teneri lamentabitur: da tyrannum, qui ad nullius paveat occursum, ut primum

ecce



cecinerit gallus iste, omnia pavet, metuitq., verba sunt S. Chrysoft. hom: 3. de verb. Isai. *umbras, parietes, ipsos lapides tanquam vocem emittentes, omnia observat, omnes habet suspectos, famulos, vicinos, amicos, hostes, eos qui norunt omnia, eos qui nihil norunt: quin potius, si voles, tollantur hæc omnia, ponamus nulli notum esse flagitium præterquam ipsi uni, quomodo feret conscientiam redarguentem, acerbam; & amarulentam accusatricem secum ferens.* Talis gallus cecinit ei, qui post commissum fratricidium dicebat: *Ero vagus, & profugus in terra* Gen. 4, quem juxta Eucherium, commissum in fratrem crimen ita pavidum reddidit, ut timeret etiam ab ijs, qui nondum existabant, unde & dicebat: abscondar, omnis enim qui invenerit me, occidet me. Sed in cassum omnia: serviebat ei illud Lactantij lib. de vero cultu cap. 24. *Quid agis? quid machinaris? quid abscondis? custos te tuus sequitur, putas tibi contigisse, ut oculos omnium effugeris demens: quid tibi prodest non habenti conscium, sociam habere conscientiam?* Quærunť interpretes, qualem fuerit illud signum, quod posuit Dominus in Cain, ut non interficeret eum omnis, qui invenisset eum. Lyranus putat notam aliquam faciei impressam fuisse velut stigma divinæ ultionis; Genebrardus fuisse primam literam nominis Abel indicem homi-

cidij: Hieron. fuisse unam literam ex divinis nominibus tutelæ ac infamiæ notam: alij fuisse volubilem oculorum aciem, aspectum ferum, torvum, truculentum: Rabbini aliqui fuisse emittens è fronte corau, quo viso cuilibet diceretur: cornu ferit ille, caveto: alij autem fuisse canem qui quocunque pergeret, comitaretur latrans. Saliang denique, Corn. à Lap. &c. fuisse timorem ac tremorem capitis ac membrorum, qui manavit ab anima in corpus, à conscientia sceleris in membra. Recantabat suum occidisti gallus iste Caino, ideoque trepidum ac timentem reddidit ad omnem occursum.

Scribit Alian. lib. 8 cap. 28 & lib. 3 cap. 31 mori basiliscum, si galli cantum audiat: unde qui per immensas Cyrensiū solitudines iter faciunt, solere gallum secum ferre, ut à basilisco liberi evadant. Mors est basilisco, mors est peccatori galli cantus, cantus conscientie arguentis: & non raro talis mors, quam Bern. lib. 3 de consi. cap. 12. vocat mortem vivacem, de qua idem dicit, quod horreat incidere in manus mortis viventis & vitæ morientis: de qua pariter Aug. lib. 6 de civit. cap. ult. *si anima, ait, in pœnis vivit æternis, mors est potius dicenda quam vita; nulla quippe major & pejor mors, quam ubi non moritur mors, juxta illud poetæ: Immortale malum nulla debile morte.* Hic ergo gallus etiam Petro occinuit

occidit prænam suam, cantaturusque fuisset in æternum, nisi miserentis Christi bonitas intervenisset,

III. CONVERSUS DOMINUS RESPEXIT PETRUM. Conversus dicitur, ut ostenderetur, quoniam aversum erat ab eo cor diligentis eum: conversus respexit Petrum. O qualem Petrum! quantum mutatum ab illo? Petrum quem torquet conscientia malefacti, Petrum quem unius ancillæ levis quæstio ceu turbo terræ allisit, quem trina negatio avertit à DEO suo. Conversus respexit Petrum: Bene hic Petrus dixerit: *DEUS tu conversus vivificabis me* Ps. 84. & iterum: *Quantas ostendisti mihi tribulationes multas & malis, & conversus vivificasti me, & de abyssi terræ iterum reduxisti me: multiplicasti misericordiam tuam, & conversus consolatus es me* Ps. 76: Contrita fuerat petra, at convertente Christo vultum suum super illam priori reddita est soliditati, impletumque est illud 2. *Paralp.* 16 quia oculi Domini præbent fortitudinem: extinctus fuerat in Petro oculus non carnis & sanguinis, sed mentis, quo Christum videbat; conversus JESUS respexit Petrum, & lumen fidei reaccesum est in eo: Intepuerat, imò penitus refrixerat charitas ejus ad focum Judaicæ perfidiæ; ubi tamen lumen suum projecit in eum, qui ignis consumens est, pristino calori restitutus est. O conversionem mirabilem! ô lu-

minis Divini efficaciam! jacebat Petrus jam nihil habens de Petro, quia nihil habens de zelo, & ad primam conversionem Christi, surrexit seipso major, quia surrexit zelum zelaturus usque ad crucis æmulationem.

Gen: 27. Ægyptij dicunt Josepho: *Salus nostra in manu tua est, respiciat nos tantum Dominus noster.* Dicere idem poterat Petrus, si enim non respexisset, salus à Petro recessisset; non recessit autem, quia ecce oculi Christi super eum, ut eruat à morte animam ejus. Servit hic illud, quod habet S. Laur. Novariensis de Zachæo. *Descendit confestim ex arbore jam visu Domini emendatior, aspectus enim Domini emendavit pradam.* Planè beneficis planeta sunt oculi Christi, quem respicit, in eum omne bonum influit, à quo se avertit; hunc omnia mala inveniunt; respicit Matthæum & è publicano facit Apostolum, respicit Saulum, & è vase perditionis facit vas electionis, respicit Petrum, & ex desertore fidei facit caput populi fidelis. 1. Regi: 24. inclamat David post tergum Saul: *Cogitavi ut occiderem te, sed pepercit tibi oculus meus: non dixit pepercit tibi manus mea, pepercit tibi ira aut voluntas mea, pepercit tibi gladius meus, sed pepercit tibi oculus meus.* Ita planè cum Petro factum est, qui post negationem merebatur excindi, nisi pepercisset ei oculus Christi. Benefici planeta sunt oculi Christi, quem

respicit, ab eo omne malum avertit, omne bonum influit.

Plinio teste *lib. 9 cap. 19* si sol in testudines radios intorqueat, ut velint mergi, non possunt; merguntur autem facile, si ab illis radios abscondat. Symbolum hoc est oculorum Christi, sicut testudo peccatorum terræ juxta quod dicitur *Isai 14 Dabo eos in possessionem ericij seu testudinis*, ut legit Vatablus; respiciat eos sol, & non absorbeant eos aquæ diluvii effusæ usque ad animam; avertat ab ijs lumen suum, fiet cum ijs, quod canit Ecclesiastica, *te sine tetro mergimur profundo*. Talis testudo tarda ad bonum erat, qui dicebat: *Domine quando respicies? restitue animam meam à malignitate eorum* Ps. 34. & iterum Ps. 146. *Respice in me, & miserere mei, quia unicus & pauper ego sum*, talis testudo erat paupercula illa tempestate convulsa *Isai. 54* quam cum oculus DEI respexisset, eruta est ab aquis vehementibus, & in bono firmata est; talis denique testudo erat Petrus, nam non ita pridem Christum testudineo gressu sequebatur à longe, in quem cum sol Divinus respexit, è profundo creptus est.

*Gen. 22* appellavit Abraham nomen loci illius, *Dominus videt*, in quo à Patris gladio Isaac liberatus est, quanto æquius hæc nomenclatura conveniat loco, in quo respiciente Christo

de tempestate mortis erutus est Petrus. O si meum, tuumque peccatorem ejusmodi benigno intuitu respiciat JESUS! ô si convertat ad me vultum suum, cum in lacu miseriæ & in luto facis hæreo! ô si non avertat faciem suam à me, ante cujus faciem vadit mors! Salus nostra in manu ejus est, respiciat nos tantum JESUS; & salvi erimus. De oculis JESU accipe illud Ps. 100. *Oculi mei ad fideles terræ, ut sedeant mecum*: quæ verba explicans Chrysost. *Revera, ait, oculi DEI ad fideles terræ sunt in hoc videlicet intenti, ne à veritate excidant, & cum exciderint, ut redeant in viam justitiæ.*

Sed en cum laborem servi nostri descripturos nos promiserimus in oculis ejus hæremus: neque tamen etiam sic erratum est: toto se laboraturus diurnum suum feliciter orsus est à labore oculorum: habent quippe & oculi partem inter laborantes, imò ipsi sicut in amore, sic & in labore sunt duces. Ab oculis ergo operas suas inchoavit servus noster, quæ quàm utiliter fuerint positæ, patet ex ijs quæ sequuntur.

IV. ET RECORDATUS EST PETRUS VERBI DOMINI SICUT DIXERAT, QUIA PRIUS QUAM GALLUS CANTET BIS, TER ME NEGABIS. ET EGRESSUS FORAS FLEVIT AMARE. Recordatus esse dicitur, nam hæcenus etiam memoriâ verborum ejus exuerat, cujus per sonam negaverat; mortuum crederes è numero eorum, apud quos



quos regnat oblivio præteritorum; vel saltem gravi consopitum lethargo, cui ne quidem per somnium occurrerit, quod maximè fuerat cogitandum. Recordatus, non tamen citiùs, quàm carente gallo conscientia facti & dicti eum fulcitallet: tunc primum egressus foras flevit amarè. Egressus foras, *exivit*, ait S. Lauren. Justin. lib. de Christi agone cap: 8. *non valens sue mentis ferre pudorem*: flevit amarè, sed post respectum Christi, nec mirum, quia oculi eius sicut flamma ignis, dissolverunt glaciem peccati ejus ait Hugo Card. in cap. 1. Luc. Flevit amarè, non tamen citiùs, quàm Christus eum respexisset. *Negavit primò Petrus, & non flevit*, ait Ambros. serm. de Petri prodit. *quia non respexerat Dominus, negavit secundò, non flevit, quia adhuc non respexerat Dominus, negavit Tertiò, respexit JESUS, & ille amarissimè flevit. Mox ut Dominus respexit Petrum, Petrus de clementia pijsimi vultus suscepit imbrem serotinum lacrymas post peccatum* ait Gverricus Abbas serm: 3. de ramis. Virtus hæc fuit Divinitatis, ut qui ad vocem ancilla induruerat, ad unum pariter intuitum emollesceret: potentia hæc fuit Divini intuitus, ut ad eum converteretur petra in stagna aquarum, & rupes in fontes aquarum: Percussit petram virgà benigni aspectus sui, & fluxerunt aquæ, & torrentes inundaverunt. *Flevit amarè*, ait S. August. serm: 108 de S. Pe-

tro, qui *noverat amare, dulcedo secuta est in amore, cujus amaritudo præcesserat in dolore.*

S. Chrysol. serm. 139 oculum vocat prævaricationis auctorem, quasi ipse esset alter Adam, à quo originalis noxa descenderet: oculus certè Christi non prævaricationis autor, sed exautorator est, aspexit & dissolvit gentes, & contriti sunt montes sæculi, id est, ut explicat Arias, fecit populos poenitentes; respexit Petrum, & à peccato, quod contraxerat, absolvit contritum. Oculos vocat Salvianus lib. 3 de providentia *naturales quosdam animi cuniculos*: his enim omnis fortitudo mentis & cum ea omnis decor in auras projicitur, ut non unus exclamare cogatur: ut vidi, ut perij: his ipsis cuniculis induratum Petri animum expugnavit Christus, sibi que subjecit. Oculos laqueos appellat scriptura Judith. 9 *Capiatur laqueo oculorum suorum in me*, unde Ambr. lib. 1. de poenit. cap. 14 *Ipsi nobis oculi nostri retia sunt, & ideo scriptum est, neque capiaris oculis tuis*: his ipsis laqueis implicuit Christus animum Petri recedentem à se, sibiq; inhaerere fecit.

Respexit Petrum, & egressus foras flevit amarè. Quomodo respexit? respondet S. Laur. Justin. lib. de triumph. Christi agone cap: 8. *Eodem modo respexit Petrum, quo respexit humilitatem ancilla sue, sed non pari affectu, florida*

enim *MAR IÆ nardus dedit suavitatem odoris, lacunosum & luteum Petri cornimbos protulit lacrymarum.* Quomodo respexit? respondet S. August. lib. 3 de consensu Evang. cap. 6. respectum hunc fuisse spiritualem, non corporalem, ex eo, quod Marcus dicat Petrum fuisse foris in atrio ad focum, Christum autem in interiore habitaculo: unde & addit: *Quapropter mihi videtur illa respectio divinitus facta, ut ei veniret in mentem, quoties jam negasset, & quid ei Dominus prädixisset, atq; ita misericorditer Domino respiciente peniteret, cum & salubriter fletet, sicut quotidie dicimus: Domine respice nos &c.* Quomodo respexit? eo utiq; modo, quo respicit terram, & facit eam tremere. *Misericordia Domini,* ait August. lib. 1. de gratia Christi contra Pelagium cap: 4. *latenter subvenit, cor tetigit, memoriam revocavit, interiori gratia sua visitavit Petrum, interioris hominis usque adexterioriores lacrymas movit & perduxit affectum.*

EGRESSUS FORAS FLEVIT AMARE. Unde egressus? utique è palatio Principis. Quare egressus? ut haberet locum liberum flendi, ait Hugo Victor. sic nuper Moyses & Aaron egressi sunt à Pharaone, & clamavit Moyses ad Dominum pro sponfione ranarum, quam condixerat Pharaoni Exod: 8, sic nuper Judith egrediebatur foras ab Holoferne ad adorandum DEum suum Judith 12,

## Caput VIII.

sicut Petrus egressus est, ut haberet locum flendi. An ergo in aula non est locus poenitentiae, non est locus orationis? credo non: neq; enim quidquam pietatis est, ubi est criminum officina, sic aulam Assyriam vocat S. Basilus Seleuc. orat. 12. Mare equidem aula est, sed non lacrymarum; neq; enim lacrymas patitur mare, quod sui juris fecerunt invidia, calumnia, ambitio, ingratitude, simulatio, æmulatio, assentatio, hypocrisis. Vetus gnome est Lucani: *Exeat aula, qui volet esse pius:* non enim quidquam pietatis esse potest, ubi est scelerum officina: ideoque bene Petrus egressus foras flevit amare, non enim poterat, ait Hieron: in hunc locum, in atrio Caipha sedens agere poenitentiam. Egreditur foras de impiorum concilio, ut pavida negationis fordes amoris fletibus lavet. Pretiosa nimium erat anima illius, propter hoc properavit educere illum de medio iniquitatum.

FLEVIT AMARÈ: ubi nempe affectus incanduit, & uberavit, ait Drogo serm: de lacrymis Magdalenæ, *carbo imbre lacrymarum respersus fortius incanduit, Flevit amarè. Felices sancte Apostole lacrymae tuae, quae ad diluendam culpam negationis virtutem sacri habuere baptismatis,* S. Leo serm: 9. de passione, *abundavit fletus, ubi non defecit affectus, & fons charitatis lavit verba formidinis:* quod ipsum alijs verbis explicat Ambr. serm:

serm: 46. *Videte quantum fletus profu-*  
*erit Petro, antequam fletet lapsus est,*  
*postquam flevit electus est, & qui ante*  
*lacrymas pravaricator extitit, post lacry-*  
*mas pastor assumptus est, & alios regen-*  
*dos accepit, qui prius seipsum non roxit.*  
 Invenit in his aquis Jordanem Petrus,  
 in quo lavaret lepram suam, invenit  
 foederandæ se inter & DEum pacis se-  
 questres, invenit poenitentiae locum,  
 quem cum lacrymis inquisivit. Sacrifi-  
 cabat Petrus pro peccato suo hostiam  
 vociferationis lacrymas vulnerati san-  
 guinem cordis, & remissa est ei iniqui-  
 tas, aspergebat, se hyssopo profluente  
 de oculis, & mundatus est: lavit se in  
 sua natatoria Sildé, & remedium inve-  
 nit. O lacryma humilis, tua hæc fuit  
 potentia, ut lavares delictum, quo nul-  
 la foeditas major fuit! tua hæc fuit vir-  
 tus, ut extingeres triste incendium, quo  
 princeps Apostolici cætus ad focum Ju-  
 daicæ iniquitatis exarsit! utinam verò  
 oculi mei pares deducant torrentes la-  
 crymarum, utinam lacrymæ meæ de-  
 scendant in maxillam, & à maxilla usq;  
 in cælum, ut veniam merear iniquita-  
 tis meæ! Et ego quidem flere soleo, ait  
 de me Ambros. sed si culpa desit mihi,  
 hoc est, si me non vindicem, si non ob-  
 tineam, quod improbe cupio. Soleo fle-  
 re, sed instar dementis illius mulieris,  
 cujus turbavit nitidos extinctus passer  
 ocellos, fleo damna rerum transitoria-  
 rum, & caducas spēs instar pueri eju-

lantis, cum rem nihili perdidit; soleo  
 flere, sed forsitan instar crocodili, de  
 quo Asterius hom: de jejuniis in biblia-  
 theca Phocij. Nili Crocodilos ajunt, in-  
 quit, capita hominum, quos devorârunt,  
 deflere, & mortuorum reliquias deplo-  
 rare, non facti poenitentia adductos, sed  
 dolentes ut mihi videtur, ipsum caput  
 carne carere, quam devorent. Respice  
 JESU, ut sciam meum deflere pecca-  
 rum, lavare delictum, largire indigno  
 mihi lacrymas illuminationem cordis,  
 atque fortitudinem.

## CAPUT IX.

## De desperatione Judæ.

I. **V**idisti contritionem Petri: vide &  
 proditoris Judæ, vidensq; mira-  
 re abyssum judiciorum Divinorum: u-  
 terq; de peccato doluit, sed prior solus  
 misericordiam consecutus est, cum al-  
 tero justitia facta est. Petrus sole fletu  
 purgavit scelus, Judas nec criminis con-  
 fessione, nec poenitentia facti, nec re-  
 stitutione iniquè acceptorum veniam  
 mereri potuit. O altitudo divitiarum  
 scientiæ DEI, quam incomprehensibi-  
 lia sunt judicia ejus, & investigabiles  
 viæ ejus! Ecce hic duo in agro poeni-  
 tentiæ, unus assumitur, & alter relin-  
 quitur, duo molentes ad molam pecca-  
 ti, ad quam impij ambulant in circui-  
 tu, unus assumitur, & alter relinqui-  
 tur; ecce hic duo fratres, unus Jacob qui  
 dile-



diligitur, alter Esau, qui odio habetur: ecce hic duo Joseph concaptivi, quorum unus pristina restituitur dignitati, alter paratur patibulo. Venite & videte opera DEI, terribilis in consilijs super filios hominum. Judas repudiatur post peccatum, Petrus post peccatum eligitur: ecce duo hædi *Levit. 16.* quorum unus in holocaustum adoptatur, alter liber dimittitur cum maledicto peccati. Quid hoc rerum est, quid iudiciorum Divinorum? causam scrutari noli, si non vis errare: hoc solum pro certo tene, quod salvandi Petrum, & miserendi ejus occasionem, nisi in sua bonitate non habuit; damnandi autem Judam, nisi in perversa ejus voluntate: magis potius ipse time, ne & tu projiciaris à facie DEI, & alter accipiat coronam tuam: plusquam enim digna timoris causa est incertitudo constantiæ tuæ, & ignorantia, an ulq; ad finem perseveraturus sis: Veritatis oraculum est filios regni cum Juda ejiciendos in tenebras exteriores, & multos ab Oriente & Occidente venturos, ut recumbant cum Abraham & Isaac & Jacob in regno cælorum. Vidimus ait Augustin. in solil. vivos morientes & mortuos à morte surgentes, & eos, qui inter filios ambulabant in medio lapidum ignitorum ad nihilum fluxisse: Clarius autem Abbas Sylvanus in vit. Patrum lib. 5. tit. de compunct. Ego ait ad iudicium raptus sum, & vidi multos de habitu no-

## Caput IX.

*stro euntes ad tormenta, & multos secularibus euntes ad cælum.* Time ergo & permane in vocatione, in qua vocatus es, sciens quod coepisse multorum sit: ad culmen autem pervenisse paucorum, aut ut loquitur Aug. quod non sit magnum inchoare, quod bonum est, sed consummare hoc solum perfectum sit, Sed revertamur ad Judam.

II. TUNC VIDENS JUDAS, QUI EUM TRADIDIT, QUOD DAMNATUS ESSET, POENITENTIA DUCTUS RETULIT TRIGINTA ARGENTEOS. Tunc, ait, cum impleisset mensuram peccatorum, & facinus nulla eludendum morte perpetrasset, tunc videns, neque enim ante peccatum videbat peccatum, quod nunc cognoscit admissum, nam ut bene Chrysost. hom. 42 in Gen. peccatum donec consummetur obtenebrat mentem, deinde verò conscientia exurgit, & quovis accusatore mentem gravius arrodit monstrans absurditatem facti. Et Euthymius. Talis est Diabolus ante peccatum non permittit videre malum, ne sequatur reminiscencia, postquam autem peccatum omnibus numeris est expletum, videre permittit, ut dolore afficiat, & in desperationem precipitet.

TUNC VIDENS QUOD DAMNATUS ESSET; quem ille vidit damnatum? non Christum ait Origen. tract. 35 in Math. & post eum Coenestor in hist. Evang. cap. 162 sed seipsum; nondum enim Christus ante Pilatum steterat, nec mortis sen-

sententia à præfide, p̄nes quem solum  
jus vitæ & mortis erat; lata fuerat; i-  
psū ergo se damnatum vidit: sed à quo?  
utique non ab alio, quā à se ipso: i-  
pse sibi fur & testis, ipse iudex & car-  
nifex, neque enim aliū habuit con-  
demnationis suæ autorem, quā uni-  
cum illum, quem intrinsecus ferebat  
propriæ conscientię tortorem; hic u-  
nus damnationis & testis, & iudex, &  
sententię executor; fuit, nam ut ait Sa-  
lomon Sap. 17. *Cū sit timida nequitia  
dat testimonium condemnationis: sem-  
per enim presumit seua perturbata con-  
scientia.* Tunc p̄nitentiā ductus, scili-  
cet cū jam desperasset de misericordia,  
tum p̄nitentiā ductus, quæ & ipsa ei  
converteretur in peccatum, quia ut ha-  
bet S. Leo serm. 5 de passion. *consum-  
mato scelere tam perversa fuit impij com-  
versio, ut etiam p̄nitendo peccaret.*

Tunc retulit triginta argenteos vo-  
lens dissolvere proditiōem mercede  
impudentiæ restituta, quam transege-  
rat, sed exitu irritō, neque enim DE-  
US eodem pretio redimitur, quo ven-  
di potest. Tunc p̄nitentiā ductus, sed  
inani illa & vacua, neque enim p̄ni-  
tuit ut debuit, sed ut voluit, nec doli-  
uit ob offensum DEUM, sed ob proprij  
alicujus commodi naturalem defectum:  
sed & spes veniæ defuit in p̄nitente,  
qui abiens laqueo te suspendit.

PECCAVI, ait, TRADENS SANGVINEM JU-  
STUM: quod dicit, peccavi, signum p̄ni-

nitentis est, quod dicit, tradens sangvi-  
nem iustum, infideliter p̄nitentis est.  
Advertit hoc S. Leo serm. 1 de passione  
inquiens: *dicendo peccavi tradens san-  
guinem iustum in impietatis tue perfidia  
perstitisti, quia JESUM non DEUM DEI  
Filium, sed nostra tantū conditionis  
hominem inter extremum mortis tue pe-  
riculum credidisti, cujus flexisses miseri-  
cordiam, si ejus non negasses omnipo-  
tentiam.* Peccavi tradens sanguinem  
iustum: agnoscit culpam, sed non so-  
licitatur de venia: dicit peccavi, sed non  
dicit miserere exemplo David 2 Reg.  
24. *Peccavi valde in hoc facto, sed pre-  
cor Domine, ut transferas iniquitatem  
servi tui, quia stultè ego nimis:* agnoscit  
iniquitatem suam, & peccatum ejus con-  
tra eum est semper, sed peccato reme-  
dium adhibere renuit exemplo B. Job  
dicentis: *Vias meas in conspectu ejus ar-  
guam & ipse erit Salvator meus* Job  
13: lapsum suum advertit, sed resurge-  
re non festinat; ulcus sentit, sed medi-  
cinam respuit; naufragium constitetur,  
sed tabulam non arripit. Peccavi tradens  
sanguinem iustum: Sacerdotibus hoc  
dicit, quibus solvendi potestatem sci-  
verat non fuisse collatam: dixisset me-  
lius Sacerdoti secundū ordinem Mel-  
chisedech, à quo facile veniam impe-  
trasset, novisset enim is mutare senten-  
tiam, si Judas novisset mutare delictum,  
& sicut Dux in prælio (accōmodo hic  
similitudinem S. Greg. hom. 34 in E-  
vang.

vang.) plus eum militem diligit, qui post fugam reversus fortiter hostem petit, quam illum, qui nunquam terga præbuit, ita Judam plus amasset, si post prodicionem poenitens, cæteris arctius ei adhæssisset. Verum iste non recurrit ad medicum cum vulnere, sed ad laqueum cum scelere; confitetur delictum, & desperat ejus veniam, nesciens ubi gravius deliquerit tradendo sanguinem justum, an desperando traditionis remissionem: id certum est, quod habet S. Aug. lib. de util. poenit. *quod Judam traditorem non tam scelus, quod commisit, quam indulgentiæ desperatio fecit penitus interire.* Præstò fuit medicus, sed ille in infirmitatibus suis perire voluit; præstò fuit via, ab ea aberrare maluit; præstò fuit vita, in iniquitatibus suis interire elegit. Judam traditorem non tam scelus, quod commisit, quam indulgentiæ desperatio fecit penitus interire. Scelus ejus paratum morti hominera morti obtulit, indulgentiæ desperatio DEUM negavit; nam ut bene Chrysost. hom. 3 de poenit. *Qui de venia peccatorum desperat, negat DEUM misericordem, & magnam DEO injuriam facit, qui de misericordia ejus diffidit.* Et Aug. serm. 58 de temp. *Cùm DEUS velit misereri, quia bonus est, & possit, quia omnipotens est, ipse contra se Divinæ bonitatis januam claudit, qui DEUM sibi misereri aut non vellet, aut non posse credit, eumq; aut bonum*

*aut omnipotentem esse diffidit.* Judam traditorem non tam scelus, quod commisit, quam indulgentiæ desperatio fecit penitus interire.

III. Quid ad hæc legale Sacerdotum? quid ad confessionem tam claram Sacerdotum principes? confitentem absolvent & iniquè traditum dimiserunt? alia longè: Quid ad nos? *ajunt, tu videris: peccasti tradens sanguinem justis: quid ad nos? tu videris: innocentem prodidisti: quid ad nos? DEUM perdidisti? tu videris: insanabilis fractura tua; pessima plaga tua: quid ad nos? tu videris: prodidisti Magistrum discipule: placet proditio, non proditor: desperas & abis ad laqueum, naufragia tua è terra intuemur: peris tu, & in æternum peris: quid ad nos? tu videris: Hoc spei invenit Judas apud Sacerdotes impios, hoc quisque peccator inveniet in die mala apud eos, quorum causa malus est. Jacebit alter plenus dolore in die, quo vocabit eum factor suus, jacebit videns contra se injustitias, quas perpetravit, flagitia quæ commisit, facinora quæ egit, recantabitque illud Judæ peccavi, sed nec aliud audiet, quam quid ad nos? tu videris: dicet injustus raptor iniquæ proli hæc & illa bona iniquè pro te corraisi, audietque: Quid ad nos? tu videris: respiciet alter impuritatem quæ commisit, avaritiam malam domui suæ, iram in qua devoravit sanctos, & suum illud occinet*



occinet, Peccavi, sed forsan audiet ab adstantibus: Quid ad nos? tu videris: vertet se alter ad amicos, in quorum gratiam deliquit, dicetque, peccavi: respondebunt amici: quid ad nos? tu videris. Sed pereo. Quid ad nos? succurrite amico pereunti: tu videris. Clamabit aurum iniquè corrasum, tu videris: clamabit voluptas impiè quæsitæ, tu videris: societas perversa, quid ad nos? tu videris. Plutarchus habet de Metiocho. *Metiochus in omnium ore erat vulgò jactantium; Metiochus omnibus præest, Metiochus copias ducit, Metiochus vias curat, Metiochus exercet panarium, Metiochus farinam tractat, Metiochus ergo lugebit.* Hoc planè ergo dicent peccata omnia peccatori, peccator ergo lugebit, respicienti ad singula quæ fecit. Quid ad nos? tu videris. Et verò sicut ad principes Sacerdotum peccatum Judæ, sic ad eos quorum causâ quisque peccator iniquitatem facit, pertinet perditio peccatoris, nisi enim priores peccatum fuissent licitati, & posteriores causam dedissent, iniquitas non evenisset, dicunt tamen omnes: Quid ad nos? tu videris. Quid est hoc, quid ad nos? nisi in nostra potestate non est te salvare: tu videris, quomodo ipse salves animam tuam.

IV. Animus cum hac decretoria planè liquit Judam: impos igitur sui triginta argenteos pretium appretiatum pro-

jecit in templo. *Non projecit argenteos in sterquilinum* ait Drogo Ostiensis lib. 1. de passione, *sed in templum, talibus Dijs templum suum devoverat: maluit seipsum perdere, quàm denarios perire, denarios templo, seipsum laqueo addixit.* Sic nuper Achitopel 2. Reg: 17. disposita domo suspendio finit vitam; sic & modò rapinis suis DEo oblati mortem sibi non pauci mercantur æternam, rati se sacrificium præstare DEo de alieno, & nolentes intelligere, quod habet Sapiens Eccli: 34. *Qui offert sacrificium ex substantia pauperum, quasi qui victimat filium in conspectu Patris sui,* Scilicet respiciat DEus munera tua, quæ alieno subduxisti ex agro, & dum ut tuæ offers, DEum aut facis injustum, qui habeat gustum in rapina tua, aut ignorantem, qui nesciat, cujus sit, quem offers hædum. Maledictus est, qui offert debile Domino, quanto magis, qui alienum; Pecunia tua tibi est in perditionem, quam iniquè possessam projecis in templum, & tanquam tuam donans participem DEum vis facere sceleris. Deut: 23 dicitur: *Non offeres mercedem prostibuli, nec pretium canis, in domo Domini DEI tui; quidquid illud est, quod vorari, quia abominatio isturum;* apud Dominum DEum tuum: quanto mirum offerendum est, & major est abominatio quod offeritur alieno eoq; in hoc esse emptum & contaminatum sanguine, cum ut dictum est, qui

qui offert sacrificium ex substantia pauperum, tam gratam rem faciat DEo, quasi qui victimat filium in conspectu Patris sui. Sed redeamus ad ea, à quibus digressi sumus.

Profecto Judas ære, quasi jam confectæ essent tabulæ, exitum præstolatur: quàm verò eum terribilem! quàm horrendum! non sic vicinâ terretur furiâ absorbendus à styge, sicut Judas peccati conscientia: circumcursare spectra, & demones paratos ad prædam, terram dehiscere ad se devorandum, cælum ruere ad se opprimendum, conjurata in necem suam elementa arbitrabatur: respiciat Christum, quem perdidit, indignum se facie ejus agnoscebat: accedat discipulos, à consortio eorum exclusum sciebat: adeat DEum, & per hunc projici se à facie terræ lamentabatur: adeat hominem hominum perditissimus, abjiciendum se ab hominibus non ignorabat: creaturam adeo omnem contra se armari lugebat. Mites nimirum ei videbantur Diomedis equi, Syllæ carceres, Busiridis aræ, tauri Phalaridis, si quæ meritis erat, perpenderet: proditiōnis suæ testimonium ei fuit super omne supplicium. Tuæ id magis opus est, dicebat ipse secum, quod innocens Magistri tui sanguis tam diro scelere profundatur: audisti decretum mortis contra authorem vitæ, te id incentive perfectum est: tu classicum cecinisti; tu pactus es tam grande nefas tam parva

mercede; tu mortem, tu poenas omnes atrocissimas emisisti; tu omnium manibus feris, omnium lingvâ percutis, omnium tormentis DEum tuum occidis. Et poteris exangve ac nudum ejus cadaver novus Cham nequior priore inveni: poteris parricida lavare manus tuas in sanguine Patris: poteris oculos attollere in eum, quem impiè vendidisti: absit: non feret id delicti conscientia, & ex delicto pudor, fixum magis fiat mortem prævenire, quàm tanta experiri opprobria. Apud Pelusinos teste Stanihursto in tessera militis Christiani ad diem 18 Maji, parricidio nulli fabricati erant equulei, nulli confuti culei, nullæ rotarum aut ungularum carnificinæ, nullum aliud tormentorum genus excogitatum erat tam grande, quod exæquaret supplicium illud, quo cogebatur toto triduo spectare à se parentis occisi cadaver parricida; hoc agebant supplicium excedere omnia supplicia: hoc veritus Judas, & pati impotens currit ad laqueum.

V. ET ABIENS LAQUEO SE SUSPENDIT. Ecce quorsum devenit Judæ improbitas? guttur illud impium, quod Christo extendit ad osculum, accommodat ad laqueum: nundinator pessimus, qui malo suo didicerat argentum expendere, tandem suum ipse corpus cœpit ponderare, & qui secundum impenitens cor suum thesaurizaverat sibi thesaurum iræ, omnibus suis oculis, unum sibi

sibi quo interiret, emit laqueum; hunc ipse sacrilego collo induit, quia nemo scior carnifex illo ipso potuit inveniri: & sic calo terræq; perosus, ait de eo Arator lib. 1. in Aët. Apostol. *inter utrumq; perit, communi sic negat hosti debita pœna locum.* Spiritum oris Divini Christum tradidit in manus impiorum, & spiritu oris sui intercluso vitam perdidit. *Audite ista*, exclamat Chrysostomus, *audite avari, versate animo, quid ille passus sit, nam & pecuniam amisit, & scelus admisit, & animam perdidit. Hoc atrox avaritiæ tyrannus facere solet; non est argento, non hac usus vitæ, non fruetur futurâ, universa simul amisit.* O grande avaritiæ malum! bene de te Sapiens Eccli. 10. *Avaro nihil scelestius, hic enim & animam suam venalem habet,* & Apostolus 1. Tim. 6. *Qui volunt divites fieri incidunt in laqueum Diaboli.* O infelicem Apostoli exitum! ô grave desperationis peccatum, quod eo die perdidit Apostolum, quo die salutem omnium operatus est Salvator omnium in medio terræ! Ribaden: in histor. Anglic. refert vocem extremam Volfei Card. fuisse hanc: *Ego qui non DEi, sed Regis* (Henrici VIII. Angliarum) *favorem quasi, & gratiam DEi amisi, & Regis non acquisivi.* Extrema Judæ vox, si tamen laqueus loqui impium permisit, Imò una per totam æternitatem erit: *Ego qui non DEum sed aurum quasi, & gratiam DEi perdidit*

& aurum amisi. Speculum hic habes tuæ infelicitatis omnis à fide & religione Apostata. Judam secutus es peccantem in vita, sequeris pendentem in morte, Judas post apostasiam non invenit locum pœnitentiæ, etiamsi publica confessione suum Peccavi recantaret; non invenies & tu, qui projecisti post tergum mandata DEi. *Cum declinaveris*, ait S. Eucherius hom. 5. ad Monach. n. 7. *jam difficile ac pene impossibile erit ad locum istum vel cogitatione respicere.* Et S. Ephrem sub fin. testam. *Si fieri potest, ut sterilis salix in loco arido & sicco germinet, fieri quod potest, ut aliquando apostata erudiatur.* Judam æmulatus es in vita, æmulabere etiam in morte, quando justo DEi judicio pars tua erit cū desertorib9. Exemplum non adduco eorum, qui te præcesserunt ad laqueum: scire si ea voles, vide apud Dionys. Carthus. in scala cæli. Dorlandum lib. 6. Chron. Carthus. Cæsarium lib. 1. misrac. cap. 14 & 15 Hieron. Platum lib. 3. de bono Status Relig. cap. 35 &c.

Moremur adhuc tantisper ad tam grandem vulnam. 2. Reg. 18 postquam suspensionem Absalom è quercu ac mortem retulisset Sacer textus, addit. *Porrò Absalom crexerat sibi, cum adhuc viveret, tsulum, qui est in valle Regis, dicens enim: Non habeo filium, & hoc erit monumentum nominis mei.* Non laboro super interpretatione textus hujus, videri ea potest apud Scripturæ interpretes, id



solum optarem, ut sicut suspensus Absalom non habuit filium, in quem quasi per traducem descenderet paterna impietas; sic & Judæ deficeret posteritas, quæ tam turpe delictum posset hæreditare. Verum pro temporum perditionem! bene de Juda dixeris, quod de Achab Ambros. lib. de Naboth. cap. 1. *Quotidie Achab nascitur, & nunquam huic saculo moritur. Si unus occidat, assurgunt plurimi, plures qui rapiant, quam qui amittant.* Plenus est orbis Judæ posteris, quibus DEus fungo est vilior. Vide & tu, qui hæc legis, an non etiam ipse mali corvi malum sis ovum: si enim vitam tuam inspexeris, invenies, quomodo pro modico lucro te & DEum perdideris: quid illæ modicæ ac ne crepitu digitorum dignæ voluptates sunt, quàm infames proditiones? quid illæ conversiones ad creaturas, & aversiones à DEo? quid momentanea lucra, nisi peccata Judæ? pro quam vili tibi, aliisq; tui similibus DEus est? pro vili nummo, & re nihili numen ipsum & omne bonum non raro prodegisti! Quinti Calidij in corruptos Judices querela fuit. Idoneam mercedem pro meo capite pacisci debuistis: eadem contra te DEi est, quoties pro vili consolatione tua eum perdis. Et detrus te hæcenus firmiter adhæsisse DEo, quis tibi promisit te non iturum in partes perditæ Judæ? sanctior eo non es, & instructior gratijs; ille lapsus est,

& post lapsum incidit in laqueum desperationis, & tu tibi promittas in bono firmitatem? Mansi disc. 8. num. 5. testis est vocem hanc fuisse S. Philippi Nerij, cum in maxima esset opinione sanctitatis, ac ingentibus à DEo miraculis illustraretur: *Domine noli mihi fidere, quia ego te tradam:* utinam nec tu tibi fidas, sed in humilitate attendens, quæ desunt tibi, opereris bonum ad omnes, alioquin si hoc non faxis, vereor, ne quod de Juliano dixit Greg. Nazian: *has post Herodem persecutor, post Judam proditor, post Pilatum Christicida, post Judæos DEi hostis.*

Sed jam relinquamus probrium in patibulo, cujus si quis adhuc titulum, sicut suspensi Absalonis scire volet, nihilo meliorem lecturum putet, quàm fuerit Juliani Comitis Spartariorum, cui post proditum Saracenis suum eumque ultimum Regem Gothorum Rodericum prope Visæum civitatem Lusitanix teste Roderico Toletano de reb. Hisp. lib. 4 cap. 19 in tumulto ejusdem Regis sequens posita est memoria. *Maledictus furor impius Juliani, quia pertinax, & indignatio, quia dura. Pesanus furia, animosus indignatione, impetuosus furore. Oblitus fidei, immemor religionis, contemptor divinitatis, crudelis in se, homicida in Dominum. Hostis in domesticos, vastator in patriam, reus in omnes. Memoria*

ria ejus in omni ore amarescet, & nomen ejus in æternum putrescet. Testis est Oecumenius in cap. 1 act. Apost. Judam sepultum in prædio suo ita sordido foetore auram corrupisse, ut prædium deferi debuerit, & ad ejus usque tempora habitari nequiverit, imò neminem locum præterire potuisse nisi naribus obturatis. Relinquamus cadaver foetidum, & foetore ipso foetidorem animam corvis infernalibus, cujus memoria in omni ore amarescet, & nomen in æternum putrescet.

## CAPUT X.

## De accusatione Christi apud Pilatum.

I. **R**eliquimus paulò ante servum peccati inter squallores; reliquimus autem in ipsis noctis tenebris obscuritatem tenebris: nunc appropinquante die videndum erit, an quod per tenebras erratum est, non emendet dies. Marcus ait. CONFESTIM MANE CONSILIUM FACIENTES SUMMI SACERDOTES CUM SENIORIBUS ET SCRIBIS, ET UNIVERSO CONCILIO VINCIENTES JESUM TRADIDERUNT PILATO. Serva judicata fuit Christi anima in foro Pontificio, cum reapeccati dicta fuit, nunc traditur foro sæculari judicanda, an plectenda brachio illius; traditur autem confestim manè, & quasi non sufficeret diei malitia, ipsa etiam aurora prævenitur. Tartarei

bubones de Caiphæ culmine ferale carmen occinunt, priusquam dies illucescat, quod servire nesciam Christi animam trahat in exitium. Confestim manè surgunt naucleri populorum impii magis an imperiti principes Sacerdotum, ut pretiosa libertate divitem navem allidant ad scopulum: confestim manè surgunt agricolæ, ut terram excolant, surgunt artifices, ut opus maturent, surgunt aucupes ut capiant prædam, surgit & synagoga opus perfecta à sæculis absconditum; arabit & ipsa in vitula summæ insolentia, fabricabit sed supra dorsum justī, venabitur & exultabit super interitu innocentis, sicut exultant victores captā prædā. Manè primo, ait Job cap. 24 *exurgit homicida, & interficit egenum & pauperem.*

Confestim manè consilium facientes Principes Sacerdotum JESUM tradiderunt Pilato. Noluerunt intelligere matutini hi nebulones, quod per prophetam monuerat Dominus. Isai 21. *Domus David hæc dicit Dominus. Judicate manè judiciū, & eruite vi oppressum de manu calumniantis, ne forte egrediatur ut ignis indignatio mea, & succendatur, & non sit, qui extinguat propter malitiam studiorum vestrorum.* Confestim manè consilium facientes, illud utique consilium, de quo prophetaverat Jacob Gen. 49 *Simeon & Levi vasa iniquitatis bellantia: in consilium*

*eorum non veniat anima mea: consilium facientes summi Sacerdotes cum senioribus & scribis, de quibus Dan. 13 Egressa est iniquitas de Babylone à senioribus iudicibus, qui videbantur regere populum: confestim manè traderunt JESUM Pilato. O manè infestum! quod tam tempestuosam noctem excepisti, tibi & nocti servit illud. Nocte pluit tota, redeunt spectacula manè, nocte pluit sputis & alapis, fannis & opprobriis, redeunt spectacula manè, spectacula DEO, Angelis & hominibus, spectacula insolentiae & iniquitatis, spectacula in quibus libertate sua exutus Unigenitus DEI decertabit cum bestis usque ad devorationem. O manè ominosum, in quo demonstratur ad oculus, quanta sit futura tempestas per diem, cum sic primo manè rutilet triste coelum! O manè nubilum, quo ipsius noctis tenebrae magis intensae sunt redditae! De hoc manè loquens S. Leo serm. 3 de passione ait: Hoc manè Iudei non ortus vobis lucis contigit, sed occasus, nec vestris oculis solitus dies prodiit, sed impiis mentibus nox terrea cecitatis incubuit. Hoc manè vobis templum & altaria diruit, legem & prophetas ademit, regnum & Sacerdotium sustulit, in luctum omnia festa convertit. Confestim manè vincientes JESUM tradiderunt Pilato; tradiderunt, ait, tot Iscariotae, quot capita factionis, tot proditores, quot accusatores: tradide-*

*runt Pilato, ait S. Leo serm. 8 tanquam Romanis devoti legibus, omne iudicium potestati Caesaris reservassent, sed expetierunt magis executorem sevitiae, quam arbitrum causa. Offerebant eum duris nexibus vinctum, colaphis casum, clamoribus predaemnatum, ut inter tot praedicia, quem omnes vellent perire, non auderet Pilatus absolvere. Et ipsi non introierunt in praetorium, ut non contaminarentur. O impij, & stulta cecitas! exclamat hic August. habitaculo contaminarentur alieno? & non contaminarentur scelere proprio? alienigena iudicis praetorio contaminari timebant, & patris innocentis sanguinem fundere non timebant. Sed impij excolantes culicem, camelum glutiebant, & quod deforis est calicis emundare videbantur, cum intus pleni essent dolo & abominatione: contaminari nolebant loco iudicii, & non credebant se in sui deicidio. Sic & proditor Iudas ab esu Agni abesse noluit, & DEum perdere non exhorruit. Sic nuper Samaritana religioni sibi ducebat paucillum aquae praebere Iudaeo, & concubinario adherere piaculum non credebant. Joan. 4. Sic 1. Reg. 14. Saul Jonatham ob unam mellis guttam morti addicere parabat, qui Agag pingvisimo, quem DEus occidi mandaverat, pepercerat. Sic Absalom culpabat Chusai, quod amicum David deseruerit in fuga illius inquires: Hec est gratia ad ami-*



amicum tuum? 2. Reg: 16, & ipse par-  
ricidam agere non reformidabat. Sic  
illotis manibus panem manducare ve-  
rebantur Pharisei, & intus pleni erant  
dolo & iniquitate, contra quos meritò  
intonatur maledictio illa Matth: 23. *Ve  
vobis Scribae & Pharisei hypocritae, qui de-  
cimatis mentham, & anethum, & cuminum,  
& reliquistis quae graviora sunt legis, ju-  
dicii, misericordiam & fidem.* Sic deniq;  
nos ipsi non rarò in modico scrupulis  
angimur, in majoribus securi sumus, &  
ut fertur in proverbio; cum capiti me-  
deri deberemus, reduviam curamus, i-  
mitantes in hoc stultitiam puerorum,  
quos ad lamenta provocat erepta char-  
tula, & paternae domus incendia non  
habent sollicitos: cavemus sollicitè ne  
panis usualis in terram concidat, aut  
pede calcante proteratur, ne consuetam  
portiunculam, aut jejunium nobis vo-  
luntarium omittamus, & injurias in  
Deum ac homines nauci facimus. Et  
ipsi non introièrunt in prætorium, ut  
non contaminarentur. Quid porrò ad  
hæc Pilatus?

II. Sacer textus habet EXIVIT ERGO  
PILATUS AD EOS FORAS ET DIXIT: QUAM  
ACCUSATIONEM AFFERTIS ADVERSUS HO-  
MINEM HUNC? Alijs hanc interrogatio-  
nem explicat Ambrosius tract. 3. de my-  
ster. Coenæ Dom. serm: 3. *Consiste me-  
sum, ait, in hac actione cominus Judea,  
dic mihi litis tue titulum, accusationis  
genus, crimen denuntiæ. Ecce in facto præ-*

*judicata es imditoris: auctor tuus con-  
fugit ad laqueum, pendit inter caelum,  
terramq; medius vago funere suffocatus.*  
Accusationis genus quærit præses ad-  
versus eum, quem ipsa absolvit inno-  
centia, condemnat nequitia, accusatio-  
nem quærit adversus eum, quem acto-  
re non probante reum dicturus est: ac-  
cusationem quærit adversus hominem,  
quem ipse ejecturus est ab hominibus,  
& pro improbo tribunali suo dimidi-  
um hominem, quia servum, & servum  
peccati declaraturus est. Ut ostendat se  
omnes juris apices servare in causis,  
quæstionem orditur ab accusatione de-  
licti, utcunque impleturus officium ju-  
dicis, si non utramque aurem accusa-  
trici aperuisset falsitati. Sed vide ini-  
quitatem judicii, de accusatione quæ-  
rit, qui etiam cum innocentiam pro-  
baturus est, eandem morti addicturus  
est, quasi jam ejus tempora ita perver-  
terint judicium, ut in ijs sola accusa-  
tio criminofum constituerit. Servat ta-  
men legem patriam Pilatus, de qua Fe-  
stus act. 25. *Non est consuetudo Romanis  
donare aliquem hominem, priusquam is,  
qui accusatur, presentes habeat accu-  
satores locumq; defendendi accipiat ad  
abluenda crimina, quæ ei obijciuntur:*  
ideoque dicit: Quam accusationem af-  
fertis adversus hominem hunc?

RESPONDERUNT JUDÆI: SI NON ESSET  
HIC MALEFACTOR NON TIBI TRADIDISSE-  
MUS EUM. Malefactorem vocant, qui  
ejus

ejus opera bona probare, cum ipsi mali sint, non possunt: impletum hic est illud Sap. 2. *Circumveniamus justum, sapienter opprimamus eum, quia contrarius est operibus nostris*: affricare maleficium volunt autoritate sua, qui nullam in eo speciem mali deprehendere poterant, & ad inconvenientia falsariorum testimonia in nullo deliquisse cognoverant: unde etiam diffisi causæ prætermissa accusatione judicij executionem sollicitant. Nos, inquit, LEGEM HABEMUS, ET SECUNDUM LEGEM DEBET MORI, scilicet legem falsariam, legem non scriptam digito DEI in tabulis lapideis, sed ungve diaboli in perversis cordibus, legem de fundendo innoxio sanguine. Sic nuper legem prætendebant inveterati dierum malorum senes contra Sufannam; sic prætendebant legem Persarum atque Medorum, quam prævaricari non licet, accusatores Danielis; sic legem impia Jezabel contra justum Naboth allegabat. Bene Nicodemus Joan. 7. *Nunquid lex nostra judicat hominem, nisi prius audierit ab ipso, & cognoverit quid faciat?* De lege tamen sua mentitur sibi iniquitas, & cum summam parat injuriam, de jure summo. Cereæ nimis iniquorum lex est, in quamcunque volunt partem, eam detorquent, & multum improba, juxta quam omnis pessima causa triumphat, Nos legem habemus, legem ad excusandas excusationes in peccatis, le-

gem, quæ non ut lex Domini justa est, sed legis prævaricatio & corruptela, legem quæ lex exlex est: hac lege reguntur cives Jericho & Babylonis, qui cum malè fecerint gaudent in rebus pessimis; hac lege reguntur excolantes culicem, camelum autem glutientes, qui decimant mentham, & anethum, & cuminum, & relinquunt quæ graviora sunt, qui mundant, quod deforis est calicis, & paropsidis, intus autem pleni sunt rapinâ & immunditiâ: hac lege regitur pharisæus jejunans bis in Sabbatho, decimas dans, qui non est sicut ceteri: hac denique lege reguntur omnes, qui malitiæ suæ pallium à lege impiè detorta quarunt cum Diabolo, quia sic scriptum est, & ita oportet fieri. Nos legem habemus; *respice quid moneant leges, quid curia mandat*: Juvenal. sat. 8.

Desert legi Pilatus. ACCIPITE EUM, ait, vos, ET SECUNDUM LEGEM VESTRAM JUDICATE EUM. Dixerit ista præses legum reverentiâ, an desiderio liberandi se à judicio intempesto, quod ad nudam Pontificum auctoritatem consummandum erat, non disputo: ad suum impostores remisit pentateuchum, ad patrias ablegavit tabulas, juxta quas in delicto procederent: melius fuisset, si posito officio Judicis totam tam iniquæ causæ cognitionem excussisset: sed maluit Milvijs & Vulturijs sacris, an vulturibus innocentiam relinquere discernendam

pendam, quàm aut secundùm fas & æquum judicare, aut è statione judicij decedere. Accipite eum vos. Nec tamen arrisit falsarijs hæc remissio causæ ad tribunal patrium: perditum volebant Christum, sed ut nequitie suæ pallium haberent, aliena id fieri manu avebant.

NOBIS, ajunt, NON LICET INTERFICERE QUENQUAM. *Quid est, quod loquitur insana crudelitas*, exclamat Aug. tract. 114 in Joan. *an non interficiebant, quem interficiendum offerebani? an forte crux non interficit?* non licere se ea agere quæ agit, condemnante criminis conscientia, confitetur impietas; & ipsa facinoris agnitione furit insolentius: occidere sibi neminem fas esse profitetur, & in necem incitare piaculo careat? quasi non ipse hoc facere censendus sit, quod quis facit per alium. Novit occisorem, qui per Nathan exprobravit Davidi 2. Reg: 12. *Uiriam Hebraeum percussisti gladio, & uxorem illius accepisti in uxorem tibi, & interfecisti eum gladio filiorum Ammon.* Sed age impia cohors, si tibi id non licet, liceat id Pilato? tibi id vetat lex, & non vetet præfidi? an hoc ipso, quod præsit, impune occidit innocuum? portat ille equidem gladium justitiæ, sed non ferit sine causa. Nobis non licet interficere quenquam, sed nec in necem innocentis conjurare. *Videte*, ajebat Joazaphat Rex Judæ 2. Paralip: 19. *quid faci-*

*atis? non enim hominis exercetis judicium, sed Domini, & quodcumq; judicaveritis, in vos redundabit.* Verùm frustra surdis fabula, decretoriam urgent delicti, quod generali malefactoris termino hæctenus comprehenderunt. Quare iteratò præses. QUID ENIM, inquit, MALI FECIT? edicite maleficia, proferte excessus, & sic poenam urgebitis. Occurrit mihi hic illud, quod habet August: tom. 7. lib. de unico baptismo contra Perilianū cap: 16 cavillatus fuerat hæretico Marcellinum & presbyteros ejus Melchiadem, Marcellum, & Sylvestrum, & eosdem accusarat traditionis codicum Divinorum, & criminis idololatriæ in adolendo idolis thure: cui Augustinus: *ipse sceleratos & sacrilegos fuisse dicit, ego innocentes fuisse respondeo: quid laborem probare defensionem meam, cum ipse nec tenuiter probare conatus sit accusationem suam?* Ita planè Judex iniquitati in causa Christi respondere potuisset, si causa patrono eguisset. Quid enim mali fecit, qui pertransijt benefaciendo. *Interrogentur*, ait August. tract. 114. in Joan. *ab immundis spiritibus liberati, sanati languidi, leprosi mundati, surdi audientes, muti loquentes, caeci videntes, mortui resurgentes, & quod omnia superat stulti sapientes, utrum sit malefactor JESUS?* Sed ista dicebant, de quibus per prophetam ipse prædixerat. Retribuebant mihi mala pro bonis. Quid enim mali fecit, qui



scit reprobare malum & eligere bonum, qui peccatum non fecit, nec dolus inventus est in ore ejus. Confusos se in consilijs suis videbant Judæi, ne ergo fera sibi elaberetur, ad dolos & mendacium confugiunt. Locuti sunt adversus eum lingvâ dolosâ, & sermonibus odij circumdederunt eum. Hunc invenimus, ajunt, SUBVERTENTEM GENTEM NOSTRAM, ET PROHIBENTEM TRIBUTA DARE CÆSARI, ET DICENTEM SE CHRISTUM REGEM ESSE. Hæc hominis facinora, hæc delicta servi.

Quintilianus author est, servos unico appellari nomine, duobus verò ingenuos, nobiles verò minimùm tribus, quorum unum ab avo, alterum à Patre, tertium à seipsis inventum haberent: hinc Juven. sat. 5. quendam fugillans ait, eum agere tanquam si habeat tria nomina, & Aulon. quibusdã aptat illud: *Tres equitum turme tria nomina nobiliorum.* Porro nomen hoc servorum ferè ab eo, quod eis curandum erat obsequio, aut à vitio, in quod frequentiores impingebant, petebatur: teste Cælio Rhodigino *l. c. antiq. lib. 25. cap. 24.* Perditum ibant servum peccati Pontifices, accusantesque eum malefactorum triplici nomine ceu stigmatè insigniunt. Subversorem vocant gentis, factiosi capitis hominem, qui tributum dari veteri Cæsari, & læsæ majestatis reum, qui se regem fecerit: quasi non sat fuerit unum ad distinguendum

eum, & condigno servorum supplicio puniendum, Quàm rursus hoc malitiosè! subversor gentis sit ille, qui merso Pharaone fecit vos in gentem magnam, & in populum acceptabilem? qui eduxit vos de domo servitutis, & subdidit vobis gentes & nationes ejectis habitatoribus terræ; subversor gentis sit ille? qui si vultis, regnum vestrum firmabit in æternum, qui ejectis à facie terræ hostibus pacem dabit in omnibus finibus vestris. Bene de eo Hilarius lib. 1. de Trinit. *Non nos in eremica atq; invia deducit ille, qui via est, nec illud per falsa, qui veritas est, neq; in mortis relinquit errore, qui vita est.* Subversor gentis sit ille? qui subversurus est omnem miseriam tuam, qui sicut DEus subvertit Sodomam, ita subversurus est omnia mala tua, & sicut DEus Israël subvertit Amorrhæum, sic omne malum tuum subversurus venit. Factiosi rursus capitis hominem vocas, qui tributum dare prohibeat Cæsari, nec recordaris, quia ipse mandavit reddere unicuique, quod suum est, Cæsari quæ sunt Cæsaris, DEo quæ DEi sunt. Deniq; reum violatæ majestatis, qui se Christum Regem fecerit, pronuncias? & retices, quod cum cognovisset, quod venturi essent, ut caperent eum & facerent regem, fugerit solus in montem. Hunc dicis invenimus subvertentem gentem nostram. Bene dicis, invenimus: neque enim, quæ allegas, aliquid ha-

habent de veritate, sed producuntur secundum nequitiam adinventionum tuarum, propter quam veniet in te illud, quod prædixit propheta Isai. 3. *Ru- it Jerusalem, & Judas concidit, quia lingua eorum, & adinventiones eorum contra Dominum.* Sed hæc est hora tua, in qua mentitur iniquitas tibi; hæc est potestas tenebrarum, in qua tibi data est facultas quodlibet audendi.

Habet in hac Christi accusatione documentum virtus tua Christiane; melior Christo non es, qui talem contra se sustinuit contradictionem: melior non es Moyse & Aaron, qui tanquam seditionis authores traducti sunt: melior non es Elia, quem ut conturbatorem Israël accipit Achab 3. Reg. 18: melior non es Jeremia, quem principes redarguunt, quòd de industria dissolvat manus virorum bellantium, & manus universi populi, & quòd non quærat pacem populo, sed malum Jerem. 38. Accusatur Susanna innocens, accusatur Paulus & Apostoli, accusatur Athanasius ab Arianis, Flavianus à Dioscoro, à Nestorio Cyrillus, Simplicius Pontifex ab Iconoclastis Damasceni, Ignatius à Paphlagonibus, Thomas à Cantuariensibus à Rege Angliæ, Lutherus à universa non habens maculam neque rugam à Luthero, Calvino & reliquis reformationis fœderis, & tu invenies tibi à convitiis æquum, si, si possit forte Alibi non etiam tanta tem-

pore, in quibus jactabitur contra te illud Ps. 82. *Ecce inimici tui sonuerunt, id est, ut explicat S. Thom. opusc. 19. sonos rationis expertes ediderunt, & qui oderunt te, extulerunt caput. Super populum meum malignaverunt consilium, cogitaverunt adversus sanctos tuos, & dixerunt: Venite disperdamus eos de gente & non memoretur nomen Israël ultra: & illud Esth. 13. Volunt nos inimici nostri perdere, & hereditatem tuam delere.* Quid faxis hoc rerum articulo? si Christianus es, facies, quod monet DEUS apud Thom. à Kemp. lib. 3 de imit. cap. 46. *Filista firmiter, & spera in me: quid aliud sunt verba, nisi verba, quæ per aërem volant, sed lapidem non ledunt. Sireus es cogita, quòd libenter te emendare velis, si nihil tibi conscius es, pensa quòd libenter velis pro DEO hoc sustinere.* Ecce si cuncta de te dicerentur, quæ fingi malitiosissime possent, quid tibi nocerent, si omnino transire permitteres, nec plus, quàm festucam perpenderes. Nunquid vel unum capillum tibi extrahere possent. Habebis persecutores operum tuorum, habebis calumniatores dictorum & factorum, qui tibi velut prædancæ hostiæ dignæ, quæ in Hierosolymis tibi ingessis altari maledicis teste Ioseph. lib. 1 Instit. cap. 21 sacrificabant, mactetur, oblatrant, & si innocens occubueris vocibus calumniam dignantur, ac in te detorqueant illud ami-

corum Job. *Quis unquam innocens perit, aut quando recti deleti sunt? quin potius vidi eos, qui operantur iniquitatem & seminant dolores, flante DEO periisse, & spiritu ira ejus consumptos.* Job. 4. horum omnium maledicas voces, & mendaces, si immoto perfers animo, nā tu Christi perfectus imitator es, reddisque ei ac retribuīs, quæ pro te sustinuit: nam ut bene Bonavent. lib. de perfect. Relig. cap. 36 *Patientia singularis est retributrix passionis Christi.*

## CAPUT XI.

*De colloquio Pilati cum Christo.*

I. **N**ON fuisse ita profligatæ justitiæ Pilatum, ut cæcæ præcipitaret sententiam servitutis ob auctoritatem partis collige ex tela ejus judiciaria: audierat tumultuantem partem accusantium, & monito Pòtæ. *Ne dirimas licem, quin primū audieris ambos,* aurem alteram servavit, reo: sciebat nimirum veram esse illam gnomen quam postea protulit Seneca. *Qui statuit aliquid parte inaudita altera, æquum licet statuerit, haud æquum est.* Quare INTROIVIT ITERUM PILATUS IN PRÆTORIUM, ET VOCAVIT JESUM: vocavit autem, ut de eorum, in quibus sum accusabant veritate, faceret periculum. Valer. Max. lib. 3 cap. 17 testis est Æmiliū Scaurum à Vario Sucro-

## Caput XI.

nensi infimæ fortis homine accusatum rostris conscensis, hoc solum pro domino sua dicto, palmam retulisse. *Quirites Varius Sucronensis Æmiliū Scaurum regia mercede corruptum imperium populi Romani prodidisse ait. Æmilius Scaurus huic se affinem esse crimini negat: utri creditis?* Poterat pro se Christus, poterat quivis pro illo simili dictione triumphum canere, si dicendi & non patiendi arena fuisset prætorium judicis. Quamquam tacita etiam Judicis sententia reus absolvitur à criminibus cæteris, vel quod seipsis rue-  
rent, vel quod de falsis allegatis nil penitus haberet. Unum est quod aurem fodit. Tu es REX JUDÆORUM? servum te dicunt Pontifices, & Regem te facis? si Rex es, ediffere, an hodie vivas Saturnalia? Romanus sum, quid loquar scio: Romanis quippe in more fuit positum, ut festis Saturnalibus servorum personam sumerent Domini, Mercurialibus festis Cretenses, Babylonij festo Sacææ, Tresenij festis Gereftionijs; Pelagijs Tessali Reges teste: *Dione lib. 1 cap. 7 10, & 12 Athenæo lib. 14 cap. 17 apud autorem antiq. civil. lib. 1 cap. 33* Quid dicis de te ipso? rex es tu? & divitum imperium tecum Cæsar habet? ediffere, ut debitam regi præstemus reverentiam. Tentatio hæc fuit judicis, tali enim quæstione secundum juris formam a-  
vebat per spontaneam rei confessionem doceri de crimine. Quid porro JESUS?



II. A TEMETIPSO HOC DICIS, AN-ALII TIBI DIXERUNT DE ME? Præmittit responsioni quæstionem, quam si Pilatus caput, retunditur ejus impudentia: quid quippe aliud est quærere: à temetipso hoc dicis, an alij tibi dixerunt de me, nisi quærere, qua hæc interrogas autoritate, publicâ Judicis, an privatâ Pilati? si publicâ? cur foris relictus accusator, nec secundum formam juris audit, quæ ego confiteor de me ipso? si privatâ id faxis autoritate, è re tua erit discere, si capax es audire, & audita intelligere. Hunc esse verborum sensum tradit Euthymius cap. 67 in Matth. Movit bilem Pilato quæstio, ideoque respondit: NUNQUID EGO JUDÆUS SUM: GENS TUA ET PONTIFICES TRADIDERUNT TE MIHI, QUID FECISTI? Rem tuam habeto tibi, quæ mihi pars tecum? quæ pars cum Juda? gens tua & pontifices tradiderunt te mihi: tuæ gentis quæro autoritate. Quid fecisti? Multa petis Phæton, quibus si tibi singula explicet, capiendis non sis. Si qua hic fecit, audire cupis, ait P. Joannes Rho, cælum & terram interroga, & omnia qua in eis sunt, clamabunt illa. Ipse fecit nos, & non ipsa nos: auroram & solem interroga, à pate audies: auroram & solem tu creasti: turbas Judæorum roga, illa nisi planè sunt depravata, clamabunt suum illud. Bene omnia fecit, & surdos fecit audire & mutos loqui: mihi si respondendum esset verbo dicens: omnia,

& nihil: si quid usquam honestum & laude dignum fieri contigit, ipse fecit, si contra iniquum, indignumq; est, ipse non fecit. Quid fecisti? poterat respondere JESUS. Ego feci, ut oriretur lumen indeficiens, & sicut nebula texi omnem terram, Eccli 24. Omnia, quæcunque volui feci, nihil autem volui, quod non omni ex parte esset honestissimum. Poterat respondere: quid est, quod ultra debui facere vineæ meæ, & non feci? poterat hæc & sexcenta alia reddere, nisi scivisset se servum esse, cujus opera quantumvis maxima, nihili habentur. Non sic nos, non sic, nam ad nostrum. Quid fecisti? illico dilatamus phylacteria, magnificamus simbrias, ac veluti cælum lanceâ tetigerimus, grandia facta nostra explicamus: hoc opus dicimus me habet Apellem, hoc omnia sæcula noscent, hoc fama loquetur anus. Animalia gloriæ, si quid boni agimus, appetentiâ vanæ laudis destruimus, & inani gloriatione perdimus. Neque verò sufficit nobis de factis gloriari, plaudimus nobis & de futuris exemplo Benadad Regis Syriæ, 3 Reg. 20 gloriantis. Hoc faciant mihi Dii, & hoc addant, si suffecerit pulvis Samaria pugillis omnis populi, qui sequitur me: & Rafsacis 4 Reg. 18 Nunquid liberaverunt Dii gentium terram suam de manu Regis Assyriorum. Ubi est DEUS Emath, & Arphad? ubi est DEUS Sepharvaim, Ana & Ada? nun-

*quid liberaverunt Samariam de manu mea? & Gaal filij Obed Judic. 9 Quis est Abimelech, & qua est Sichem, ut serviamus ei? Utinam daret aliquis populum istum sub manu mea!* Gloriamur & plaudimus nobis, cum aliquid boni facimus, placetque nobis noster simius, & osculamur manum nostram tantorum mirabilium factricem. Gloriamur denique jam completo opere Saperdæ novi, placetque nobis eximium opus nostrum, propeque dicimus cum Rege Assyriorum. Isai 10 *In fortitudine manus mea feci, & sapientiâ meâ intellexi, & non fuit, qui moveret pennam, & aperiret os suum & ganniret.* Et ita quidem procedimus in materia, seu specie virtutis: cæterum ubi in jus vocantur vitia nostra, innocentiores Metello esse volumus, & siquidem in flagranti deprehensa est iniquitas, mantellum excusationis sumimus nolentes rei videri, qui volumus esse: dicimus, ait Senec. *non ego ambitiosus sum, sed nemo Romæ aliter potest vivere, non ego sumptuosus sum, sed urbs ipsa magnas expensas exigit, non est meum vitium, quod iracundus sum, adolescentia hoc facit &c.* Sed jam revertamur ad ea à quibus digressi sumus.

III. RESPONDIT JESUS. REGNUM MEUM NON EST DE HOC MUNDO, SI EX HOC MUNDO ESSET REGNUM MEUM, MINISTRI MEI UTIQUE DECERTARENT, UT NON TRADERER JUDÆIS, NUNC AUTEM REG-

NUM MEUM NON EST HINC. Ter se Regem mundi negat, qui servum induerat peccati, ut præscindat cavillationes fallaciorum: nec tamen per hoc omnem à se regie majestatis prærogativam removet: dicendo quippe se non esse regem mundi, regem tenebrarum harum, regem regni, in quo regnare, splendè servire est, non abnuit se esse regem cæli, regem lucis, regem mundi alterius. Ego, ait ipse de se Ps. 2, *constitutus sum rex ab eo, super Sion montem Sanctum ejus: sed Sion illa, & mons ille non est de hoc mundo,* ait Aug. tract. iij in Joan. & vates regius Ps. 144. *Regnum tuum regnum omnium seculorum & dominatio tua in omni generatione & generatione.* Negat se regem de hoc mundo, non enim gratia mundi hoc habet, quòd qui miseratione sua servus est, naturà rex est: negat se regem de hoc mundo, sed non negat regem esse in hoc mundo. Audi August. loc. cit. *Quod est, ait, ejus regnum, nisi credentes in eum, quibus dicit: de mundo non estis, sicut & ego non sum de hoc mundo.* Et post pauca: *Unde & hic non ait. Regnum meum non est in hoc mundo: & cum probaret dicens: Si ex hoc mundo esset regnum meum, ministri mei utique decertarent, ut non traderer Judæis, non ait, nunc autem regnum meum non est hic, sed non est hinc: hic est enim regnum ejus usque ad finem seculi, habens inter se commixta zizania usque ad messem*

sem, messis enim finis est sæculi, quando messores venient & colligent de regno ejus omnia scandala, quod utiq; non fieret, si regnum ejus non esset hic: sed tamen non esset hinc, quia peregrinatur in mundo: regno quippe suo dicit, de mundo non estis, sed ego vos elegi de mundo. Hæc Aug. Negat regnum suum esse de hoc mundo, nec affectati diadematis reum dici posse, non enim eripit mortalia, qui regna dat cœlestia: non tamen negat regnum suum esse in hoc mundo, quia sciebat datas sibi gentes hæreditatem suam, & possessionem suam terminos terræ.

ERGO REX ES TU? TU DICIS, QUIA REX SUM EGO. Naturâ hoc habeo, ait Theophilactus in Joan. & ex eo quod natus sum de Patre, nam istucipsum de Rege natum esse, Regem me esse testatur. EGO IN HOC NATUS SUM, ET AD HOC VENI IN MUNDUM, UT TESTIMONIUM PERHIBEAM VERITATI: rex natus sum, & ad hoc veni, ut testimonium perhibeam veritati, quæ est de regno meo. Quàm verum sit illud Platonis apud Senec. ep: 44 dicentis: neminem regem non ex servis esse oriundum, collige ex responso Christi, ecce enim ipse, qui in forma servi apparuit, inter ipsa servitutis officia se rege satum, imò se regem profuturum testimonium perhibens veritati. Regnum tamen suum dicit non esse de hoc mundo, ut servitutem ejus

esse de hoc mundo colligeres: servire venit, regnare renuit, potiore gloriam ponens in servitute, quàm in gloria imperandî, documento nobis; potiore apud superos haberi Christianam humilitatem quàm regum de hoc mundo superbiam. Cogitent hæc illi, quibus tota laus est in stemmate majorum, & ut loquitur Petrus Blesensis ep. 3 tom. 12 part. 2. Bibliotheca Magnæ Sr. PP. in vetere eoque jam emarcido trunco, à quo fructus commendabilis jam amplius non procedit. nec meminerunt illud Lucani in Pis.

*perit omnis in illo*

*Nobilitas, cujus laus est in origine sola*

Bene Imperfectus in Matth. cap. 3. Quid prodest, ait, ei, quem sordidant mores, generatio clara, aut quid nocet illi generatio vilis quem mores adornant. Ipse se vacuum ab omnibus bonis actibus ostendit, qui gloriatur in Patribus. Quid profuit Châm, quod filius fuit Nôë, nonne separatus de medio filiorum, qui secundum carnem frater natus fuerat, secundum animam factus est servus? nec familia ejus sancta potuit defendere impios mores: aut quid nocuit Abraham, quod patrem habuit Thare luteorum deorum cultorem? nonne separatus à genere suo positus est in caput fidelium, ut jam non diceretur filius peccatorum, sed Pater sanctorum, nec potuerunt gloriam ejus sordidare paterni errores.

Hæc



Hæc Imperfectus. Nimirum regnum de hoc mundo, & genus à regibus acceptum nisi jungatur cum virtute, vilius algâ est, & servitus, quam probi mores commendant, omni regno honoratior est: & hinc est, quod teste D. Hieron. ad Celantiam; religio nostra personas accipere nesciens, nec conditiones hominum, animos inspiciat singulorum, servum & nobilem de moribus pronunciet, & sola apud DEUM libertas sit, non servire peccatis, summa nobilitas clarum esse virtutibus.

IV. Audiverat Pilatus testimonium veritatis, & statim homo à veritate alienus interrogat. Quid est veritas? sed nec responsum audire sustinuit; nam cum hoc dixisset, exivit ad JUDÆOS. Vanitati deditus homo nescire maluit pretium veritatis: quàm ab ipsa veritate eam discere; thesaurum hæcenus absconditum facili negotio eruere potuisset, si non fuisset è numero eorum, de quibus Ps. 4 *Filii hominum usquequo gravi corde, ut quid diligitis vanitatem, & queritis mendacium.* Margaritam incomparabilis pretij possidere potuisset, si de grege eorum non fuisset, ante quos frustra projicitur margarita: objectam sibi habuit prædam unicè desiderabilem, sed dum ea maximè satiandus erat, ejus oblitus est. Et cum hoc dixisset exivit ad JUDÆOS. Non expectat responsum, quod fuit indignus audire. Exivit ad JUDÆOS, 3 Reg. 4 Zorobabel inquit

rit de veritate, Zorobabel interpretatur *Doctor Babylonis.* Babylon fuit Prætorium, imo cor Pilati, in quo confusio cum iniquitate sedem habet: hanc Babylonem docet novus Zorobabel Doctor veritatis, sed non alio fructu, quam quem describit propheta Jerem. 51. Curavimus Babylonem, & non est sanata, dereliquamus eam. Exivit ad JUDÆOS. Tu saltem subsiste mecum Christiane, & ab ipsa veritate veritatem, quam Pilatus audire noluit, discere elabora. Scriptores aliqui apud Salmeronem hæc perhibent Egessippum Apostolorum discipulum tradidisse, ad quæstionem Quid est veritas responsum fuisse à Christo. *Veritas est JESUS Nazarenus Rex Judæorum.* Quo id fundamento perhibuerint, non disputo: illud nihilominus pro certo habeo, ipsam eum esse veritatem: talem se ipse appellat Joan. 14. *Ego sum via, veritas & vita,* talem dicit psalmista, dum eum dicit DEum veritatis, principium verborum Domini esse veritatem, veritatem Domini manere in æternum. De hac veritate accipe illud Socratis apud Justinum M. apol. 1 *nullum esse veritati præferendum virum:* & illud August. epist. 9. *Incomparabiliter pulchrior est veritas Christianorum, quàm Helena Græcorum, pro ista enim fortius nostri Martyres adversus hanc Sodomam, quàm pro illa mille Herodes adversus Trojam dimicaverunt.* Hæc est illa veritas, quæ

3. Esdræ 4. dicitur *veritas magna & fortior præ omnibus, omnis term veritatem invocat, celum etiam ipsam benedicit, & omnia opera moventur & tremunt eam, & non est cum ea quidquam iniquum.* Hæc est illa veritas, quæ de cælo descendit, & de terra orta est: hæc est, quæ diffusa est in cordibus nostris fatente discipulo dilecto, quia lex per Moysen data est, gratia & veritas per JESUM Christum facta est. Credis hoc? si tamen illum audisti, & in ipso edoctus es, sicut est veritas in JESU *Ephes: 4.* Credis hoc? vera credis, utinam verò & verè credas! non credis verè, cùm quod verbis dicis, moribus contradicis: nonne apud te sit cum veritate, quod habet propheta? *Isai. 59 Corruit in platea veritas, & æquitas non potuit ingredi, & facta est veritas in oblivionem.* Credis Christum esse veritatem, & cùm fidei ejus mores tuos non conformas, pluris eum non facis, quàm si ipse esset vanitas vanitatum: quod mundus suggerit, tibi est pro oraculo, quod dæmon suadet pro lege, quod caro, pro regula; quod autem Christus docet, vix tanti facis, quanti dicta fatui in trivio, histriionis in theatro, sycophantæ in foro: docet ipse ignoscendum inimicis, & diligendos, qui nos oderunt, nec tamen tibi unus sufficit erebus, cui eos devoveas: docet ipse in patientia possidendam animam, & tu in ultionem omnes evocas furias: do-

cet ipse sectandam humilitatem, & tu ponis in cælum os tuum, tibi que pro maxima statuis illud Pharisaicum: Non sum sicut cæteri. Prò quàm abjecta sentit de veritate Christi vita tua! Vide an & tu non imiteris Pilatum, quando post agnitam veritatem exis ad Judæos, diligis vanitatem & quæris mendacium. Veritatem dicit Augustinus esse id, quod est conformiter ad illud Christi *Matth: 5 Sic sermo vester Est, est, Non, non:* tu aliud credendo & agendo aliud, ex vero facere vis id quod non est, seu ex eo quod est, id, quod non est exemplo ejus, qui dicit *2. Cor: 1. Quæ cogito, secundum carnem cogito, ut sit apud me Est, & non,* id est ipsum esse sit non esse. Prò quàm abjectè sentit vita tua de veritate Christi!

Sed quid telæ textit Pilatus apud Judæos? NIHIL, inquit, CAUSÆ INVENIO IN HOMINE HOC: quid enim inveniret in eo, quem furor accusat, condemnat impietas. Commovet, ajunt, populum docens per universam. Judæam incipiens à Galilæa: hoc si crimen est, accipite eum vos, & secundum legem vestram judicate eum. *Si quæstiones sunt de verbo, & nominibus legis vestræ, vos ipsi videritis, judex ego horum nolo esse,* dicebat Gallio Proconsul Achaïæ in causâ Pauli *Act: 18,* quod ipsum Pilatus in causâ Christi. Deniq; si crimen est docere à Galilæa per universam Judæam, judices vos volo, ju-

dicem Galileæ Regem, manus ego lavo, nec in messem alienam involo, competentem habetis judicem, apud quem causâ judiciumq; recipiat.

## CAPUT XII.

### *De gestis apud Herodem.*

I. **Q**uam molesta res est Jupiter, vosq; *Dij servum fieri dementis Domini*, exclamavit nuper servus Aristophanicus. Dementi Domino Herodi velut munus à Pilato missus servus noster juxta vaticinium Oseæ ex versione Septuaginta ut notat Tertull. lib. 4. contra Marcion. cap: 42. *Et vinctum eum ducent xenium regi*, ferè non similia queri potuisset. Dementem certè Dominum nemo Herodem negaverit; hoc quippe probant impuri amores, hoc stulta facta saltatriculæ, ac stultior juratâ promissione adimpletio; hoc furor inter epulas in Joannem, quem diligebat, & libenter audiebat; hoc cæteræ insanîa plenæ actiones sapiunt. Fatuum probat intempestivum gaudium, ac ut ita dicam, risus Sardonicus, quem innuit Evangelista: *Herodes autem viso JESU gavisus est valde*: fatuum probant stulta desideria videndi eum à multo tempore, quem multa ante tempora videre potuisset; fatuum probat signorum stulta aviditas, multorum sermonum inutilis intorsio; fatuum vestis candidæ, aut ut Græcus le-

### Caput XII.

git, vestis splendidæ injectio illi, quem reum acceperat judicandum; & condemnatum volebat. Deniq; fatuum probat illusio, juxta quod dicitur: *Stultus quasi per risum operatur malum*. De hoc ergo fatuo quidni conqueratur Christus. Quam molesta res est servum fieri dementis Domini! Inspiciamus singula.

HERODES VISO JESU GAVISUS EST VALDE. Luc: 23. Magnam gaudendi causam habuit Herodes, cui tantus domi suæ obtigit thesaurus: exultavit Abraham ut videret eum, vidit & gavisus est; vidit Simeon & gavisus est; vidit Zachæus in sycomoro, & gavisus est. Bene gavisus dicitur, qui cæli delitias, amoremq; totius beatæ æternitatis domi suæ excepit: sic nuper propheta gavisurû se promissit Habac: 3. *Ego autem in Domino gaudebo & exultabo in DEO JESU meo*: bene gavisus dicitur, quia vidit domi suæ desideratum gentibus, in quem desiderant Angeli prospicere, quem quia viderunt oculi discipulorum, beati facti sunt. Verum ô inane gaudium Herodis! credideram gaudium ejus esse simile illi, de quo Isai. 58. *Delectaberis super Domino, & sustollam te super altitudines terræ, & cibabo te baveredinte Jacob Patris*: & ecce gaudium ejus gaudium hypocritæ instar puncti, gaudium eorum, de quibus Sap: 14. *dum latantur insaniunt*: & Eccl: 2. *& dixi risui amentiam*, aut ut noster interpret habet: *risum reputavi errorem*. Quis tam



tam pulchrum florem marcescere fecit? aut quis gaudium, quod ceteris saluti est, Herodi fecit esse mortis odorem. Dices forsan id factum ex eo, quia Herodes viso JESU gavissus est valde, nam etiam in gaudio attendendum esse illud: ne quid nimis, monet Ennodius in diction. inquiens: *Res virtutis est gaudium continere*: quod si nimium sit, degenerat in corruptionem, cui vix & lamentationes occidit Aug. lib. 10 Conf. *Vix prosperitatibus à corruptione letitia*. Verum frustra de gaudio ex presentia Christi hausto dixeris, nemo quippe nimium exultat de JESU, gavisi sunt Magi visâ stellâ gaudio magno valde, & gaudium eorum conforme fuit; superabundant gaudio beati cœli cives, & gaudium eorum magnum valde notam non patitur. An fortè Herodi gaudium cecidit in peccatum, quia gaudere nescivit, Ars magna est ars gaudendi, multo labore discenda est. *Disce gaudere* monet suum Lucilius Sen. ep. 23 neque enim omnis ille gaudere censendus est, cujus latera risu concutuntur. Est gaudium phreneticorum, est gaudium peccatorum, de quo Prov. 2 *Qui latantur cum malefecerint, & exultant in rebus pessimis*: est gaudium deceptorum, quod petitur à delictis, & à S. Aug. serm. 24. de temp. vocatur risus amarulentus & caninus, quia de foris solum signa prodit lætitiæ, interior autem conscientia delictorum a-

cerbè cruciatur: tale gaudium fuit populi Romani cum se vitijs mancipasset teste Salviano lib. 7 *Sardonis herbis omnem Romanum populum putes exaturatum, moritur & ridet*. Illud Isai. 48. *Non est pax impiis*, legunt 70: *non est gaudere impijs*, id est, non didicerunt gaudere, moriuntur & rident. Non calluit artem gaudendi Herodes, ideoque gaudium ejus amarulentum, caninum, & Sardonicum fuit: gavissus est valde, sed ut lupo gaudet viso agno, latro prædâ, fur spoliò: gavissus est valde viso JESU, sed non de JESU; gavissus est de signis, quæ sperabat: generatio prava & adultera signum quæsit, sed signum non dabitur ei, nisi signum Jonæ prophetæ. Gavissus est valde viso JESU, sed capto, sed ligato, sed servo; nescivit gaudendi artem Herodes, ideoque gaudium ejus scelera duplicavit. Verum gaudium est in JESU propter JESUM, ad hunc velut ad centrum refertur circumferentia, reducit verus gaudens omnia bona. *Quod si omnia solatia mundi solus haberem, & omnibus delicijs frui possem*, ait Thom. à Kemp. lib. 3 cap. 16, *certainum est, quod diu durare non possent, unde non poteris anima mea planè consolari, nec perfecte recreari, nisi in DEO*. Verum gaudium est in Jesu propter Jesum, ad hoc velut rivi ad fontem, radij ad solem omne aliud gaudium referendum est: aliud gaudium quod non

refertur ad hoc gaudium est, gaudium nihili, cui vix inclamat propheta, Amos 6 *Va qui latamini in nihilo*, gaudium diarium, gaudium est volaticum, hoc unum verum gaudium est, quod nemo tollit à nobis, & gaudentes facit in perpetuas æternitates. *Etiamsi omnia creata bona haberet, non posses esse felix*, ait idem Kempensis, *sed in DEO, qui cuncta creavit tota beatitudo tua, & felicitas consistit. Sat est, abunde est*, exclamat S. Franciscus Salesius lib. 3. de amore DEI cap. 3 *mibi sufficit DEum esse DEum, bonitatem illius esse infinitam, perfectionem immensam, ego sive vivam, sive moriar, me à parum interest, quandoquidem dilectus meus æternum vivit vitā triumphis plenissimā, unum mihi gaudium, una consolatio, quia gaudet DEus, Ego autem in Domino gaudebo, & exultabo in DEO JESU meo. Sed revertamur ad Herodem.*

II. INTERROGABAT AUTEM EUM MULTIS SERMONIBUS: Primam hic Herodiana infania habes demonstrationem: multis interrogat sermonibus, priusquam ad unum responsum obtineat; dicenda, tacenda inquit Abderologus, profunditque in temerariam linguam, quidquid insipiens cor eructavit. Interrogabat eum multis sermonibus. Sermones hos annotare, omisit sacer textus, vel quod inutilibus quæstionibus sacram paginam fœdare noluerit, vel quod nihil pensi haberet, si nesciret

Christianitas, quamnam Boeticum ingenium eructarit amentiam. Si tamen divinare licet, videtur interrogasse de signis, quæ fecit, de virtute qua fecit, de dictis ac prophetis sermonibus, de origine ac regia ejus dignitate, & ut paucis absolvam multæ garrulitatis proluviem, de omnibus ijs, quibus stulta mens ejus nihilo sapientior fieri potuit: hæc & id genus alia personabat plenius buccis, ad hæc responsa urgebat opportunè, importunè, minis, promissis, lenocinijs, nec tamen ad ulla hortamenta, promissa ac preces, quidquam responsi obtinuit.

AT IPSE NIHIL EI RESPONDEBAT. Silere maluit VERBUM Patris, quam respondere stulto secundum stultitiam ejus, bene sciens, quod docet Sapiens prov. 18 quod *non recipiat stultus verba prudentia, nisi ea dixeris, quæ sunt in corde ejus: & cap. 27 Si contuderis stultum in pila quasi ptisanas, feriente desuper pilo, non auferetur ab eo stultitia ejus*. Tacere maluit Sapiencia Dei quam effundere sermonem, ubi non erat auditus, noverat quippe adesse tentatorem de quo Sapiens Eccli. 13. *Ne retineas ex equo loqui cum illo, nec credas multis verbis illius, ex multa enim loquela tentabit te, & subridens interrogabit te de absconditis tuis*. At ipse nihil ei respondebat. Tacebat agnus viso lupo, & qui verba vitæ æternæ habet, regem adulterum ne verbo digna-

gnabatur. Prædixisse idipsum videtur apud prophetam Ezech. 14. *Fili hominis viri isti posuerunt immunditiam in cordibus suis, & scandalum iniquitatis suæ statuerunt contra faciem suam, nunquid interrogatus respondebo eis?* Indignus erat Herodes, qui tanto à Magistro aliquid audiret, qui à tam liberali fonte guttam hauriret, qui à sole tam vicino lucem derivaret. At ipse nihil ei respondebat: incassum enim responderet, ubi quiddam responderet verborum perderet: durius petrâ cor Herodis nullas radices semini verbi concederet: spinosum cor Herodis, semen arescere faceret, denique aberrans à via veritatis cor Herodis daret semen illud in conculcationem. Merito ergo nihil respondet interroganti multis sermonibus. Quanquam hoc ipsum Christi silentium omni responso vocalius est; arguit per hoc stultiloquentiam Regis, & parum sanæ mentis indicem linguam: fere sicut Job 38 amen: is alterius reprehenditur. *Quis est iste involvens sententias sermonibus imperitis. Accinge sicut vir lumbos tuos, interrogabo te, & responde mihi, & cap. 40 Interrogabo te, & indica mihi: nunquid irritum fecisti iudicium meum, & condemnabis me, ut tu iustificeris: aut sicut nuper Matth. 21 respondit principibus Sacerdotum & senioribus populi: interrogabo vos & ego unum sermonem, quem si dixeritis mihi, & e-*

*go vobis dicam in qua potestate hoc facio.* Multiplicat interrogata Herodes, movet quæstiones juris & facti, & Christus uno omnia solvit silentio, solvisset & verbo, si quæ fuerunt quæsitæ aliquid utilitatis habuissent. Herodem sapiunt etiam nostræ quæstiones, quas identidem proponimus DEo: quales sunt, quæ fieri solent de abyssu iudiciorum DEI, de horum illorumve irremediabili lapsu, de prosperitate impiorum, ut ne dicam de aliis non majoris importantiæ quæstionibus, quàm ea fuit, quæ erat de umbra asini, aut pappis volantibus: Herodem sapiunt illæ quæstiones, quas movemus de mirabilibus super nos, de rebus flocci, ac tramis putridis, sicut & illæ quæstiones, quæ sunt circa abscondita DEI, quæ scire nostræ curiositati tam parum refert, quàm capere nebulam in pariete. Interrogandum equidem est os Domini, sed non de rebus casæ gl'andæ minus utilibus; inquirenda sunt magnalia DEI, sed quæ magis inflamment affectum, quàm curiose pascant intellectum. *Grandis sapientia est,* ait Thom: à Kempis lib: 1. cap: 3, *quod neglectis utilibus & necessarijs ultro intendimus curiosis & damnosis.* Vis ut respondeat votis tuis DEus, prudenter investiga quæ ei sunt placita, & cum investigaveris cura veraciter agnoscere, ardentem concupiscere, perfectè adimplere. Monet idipsum Sapiens Eccli. 3. *Altiora te ne quæsieris, & fortiora te ne*



*scrutatus fueris, sed quæ præcepit tibi DEUS, illa cogita semper, & in pluribus operibus ejus non fueris curiosus. Imitare venatores, verba sunt Plutarchi lib. de curiosit. qui non sinunt canes aberrare, & quemlibet odorem perlequi, sed loris retrahunt, revocantque olfactum illorum servantes purum & integrum officio peculiari, ut acribus inhærendo vestigijs, naribus inquirant vestigia summa ferarum: sic oportet & curiositatem ad quodvis spectandum audiendumve excurrentem, atq; oberrantem cohibere, quo servetur ad utilia. Consideremus, ait Isidorus Pelusiota epist. 273 quid nobis ad salutem adjuvamento sit: calum aut sphaera, aut dimidia sphaera speciem affirmare, atque ita celerrimum solis cursum, ac lune incrementa & decrementa, siderumque situm curiosè indagare: ac præterea de terra quarere, cylindri anconi speciem teneat, mundiq; centrum sit, ac deniq; solis & lune intervalla cognita & explorata habere, quid ad bene beatèq; vivendum utilitatis affert, equidem non video; dicit quidem fortasse, sed minimè persuadet: ac verò justitiam ac prudentiam, ac temperantiam, & siquid his affine est scire, & exequi, hoc verò eos qui id calant, ad beatitudinis arcem vehit. Quocirca faciendum est, ut ab his, ex quibus nihil commodi nobis oritur, abstinamus, ea autem ex quibus emolumentum percipitur, amplectamur. Hæc ille. Et hoc*

## Caput XII.

fortè est, quod dicit Apostolus Rom: 12 *Dico enim per gratiam, quæ data est mihi, omnibus, qui sunt inter vos, non plùs sapere, quàm oportet sapere, sed sapere ad sobrietatem.*

AT IPSE NIHIL EI RESPONDEBAT. Disce ex hoc Christi silentio, quàm cautè custodias linguam tuam. Scit, ait Ambrosi. lib: 10. in Luc. *qui est sapientia, quomodo tacendo vinceret, quomodo non respondendo superaret: quid enim eum compelleret ad loquendum, cum silentium sufficeret ad vincendum: ut & tu discas ori tuo frenum, ac verbis tuis ponere stateram: tacuit ipse coram Herode, tacuit coram Præside: locuti sunt adversùs eum lingua dolosa, & sermonibus odij circumdederunt eum; aperuerunt super illum os suum, & inimici ejus dixerunt mala ipsi, ipse autem tanquam surdus non audiebat, & sicut mutus non aperiens os suum, & factus est sicut homo non audiens, & non habens in ore suo redargutionem. Tace & tu adversus ea, quæ in te intorquet malevolentia; tibi enim, loquor cum Gverrico Abbate serm: 3. de Annunc. istud silentium VERBI loquitur, tibi clamat, tibi utiq; disciplinam silentij commendat. Tace ad cavillationes & illusiones tui, & silentio vicisti adversarium.*

III. SPREVIT AUTEM ILLUM HERODES CUM EXERCITU SUO, ET ILLUSIT INDUTUM VESTE ALBA. Deerat adhuc servo nostro insi-

insigne servitutis vestis, eam Herodes illi injicit; sed quàm disparē illam à Romanis Judaicisque de cultu servorum ritibus: Romanis quippe tabulis cautum erat, ne servi ingenuorum veste amicerentur teste Alex. lib. 5. cap. 18. hinc & Seneca lib. 1. de Clem. cap. 23: refert dictam aliquando in Senatu fuisse sententiam, ut servos à liberis cultus distingveret, quo facto apparuit, quantum periculum esset, si servi Romanos numerare cœpissent: quarum legum intuitu Alexander Severus Imperator servos suos omnes servili, liberos autem ingenuorum amictu induit, ut quæmq; suæ conditionis, ac vitæ exterior cultus moneret, cùm interea ipse solus candidâ uteretur, candorem mentis maximam Imperatoriæ dignitatis dotem sibi per eam commendari asserens, ut author est *Lampridius in Severo*. Sed & Judaicis canonibus contrarium est hoc indumentum, si enim fides est *Josepho lib. 14. & 16. antiquit.* apud eam gentem in more positum erat, ut servi, præcipuè si rei essent atris induerentur. Quid porro causæ est, cur præter morem patrium servum nostrum Rex Galilææ candidatum voluerit? Res non caret mysterio: insipiens Herodes ad vota gentis suæ servam animam declaraturus corpus albâ induit, sic declarante providentia DEi, ut quo maxime damnatum volebat, signo absolveret. Non otiosum est, ait August. lib. 10

in Luc. cap. 17, quòd veste alba induitur ab Herode, immaculata tribuens indicia passionis, quòd Agnus DEi sine macula cum gloria mundi, peccata susciperet: quasi diceret non esse casu factum, quòd albâ indutus fuerit, talis enim color decet servi innocentiam. Saraballa vestis erat servilis Medorum, hanc Alexander Macedo de Media triumphaturus induere non erubuit: unde Tertullianus lib. de pallio cap. 4. *Habes, inquit, in isto fomite vana gloria astuantem Magnum Regem solâ gloriâ minorem: vicerat Medicam gentem, & victus est Medica veste, triumphalem cataphractem amolitus in Samballa decessit.* Oppositum est in Christo; induerat turpem servitutem, quia servitutem peccati, in qua velut Macedo in Medica Saraballa triumpharet. Vicerat in hac veste, non unam modò gentem, sed orbem universum fatentibus Phariseis Joan. 12. *Videris, quia nihil proficimus, ecce mundus totus post eum abiit, & victus est veste hac servili, quando carne posita Macedonis instar in captiva Saraballa decessit.* Victoriæ canit ipse Rex Herodes porrecta veste candida, canit Pilatus, inquiens: *Obrulisti mihi hunc hominem, quasi avertentem populum, & ecce ego coram vobis interrogans nullam causam invenio in homine isto ex his, in quibus eum accusatis, sed neq; Herodes, nam remisi vos ad illum, & ecce nihil dignum morte actum est ei:* quia

quia tamen indutum veste alba spreuit Herodes, & illudit cum exercitu, victorem victum in servili hac stola demonstrat. Occurrit mihi hic illud, quod habetur 4. Reg: 9. ubi principes exercitus puerum prophetæ Elizæi insanum vocant, & simul os Domini agnoscunt. *Quid*, ajunt, *venit insanus iste?* cumque audissent Jehu ab eo unctum in Regem, festinauerunt, & unusquisque tollens pallium suum, posuerunt sub pedibus ejus in similitudinem tribunalis, & cecinerunt tuba atque dixerunt: *Regnavit Jehu*. Ita planè Herodes insipientem pronunciat, & illudens, præter mentem servit causæ Christi, albâ cum innocentia, ac nobilitatis typo vestiendo innocentem declarans. Stultitiæ ornare parat insignibus vecors ipse, & dum candida eum induit in stultitia sua, summè sapientem declarat. Quanquam nec notam stultitiæ abnuat Christus, nam ex quo servum induit, nec characteristicam servi suscipere detrectat: vile servorum genus est, quod vix quincunce differt à stulto: prodigium factus est multis, & inter insipientes partem obtinuit: hoc nimirum adhuc deerat humiliationi ejus, ut fors illius inter stultos poneretur. Disce hinc, quomodo non altum sapias, nec turberis, si & tu interdum habearis despiciatui. Candor vestis designat puritatem mentis, simplicitatem ac innocentiam. Spernitur hæc vestis in aulis, in judicijs, in

mundo, ex aula exire jubetur puritas, ex judicijs simplicitas, ex mundo innocentia; ridet talem candidatum improbitas, æstimat pietas; utrius mavis judicia? si nocens es, & irrideris, meritò id tuò pateris; nec te lædit, qui te ridet, sed tu qui fecisti, quod est dignum illusionem: si innocens es, non tu rideris, sed innocentia, nec ulcus tuum petitur, sed virtus, cujus ignoratur pretium. Socrati ad mortem damnato complorans Apollodorus ajebat. *Innocens morieris?* cui ille: *quid inquit, num me nocentem mori mallet?* Xenophon. in apol. pro Socrate: Idem si verus es contemptor contemptus tui in illusionibus & sannis jactis contra te, amor proprio suggerenti, quia innocens irrideris habeto responsum. Quid num me nocentem rideri velles? verus innocens innocentiam retinet etiam inter sannas, & velut rosa inter spinas odorator, inter ludibria innocentior est.

SPREVIT ILLUM HERODES CUM EXERCITU SUO ET ILLUSIT INDUTUM VESTE ALBA. Præludendum erat his illusionibus sanguini, ut post attritam dignitatem personæ experimentum fieret, plusne perferre posset probitas, an inferre improbitas; induenda prius erat alba illustria, quàm sumeretur purpura proprio tincta cruore; prius in secreto palatii lingvâ exercendus erat, quàm in publico toto corpore exerceretur. Sprevit

cum



cum Herodes cum exercitu suo: Regis impij exemplum secutus miles nihil o-mittit, quod voluntati Regiæ servire posset: spernit ille, spernit & subditus miles; illudit ille, illudit & miles, nec quidquam agit ille, quod non imi-tetur miles. Bene Plinius: vita princi-pis censura est, eaque perpetua, ad hanc dirigimur, ad hanc convertimur, nec tam imperio nobis opus est, quàm ex-emplo, & Claudianus:

## Componitur orbis

Regis ad exemplum, nec sic inflere sensus

Humanos edicta valent, ut vita regentum.

Veritatis oraculum est Eccl. 10. *Secun-dum iudicem populi, sic & ministri ejus, & qualis rector est civitatis, tales & in-babitanes in ea. Quidquid dicunt Do-mini, aiebat quidam apud Terentium in Eunuch. act. 2 scen. 2 laudo, id rursus si negant, laudo. id quod; negat quis? nego, ais? ajo.*

ILLUSIT INDUTUM VESTE ALBA. He-rodod (cujus nomen teste Hugone Car-din. in illud Luc. 1. *Fuit in diebus He-rododis, idem sonat, quod glorians in pellibus*) placuit vestis illusoria, quam servus noster velut novus Adam tuni-cam pelliceam portaret in signum a-mentia, suæ dicam, an Herododis? suæ qui-dem: quia hic omnis sapientia ejus de-vorata est, & filij stultorum & ignobi-lium in terra penitus non parentes despexerunt illum, ut dicere debeat il-lud Job 30. *Nunc in eorum (stultorum)*

*canticum versus sum, & factus sum e-is in proverbium.* Herodod autem: quia stultus per risum operatus est scelus, & irrisit viam sapientia; quam si tenuisset; stultus servivisset sapienti, nec stultum aliquid contra DEUM locutus fuisset. Hanc autem quia non tenuit, pars ejus facta est cum illis, de quibus Sapiens Prov. 19 *Parata sunt derisoribus judi-cia, & mallei percutientes stultorum corporibus: ipseque fulmine illo male-dicti perire meruit, de quo Job 5. Ego vidi stultum firma radice, & maledixi pulchritudini ejus statim. Longè sicut filij ejus à salute, & conterentur in por-ta, & non est, qui eruat.*

ILLUSIT INDUTUM VESTE ALBA. Trans-figuratus est iterum Filius DEI, transfi-guratus autem in forma servi apud He-rodod, & vestimenta ejus facta sunt al-ba sicut nix: non resplendet tamen fa-cies ejus sicut sol, sed verecundia & confusio operuit faciem ejus: non au-ditur tonitru vocis paternæ, sed fragor iridentium eum; non apparet Moyses & Elias, sed principes & scribæ con-stanter accusantes eum: ceciderunt ta-men etiam hic in faciem suam multi de præsentibus non quidem præ timo-re sed præ insania illudendi. Trans-figuratus est. Sed & hodie apud te trans-figuratur, quoties uni ex minimis ejus manticam injicis insania; fratrem pu-tas illudi à te, & in membro Christi, Christo illudis: fatuum eum ac fungum

vocas, & nescis, quòd Christum in fratre petas? Verba illusoria Christi audit in spiritu Oseas. *Venerunt, ait, dies visitationis, venerunt dies retributionis. Scitote Israël stultum prophetam, insanam virum spiritualem propter multitudinem iniquitatis tuæ, & multitudinem amentia.* Osee 9 Eadem recantas & tu, quoties fratrem de facultate arguis.

Sed jam tandem relinquamus aulam Arcadis hujus, nam & ipsa innocentia servi nostri eam excedit. ET REMISIT EUM HERODES AD PILATUM. Hoc iterum in facto, Arcade insanius, quòd ignorarit pretium thesauri, quem consignat. ET FACTI SUNT AMICI HERODES ET PILATUS IN IPSA DIE, NAM ANTEA INIMICI ERANT AD INVICEM. Amicitia hæc Christi injuriæ & silentio emptæ est; si tamen quidquam veræ amicitia esse potuit inter sceleratissimos: facti sunt amici, sed adversus Christum, quod vaticinatus est David Psalmo 2 *Principes convenerunt in unum adversus Dominum & adversus Christum ejus:* convenit illis ut vulpi & corvo, quos juratos crederes, quoties contra Astelon (avis est inter spinas degens teste Aristotele lib. 8 de animal.) pugnandum est. *Hoc nefandissimum Herodis ac Pilati fœdus,* ait Beda cap. 93 in Luc: *quod in occidendo Christo propigerunt, hactenus eorum velut hereditario jure successores custodiunt, quando gentiles & Judæi*

## Caput XII.

*cut genere & religione, ita etiam mente dissidentes, in Christum tamen persecutendum, Christi fide interimenda consentiunt.*

## CAPUT XIII.

*De collatione Christi cum Barabba.*

I. QUAM verum sit illud Ictorum ex leg. 23 ff. de reg. juris *Servi pro nullis habentur* liquet ex collatione Christi cum Barabba: teruncij homo judicio Sacerdotum & seniorum populi pluris valet, quam Dominus universonum in servitute sua: poterat tunc Dominus dominantium factus in forma servi dicere de se populo suo: *Substantia mea tanquam nihilum ante te.* O qualis substantia! o quam parum retinuit de substantia! substantia illa æqualis cum Patre & suprema Majestate, substantia per se & ex se subsistens, substantia, quam Apostolus Ephes. 4 dicit esse *super omnes, & per omnia, & in omnibus;* Greg. Nazian. orat. 38, *interminatum essentie pelagus;* S. Dionys. lib. de mystica Theol. *infinitatem omnem essentiam superantem.* Divinæ literæ *Omne bonum,* veteres nomine magni Pan, id est continentis omnia in se præstantissimo modo nuncuparunt, quam parum retinuit de substantia! de hac substantia olim jactabatur, quia *melior est acquisitio ejus negotiatione auri & argenti, primi, & purissimi fructus ejus, pretiosior est cunctis*

his opibus, & omnia qua desiderantur huic non valent comparari Prov. 3. & Sap. 6. *Preposui eam regnis & sedibus, & divitias nihil esse duxi in comparatione illig, nec comparavi illi lapidem pretiosum, quoniā omne aurum in comparatione illius arena est exigua, & tanquā lutum aestimabitur argentum in comparatione illius: nunc autem comparata est luto, & assimilata est favillæ, & cineri.* O substantia omne pretium excedens quā nauci facta es! olim tota creaturarum universitas quasi stilla siculæ, & omnes quasi non sint, sic erant coram te; nunc econtra quasi stilla situle, & quasi non esses, sic es coram vilissima creaturarum: olim omnia visibilia ac invisibilia extra te habebant se ad te, sicut punctum ad lineam, nunc versa sunt rerum vices, tu unica nullius ponderis es: Olim tu inexhaustus omnium bonorum ac divitiarum Oceanus, qui nec major accessu, nec minor recessu aquarum fieri poterat; olim tu infinitæ æstimabilitatis gemma, quam nulla finitæ bonitatis accessio maiorem facere poterat: olim deficiebant thesauri cælo & terræ, qui æquarentur ei; & creatura omnis plus certare non poterat cum dignitate ejus, quā possit certare de luce umbra cum sole: nunc perijt omne pretium ejus, & ipse DEus comparatus est cum homine nullius pretij. Queritur de hoc ipse apud Prophetam Isai. 46. *Cui assimilastis me, &*

*adaquastis, & comparastis me, & fecistis similem? homini utique hominum omnium vilissimo, quia & sceleratissimo.*

Tosunanus anno 1230 refert B. Helenæ Paduanæ comparuisse tres Angelos, quorum primi duo quæsit, quid sit DEus? responderunt: *DEUS est difficile judicium, magna mensura omnis vite & finis, magna gloria, potens princeps: tertius autem exclamavit: DEUS est super omne pondus, & libellam amoris, sine & super omnem mensuram, super omnem gloriam, & Dominationem in infinitum longè super omnes principes.* Non eadem hodie cantilena est, DEus quippe factus est infra omne pondus, & mensuram, infra omnem gloriam & Dominationem, & ab homine vili eoq; nebulone exceditur in pretio. Fecit hanc taxæ mutationem induta servitus, quæ sicut DEum exinanivit propter hominem; ita infra hominem posuit pretium ejus. Cū vestis mutatione formam & dignitatem induisse Ulyssentradit Homerus in Odyssea

*Ante videbatur specie fœdissimus esse,*

*Nunc divitis similis, magnus quos pascit Olympus.*

Vesti gratias habebat Philosophus, quod sibi in ea inter honoratos locus esset, qui inculto negatus fuerat; vesti succensendum est, quod DEus tam parvi fiat, neque enim ejusmodi libellam subijisset, nisi habitu inventus fuisset ut homo. Vulgare est illud: *Pestis facis virum*



& iterum :

*Vir bene vestitus in vestibus esse peritus  
Creditur à millo, quamvis idiota sit ille.*

Vestem fac deesse, vel non adesse competentem, deest vel deficit pretium personæ, & dignitas. Hæc ergo vestis servilis induta à Christo populum suetum judicare secundum ea quæ foris parent, decepit, non secus ac Isaac caligantem pelles hædinæ substitutæ pro piloso Esau deceperunt, ut tam vili facerent pretium sine pretio. Sed juvat audire totam iniquam hujus æstimationis seriem,

II. CONGREGATIS ERGO ILLIS DIXIT PILATUS: QUEM VULTIS DIMITTAM VOBIS, BARABBAM AN JESUM? Sanè, si uspiam aliàs, maximè dispar hoc par hominum est. *Quid paleis ad eriticum?* ait Propheta Jerem: 23, quid Barabbæ ad JESUM?

*Lenta salix quantum pallenti cedit oliva  
Puniceo humilis quantum salivca rosetis*  
tantum ille cedit Christo, aut ut loquitur Paulinus :

*Sic confers fulcens cygnis, sic ædona parva  
Conflans corylos aquas, viburna cupressis.*  
Barabbas latro, & ut testatur Matthæus insignis latro, Barabbas homo seditiosus, ac homicida, homo, quantum hominum terra sustinet, facerrimus; JESUS innocens, & innocentia ipsa: Barabbas trisur, fraudis plenus, bipedum nequissimus; JESUS qui peccatum non fecit, nec inventus est dolus in ore ejus; ille sator, sartorq; scelerum, & melior, cujus in omni fabula ut Dædali

est execratio; hic virtute omni, omniq; bonitate plenissimus; fax ille Jerosolymæ, ac pestis mundi; hic lux cæli, & sanitas orbis terrarum, & tamen cum hoc nebulone libellam subit tanta bonitas, cum hoc facinoroso pietas, cum hoc seditioso innocentia, nedicam ex fabulis cum hac sue confertur Minerva, cum hac capra Leo, cum hoc Dare Entellus. De injuria querebatur Ajax apud Pœtæ cum stomacho, quod ei similis diceretur Ulysses. *Et mecum*, ait, *confertur Ulysses?* quod putaret se, velut Aquila superat noctuam, pegasus testudinem, Atlas nanum excedere Ulyssiem: quanto justius queramus de JESU comparato Barabbæ, si querelas audire vellet tribunal impietatis. Comparatur ille & confertur Barabbæ, nec comparatur solum & confertur, sed postponitur. Audi quod sequitur.

III. CLAMAUERUNT OMNES: TOLLE HUNC ET DIMITTE NOBIS BARABBAM. O scelus! ô opprobrium! exurgat rursus Isaias, & exclamet: *Expectavi, ut faceret judicium, & ecce iniquitas; & justitiam, & ecce clamor Isai. 5.* exclamet Jeremias, dicatque impletum esse, quod prædixerat: *Et eligent magis mortem, quam vitam, qui residui fuerint de generatione hac pessima* Jerem: 8. Exurgat Israël, & maledicat electioni huic, sicut nuper maledixit filijs suis. Genes. 46. *Maledictus furor eorum, quia pertinax, & indignatio eorum, quia dura.*

ra, Tolle hunc & dimitte nobis Barabbam. Barabbam aliqui interpretantur *filium Patris*, illius utiq; Patris, cujus filij sunt & ij, de quibus dicitur: Vos ex Patre Diabolo estis: cum ergo dicunt, tolle hunc, quem nescimus, unde sit, aut si scimus, scire nolumus, quia contrarius est operibus nostris, & dimitte nobis Barabbam filium Diaboli, quia malum Diabolum regnare super nos, quàm videre vivum, in quem potestatem accepimus: tolle hunc, & occide eum, qui hæres est, & dimitte filium homicidæ Patris homicidæ, filiū Adæ Patris homicidæ, qui primus decoxit hæreditatē, nosque omnes occidit homicida. *Quid agis Synagoga damnabilis*, exclamat hic Chrysostomus. 3. de myst. Dom. passion. *justum sanguinem ducis ad victimam, & absolvi manifestum postulas homicidam? latronem judicas innocentem, & innocentem postis ad crucem: ille qui te occidit, tuò suffragiò morti subtrahitur, qui mortuos ab inferis suscitavit, te insiliente damnatur. Reus sit, qui reus non fuit, & indemnus evadit, qui olim damnari jam debuit: in utroq; rea teneris, & exitio innocentis, & absolutione latronis, & quamvis sacrilegium impatere crucis omne nefas excedat, tamen & illi adversum te iudicium, id est, diem ultionis expectant, quorum Barabbas sanguinem fuderat, quia participasse est scelus homicidij, veniam meruisse latroni. Quid agis Synagoga*

damnabilis? *O impia & stulta cecitas*, exclamat Augustinus. tract. 114 in Joan. *habitaculo contaminari propter pascha timuisti alieno, & non veritas es te pollueri crimine proprio, alienigena iudicis pratorio contaminari metuisti, & fratris innocentis sanguinem fundere non erubuisse. Quid agis Synagoga damnabilis, filia latronis? bene de te Rupertus in cap. 5. Michæ vers. 1. elegisti magis Barabbam, quàm JESUM, Barabbas tibi pater, tu latronis filia olim civitas sancta Jerusalem. O si nunc exurgat de tumulo Sara olim mater tua! videret qualiter novus Ismaël populus Judaicus ludat cum veriore Isaac JESU. O si exurgat Abraham, & conscendat in montem Moria, videatq; hircum Diaboli Barabbam de spineto mortis levatum, & charum Isaac ductum ad victimam! Quid agis Synagoga damnabilis? Verum frustra surdis fabula: latrones petierunt latronem absolvi, & innocentis flagitant occisionem: occidatur ille, ajunt, quem scimus, quòd vivificat mortuos, & liberetur latro, ut iterum occidat vivos: tollatur agnus, & dimittatur lupus, vita moriatur, & mors vivat. O scelus! ô furor insipientis Synagogæ.*

Sed quid ego Synagogam incuso: meæ illa electionis typus, & umbra sola fuit: toties ego Barabbam prætuli JESU, quoties pro modica voluptate elegeri peccatum potius, quàm JESUM. In-

tonabat mihi Pilatus, quem vis dimit-  
tam tibi, Barabbam an JESUM? vanam  
ex opere gloriam, an JESUM? elegi  
priorem, rejeci posteriorem, pro ina-  
ni gloriola abjeci DEUM, & concul-  
cavi omnia desiderabilia ejus: clama-  
bat ira, quem vis dimittam, vindictam  
an JESUM? elegi malum, reprobavi  
bonum, ut me ulciscerer de fratre meo,  
abjeci JESUM, & charitatem ejus, ma-  
luiq; sociari mordentibus se invicem  
canibus, quàm partem habere cum Chri-  
sti charitate. Dicebat avaritia, quem  
vis dimittam, nummum an JESUM?  
nummus mihi potior DEUS erat, huic  
ego totum me, spreto verò numine de-  
vovi. Dicebat gula, quem vis dimit-  
tam, esum an JESUM? esum malui, &  
vetitum pomum, à quo mihi adhuc den-  
tes obstupescunt, ut necesse habuerit  
conqueri de me ille, ac dicere illud pro-  
phetæ: *Violabant me ad populum meum  
propter pugillum bordei, & fragmen  
panis.* Pudor est referre cætera. Stabat  
quasi in bivio Herculis JESUS, & mo-  
mentanea voluptas; adhæsi voluptati,  
reliqui JESUM: stabant porci cum fili-  
quis longinquæ hujus regionis, proje-  
ci me ad filiquas ac porcos, & dissipavi  
omnem substantiâ meam cum meretri-  
cibus, reliqui Patrem, reliqui JESUM:  
stabat gratia cum omnibus donis suis,  
& bona carnis; adamavi canem puti-  
dum, abjeci JESUM. Prò quàm iniquum  
fuit iudicium meum! quàm perversa

fuit voluptas mea? nolui intelligere,  
quod habet Origenes in cap. 27 Matth.  
*Qui malè agit, ei solutus est Barabbas,  
& vindictus JESUS,* Barabbâ dimitti mi-  
hi volui, tolli JESUM. Prò quàm dolo-  
sa fuit statera mea! quàm impia pon-  
deratio, & electio mea? & tamen in his  
omnibus cognovi, quantum amarem  
mali, quantum abjicerem boni: bonum  
cognovi summum à me abjeci, malum  
elegi maximum, elegi vanitates, & in-  
sanias falsas, & dereliqui bonum super om-  
ne bonum. O perversitas! ô iniqua  
ponderatio! Miramur virtutem, quam  
DEUS sanctorum indidit lipsanis, quòd  
prope nullius fuerint ponderis, cum re-  
dimenda essent, ut domesticum nos  
docet exemplum in corpore S. Adalber-  
ti Martyris, cum à Prussis infidelibus re-  
dimeretur! mirari magis debeo, quòd  
DEUS apud me hætenus nullius fuerit  
ponderis, quia nec ullus apud me fuit a-  
mor DEI. Quin ergo saltem nunc JE-  
SUS sit amor meus, & amor meus  
sit pondus meum, æstimem eum  
summè, qui summè dignus est æ-  
stimari: procul ab electione mea Barab-  
bas, procul vanitas, & insania: mihi ad-  
hærere DEO bonum est, & ponere in  
JESU spem meam.

TOLLE HUNC, ET DIMITTE BARABHAM,  
Accipe etiam ex hac Barabbæ dimissio-  
ne fructum operarum servi nostri: ser-  
vitille, ut servitute liberetur Barabbas,  
redimatur peccator: quod futurum erat  
con-



consummato opere passionis, mature adumbrat in Barabba: omnes nos rei mortis eramus, expectabamusq; horam, qua vindex iustitia mitteret gladium furoris sui in nos: misertus nostri DEi Filius induit saccu mortalitatis nostræ, inventusq; in forma servi nostros in se suscepit reatus, reisq; nobis dimissis, unus remansit in loco iudicij. Quid hic ageret iustitia Divina, cui necessario satisfieri debuit? dimissorem tenuit, ut solveret delicta dimissi, sicq; eo solvente debita nostra liberi essemus: hoc nempe erat tollere JESUM, & Barabbam dimittere, plectere innocentem, & absolvere nocentem, DEum perdere & reum salvare. Adinventio hæc fuit amoris Divini, qua & iustitiæ satisfieret, & misericordia exaltaretur, delicta plecterentur ad condignum, & reo parceretur supra modum. Vides typum dimissionis tuæ ac liberationis à servitute adumbratum in dimissione Barabbæ: quid saxis liberatori tuo gratitudinis, & quid retribues ei?

*Alex. ab Alex. lib. 5. genial, cap. 4.* docet in more positum fuisse, quòd cum servi liberi dimitterentur, nomina ijs immutare solita fuerint, quæ plerumq; sumebantur è nominibus liberatorum, sic teste *Plin. lib. 33. cap. 1.* dicti sunt Marcipones, Lucipones, Publipones, qui à Marco, Lucio, & Publio servitute exempti sunt: quem morem observasse videtur DEus ipse, nam

Gen. 17 partem nominis sui tetragrammaton addidit nomini Patris credentium, ut observat S. Hieron. *Non ultra vocabitur nomen tuum Abram, sed Abraham*, cum eum de servitute peccati per circumcisionem educturus esset. Dimissus es & tu ex servitute à servo pro te Christo, quid saxis liberatori tuo? nomen equidem & te mutasse, ac mutasse à nomine dimissoris, dictumq; Christianum, seu Christicolam scio; sed malim, ut amplius voceris, ac sis reipsa servita seu servicola: cole toto te eum, qui toto se factus est servus pro te, nulla te à cultu ejus abstrahat difficultas, nulla abducat adversitas; hæc tibi servitus omni libertate sit gratior, quia hæc servitus omni libertate gloriosior est. Gregorij Nysseni est illud hom. 1. in Cant. *Virtus Domino caret: non careat virtus tua servo, quidquid agis boni, refer ad servum hunc, qui ut tu liber abires, pro te elegit servus esse, dicant ei omnia opera tua: Ego servus tuus, & filius ancillæ tuæ: & hæc mea gloriatio, quòd serviam ei, qui pro me servus fieri dignatus est.*



## CAPUT XIV.

*De ceteris dictis in domo Pilati.*

I. **A**udierat præses inauditum furentis populi postulatam Barabbam dimitti, & tolli JESUM deposcentis, nec capiens malitiæ magnitudinem exclamat: *Quid igitur faciam de JESU, qui dicitur Christus?* expers consilij ignorat, quo loco haberi debeat apud eum servus peccati. Adeò nimirum vilis factus erat in oculis ejus, ut nec quid eo faciendum esset reperiret. Sale empta mancipia, & mediastini inveniunt, in quo occupentur, pro servo peccati nihil simile reperitur: non capiebat nempe prætor inanis virtutem hujus famulitij, quâ si uti scivisset, fuisset ei pro millibus. Varia sciebat munia, sicut & nomina servorum Pilatus, sciebat alios salutigerulos, qui jussu Domini salutem deferebant, apud *Alex. ab Alex. lib. 3. cap. 25*, alios manuales, quorum tota occupatio erat in labore manuum apud *Celium Rhodig. lect. antiq. lib. 25 cap. 18*, alios literatos, à literis frontis inaratis, apud eundem: orcinos alios, quibus à morte Domini obventura esset libertas, alios alio nomine ab officio, quod gerebant, appellatos; nec tamen, quid de JESU faceret, sciebat: potuisset albo salurigerorum eum inferre, neque enim aliunde salus est, nisi ab eo qui est Salvator mundi: potuisset

manualem dicere; opera enim manuum ejus sunt cæli & terra; & omnia quæ in eis sunt: potuisset literatum vocare, cum ab eo omnis sapientia vera descendat: orcinum dicere potuisset à cuius decessu ad inferos sedentibus, in tenebris & umbra mortis libertas oritura est; potuisset aliamunia fidelis hujus administri reperire, si plenè cognovisset conditionem hujus sui famulitij. Verùm carnalis homo judicare aliter non potuit, nec voluit, nisi secundum ea quæ foris parent.

QUID IGITUR FACIAM DE JESU? Optarem ego hanc motam quæstionem toto coram cælo, optarem propositam in concilio visibilibus & invisibilis creaturæ, & non factam in concilio impiorum: respondiſſet ad eam Beata Trinitas, faciam de JESU primum & novissimum, de novissimo primum, hunc, qui modò hominum novissimus, opprobrium hominum & abjectio plebis est, faciam primum in regno, daboque ei omnem potestatem in cælo & in terra: respondiſſent beati Spiritus, faciemus ex eo caput generis nostri, è quo nobis accrescet dignitas & beatitudo: respondiſſent patriarchæ & prophetæ, faciemus de JESU mediatorem inter DEUM & hominem, qui pro nobis & universo mundo postulet gemitibus inenarrabilibus: respondiſſet creatura universalis, faciam de JESU omnia, verè enim omnibus omnia factus est, agris medi-

medicus, afflictis consolatio, salus omnium, omnium lætitia, veritas omnium, ipse mihi eibus dulcissimus, suavitas jucundissima, sanitas robustissima, voluptas liquidissima, quies tranquillissima, sapientia profundissima; lux clarissima, fortuna secundissima, honor amplissimus, divitiæ opulentissima, thesaurus inexhaustus, via pulcherrima, felicitas absolutissima; ipse mihi DEUS & omnia, ipse mihi in labore requies, in dolore voluptas, in curis securitas, ipse mihi in omni insultu propugnaculum, in omni malo refugium, ipse mihi DEUS & omnia. Verum non quærit Patrem, non Angelos, non intelligentem creaturam Pilatus, quid facturus sit de JESU: quærit de Agni innocentia à lupis, de columbæ simplicitate ab accipitricibus: margaritam incomparabilis pretij habet præ manibus, & fures interrogat, ubinam tutò collocanda sit? thesaurum portat, & latrones interrogat, qui de eo faciendum sit.

Quid igitur faciam de JESU? Audies equidem responsum Pilate, sed quale à lupis expectare potest Agnus, ab accipitre columba, à prædone portans thesaurum. TOLLE, exclamant, CRUCIFIGE EUM: hæc vox est summi juxta ac infimi, hanc Sacerdos & populus, civitas ac synagoga recantat: disperde de terra memoriam ejus, & nomen ejus non memoretur amplius in Israël. Tolle, crucifige eum; hæc vox missa de

turbine, vox lingvæ pertingentis ad divisionem animæ, vox lingvæ inflammata à gehenna. Tolle, crucifige eum: hoc fac de JESU, quod facere soles de latrone ac supremo flagitio, pone partem ejus cum ijs, qui non sunt, & morte turpissima condemna illum: hoc fac cum illo, quod fieri solet cum sale infatuato, quod ad nihilum valet ultra, nisi ut mittatur foras, & conculcetur ab hominibus: hoc fac de JESU, quod fecit de principe pistorum Pharaon Gen. 40 solve de Rege urbis Heli Josu. 8. de Amario Assuerus Esth. 7, de filiis Reipha Gabaonitæ 2 Reg. 21. Tolle, crucifige eum. Concutere ad vocem istam desertum, confringamini cedri Libani, commovearis desertum Cades; vox populi quondam electi tolli postulat eum, per quem sublatis sunt patres de Ægypto, & servitute ejus, crucifigi vult eum, per quem è mari rubro & aquis vehementibus salvati sunt. Nunquid hæc vox tua est synagoga detestabilis, vox Esau & non Jacob, vox barbarum & tonitruum, commotionis & insanie? imo hæc mea vox: ego, ego hujus vocis autor, ego pro me servum tolli, ego crucifigi volui: clamavit hoc perversa vita mea, clamantque quotidie vitiosi mores mei, Tolle rursus, crucifige eum. Quid enim mali fecit? imò quid non boni fecit? mihi servo malo sat malum videbatur, quod contrarius fuerit perversis operibus meis. Adhæsisset utinam



lingva mea faucibus meis, priusquam elevarem vocem meam contra sanctum Domini; peream utinam in lingua mea, priusquam iterum exaltem vocem meam contra Christum ejus. Nunquam amplius, nunquam amplius peccata, malo mori, quam foedari, & præmitti potius in infernum, quam ut amplius perversum suum Tolle cantet monstrofa vita mea. Utinam verò efficacior hæc mea sit voluntas, quam fuerit Pilati patrociniū, nec redeam ad vomitum & insanias falsas.

II. Actum egit Pilatus apud turbam tumultuantem: quare inutile ratus effundere sermonem, ubi auditus non est, INGRESSUS EST PRÆTORIUM ITERUM ET DICIT AD JESUM: UNDE ES TU? Magna petis Pilate, quia pētis, quod non est tuarum aurium. Nihil cum amaricino sui, nihil asino cum lyra, graculo cum fidibus, nihil tibi cum quæstione hac, quam capere non poteris. Ex ore Altissimi prodivit promogenitus ante omnem creaturam, quem de origine interrogas: sicut generationem ejus nemo enarrare, sic nec originem audire sufficit. A summo coelo egressio ejus, & occurfus ejus usq; ad summum ejus. Si dixerit tibi, non credes ei, & si annunciaverit, non intelliges. Vnde & sequitur: JESUS AUTEM RESPONSUM NON DEDIT EI: quid enim responderet de sui origine illi, cujus aures obturavit timor, & clamores populi tumultu-

antis obsurdescere fecerunt. Non est capax audire mysteria fidei, cujus animus oppletus est formidine hominis: fructum non habet semen Verbi DEI, quod cadit secus viam veritatis & calcatur ab humanis respectibus: JESVS autem responsum non dedit ei, sed nec dabit illi, nisi postquam de plenitudine potestatis suæ quasi potestatem habens quæstionem moverit. MIHI NON LOQUERIS? ait, NESCIS, QUIA POTESTATEM HABEO CRUCIFIGERE TE, ET POTESTATEM HABEO DIMITTERE TE? scilicet, habes potestatem, qualem in Beatum Job habuit Satan, & dæmonium habet super eos, qui DEUM à se, & à sua mente excludunt, Tob. 6. aut qualem habent scorpiones terræ Apoc. 9. ad nocendum filiis hominum. Habes potestatem, qualem lupo in insontem ovem, milvus in teneram aviculam, latro in eum, cujus vitam devoraturus est. Potestatem habes crucifigere, & potestatem habes dimittere, nec attendis, quid te facere deceat, sed quid possis. Ita semper malitia sibi plaudit de viribus, & amentia de fortitudine manus suæ. Audi quid respondeat, cujus sermonem extorsisti. NON HABERES POTESTATEM ADVERSUS ME ULLAM, NISI TIBI DATUM ESSET DESUPER: quasi diceret; quid habes, quod non accepisti? habes potestatem; sed non est potestas, nisi à DEO: habes potestatem, non ut abutaris eā in destructionem, sed in

edificationem: habes potestatem, sed plura non poteris, quàm tibi dabitur desuper. Vtinam verbum hoc scribatur in corde omnium, qui se posse putant, & in fortitudine manus suæ gloriantur: boni sint, vel mali; nihil possunt ultra id, quod eis datum est desuper. *Qui dedit Mario, ipse & Casari, ait Aug. lib. 5. de civit. cap. 21, qui Augusto ipse & Neroni, qui Vespasiano vel Patri, vel filio spavissimis Imperatoribus, ipse & Domitiano crudelissimo, & ne per singulos ire necesse sit, qui Constantino Christiano, ipse Juliano Apostata: ipse piis ac impijs, sicut ei placet, cui nihil injustè placet: ultra id quod eis datum est, nemo potest quidquam. Vtinam scribatur in corde omnium, qui aliquando traduntur in potestatem iniquorum, nam & hi certi esse debent, nihil amplius contra eos posse malitiam, quàm quantum ei datum est desuper. Furant impii, & irritentur sicut Diabolus, ultra id, quod illis à DEO concessum est, nihil poterunt. Capillum de capite eruerè non valebunt, nisi voluntas Patris accesserit. Gen. 19. eversurus erat Sodomam percussor Angelus: nec tamen quidquam potuit, nisi quando, & quomodo ei permissum est. Festina, ait ipse ad Loth, & salvari ibi (in urbe Segor) quia non potero facere quidquam, donec ingrediaris illuc. Peccata Sodomæ multa sunt, & magna nimis; non potero facere quidquam:*

impleta sunt scelera, & pervenerunt usque ad summum; non potero facere quidquam: clamant in cælum & exscindi merentur, non potero facere quidquam, nisi quomodo & quando placitum est ei, cui nihil injustè placet. Potestatem habeo perdendi impium in iniquitate sua, sed non potero quidquam, nisi quomodo mihi datum est desuper. Huic intendere deberent probi juxta ac improbi, quos per manum savientis exercet aut castigat Dominus in misericordia & justitia, quia nec in eos amplius potest Sathan in toto furore suo, quàm quantum ei datum est desuper.

III. Hæsit ad hæc Pilatus, & doctus de potestate, quam acceperat, melius sapere incipit. EXINDE QUEREbat PILATUS DIMITTERE EUM. Sed mulier Deo autore, an diabolo instigatore ad faniora eum provocat. MISIT AD EUM UXOREJUS; NIHIL TIBI, ET JUSTO ILLI, MULTA ENIM PASSA SUM HODIE PER VISUM PROPTER EUM. Super quæ reflectens se Aug. serm. 12 de temp. *In nativitate, ait, mundi uxor ducit virum ad mortem, in passione Christi uxor provocat ad salutem: illic serpentis subtilitas præcipitat, hic terror Angelicus revocat, ut inde inciperet penita, unde videntur prorupisse peccata.* Misit ad eum uxor: nihil tibi & justo huic: ignoras, quid facias de Christo? nihil fac & multa fecisti: venit is occidi pro peccatis populi, tuis non occidatur manibus, & mul-

ta fecisti: venit crucifigi, tu ne age crucifixorem, & multa fecisti: nihil tibi & iusto huic abstinere te ab omni opere malo, & hoc ipso fecisti bonum de Christo; nullam in eo invenisti causam, ne ergo intres in iudicium cum servo tuo. Sanum revera mulieris hoc erat consilium, sed quia impio datum fuit, non pluris ab eo factum est, quàm somnium: cæcus iudex visa respuit, & ad gratiam, quam ex hac visione haurire potuit, pervenire neglexit. Deploranda hæc est fors impiorum, quod neque videntibus credant, & ad visiones magis cæci fiant. Sic nuper filij tenebrarum visiones videbant, & interitum super se, nec credere voluerunt oculis suis, priusquam perirent in iniquitatibus suis, de quibus Isaias cap. 6. *Audite audientes, & nolite intelligere, videte visionem, & nolite cognoscere, excæca cor populi huius, & oculos ejus claudet, ne fortè videat oculis suis, & auribus suis audiat, & corde suo intelligat, & convertatur, & sanem eum, donec desolentur civitates absq; habitatore, & domus sine homine, & terra relinquatur deserta.*

IV. Non attendit præses visioni uxoris, non attendit gratiæ, quæ eum ad bonum excitatura erat, magis autem attendit clamoribus inimicorum, suum illud Tolle ingeminantium: unde & respondit: EMENDATUM ERGO EUM DIMITTAM. Quid hoc verborum est? emendatum ergo eum dimittam. Pilate emendes Chri-

stum, in quo nihil emendatione dignum, homo plenus erroribus emendes plenum gratiæ & veritatis? rudior es, quàm ut huic statutz manum admoveere valeas: elaboratum hoc opus digitò DEI, Spiritu S. superveniente, virtute Altissimi obumbrante absolutum, tui momi censura non subjacet: nihil habet, quod in eo emendetur, qui quæ fecit, fecit valde bona. Emendatum ergo eum dimittam: hoc nimirum est furiosi animi argumentum, jactare se solem à tenebris purgaturum, emendaturum lunæ pulchritudinē, florum venustatem, rosæ purpuram, liliorū nives correcturum; Verum non de hac emendatione loquitur præses. Emendaturum se promittit, & dimissurum; emendaturum favore singulari, qui tamen ipse benevolentis affectus gravioris n ali causa fuit. Non sufficit nimirum ad poenam servi furor odientium, ipse etiam favor præsidis liberum eum volentis sævire debuit. Ita planè ipsa etiam benevolentia crudelitatem sapit, quando de servo emendando agitur. Emendaturum se promittit, sed ea emendatione, ad quam audientium aures tinniant, cor scindatur. Emendaturum se promittit, sed flagellis & sentibus, sed cruce ac clavis, sed vulneribus ac morte. O emendationem omnibus erroribus deteriorem! ô dimissionem omni captivitate acerbiorē! videbis in hac emendatione enormia delicta emendantis, omnimodam integritatem emendati: videbis pietatem ab impietate, innocentiam ab iniquitate, bonitatem à malitia, à stultitia sapientiam emendari: videbis, quomodo nihil maneat integri, ubi munus emendatoris creditur iniquo.

PARS



## P A R S IV.

*Christus in Passione Servus pœnæ.*

**D**E servis pœnæ agunt jura leg. 6 § tritum ff. de injusto Reip. & leg. 6 ff. de statu liberorum & leg. 23 § si quis plañe ff. de aquirenda hæreditate: eorum numero accenset Marcianus apud Cælium Rhodig lect. antiq. lib. 25 cap. 23 illos, qui ad metalla damnabantur; accensendi sunt & illi, in quos Domini se putant habere jus vitæ & necis, de quibus Salvianus lib. 4 de gubern. loquens ait. *Divites & nobites, cum occidunt servulos suos, jus putant esse, non crimen, aut ut loquitur Hier. epist. 22, contra quos cum calix frangitur, mensa subvertitur, verbera resonant, & aqua tepidior sanguine vindicatur.* Horum è numero videntur esse ij, de quibus Sapiens Eccli. 33. *Servo malevolo torcum & compedes, mitte illum in operationem, ne vacet.* Et iterum: *Ch. 1. 1. & virga, & onus asino, panis & di-*

*sciplina, & opus servo, ubi tria conjungit, panem, disciplinam & opus; panis enim sine castigatione & opere petulantis facit, castigatio & opus sine pane aliquid violentum est. Non est mihi hic animus mitiora consulere Domini erga servos suos, licet id non abs re facturus essem, memor ejus, quod habet Clem. Alex. lib. 3. pædag. cap. 11. monens, famulis non esse utendum tanquam jumentis. Et Seneca epist. 47. Sic cum inferiore vivas, quemadmodum superiorem tecum vivere velis: quoties tibi in mentem venerit, quantum tibi in servum liceat, veniat in mentem, tantum in te Domino tuo licere. At ego, inquis, nullum habeo Dominum: bona ætas est, forsitan habebis. Nescis qua ætate Hecuba servire cœperit, qua Cræsus, qua Darij mater, qua Plato, qua Diogenes. Et supra: Vis tu cogitare illum, quem servum vocas, ex eisdem seminibus oriũ eodem frui calo, æquẽ spirare, æquẽ vivere, æquẽ*

quæ mori: tam tu illum ingenuum videre potes quàm ille te servum. Stare ante limen Callisti Dominum suum vidi, & alijs intrantibus excludi. *Martiana clade multos splendidissimè natos fortuna deposuit, alium ex ijs pastorem, alium eustodem case fecit.* Hæc Seneca. Punienti sunt servi, sed pro delictis, sed juxta regulam rationis, non autem pro libidine imperantium, & quia servi sunt. Scio Phrygem plagis solere fieri meliorem, & Polypum bis septem contusum ictibus sapidiorem; scio & servum, super quem virga disciplinæ vigilat, fieri correctiorem. Bene Plato dial. 6. de legibus. *Castigandi, ait, cadendiq; semper sunt servi, neq; ita monendi ut liberi, ne molliores fiant, allocutio omnis ad servos quodammodo imperiū sit, neq; jocus ullus cum ijs habeatur, quod multis stultè facientes, dum delicatius eos nutriunt, difficiliorem vitam & sibi ad imperandum, & illis ad obediendum reddunt.* Verum si in corripiendis ijs modum non servaveris, crudelis es, & tyrannum sapientis, non Dominum. Poenæ modum consignavit ipse Dominus universi Deut. 25. *Pro mensura peccati, erit & plagarum modus, ita duntaxat, ut quadragesimum numerum non excedant, ne scdè laceratus ante oculos tuos obeat frater tuus.*

Hæc ideo dicta sunt, ut advertas, quàm indignè sæviat potestas tenebrarum in servum nostrum; accepit in e-

## Cap. I.

um dominium, & fecit eum servum poenæ inexplicabilis; non est tormentum tam crudele, non ita immanis tortura, quam non exercuerit; non est crudelitas, non tyrannis ulla, quam non arripuerit: flagella & spinæ, crux & bestia, & omnis afflictio, eo fine immissa est illi, ut periclitaretur impietas, plusne pati posset servus poenæ, an inferre malitia. Probatum est in eo, quod de quorundam dominio scribit Seneca epist. 47. *Tyrannorum animos induimus, & non quantum decet, sed quantum libet, exercere volumus in servos, quibus non tanquam hominibus, sed tanquam jumentis abutimur, in quos superbissimi, crudelissimi & contumeliosissimi sumus.* Ordinur à flagellis.

## CAPUT I.

## De Flagellatione Christi.

I. **H**ÆC est prima, eaque potissima poena servorum: flagellatur Phryx, & plagis solet fieri melior, flagellatur servus, & ut Polypus bis septem contusus ictibus usui esse incipit: flagella sunt quæ servilem animum & calcitrantem asinum retinent in obsequio. Justinus lib. 2. *sua historie docet virgis, & flagellis domari insolentiam servorum, quam nulla vis armata frangere potest; in quem finem adducit exemplum Scythicæ servitutis, quæ cum Do-*  
mi-

minis in tertia Asiatica expeditione toto septennio absentibus, uxori-  
bus, rebusq; eorum potita esset, redu-  
ces Dominos eousque armata manu  
sustinuit, nec Marte inferiore exclusit,  
quoad armorum loco virgæ & flagel-  
la in aciem producta essent à Domi-  
nis. Frænum sunt flagella, quo indo-  
mitus servorum animus cõercetur. Et  
hinc est, quod ab ejusmodi tractatio-  
ne talium tergis non modò vibices, sed  
& nomina hominibus adhæserint, di-  
ctique fuerint jam mastigia, jam fu-  
stuarij, jam plagigeri, plagitribæ seu  
plagiarij apud Plaut. in pseud. Quin si  
hoc genus pœnæ ingenuo cuiquam ali-  
quando intentatum fuisset, quasi sepul-  
chra majorum violata essent, concla-  
mabatur de violentia. Si hominem Ro-  
manum & indemnatum licet vobis fla-  
gellare? exclamat Paulus quæstioni hu-  
ic subjiciendus Act. 22, & adolescens  
ille loco natus nobili apud Plautum in  
Ade'ph. minanti sibi, quod ad ne-  
cem operiêre loris, indignabundus re-  
spondet: *loris liber?* Vetuit id lege lata  
Valerius Publicola apud Val. Max, lib.  
4. c. 1. vetat lex Sempronia, vetat lex  
Portia teste Cicerone pro Rabirio, ubi  
ridet Labienum, quod cum lex Portia  
cives virgis cædi vetuisset, ipse eos ce-  
ciderit flagellis: vetat deniq; lex Julia  
etc. 26. ubi de vi publica damnatur,  
qui hoc faxit: hinc etiam Fabio Rulli-  
ano jussu Papirii Dictatoris flagellato

exclamavit quispiam de trivio expro-  
bans rei indignitatem teste Val. Max.  
lib. 2. cap 2. *Ospectaculum admirabile!*  
& *Rullianus, & Magister equitum, &*  
*victor scissa vestelictorum verberibus ex-*  
*ponitur lacerandus.* Servile hoc balne-  
um est, nemo ingenuus lubens illud  
subit. Vide verò etiam super servum no-  
strum cecidere flagella; ingenuus is qui-  
dem, & Princeps libertatis libero Pa-  
tre genitus erat ante sæcula, sed quia  
in tempore nasci voluit, & esse filius  
ancillæ, servilibus pœnis obligari cœ-  
pit: quod ipsum expressit Bern. ferm.  
in fer. 4. hebdom. pœnosæ inquires:  
*Filius erat, & factus est tanquam servus,*  
*non solum formam servi accepit ut sub-*  
*esset, sed etiam mali servi ut vapularet,*  
*& servi peccati, ut pœnam solveret, cum*  
*peccatum non haberet.* O quale specta-  
culum! qualem videbis lanienam! *spe-*  
*Etaculum grande,* ait Rupertus ad cap.  
19 Joan. mundo, *Angelis & hominibus, ut*  
*à servis peccati Princeps libertatis servili-*  
*bus modis caderetur.* Huccine tandem  
omnia reciderunt? exclamavit Cicero  
orat, 10 in Verrem lib. 5. flagellato Ga-  
vio cive Romano: Verba ejus sunt. *Ce-*  
*debatur in foro Messana civis Romanus,*  
*cum interea nullus gemitur, nulla vox*  
*alia miseri, inter dolorem, crepiumq;*  
*plagarum audiebatur, nisi hæc; Civis*  
*Romanus sum.* O nomen dulce libertatis?  
ô jus eximium nostræ civitatis? huccine  
tandem omnia reciderunt, ut civis  
Roma-



*Romanus in provincia populi Romani deligatus in foro virgis caderetur?* Exclamare magis convenit visò inter flagella Christò: Huccine omnia reciderunt! huc majestas, cui parem habere impossibile, huc virtus, quam exequare nemo potest, huc omnis gloria recidit, huccine omnia reciderunt, ut Princeps libertatis servilibus modis caderetur: huc illa tangi nescia impassibilitas DEI, huc illa non subiecta poenalitatibus immutabilitas, huc recidit Divinitas ipsa: huccine omnia reciderunt, ut DEUS ipse lictorum verberibus exponeretur lacerandus! O spectaculum admirabile! ò crudelem scenam! in qua non jam civis Romanus, sed Romanorum DEUS, Dominus universi à præsìde Romano servilibus modis laniatur! Huccine DEUS, huccine omnia, huccine DEUS meus & omnia reciderunt! Moremur paululum in tristi hoc spectaculo & depluente è sacro corpore sanguini pias misceamus lachrymas.

II. TUNC ERGO APPREHENDIT PILATUS JESUM ET FLAGELLAVIT. *Tunc* Nota hæc est temporis & actionis iniquæ in judice: tunc, cum nullam causam in eo invenisset, tunc, cum inconvenientia fuissent falsariorum testimonia, tunc, cum nec Herode judice quidquam morte dignum ei factum fuisset, tunc cum ipsa innocentia causam solò silentiò evicisset, apprehendit Pilatus JESUM,

& flagellavit. *Tunc ergo apprehendit,* ex quibus præmissis hoc fuit Ergo? caudam titionis fumigantis video: sed quod ejus caput? voluit satisfacere populo, ut tumultus sedaretur; voluit parcere Christo demendo de eo aliquid, ut salvaretur vita ejus; voluit non nihil convelli justitiæ jura, ut iniquitati non omne jus abrogaretur: propinari populo sitienti voluit sanguinem, ut sitim ejus levaret, iniquitati aliquid indulgendum putavit, ne ipsam irritaret. Hoc est Ergo post vitiosas præmissas vitiosissimum. Et quidem poterat Pilatus bene concludere, si ut cœpit causam innocentis tueri perrexisset, sed trepidus homo non ferens dilemma impiorum, cornua illa dicere debui taurorum pingvium, qui DEum obsederant, pessimè conclusit, quæ bene cœperat. Tunc ergo apprehendit JESUM & flagellavit. Tentaverat viâ negationis evadere declinando judicium: *Accipite eum vos & secundum legem vestram judicate eum:* tentaverat viâ affirmationis: *Nullam in eo invenio causam:* tentaverat viâ oppositionis, *Quem vultis dimittam vobis Barabbam, an JESUM?* sed demum instantiæ cessit pavor, & quod male apprehendit, pejus divisit, pessimè conclusit. Ad tale ergo devolutus est sophista trepidus: ad tale devoluuntur etiam hodie periti in logica impietatis judices, dum ad occursum potentiæ

tlæ pavescere incipiunt, & iudicium suum alienæ postponunt autoritati, quibus utinam pro maxima fuisset illud sapientis Eccli. 7 *Noli querere fieri iudex, nisi valeas irrumpere iniquitates, ne forte extimescas faciem potentis, & ponas scandalum in equitate tua.*

TUNC ERGO APPREHENDIT PILATUS JESUM. Varia vocis apprehendendi acceptio est; significat quippe idem quod imaginari, quod tenere, & in jure assimilatur traditioni: aut ut Ulpianus L. sed etsi, ff. *ad leg. Aquiliam* loquitur, accipitur pro personæ captura cum nominis ac famæ jactura: ex quibus rectè deduxeris, quàm gravis ac injuriosa fuerit apprehensio facta à iudice; sciebat ille, & fatebatur justum, qui sibi traditus fuerat, & tamen ad tumultuantes invidiæ voces imaginabatur in eo hominem projectæ vitæ, & ut talem servili poenæ subiciebat. Vidit in eo speciem humilem, oculos in humum depresso, os silentiò clausum: audiit contra eum larrantis invidiæ calumnias, calumniantis odij ferociam, ferocientis malitiæ mendacia, & secundùm exteriorem faciem judicavit reum plagiarii, quem innocentem esse judicavit conscientia. Ita fit & modo apud judicia mundi, imaginamur malos & castigamus eos, quorum vita innocens, persona vilis est. *Lampas contempta*, ait, B. Job cap. 12, *apud cogitationes divinum justus*, & ut loquitur Greg. lib. 10,

mor. cap. 17. *justus dum despicibilis cernitur, hujus mundi gratiâ indignus judicatur.* Imaginamur malum, quem videmus humilem, & mille dignum mortibus, quem vitæ innocentia juncta paupertati, communi modo malè viventium eximit.

Tenuit Pilatus JESUM. Teneri facti est, possidere juris, ajunt Jcti apud Gothifred. in notis *ad leg. 3. C. de rei.* Tenuit Pilatus JESUM sine juris fundamento contra omne fas & æquum, quem possidere ob injustitiam non poterat, & tanquam de re sua, de illo detentor iniquus disposuit: tenuit JESUM manu sacrilega, novus Oza tenuit arcam Domini collabentem calcitrantibus circumquaq; tauris pingvibus, tenuit tenentem se, tenuit, quo subtrahente manum suam omnia recidunt in nihilum. Beatum te Pilate, si tenes, quod habes, nec dimittis alteri coronam tuam: sed insipiens homo tenuit ut dimitteret, cujus pretium ignoravit, *Corripiam ergo eum*, ait, *& dimittam*, Quo in loco videtur mihi Pilatus implere velle legem in assertionem servorum in libertatē servari solitam, de qua Brillonius in *formulis* pag. 827. Corn. à Lapide in cap. 5. *epist. 1. ad Timoth. v. 22.* Azor *part. 2. fol. 340*, quæ manumittendū teneri prius manu, ac dein virgâ quæ vindicta vocabatur percussū dimitti jubebat liberum. Tenebat JESUM servum pro peccatis nostris, liberumque

volebat, hoc demonstrant causæ ejus patrociniæ; ut ergo quod facturus erat, jure fieret, arripit vindictam, & ferit in virga, hocque suo facto à servitute liberum pronunciare cogitat. Verùm Pilate si hunc dimittis à servitute, nos omnes perpetuæ servituti adscripti manebimus.

Apprehendit Pilatus JESUM. Diximus apprehensionem in jure assimilari traditioni: tradidit Pilatus JESUM propter metum populi, sicut Judas propter avaritiam, Sacerdotes propter invidiam, DEUS ipse propter misericordiam humani generis ait Orig. in cap. 26 *Matth.* Denique apprehendit Pilatus JESUM, capiendū eum cum nominis & famæ jactura: ab hac enim apprehensione inter infames erit locus ejus, & inter sceleratos reputatio illius. O apprehensionem! ô capturam! in qua perit omnis gloria Christi. *Isai 45 apprehendit Dominus dexteram Cyri, & subjecit ante faciem ejus gentes, & dedit ei thesauros absconditos, & arcana secretorum:* apprehendit Pilatus JESUM, & subjiciens eum sibi diripuit omnes thesauros ejus, & arcana secretorum, spoliavit eum gloriâ nominis sui, & nihil reliquit de decore illius. O apprehensionem! ô capturam infamem! *Hebr. 2 Sapientia DEI apprehendit semen Abraham, & in reges effloruit, ac in uberes sanctorum manipulos excrevit:* apprehendit Pilatus semen nequam, se-

men Chanaan, JESUM, & velut pallium Joseph in manu impudicæ mulieris, sic ille in manu apprehendentis se, reliquit omnem excellentiam suam.

III. TUNC APPREHENDIT PILATUS JESUM, ET FLAGELLAVIT. Adeone furiosus fuerit præses, ut ipse posthabita auctoritate judicis munus obiret carnificis? Brutiorum hoc officium erat teste *Gellio lib. 10 noct. Atticar cap. 3*, qui quod defecissent ad Annibalem civitate exuti ignominie causa Magistratibus Romanis in provincias euntibus velut mancipia servire, & in flagellandis fontibus cogebantur locare operam. Dicitur tamen Pilatus ipse flagellasse, non tam quod imperio suo manus flagellantium moverit, nam & crucifigentium direxit operas mandato suo, nec tamen crucifixisse perhibetur, quàm quod flagellatio fuerit ejus adinventio, cum crucifixio plebis esset & Sacerdotum. Flagellavit Pilatus JESUM Brutijs administris, flagellavit autem non Romano, nec humano, sed brutali modo, quia ipse inhumanum adinvenit tormentum, quo sædè dilaceratus Christus ante oculos synagogæ nihil retineret de homine. Multos equidem habuit percussores Christus; *percutit eum Pater*, ait Bern. lib. de pass. cap. 5 *qui proprio filio suo non pepercit, sed pro nobis omnibus tradidit illum, percussit ipse seipsum, tradidit enim in mortem animam suam, quam nemo potest tollere ab eo*  
fine



sine illo, percussit eum discipulus impius osculo falso, percussit eum Judæus colaphis & alapis, Pilatus tamen unus flagellavit, quia unus fuit autor flagellandi: credebatur iudex injustus se invento morte ipsa crudeliore mortem aversum, ideoque flagellum arripit, quo innocens vapulet, & post plagiarium liber abeat. Illud Job 9. *Non est, qui utrumque valeat arguere, & ponere manum suam in ambobus*, 70 legunt: *non est, qui valeat mediare inter utrumque*. Hoc sequestri munus arrogat sibi Pilatus, ponit manum suam in ambobus, & vult mediare inter utrumque, nempe inter synagogam capitali ardentem odio contra Christum, & inter Christum; inter synagogam quidem, ut ei eripiat innocuum sanguinem; inter Christum autem; ut ei violenta manus injectione asserat libertatem. Verum hæc mediatio foedus non peperit, sed majoris odij incentivum fuit, unde & Evangelista non dixit mediatorem, sed flagellatorem, id est, non fidelem sequestrum, sed carnificem. Sic & hodie fucata, sæculi prudentia amicam inter partes, & foederis ac pacis artificem mentitur, dumque unius partis servit voluntati, alteram opprimit non tam mediatrix partium, quam flagellatrix, utinam non ipsius JESU, nam qui talia audet in fratrem JESU, quomodo non eadem audeat in JESUM? bene de talibus dicas: Pilatus flagellavit Jesum.

IV. TUNC APPREHENDIT PILATUS JESUM, ET FLAGELLAVIT. Calumniatorem Patris sui ultus fuerat verbere ac flagellis Quintus Cicero, & Seneca de eo dicit: *Cicero Patri suo de corio Cestij satisfecit*. Nihil tale à Christo peccatum erat, & Pilatus eum, cujus os plenum est benedictionibus, flagellis addicens in calumniantis Synagogæ gratiam quid aliud agit, quam quod synagogæ de corio Christi satisfacit? Sed & ipse Christus Patri de corio suo satisfacit propter has ipsas synagogæ calumnias, imò propter universa mundi delicta, satisfacit autem superabundanter tergum exponens ut servile flagellis, factus propitiatio per fidem in sanguine suo ad ostensionem justitiæ: satisfacit Patri de corio servili filius & servus, filius æternæ generatione, servus temporali susceptione, filius nesciens peccatum, servus in se suscipiens peccatum, filius pati nescius, servus flagellari paratus. Grandis hæc satisfactio est, in qua totus divini eruoris thesaurus effundi debuit, copiosa solutio, nam ut bene Aug. serm. 114 de temp. *plus dedit, quam totus mundus valet, meritum enim redemptæ mercedis dignitas insignis pretij supergressa est. Bonum aurum*, ait Ambr. in Ps. 112. *est sanguis Christi, potens ad lavacrum, dives ad pretium*: hoc auro satisfecit Christus debito peccati, hoc lavacro Æthyops noster mundatus est, & abolita est foc-

ditas sceleris nostri, mundataque etiam fuisset lepra synagogæ, si lavari in hoc Jordane voluisset.

V. TUNC APPREHENDIT PILATUS IESUM, ET FLAGELLAVIT. Jam si immanitatem poenæ irrogatæ servo nostro consideres, deficiās necesse est. *Rumpebatur* ait Chrysost. tom. 3 serm. 3 *sancta caro violentiā flagellorum, & repetitis ictibus crudelia vulnera scapularum terga considerunt. Suscipit dura & dolorosa spurcissimorum flagella*, ait Bonav. medit. de vita Christi cap. 76 *caro illa innocentissima, tenerrima, mundissima, flos omnis carnis, & humane naturae repletur livoribus, atq; fracturæ, fluit undiq; regius sanguis de omnibus corporis partibus, superadditur, reiteratur, & spissatur livor super livorem, & fractura super fracturam. Et iterum lib. 4 cap. 70 flagellis aculeatis infixis aculeis, & retractis non evellendo, sed sulcando totum ejus corpus laceratum est. Conscidit me vulnere super vulnus potest ipse de flagellatore suo conqueri cum B. Job cap. 16, neque enim locus in eo relictus est à vulnere liber, sed ipse potius unum vulnus esse videbatur, ut non tam in ipso vulnera, quam ipse in vulnere esse videretur. Sensus hic est 70 Interpretum, qui illud Isai. 53 *Vidimus virum dolorum, legunt, vidimus hominem in plaga*, quasi dicērent, non plagam in homine, sed hominem in plaga, plagam unam esse-*

### Caput 1.

ctum, seu ut Plautina utar phrasi, non tam plagigerum seu plagitribam servum, quam plagiarium. Crudelis hæc fuit laniena, & à sæculis non audita. *Sex carnifices*, ait Hieron. relatus à glossa ordin. *accedunt, duo eorum virgū spinis, duo loris nodosis, duo catenis ferreis, incipiuntq; primi totis viribus eum percutere, adduntur vulnera vulneribus, decurrit sanguis, primis defessis accedunt secundi, & novis vulneribus vetera cumulant, quos mox tertij subsequuntur, qui uncinis carnem & pellem avellant.* Crudelis hæc fuit laniena, nam teste Laur. Justiniano de agone Christi cap. 14 ita dirè flagellatus fuit, ut ossa paterent, fieretq; avulsio cutis à carne, carnis ab ossibus: aut ut ipsa Deipara revelavit S. Brigittæ, ut brevi tempore tanquam leprosus appareret: *beatior ille, ille prestantior credebatur, qui in contumelijs irrogandis instigendisq; vulneribus crudeliōr extitisset*, ait idem S. Laur. loc. cit. cap. 10. Impletum tunc in eo fuit vaticinium Isai 1. dicentis. *A planta pedis usq; ad verticem non est in eo sanitas*, Oleaster legit: *non est in eo integritas*, Hebræus, *non est in eo humana forma*: hoc est illud tempus, quo viator DEUS incidit in latrones, qui spoliaverunt eum, & plagis impositis semivivum reliquerunt: hoc est illud tempus, quo patiens Job percussus est ulcere pessimo, & non cognoverunt eum amici ejus, & exclamantes ploraverunt

verunt, & sederunt cum eo, & nemo ei loquebatur verbum, viderunt enim dolorem, esse vehementem. Crudelis hæc fuit laniena, fuit enim contra legem: lex Moysis erat: Deut. 25 si fuerit causa contra aliquos, & interpellerint iudices, quem iustum esse perspexerint, illi iustitiæ palmam dabunt: lex Cæsaris ingenuum subicere flagellis prohibebat, lex totius naturæ jubet compati sine causa afflicto: eversa est lex omnis, incumbente siquidem procella in Christum, manus ipsa Moysis tetigit illum, manus Cæsaris percussit, manus naturæ excutientis imperium pene eum confecit. Lex DEI jubeat pro-num flagellari, & pro mensura peccati statuebat plagarum modum, ita duntaxat, ut quadragenarium numerum non excedant, ne foedè laceratus ante oculos tuos abeat frater tuus Deut. 25: violatur lex hæc, nam ultra omnem mensuram & modum cæditur innocens, solaque impietatis lex attenditur permittens scire, prout cuique libitum fuerit. Exaggerat crudelitatem Lessius lib. 12 De perfect. Divinis. cap. 17. Pilatus, ait, immanissimam & qua instar mortis censerì posset, quæve major vix salvâ vicâ posset sustineri censuit flagellationem adhibendam, partim ut gratificaretur Judæorum primoribus, quos sciebat summa ipsius invidiâ flagrare, partim ut tam crudele spectaculum ipsorum odia exatiret, sicq; dum unam mortem

niritur à Christo avertere, geminam ei irrogat, & illa aliqualis benevolentie iudicis species per-versa est & in augmentum supplicij. Ex qua quidem flagellatione censet ipse longè graviolem ei irrogatum dolorem, quàm quivis alius ex huiusmodi supplicio perciperet: quod quidem ipsum probat tum ex meliore temperamento sacri corporis, tum ex meliore sensuum, & spirituum vigore, qui cum perstiterint ab initio usque ad extremum, ipsa animâ suâ, potentiâ & divinitate corpus ita regente, ut plura pati posset, bene infert majorem & acriorem in eo fuisse dolorem, quàm unquam aliquis Martyrum, in quibus tormenta sensum obtusescere faciebant, perpassus est. Talis fuit poena servi nostri, nec tamen in hac poena fuit, qui compateretur passionibus ejus, aut contineret manus flagellantium: melioris in hoc sortis erat servus ille, quem cum inclementius vapulare vidisset Timonax, inclamavit Domino apud Manilium lib. 8 apophth. Desine à verberare, ne servo tuo similis fias: aut pro quibus orabat Senec. epist. 47. Cum servis familiariter te vivere decet prudentiam tuam: servi sunt, imò homines; servi sunt, imò contubernales; servi sunt, imò humiles amici; servi sunt, imò humiles conservi; si cogitaveris tantuudem in utrosque licere fortuna.

VI. TUNC APPREHENDIT PILATUS JESUM, ET FLAGELLAVIT. S. Greg. lib. 1



Dial. cap. 2 habet de flagello quopiam multum salutare: tradiderat illud ultro Libertinus Abbas Fundensis Gothis quibusdam militibus, qui eiequum surripuerant, hoc dum illi ad Vulturum amnem versant, nec ultra progredi possent, non surdo verberare quatientis animi cæsi resipuerunt, ac reduces flagellum, cujus ictu emendati fuerant, cum equo viro DEI reddiderunt. Salutare pariter poterat esse & illud flagellum impii Heliodori, quod dum à duobus Angelis bene vapulasset, redux ad Regem ait: *Si quem habes hostem aut regni tui insidiatorem, mitte illuc, & flagellatum eum recipies* 2 Machab. 3, salutaria fuerunt alijs alia; nulum tamen æquè, ac sunt flagella Christi: sectus ipse est, ut alicubi Horatius, flagellis triumviralibus præconis ad fastidium, *sectus terga flagellis*, ait Sedulius lib. 4 carm. subditur opprobrijs, pœnas amplectitur omnes; & tu livore ejus sanatus es, fustes & flagella ejus ceciderunt tibi in præclaris, quia verè langviores nostros ipse tulit, & dolores nostros ipse portavit, vulneratus est propter iniquitates nostras, attritus propter scelera nostra. *Disciplina pacis nostræ super eum est*, ait Hier. ad cap. 53 Isai. *quod enim nos debebamus pro nostris sceleribus sustinere, ille pro nobis passus est pacificans per sanguinem suum sive quæ in terra, sive quæ in cælis sunt.* & Rupertus lib. 2 in

Isai cap. 19. *Disciplina pacis nostræ super eum, id est, reconciliati sumus. Deo per illum tam durè disciplinatum, tam atrociter flagellis cæsum, illo tali livore corporis ejus nos & in corpore & in anima salvati sumus: nos omnes, quasi oves erravimus insipientes: Dominus autem posuit in eo iniquitates omnium nostrum, ut solus vapularer, quod nos omnes errando commoverimus.* Vox flagelli ejus sanavit mentem meam, & livor ejus absolvit à plagis animam meam, Salutare revera hoc fuit flagellum, quod dum cæcidit innocentem, nocentem melioravit: *Plus debeo livoribus ejus*, ait P. Joannes Rho in cogitat. varijs de passione, *quam pub. brevitudini ejus, ista me illicet, illa me sanant: dum dicitur speciosus formâ præ filius hominum, multoq; lilio, rosâq; multo candidus laudatur, nihil additur de mea salute, cùm leprosi instar totus vibicibus exaratus est, protinus audio, cujus livore sanati sumus.* Val. Max. lib. 4 cap. 7 exaltat flagella Zopyri servi Darij Regis, quibus cædi maluit, quàm perire urbem regiam: commendat Lacorum flagella Tertullianus apol. cap. 50, quæ sub oculis hortantium propinquorum tantum honorem tolerantie domui conferunt, quantum sanguinis fuderunt: mihi pretiosiora, quia magis salutaria flagella sunt servi mei, his ille cæsus est, ut ego plagis liber essem, his ille vapulavit, qui peccatum non fecit

fecit, ut ego totus in peccatis natus immunis essem à vulnere. Agnosce homo, quantum valeas, exclamat Aug. serm. 114 de temp. & quantum debeas, & dum tantam redemptionis tuæ perspicis dignitatem, ipse tibi indici- to peccandi pudorem. Ecce pro impio pietas flagellatur, pro stulto sapientia illudatur, pro mendace veritas necatur: damnatur iustitia pro iniquo, miseri- cordia affligitur pro crudeli, pro misero repletur syncritas aceto, inebriatur felle dulcedo, addicitur innocentis pro- reo, moritur vita pro mortuo.

VII Juvat adhuc paululum immo- rari tristi huic flagellantium scenæ, imo juvat flagellis addere flagella, non qui- dem Christo sed ipsis nobis, qui tanto- rum flagellorum causa sumus. Flagel- lavimus Christum ipsi nos, nam ut ait propheta Isai 53 *A transgressione populi mei plaga ei*, flagellavimus verbo, fla- gellavimus opere, congregavimus su- per eum flagella, & ignoravimus, a- pud nos floruit virga, germinavit su- perbia, iniquitas surrexit in viam im- pietatis, nos sumus illi peccatores, qui supra dorsum ejus fabricavimus, pro- longavimus iniquitatem nostram, jam tandem in nos ipsos obsecro vertatur furor noster, addamus flagella flagel- lis. Ajunt Philippum II Hispaniarum Philippo III testamenti loco pretiosi instar cimelij reliquisse flagellum suum ac Patris sui sanguine conspersum, dix-

isseque accito ad se. *Cape Filippa in- strumentum laniens, ac Patris & avi sanguini adde tuum. Picinellus lib. 25 mundi symbolici cap. 12* hoc ipsum in- ter opimos Austriacæ domus thesauros asservari testatur. Planè & te flagel- lum Christi capere convenit, ac Chri- sti sanguini addere tuum: flagellum tuum adversitas est, flagellum lingvæ calumniatorum, flagellum falsi fratres; cape hoc, ac sustine flagellum, & Christi sanguini adde tuum: vis habere par- tem cum DEO, nec ab eo elongari, memor sis ejus, quod habet Clem. Alex. 2 Strom. cap. 4 *Qui est prope Deum, est plenus flagellis. Vis hæreditatem, quam Filius DEI servitute sua ac fla- gellis suis pro te emit, memor sis ejus, quod habet Aug. in ps. 79 Si flagellari detrectas, recipi quare desideras?* & ite- rum enarrat. 2 in ps. 32 *Non te sine flagello speres futurum, nisi fortè cogi- tes exheredari: flagellat DEUS omnem fi- lium quem recipit. Itane omnem? ubi te volebas abscondere? omnem, & nullus exceptus est, nullus sine flagello erit. Quid? an omnem? vis audire quem om- nem? etiam unicus sine peccato, non tamen sine flagello. Cape piæ instrum- entum laniens, & Christi sanguini adde tuum. De S. Secunda Virg. Mart. habet Breviarium Rom. 10 Julij quòd cum S. Rufinam Junius præfectus vir- gis cædi jussisset sic eum interpellavit. Quid est, quòd sororem meam honore,*

*me afficis ignominia; jube ambos simul cedi, quæ simul Christum DELM confitemur. Faxis tu idem, & honorem reputa si flagellaris cum Christo: premeris fortè injuriâ, premitur & Christus: excerceris contra sanctiones civicas, exercetur & JESUS, contemptis DEI mandatis tunderis ac contereris, tunditur etiam & conteritur JESUS, ultra mensuram judiciorum oneraris plagis & tormentis, oneratur etiam JESUS, cares consolatore, cares auxiliatore, caret & JESUS. Circumspexi, ait Isaias cap 63. Non erat auxiliator, consolantiem me quæsvi, & non inveni: & tamen tu, qui modò vexaris innocens, si in retro actum vitæ cursum retorseris oculos, invenies his & pluribus flagellis expianda in te. Honorem æstima, quòd cum JESU flagellaris. Flagellat DEus omnem filium. quem recepit, ait iterum Aug. in ps 122, & si unicum sine peccato flagellavit, & pro nobis omnibus tradidit eum, quomodo non debemus nos flagellari, qui fecimus, quare flagellemur? Cape piæ instrumentum lanienæ, & Christi sanguini adde tuum. Illudit innocentia tuæ malignus inter flagella tua, illudit & Christo, nec tamen dicere auditus est illud Job 9 Si flagellat, occidat semel, & non de pœnis innocentium rideat, nec tua id dicat Impatientia, sed potius habe præ oculis illud Bedæ in cap. 8 epist. ad Rom. Quid sibi plaudeat in-*

*iquus, quia flagellum sibi de illo fecit Pater meus, illum assumpsit administrum. me erudit ad patrimonium: non attendere debemus, quantum permittat injustis, sed quantum servet justis. Cape piæ instrumentum lanienæ, & Christi sanguini adde tuum.*

## CAPUT II.

*De Adjunctis Flagellationis.*

I. PRimum inter adjuncta flagellationis locum facile occupat nuditas sacri corporis. Raynaudus in prologo de scapulari dicit servos quospiam vocatos scapulares ex eo, quòd ad scapulas usque nudi semper parati essent ad flagra suscipienda. Scapularibus & JESU M accenset synagoga, nudavit eum vestimento suo, & præparavit ad flagella: stat nudus non scapulis modò, sed toto corpore, qui scapulis suis obumbrat tibi; posuit vellus suum agnus sine macula, nudusque remansit in manibus impiorum. Itane verò hunc nudatum vestibus opprobrio perulantis lingvæ, ac impudenti oculo propinas filia Sion, cui nuper vestimenta sternebas in via? tam citò transijt æstas, tam insperatò maturavit hyems, arbor illa omni gloria & honore vestita, sine fronde, sine flore, sine folio facta est? itane nudum sibilis exponis stulta filia Jerusalem? re ipsa



ipsa dicis, quod nuper Michol Davidi: *Quam gloriosus fuit hodie Rex Israël discooperiens se, quasi si nudetur unus de scurris*, de servis scapularibus? nullius ille filum tulit, & tu ne filum ei relinquis? quam vereor, ut veniat in te insperatus vastator, qui nudatam te omni decore tuo ululare cogat, & dicere montibus operite nos, cadite super nos. Itane despoliasti viatorem DEum filia latronis, & tulisti pallum sanctioris Ioseph procax uxor Putifar? hic est ille qui primum parentem tuum fossatill cinctorio exutum pellibus induit: hic est, qui annis quadraginta in deserto vestes ne detererentur, calceamenta ne consumerentur, tentoria ne senescerent providit, hic est qui tibi paravit vestem nuptialem, & induere te vult vestimentis gloriæ tuæ, quem tu probrosè quasi unum de scurris ac servis scapularibus decore suo exuls. Surda filia Jerusalem, prophetæ tui clamant: *cum videris nudum operi cum & carnem tuam ne despexeris* Isai 58, & tu tuæ carnis autorem, tuæ carnis fratrem, tuæ carnis principem denudas? Pater generis tui Abraham nec filum subiegmis de præda Sodomorum usurpare ausus est, & tu eum, cujus byssus est & purpura denudas? quam vereor, ut pro hac præda induaris sicut diploide confusione tua, & induas maledictionem sicut vestimentum. Stat nudus

IESUS gygas ille ad currendam vitam passionis, stat dilectus æterni Patris filius candidus integritate carnis & mentis, futurus brevi rubicundus sanguine. Stat servus frugi positus vestibus denudatus veriùs ab æstu charitatis, quam à violentia impietatis: stat athleta fortis luctaturus nudus cum nudo mundo nihil de suo retinens præter amorem nostri: stat gloriosus Rex Israël nudatus, quasi si nudetur unus de scurris. Quid ad hanc nuditatem Pater Filij sic in servitute sua denudati? jubetne citò proferri stolam primam, & indui illum? illam inquam stolam, in qua scriptum est Rex regum & Dominus dominantium: Quid Cherubim ac Seraphim? an fortè pãnsis alis obumbrant pudorem ejus? quid Angelorum exercitus? an solem fleçit in umbram ejus & stellas in operimentum illius? saltem adest benedictus aliquis Sem & Japheth, qui deferat pallium, & impij Cham prohibeat illusiones super melioris Noë nuditate? alienati sunt omnes ab eo, & non est, qui misereatur nuditatis illius. Venit hora & nunc est, in qua, quæ non rapuit, exolvere debet, exuiq; omnibus, etiam vestimentis propter debita quæ suscepit. Verè nunc facta est confusio mortis super eum, & confusio gentium cecidit super illum: verè nunc verecundia ejus contra eum est, & confusio faciei cooperuit illum, Ubi nunc nubes illa lucida?

da? ubi vestimenta alba sicut nix? ecce nunc transfiguratus in formam servi sola tegitur nuditate: columna nubis obumbravit populo DEI in transitu maris rubri, JESUM transitorium mare rubrum passionis suæ sola vestit nuditas: Moysen & Aaron operuit gloria Domini detrahente eis populo, JESUM operit ignominia nuditatis.

Michææ i. comminatur propheta Samariæ & Jerusalem exitium inquiens: *Ecce Dominus egreditur de loco suo, & descendet, & calcabit super excelsa terræ, tandemq; concludit: Vadam spoliatus & nudus.* Non moror in explicatione prophetæ; id unum innuo, egresso Domino de loco suo, & calcante super excelsa terræ, denudavit & spoliavit servates, quanto convenientius id factururus esset; si vidisset Dominum egressum à loco Domini, & in servitute nudum & spoliatum. Vidit hanc ejus nuditatem Apostolicus grex, & dixit: Vadam spoliatus & nudus, nam denudatus ad flagella ivit gaudens pro nomine JESU contumeliam pati: vidit purpuratus Martyrum exercitus, & ait, Vadam spoliatus & nudus, nam teste Surio in vita S. Adriani 8. Sept. Confessores Domini non vertice tantum nudi, sed toti sine lacinia ad tribunalia tyrannorum stare cogeantur. Vidit eremi cultor, & ait, Vadam spoliatus & nudus, tuncque solum sibi superbus graditur, cum palmæ folijs te-

### Caput II.

gere placet nuditatem. Vidit candidati agminis innocens oculus, & probrum mundi nuditatem ad exemplar Christi assumpsit. Vadam spoliatus & nudus. Tibi etiam, qui hæc legis, eundem est spoliato & nudo; projicienda sunt vestimenta, nudandus es tunica talari ac polymita, si non eâ quæ corpus, certe eâ quæ vestit animum; exuendus est vetus homo, exemplo 40 militum martyrum, quorum nudatorum, & in gelidum stagnum conjectorum ea vox fuit teste S. Basilio: *Non amictum exuimus, sed hominem veterem concupiscentiæ deceptione corruptum. Gratias agimus tibi Domine, quod cum isto amictu simul & peccatum exuere licet, quoniam ob serpentem eum induimus, ob Christum verò exuimus.* Nudos amat eremus ait Hier. ad Rustic. nudos & Christus: *ad calum Elias*, ait idem ad Nepotianum scribens, *cum pallio ire non potest*, nec tu ibis cum vetere homine: pone pelles superbas veteris hominis, pone pallium colore varium veteris Adæ, inconstantiae symbolum: pone calceos exuvias illas bestiarum, typum indurati peccatoris, ut cum Moysæ accedere merearis ad montem sanctum, denique rejice & tunicam, ut nudus post nudum Christum eas.

Dignum consideratione est, quæ causa fuerit, quod servus noster plurimum poenæ pertulerit à veste; albam ab Herode ut stultus, rubram à Pilato

ut ambitiosus accepit; si exuit suam, induit confusionem; si induit alienam exponitur opprobrio: denique os non est comminutum ex eo, vestes tamen divisionem acceperunt. An fortè luit delicta vestiaria? digna equidem hæc sunt expiatione: sive enim fastum, sive mutabilitatem inspicias, semper erit in quo emendetur scelus: affectatus ille corporis ornatus prostituta integritatis index; meretricius nitor probitatis probum, naturæ opprobrium, histrionicus habitus vanitatis velamentum expiari per Christum debebant: rursus si te super constantem in variatione indumentorum inconstantiam reflexeris, sat justam causam invenies plectendi in veste eum, qui pro alijs hominum peccatis punitur in corpore. Mutabilior Chamæleonte homo non solum colores, & herbarum flores, quos videt, rapit, sed novos excogitat: gulam citius, quam ornamentorum cupiditatem expleas, illa semel saturata diem tolerat, infania vestium alia procedit è lecto, alia prodit è domo, alia in publico, alia in privato. *In vestibus*, ait D. Asterius hom. de divite & Lazaro, *videtur: est Leones, pantheras, urfos, tauros, canes, sylvas, saxa*: ad hanc mutationem fullo fatigatur, & purpurarius, aut ut loquitur Tertullianus lib. de habitu mulier. cap. 1, *& Milesij oves tondent, & Seres arbores nent, & Tyrj tingunt, & Phryges insuunt, & Babylonij*

*intexunt, & Margarite candent, & Germanania coruscant, & ipsum aurum de terra prodit. Omnis jam nostra cura est, verba sunt S. Hieron. epist. 22, de vestibus, si bene oleant, si pes laxa pelle non folleat. Accipe tamen & aliam causam, ob quam servus noster plurimum pœnæ sustineat à veste, scilicet mutabilitatem nostram in bono, exuimus ipsi nos non rarò veterem hominem reconciliati DEo per pœnitentiam, rursumque ad veterem revertimur Adam; non tam crebrò diversas induunt effigies elata nubes, non ita saepe de corio suo ludit Chamæleon, sicut nos de moribus, manè innocentiae stolam, meridie impietatis amictum induimur; modò DEo vestimur, post paululum Diabolo, nunc Angeli mox Dæmones, ad horam sanctitate decori, horarii sancti, & post breve tempus Prothæi instabiles volutamur in luto iniquitatis: hanc nostram instabilitatem tam frequenti vestium dedecore luit Christus, hæc illum denudavit, hæc illum illudit apud Herodem, confudit apud Pilatum, denique sub cruce infelici sorti commisit. Quin ergo saltem nunc emenda mutabilitatem tuam, nec esto è numero de quibus Sapiens Eccli. 33. *precordia fatui quasi rota carri, & quasi axis versatilis cogitatio illius*, sed sicut accepisti JESUM Christum, ita in ipso ambula radicans, & superædificatus in ipso & confirmatus.*



II. Alterum inter adjuncta flagellationis est Columna, ad quam servus noster flagellatur. Decantata est apud Scriptores veteres Menia columna, ad quam teste Cicerone servi & hominum vilissimi judicabantur: ad eandem, ut nihil non experiretur de molestijs servitutis constitit servus noster. Examinari debebat ad infamem hunc lapidem pretium ejus, examinari servitus in virga ferrea, in virga peccatorum, in virga furoris Domini: lues ad hanc columnam Christe servili more delicta innocentiae, & peccata bonitatis tuae: venisti ignem mittere in terram, & Promethei instar saxo alligatus in poenam aptabere: incidisti in manus Philisthijm spoliare fortitudinem tuam servitute ad molam iniquitatis Samson, nec valebis concutere columnam: posuisti tibi columnam diviniorem Hercules, cui Plus ultra, inscriberes, ultra eam enim producturus es opus tuum, metamque pones laboribus, ubi servitutis & vitae meta futura est. Intende mecum Christiane Lector ad hanc columnam, & vide etiam illam factam esse ducem itineris Christiani ituri per mare rubrum sanguinis sui, hac ille duce ibit vias difficiles, vias deserti, deserendus ab omnibus, etiam à Patre, etiam à seipso: ibit traducturus nos de Aegypto, de domo servitutis in terram promissionis: habebit hac in columna columnam nubis non pluviae bajulam,

sed sanguinis, qui de sacro ejus corpore profluens universam terram irrigabit, habebit columnam ignis praebulam in nocte hac potestatis tenebrarum, & ducricem in terram non lacte & melle fluentem, sed cruore Salvatoris. Columnam populo per desertum peregrino erexit DEUS in caelo indicem protectionis suae, columnam in terra Christo erexit homo indicem immanitatis suae, heu multum disparem istam à priore! illam quippe DEUS struxerat, ut esset solatio, hanc homo crudelis posuit, ut esset afflictioni; in illa DEUS erat teste Scriptura Exod. 13. *Dominus autem praecedebat eos ad ostendendam viam per diem in columna nubis, & per noctem in columna ignis, & dux esset, utroque tempore.* in hac diabolus est, ut praecedat impios ad ostendendam viam omnis insolentiae: illa quamdiu stabat super filios Israël, manna pluebat de caelo, & vestes eorum attritae non sunt; ad hanc cum primum stetit Filius DEI servum indurus, omnis amaritudo cecidit super eum, & vestes servilis carnis ejus in frustra disceptae sunt. O columna infamis, columna Menia, columna quam posuit homo testem ad inventionum suarum! Ferunt à nepotibus Adae erectas columnas duas, lateritiam unam, alteram lapideam, in iisque ad inventiones artium suarum insculptas fuisse, ut in ijs legeret posteritas disciplinas rerum admirabilium: sed

sed & legionum imperatores teste S. Athan. *epist. ad Ammum apud Balsam.* confecto bello, reque feliciter gesta columnas erigebant, quæ fortia illorum facinora & virtutem singularem ad posteritatem transmitterent, imitati in hoc Herculem & Jovem, nam ut refert Lactantius *lib. 1 de fals. relig. cap. 11.* Jupiter in fano, quod Jovis Triphillij dictum fuit auream columnam posuit, in qua gesta sua inaravit, ut esset monumentum sæculis posterioribus rerum suarum: sic planè impietas inaravit palmare scelus suum, & adinventiones nequitiae suæ: leget in hac columna tota retro æternitas; quanta malignatus est iniquus in sancto, leget quòd impius extenderit contra DEUM manus suas, & contra Omnipotentem roboratus fuerit: leget ad columnam hanc impiorum ictibus expositum, ante quem columnæ cæli contremiscunt, & relictas è lacero corpore notas sanguinis an immanitatis observabit. Hic scilicet debatur colossus Majestati exinanitæ, hæc columna servo erigenda erat à dominio impietatis. Sed quid ego impietatem accuso, ego Phidias hanc sculpti pyramidem, ego ad eam flagellavi Christum, profluoque de lacero corpore sanguine cælavi illam: luit me lictore Christus superbiam meam, luit insanas illas substructiones, quas egomet mihi, ut videar ab hominibus, erigo apud meipsum; luit tumorem mei similem,

qui cum bene fecerint, quasi de Troja triumphatum esset, nomina sua magnificant, & obviæ cuius herbæ parietariæ inscribunt. Tu tu peccator tumide infamis hujus columnæ es artifex, imò tu ipse in infamem hanc columnam, ad quam ludibrio exponitur Christi servitus conversus es; tu tu ipso flagellas in corde tuo omni saxo duriore illum, tu sævis & dilanias eum, quoties indurata in malo voluntas tua contra Altissimum roboratur, tuque erecto collo contra patientiam DEI delinquis: saltem nunc sanguini Christi innatans cor tuum liquefiat, & exuat duritiam, aut si columna esse vis, fac quod monet similis filio hominis primus & novissimus Apoc. 3 *Qui vicerit, faciam illum columnam in templo DEI mei.*

III. Tertium flagellationis adjunctum sunt vincula, quibus columnæ adstrictus fuit Christus. Alex. ab Alex. *lib. 3 cap. 20* docet in more positum fuisse, quod, si quis demonstrare vellet servum minùs justè vinculatum fuisse, solitus fuerit vincula incidere. Ita ut eorum pars relinqueretur in corpore, pars autem in manibus Domini: quod factum cum Josepho Judæo jussu Vespasiani, cui imperium prædixerat, testatur ipse Josephus *lib. 5 de bello Judaic. cap. 12.* Christum injustè vinctum non dubitas; ligarunt eum qui ligat aquas in nubibus, non tam lictorum laquei, quàm tua flagitia, ligarunt autem

per summam injuriam: dirumpi utiq; vincula ejus. voles, quomodo si rumpat quis filum de stupæ tortum putamine, cum odorem ignis acceperit? sed hoc non permittit salus tua, & assumpta Christi servitus: tu ligatis manibus ac pedibus mittendus eras in tenebras exteriores, misertus tui Filius Altissimi servile corpus induit, & sui Genitoris, ut loquitur S. Laur. Justin lib. 6 de triumph. agon cap. 4. *eum impellente gloria, tuā eum trahente infinita miseria, Divina eum arctante justitia, & superna. atq; stabili in eo inhabitante gratia,* vincula tua in se suscepit, ut tu liber abires: quid præstes gratitudinis liberatori tuo aliud, nisi partem vinculorum ejus in te derivas? alligari te vult exemplo Apostoli Act. 27 *Ego non solum alligari, sed & mori in Jerusalem paratus sum propter nomen Domini JESU,* alligari autem non vinculo ferreo, sed propria voluntate, sed spiritu, rursus exemplo ejus, qui dicebat: *Ecce alligatus ego spiritu,* alligari vinculo eò, quo captives intellectum in obsequium fidei, voluntatem subigas ad observantiam mandatorum DEI. Age induere vincula Christi, eique colligare, qui tuā causā vincula subit. Deos vinculis constringi solitos à Lacedæmonijs refert Pausanias, quod eos perpetuò sibi vellent auxiliò præsentem; tu vinculis Christi eundem tibi, teque illi alliga, artem hanc tam feli-

cis colligationis docebit te charitas, habet ea vincula, quibus hominem Deo, creaturam creatori, infima summis devinciat & uniat. De ejus vinculis loquitur S. Laur. Justin, in ligno vitæ cap. 4 inquit: *O charitas quàm magnum est vinculum tuum, quo DEUS ligari potuit! nullum vinculum Filium DEI ad columnam tenere potuisset, si charitatis vinculum defuisset.* Habe charitatem, & artem tenes, qua pro te victo vinciaris. Denique si in partem etiam flagelli Christiani venire non metuis, sequere exemplum Fulconis Comitis Andegavensis: de eo refert Paulus Æmilius lib. 3 hist. Franc. quod profectus Jerosolymam ligato ad columnam laqueo trahi se voluerit ad sepulchrum Christi, ibique flagellis ita cædi, ut sanguis torrentis intar deflueret, inter plagas autem clamavit: *DEUS miserere miserandi Fulconis, qui fidem tibi non servavit, & nunc fugitivum tuum est mancipium.* Junge vinculis flagella, & inter resonantes contriti cordis ictus insona tuum miserere: *DEUS miserere miserandi peccatoris, qui fidem tibi non servavit, & nunc fugitivum tuum est mancipium: mei causa flagellis vapulasti, mihi sanguinem fudisti, pro me opprobria sustinisti. Miserere miserandi peccatoris, qui fidem tibi non servavit, & nunc fugitivum tuum est mancipium.*



## CAPUT III.

## De Coronatione Christi

I. **A**bsoluta jam fuerat censura Præfidis, qui promiserat se emendatum servum dimissurum, cum rursus ad coronam vocatur ab impietate. Coronatos servos extremæ sortis dicebant, qui sub corona venibant apud Cælum Rhodiginum *lect. antiq. lib. 25 cap. 22*, Aulum Gellium *noct. attic. c. 4* Coronatorum etiam albo, ne quod mung servile non subiret, inferendus erat servus noster. Coronans coronat eum tribulatione potestas tenebrarum, & sertum servitutis ponit super caput ejus. MILITES PLECTENTES CORONAM DE SPINIS IMPOSUERUNT CAPITI EIUS: hoc est decoramentum JESU, hæc corona malitiæ. Olim jubebatur aurum redimiri vertex iste Zach. 6 *Sumes aurum & argentum, & pones in capite JESU*: olim gloriâ & honore coronavit eum DEUS, & coronam pulchritudinis posuit super caput ejus: olim coronas suas mittebant ad pedes ejus seniores *Apoc. 4*, nunc sentibus & paliuris coronatur. Judic. 8 principibus Soccoth minabatur Gedeon. *Conteram carnes vestras cum spinis & tribulis deserti*: & Synagoga impia, quod ille minabatur, opere implevit in Christo: contritum est caput ejus cum spinis & tribulis, & vertex illius sentibus terebratus est: hoc nem-

pe minabatur ei apud vatem regium ps. 71. *Convertatur dolor ejus in caput ejus, & in verticem ejus iniquitas, quam assumpsit in servitute sua; descendat.*

Ezech. 21 Corona Régis Sedecia vocatur iniquitas, idque tertio. *Auferait, cidarim, tolle coronam, nonne hæc est, quæ humilem sublevavit, & sublimem humiliavit? Iniquitatem, iniquitatem, iniquitatem ponam eam*: quæ id verius de corona Christi, qua coronavit eum noverca synagoga, dixeris? maledicta è terra decerpta corona hæc à manu impia jure iniquitas vocanda est, ut adnotavit psaltes: Convertatur dolor ejus in caput ejus, & in verticem ejus iniquitas ejus descendat. Hæc iniquitas coronat JESUM, hæc pungit sanctum Christi verticem, hæc fauciatur sacra tempora fidelis servi. *Ambitur*, ait Chrysost. *serm. 3. de pass. sacrum caput aculeis spinarum, & divinum verticem penalis coronæ pompa circumdat, sed in spinis illis nostra cum peccata pungebant*. Iniquitas ejus corona fuit, iniquitas synagogæ, iniquitas tortorum, iniquitas nostra. *Peccatum est aculeus in spinis*, ait Hilarius in Matth. *ex quibus Christo victoria corona contextitur*: & Aug. in ps. 103 *spina quid significant, nisi peccatores, qui quasi ericij spinis peccatorum cooperti sunt*: quod ipsum in novissimo sermone suo innuere videtur David 2 Reg. 23 *Prævaricatores quasi spina evelluntur universi*,

*versæ, quæ non tolluntur manibus.* Hæ ergo spinæ cingunt caput IESU, hæc coronat iniquitas. Scio equidem etiam regum terrenorum coronas ut plurimum esse de spinis; vix quippe minus sanum reperies caput, quàm coronatum: pungitur illud aculeis domi forisque natis veluti spinis, nec habet requiem diu noctuque à puncturis; pungit illud externus hostis inhians regno; pungit civis domesticus regum acta examinans; pungit dives & pauper obtrectans: sed & illud non nescio apud plures tales, coronam esse iniquitatem; multos quippe reperire est, quos si non imperassent, iniquos esse non contigisset. Singulariter id tamen de corona Christi dici debet; in hanc quippe sicut spinæ, ita iniquitas omnis implexa est, in hanc abiit corona superbiæ, cui vix dicitur per prophetam; in hanc spina illa, de qua prov. 26. *Spina nascitur in manu remulenti;* in hac spina corona avaritiæ pungens possessorem, corona luxuriæ degenerans in spinas, sertum hominis pigri parum differens à senticeto, quod is sibi plectit ex agro suo, de quo prov. 24 *Transivi per agrum hominis pigri, & ecce totum repleverant urticae;* in hanc denique translata est omnis nostra iniquitas, nosque ipsi peccatis nostris velut aculeatis spinis pungentes Salvatorem. Suorum quospiam vocabat Apostolus gaudium & coronam Philip. 4. *Gaudium meum,*

*& corona mea:* secus de nobis Christus, dolor enim ejus & corona spinea facti sumus, imposuimusque iniquitatem nostram super caput ejus.

II PLECTENTES CORONAM DE SPINIS IMPOSUERUNT CAPITI ejus. Servos capite diminutos vocant jura. *Instit. de capit. diminutione, § l. 2 ff. de capit. dimin.* Cujacius Ictus apud Salazar in cap. 19 prov. putat denominationem hanc inde ortam esse, quod decore, capitis, videlicet ratione & consilio proprio privati cogantur aliena ratione ac libertate vivere. Quid si ita est, etiam servus noster, ad sortem hanc pertinebit: privatus est ille per has spinas omni decore capitis, delapsa est ab eo omnis reverentia, perijt cum libertate sanitas sacri verticis, capite diminutus est: habebant jam membra reliqua poenas suas, & confertam ignominiam, ne integritate caput solum gauderet per hos tribulos providit impietas. In corona spinea, ait Bern lib. de pass. cap. 39 *non leviter imposita sed invide impressa non solum opprobrium, sed & supplicium querunt implij.* Mille puncturis ait Chysostr. hom. 98 in Matth. caput ejus illa corona fuit punctum, ita ut sanguis copiosissimus per faciem & genas deflueret. perfossum & cruentatum vepribus caput sicut confirmatæ ignominie continebat illiadem, ita inexplicabilis torturæ includebat compendium. Nunc quis satis cogitare poterit,

ait S. Vincentius Ferrerius serm 10 de pass. *quantus dolor venerandum illud caput tor aculeis confixum affecerit, cum nos vel ad unius spine puncturam fere intolerabili dolore vexemur.* Non latet equidem me ipsas etiam coronas quandoque oneri potius quam honori impositas fuisse, qualis inter ceteras fuit illa quam Niceta teste lib. 2 de gestis Alexij fratricida Henricus VI Imp. Jordano nobili Siculo regni æmulo ignitam clavis ferreis infixit inquiens. Habes homo coronam, quam venatus es, nemo tibi invidet, fructu usque adeo desiderata re: cui non absimilem cum adjecto titulo Regis proditorum portavit Valtherus teste Odorico ad annum 1436 num. 29 Talis fuit Joannis Piplini prædonum antesignani apud eundem Odoricum anno 1355 num. 22 in qua ad ignominiam redimitus post affectatum regnum Apuliæ circumductus est. Verum an ulla uspiam magis afflixerit aliquem, quam spinea Christum, ignoro: perforabant sacra tempora crudeles spinæ, & acuta cuspide junci immanes ipsius cranij penetrabant intima, ac ita lacerabant; ut nisi virtus DEI ulteriori eum crudelitati servare decrevisset, milies ei moriendum fuisset. *Quantula est punctura spinæ, & quantum hominem domat?* exclamat pastor apud Theocritum pœtā. Ego exclamare possum: quanta est punctura spinæ, & quantum Deum do-

mat! non remansit ab his spinis in eo species non decor, propèque hominem posuit ita fædè deformatus. Cecidit verbum DEI inter spinas, & spinæ suffocaverunt illud, hæsit agnus DEI inter vepres, & succedanea pro Isaac, seu pro humano genere hostia facta est. *Fecit Christus sicut canis venaticus, qui feram insequens caput intra spinarum aculeos immittit non timens exulcerationem; ut feram capiat, feram inter spinas latitantem extraxit, sed punctiones spinarum usque ad sanguinis effusionem sustinuit; in cujus signum spinam coronam portavit in capite* ait Hugo in cap. 2 Cant.

III. PLECTENTES CORONAM DE SPINIS IMPOSUERUNT CAPITI EJUS. Multa inter Scripturæ interpretes quæstio est, qualisnam fuerit spina, qua Christus coronatus est. Alij plexam putant ex junco marino, alij cum D. Hieron. in cap. 3. Abacuc, & in cap. 2. Aggei factam è rhamno plena sentibus ad instar ericij, Gretzerus de cruce cap. 3. ex ijs, quas spinas sanctas vocant, quarum singulæ tribus constant aculeis: abundare quemvis in sensu suo permitto, magis ipse devolvor ad mystica. Cyrillus lib. 12. in Joan. cap. 15. intelligit per spinam hanc multitudinem sculptilia colentium. Steriles hæ spinæ fuerant, nec ulum pietatis fructum proferebant, ac igni soli nutrimentum servabantur, quæ tamen per fidem in diadema Christi



sti susceptæ sunt. Hujus ferè mentis videtur etiam esse Lactantius lib: 4. de vera sapientia cap: 26. *Corona*, ait, *spinea capiti ejus imposita declarabat fore, ut Divinam sibi plebem de nocentibus aggregaret: nos autem, qui ante DEi cognitionem fuimus injusti, spina, id est, mali & nocentes eramus; Electi ergo ex dumis & sentibus sanctum DEi caput cingimus, quia convocati ab ipso, & circumfusi undiq; ad eum Magistro & Doctore DEo assistimus, regemq; illum mundi & omnium viventium Dominum coronamus.* Coronasti eum coronâ de spinis peccatorum tuorum, quas maledicta in opere tuo terra tibi germinavit homo peccator, coronasti eum coronâ miseræ, ut esset contemptibilior, tibi rosas elegisti, illi spinas reliquisti; coronasti eum non suave rubentibus rosis, sed dirè cruciantibus paliuris, & ipse libenter subdit illis sacrum verticem, quoniam *spinetæ benignus omnia nostrorum suscepit ille malorum*, ait Sedul. lib. 4. carm. paschal. ; ut & tu discas, quo loco esse apud te debeant spinæ, quarum *aculei* teste Tertull. lib. de corona milit. *jam in divini capitis tolerantia obtusi sunt.*

De S. Joanne de DEo fundatore Ordinis Hospitalitatis habet Bollandus in vita 8. Martij, impressam capiti ejus coronam spineam à DEipara dicente: *Per has spinas Joannes vult filius meus grana dia ut meritis consequaris*, responsumq;

## Caput III.

ab eo: *Labores & spina, quæ à tua manu mihi veniunt, rosæ & flores mihi sunt.* Immittet etiam tibi aliquando Divina providentia aculeum aliquem de spina sua, fac ut & tu per has spinas grandia consequaris. *Spina falsus frater, spina vicinus est malus*, teste Bern. serm. 48. in Cant. sustine illos patienter, & in partem spinarum Christi venisti; omnes ejus aculeos perferre non potest imbecillitas tua, modicum sustine, & spinarum Christi factus es particeps. Denique sicut in flagellatione cecinisti cum Fulcone Miserere, sic & in coronatione, cum quid spinosum pateris, illud ingemina. Refert idem Bollandus de S. Potito M. ad diem 13 Januarij eum clavum quo confixus erat, in tyranni Antonini caput orando convertisse, ut hic necesse habuerit opem Martyris implorare exclamando: *Miserere mei serve DEi Potite, miserere mei: idem tecum fieri à Christo puta, quoties aliquam tibi de suis spinis immittit: exalta tunc vocem tuam, & interna tuum miserere. Miserere mei, qui mei causâ servi formam induisti, miserere mei.*

IV. PLECTENTES CORONAM DE SPINIS IMPOSUERUNT CAPITI EJUS, ET ARUNDINEM IN DEXTERA EJUS, ET GENU FLEXO ANTE EUM ILLUDEBANT EI DICENTES: AVE REX JUDEORUM, ET EXPUENTES IN EUM ACCEPERUNT ARUNDINEM ET PERCUTIEBANT CAPUT EJUS. Vide ludibria servi

servi poenæ. Cornelius à Lapide in cap. 6. *epist. ad Ephes. vers. 7.* meminit veteris emblematis, quo servi probitas adumbrabatur. Pingi ait solere pileatum rubro pileo, eleganti interula vestitum, cum auribus asininis, ac dextera erecta, & in palmam explicata. Pileus significabat libero & liberali eum esse debere animo, quamquam aliàs teste Livio in *sine lib. 45.* pileus esset insigne libertinæ conditionis, & servi in necessitate militiæ adscribendi ad pileum, id est libertatem vocari dicebatur: interula designabat assidue eum operi ac labori intentum esse debere: aures asininae innuebant ei multa dura patienter audienda, dextera erecta index erat fidelitatis in tractandis rebus ac negotijs Domini. Expleta hæc omnia voluit in servo nostro potestas tenebrarum: imposuit ei pileum de spinarum aculeis, nam ut habet S. Vincentius *serm. de passione, corona poenalis ejus ad modum pilei plexa erat, ita ut undique caput tegeret, ac tangeret.* Rubebat hic pileus, non tam nativo colore veprium, quam sanguine Christi per has spinas deprompto; addidit & interulam elegantem, coccineam scilicet chlamydem, & purpureum vestimentum, sed ut bene Bernardus *lib. de passione c. 4.* multò ille nobilius vestem corporis sui pretiosissima effusione purpuravit. & Guilielmus Abbas in cap. 7. *Cantic. vers. 5.* *Purpum ejus est proprio*

*rubens sanguine caro Redemptoris, caro etenim illa sacrum Verbi indumentum erat, ex quo VERBUM Caro factum est, & habitavit in nobis, sed tempore passionis in regalem purpuram hominibus & Angelis adorandam in proprio sanguine tincta est: habet & aures asini, nam ad omnem insolentiam lingvæ calumniantis factus est sicut homo non audiens, & non habens in ore suo redargutiones, fortis & patiens, in plagis supra modum, magis quam ille, quem deprædicat Jacob, Gen. 49. *Isacchar, asinus fortis supposuit humerum suum ad portandum.* Onerabatur, & fatigabatur in laboribus plurimis, & gestabat sine murmure pondus, vapulabat verberibus & verbis, ac sustinebat in multa patientia, sicque sustinens se frangi probabat servum, imò probabat in ipsa servitute DEum, nam ut bene Cyprian. *lib. de bono patientiæ. Inter cetera admirabilia virtutum suarum, quibus indicia Divina majestatis expressit, paternam quoque patientiam tolerantia tenore servavit.* Denique dexteram habet in palmam explicatam, ut expeditior sit ad capienda instrumenta infamiae.*

POSUERUNT ait sacer textus, ARUNDINEM IN DEXTERA EIUS, ET GENU FLEXO ANTE EUM ILLUDEBANT EI DICENTES: AVE REX JUDÆORUM. Ad quem locum Bern. *serm. de passione Attende,* ait *anima mea, quis ista est, qui ingredi-*

tur habens imaginem quasi regis, & nihilo minus servi deſpectiſſimi confuſione repletus, coronatus incedit, ſed ipſa etiam ejus corona cruciatus eſt illi, & mille puncturis ſpecioſum caput ejus diſvulnerat: regali purpura induitur, ſed potius in ea deſpicitur, quàm honoretur: ſceptrum in manu geſtat, ſed eo ipſo caput ejus reverendum feritur, adorant coram ipſo poſitis in terra genibus, & regem clamant, & continuo ſputis amabiles ejus genas, ſubliniunt, maxillam palmis, & honorabile collum exhonorant. Philo Judæus in Flaccum ſcribens refert in imagine Carabbæ motionis ludificatum Regem Agrippam; tractus iſ à puerorum inſolentia per orbis compita cum corona chartacea addito pro ſceptro arundinis fragmento acclamantibus omnibus Marin Marini, quod Syris ſignificat Dominum, Syrus autem Agrippa fuit. Ita planè cum ſervo noſtro proceſſit impietas, coronatur ille, ait Deſtio lect. 9 de paſſione, ſed corona improprie, ludicri Regis geſtat ſimulachrum, ſed veri mancipij & furciſeri notis repletum, corona illi cruciatus & ſupplicium eſt, purpura indutus, ſed magis totum corpus ſlagris loreis purpuratus, ſceptrum manu præfert, ſed ſceptrum eſt arundo caſſa: induitur enim in manum arundo pro ſceptro, & Rex miſerandus ſceprio ſuo vapulat: accurrunt genu ſteſſo velut adoraturi, ſalutant eum cla-

## Caput III.

more. Ave Rex Judæorum, & cum diſto faciem conſpuunt, & alapis faciem abſtergunt, haud ſcio, an manu armata, ne in ſpinas impingant, ferrea manu, ferrea fronte, ferreo corde, colaphis alapas, alapis colaphos confundunt. Hic eſt totus apparatus Regis ludicri, ſervi Regis: hæc corona miſeriæ, qua coronavit eum noverca Synagoga. Tu quid agis viſo hoc coronato? age quod fieri voluit rex lignorum rhamnus; veni & ſub umbra illius quieſce, ne ſi hoc non faxis, egrediatur ignis de rhamnino, & devoret te cum cedris Libani, tunc quando hic ipſe coronatus dicet: Ite in ignem æternum. Videant eum, monet Bern. lib. parvor. ſermon. ſerm. 6, peccatores in corona miſeriæ, & compungantur, videant eum anima effecturoſe in corona miſericordiæ, & imitentur, ne computentur eum impijs, qui videbunt eum in corona juſtitix & peribunt, ſed numerentur inter Sanctos, qui videbunt eum in corona gloriæ, & perpetualiter gaudebunt. Apage coronas impiorum coronari volentium roſis, antequam marceſcant, à ratione quippe alienum eſt, ait Clem. Alex lib. 2 pædag. cap. 8 ut qui audivimus Dominum ſpinis coronatum fuiſſe, ipſi venerabili Domini paſſioni per ludum inſultantes habeamus capita redemita floribus. Ecce Pater æternus coronam in Filium dimiſit, ſed ſpineam, exclamavit Edvardus Rex Angliæ coronan-

dus



das in Regem, cum in transeuntem flores undique è domibus jacerentur, teste Malvenda in spec. principum part. 2. cap. 13, *hac ille cæli Rex inauguratus, & ego florea, aurea, gemmea rex inaugurabor? Non faciam*, pudet sub spinoso capite membrum esse delicatum. Quod si nihilominus coronari aves, coronam induere, sed spineam, corona tua sit illa de qua Eccli. 1 Corona Sapientie timor. Domini, corona tua sit Christus spinis coronatus.

## CAPUT IV.

## De adductione Christi ad populum

I. **H** Omero in Odyssea lib. 10. *Servus dimidius homo est, liber autem integer.* Judæis Christus vix quidquam habet de homine; ita quippe eum flagellis ac sentibus deturparunt, ut citius vermem crederes, & excoriatam bestiam, quam hominem; non erat ei species, neque decor, caput eius laceratum spinis, facies sputis foedata, genæ alapis lividæ, totum corpus cruore velut lepra infectum. *Vidimus eum*, ait Isaias cap. 53, *& non erat aspectus, despectum & novissimum virorum, virum dolorum, & scientem infirmitatem, & quasi absconditus vultus ejus, & despectus, unde nec reputavimus eum.* Testimonium humanitatis dare cogitur ipse Judex, ne planè nihil de homine retinuisse putaretur. Ecce, ait, homo, ho-

mo sine viribus, vir sine vigore, homo in quo homo quaerendus est: opprobrium hominum, & abjectio plebis. Ecce ADDUCO EUM VOBIS FORAS: inspicite formam, respicite faciem, si nostis hominem in forma vix jam humana. Ecce homo multum dissimilis homini, homo miser & miserabilis; homo in similitudinem hominum factus, & habitu inventus ut homo, modò prope ipsum hominem perdidit.

1. Machab 4 Judas & fratres ejus. *Viderunt sanctificationem desertam, & altare profanatum, & portas exustas, & in atrijs virgulta nata, & sciderunt vestimenta sua, & planxerunt planctu magno, & imposuerunt cinerem super caput suum, & ceciderunt in faciem super terram, & exclamârunt tubis signorunt in cælum.* Sed & Mathathias 1 Machab. 2 lamentatur, quia *sancta in manu extrancorum facta sunt, templum ejus sicut homo ignobilis, & vasa gloria ejus captiva abducta sunt.* Debebat patres threnos intonare Judæ posteritas ad triste hoc spectaculum, vidit enim Christum sine socio, sine auxiliatore, sine discipulo: ecce sanctificatio deserta; notavit genas sputis, pectus concreto oppletum cruore: ecce altare profanatum: aspexit oculos lachrymis, aures spinis, os livore offusum, ecce portæ vastatæ: advertit tergum aratum virgis, ecce in atrijs virgulta nata: carnem ejus in potestate sua gentilitas tenet, ecce san-

sancta in manu extraneorum; totum ipsum opprobrium hominum factum, ecce templum ejus sicut homo ignobilis: non invenit in toto corpore ac vestitu quidquam gloriæ, ecce vasa gloriæ ejus captiva abducta sunt; sciditne ad hæc vestimenta sua Israël? an sumpsit planctum? caputne cinere, & os ejulatu implevit? alia longè, videntur, clamaverunt, dixerunt; viderunt fulgur ejaculantibus oculis, clamaverunt tonitru imitantibus faucibus, dixerunt voce humana, diabolico spiritu, amentissimè sinè ratione, crudelissimè sine compassione, pertinacissimè absque remissione: elevaverunt vocem flumina Pontificum, secutæ sunt minores paludes synagogæ. TOLLE TOLLE, CRUCIFIGE EUM. Tu saltem Pilate claude ora malignantium, recanta tuum, *Ecce homo*, expone fufius, quæ duobus involvisti verbis, dic quæ in tuo dicto implicita vidit Aug. tract. 116 in Joan. inquiens: *Ecce homo non clarus imperio, sed plenus opprobrio. Si Regi invidetis, jam parcite, quia defectum videtis. Flagellatus est, spinis coronatus est, ludibriosa veste amictus est, amaris convicijs illusus est, alapis cæsus est, fervet ignominia, frigescat invidia.* Clama ecce homo non jam potens opere & sermone, non formidandus, sed miserandus; ecce homo sine supercilio superbiæ, sine murmure indignationis, absque minis vindictæ. Ecce sanguis Davidis ve-

stri, quem dicebatis pauperum solatium, agrorum refugium, miraculorum artificem, ecce ipse pauper & infirmus, ecce ipse nihil habet virium. Adde si placet & illud Baptistæ: Ecce Agnus DEI, non aperiens os suum tam barbarè attonsus ac laceratus, tygride nisi ferocior est furor vester, mansuescieri debet, tigris ferociens ob raptos catulos ponit furorem, & iratam suspendit Matrem, si incidat in laceros agni artus teste Majolo *in colloq. de quadruped.* Composui nuper cum latrone justum, cum seditioso pacificum, cum homicida vitæ autorem, & istum repulstis, illum absolvistis, nunc quanquam innocentem vestris lingvis stimulatus quasi nocentem produco, an odium de animis vestris educo? Ecce homo, imo ecce non homo opprobrium hominum, & abjectio plebis: vos si homini non hominem portanti adhuc sangvinaria siti instatis, quantumcunque hominum voce concrepabitis, apud me homines non eritis. *Fervet ignominia, frigescat invidia;* pergit August. *sed non frigescit, inardescit potius & increscit.* Si perforatis terræ visceribus omnia flumina ac maria in ignem inferni derivares, nunquam ejus flammam extingveres: gehennæ ignis invidia est, hominem quem corripit usq; & usq; incendit: parum de eadixit Greg. Nyssenus in vita Moysis: *Invidia malorum princeps, mortis mater*

*mater, flamma cordis, intestinorum ignis*: aliquid amplius Chrysost. hom. 41 in Matth. *Invidia, ait, pestiferum malum hominem in diaboli conditionem, ac in demonem immanissimum convertit*: sicut ergo demonium illud, quod in Evangelio sævum dicitur, rumpebat catenas, quibus obsessus tenebatur, discerpebat vestimenta, quibus nuditas demoniaci tenebatur, fugiebat cives, infestabat viatores, in monumentis pernoctabat, in deserta hominem agebat, ita invidia Caipham & Judæ potesteros exercebat: scidit ille vestem ad primam Christi confessionem, rupit catenas divinæ legis, cives & gentem Judæam in deserta gentium dispersit, advenas Romanos scelere percussit, quia tota fuit in Christi monumento, remedia quæ Pilatus applicuit, non admisit. Bene Cassianus collat. 18. cap. 17 eum, *quem semel invidia veneni sui peste corruperit, penè dixerim carcere remedio*: quantò enim alter aut humilitatis subiectione, aut patientiæ virtute, aut munificentia laude profecerit, tantò iste majoribus invidiæ stimulis incitatur, qui non nisi ruinam aut mortem ejus, cui invidet, concupiscit.

II. Ecce homo. Qualis ad hanc rabiem confusio operuit faciem Christi, imò qualis operiet faciem tuam, cum judex tuus æquus & sanctus te producet in publicum, dicetque: Ecce homo, ecce qui non posuit DEUM adju-

torium suum, sed speravit in multitudine divitiarum suarum; Ecce homo, qui dum viveret, se hominem nesciebat; Ecce homo, qui dum in honore esset, non intellexit, comparatus est jumentis insipientibus, & similis factus est illis; Ecce homo & opera ejus.

Quid quando præter judicem surget vox plebis tumultuantis, & suum illud Tolle ingeminantis; quid quâdo vicino explicabit mappam illatas sibi injurias continentem, & inclamabit. Ecce homo, qui abstulit mea jugera, prædia, fortunam? quid quando operarij surgent cum rastris & ligonibus, cum trulla & malleo, cum subula & forfice? Ecce homo detentor iniquus mercedis nostræ; quid quando colonus effundet profusas à se lacrymas ac onera injustè imposita. Ecce homo qui injustis me oneravit gravaminibus. *Hæc sunt lintea Elpidophore minister erroris, quæ te accusabunt, dum majestas venerit judicantis*, exclamavit Diaconus quidam Muritta nomine contra Elpidophorum Apostatam, Christianorum carnificem prolato linteo, quo eum de sacro fonte susceperat testè Victor. Uticens. lib. 3. *persec. Wandalic.* hæc sunt onera, hæc sunt injuriæ quæ te accusabunt, dum majestas venerit judicantis. Mauritius Imperator exiguo pretio redimere noluit milites suos captivos; quam ob rem iratus hostis ejus Gainas omnes gladio subje-



subjecit. Rapitur sub hac per quietem à pullato & cruento exercitu ad tribunal DEI Mauritius, & tantæ cædis reus accusatur teste Baronio *ad annum 600*, & 602, Idem contigit Theophilo Imperatori post cædem eorum, qui sacras colebant imagines, teste eodem *ad annum 842*, idem alijs virijs sanguinum; idem tibi fiet si ultio alicui assuevisti. *In illo die*, ait Chrysost. in cap. 24 & 25 Matth. *nihil est, quod respondeamus, ubi cælum, terra, ær, aqua, & totus mundus stabit adversum nos in testimonium peccatorum nostrorum, & si omnia taceant, ipsa cogitationes nostras, & ipsa opem spectatiter stabunt ante oculos nostros nos ante DEum accusantes.* Quid quando Christus ipse aperiet contra te vulnera & os suum, exprobrabitque tibi. Ecce homo: ego pro te factus sum homo, & homo servus, servivi tibi in iniquitatibus tuis, servivi usque ad sudorem sanguineum, servivi in laboribus plurimis, in plagis supra modum, & tu quid mihi officij refudisti, quid gratiarum reddidisti? Ego tibi DEus, tu mihi lupus, ego tibi Salvator, tu mihi non homo, vel si homo, sacer homo, hoc est homo supplicijs dēputatus æternis. Quid tibi tunc animi, quid confusio- nis? si sapi maturè provide, ut judicaturus DEo inveniaris in forma cælestis hominis, hæc enim si carueris, meritò clamabit contra te omnis creatura. Tolle, Crucifige, Sequere monitum

## Caput IV.

S. Chrysologi serm. 120. dicentis. *Per Christum sensibus innovatus abjectâ sæculi hujus figurâ formam tuam in formam tui reduc creatoris, ut novitas sensuum tuorum in tuis actibus elucescat, & celestis homo celesti habitu jam gaudiatur in terra.*

III. Fregerat primum arietem ad saxea Judæorum corda Pilatus; alterum adornat. Ecce, ait, REX VESTER, homo vos, in quo vix umbra hominis est non movet, moveat, majestas regia: affectati regni reum dicitis, ecce Rex vester, qui nec seipsum valet regere: invasorem solij regalis clamatis: ecce purpuratum in suo sanguine, coronatum spinis & opprobrio: Ecce Rex vester sputi foeditate unctus, cui tributi loco datæ sunt alapæ & flagella. Benadad Rex Syriæ apud impium Achab invenit gratiam, quam servi ejus accincti saccis petierunt 3. Reg. 20: inveniat in oculis vestris gratiam Rex vester, quem velut sacco, vulnere videtis opertum: imperium rapere hic non potest, qui seipsum salvare non potuit, nec de affectata potentia puniri, cujus specialis fuit de humilitate doctrina, ait S. Leo serm. 10. de passione. Ecce Rex vester, Rex in scena, regis somnium. Et talem vos Regem ludicrum tolli petitis, cujus majestas ridenda magis est, quam metuenda? talem crucifigi cupitis, cujus potentiam nemo sanus peririescere potest? utrius infamia major

major sit nescio; ejus, qui cum in extrema miseria sit, se regem putat, an eorum qui hominem motæ mentis de regno sibi blandientem, majestatis reum pronunciant? Et demus eum de solio Davidis ascendendo prophetasse, nulla adhuc ad hunc finem tentavit media, nondum ille exercitum conscripsit, nondum arma præparavit, nondum belli nervum confluxit. Romanis etiam legibus non contradixit, census subiit, didrachma solvit, vestigalia non inhibuit, quæ DEi sunt DEo, & quæ Cæsaris, Cæsari reddenda constituit, paupertatem elegit, obedientiam svasit, mansuetudinem prædicavit. Hoc est verè non impugnare Cæsarem, sed juvare. Ecce Rex vester. Incanduit ad hæc plebs impia, & furibunda suū illud Tolle, Crucifige mille lingvis recantavit. Tolle è medio, tolle è vita, tolle è conspectu nostro. NON HABEMUS REGEM NISI CÆSAREM, OMNIS QUI SE REGEM FACIT CONTRADICIT CÆSARI, SI HUNC DIMITTIS NON ES AMICUS CÆSARIS. Splendida ad speciem vox, putanda ad veritatem. Regem te habere negas invidia, imò quia Regem non habes, iste est Rex Judæorum: sic enim prophetavit moriturus Iſrâel. Non auferretur sceptrum de Juda, donec veniat, qui mittendus est. Cæsarem te habere dicis, cujus gladio consumabere: expecta paululum, donec quadraginta anni iteratò elabantur erranti in deserto,

& pto una cruce mille recipies, pro una columna mille subderis flagellis, denique quocunque te verteris, spinâ indueris à Cæsare. *Omnis qui se Regem facit, contradicit Cæsari*, tu magis impia contradicis: Ecce Cæsar in Pilato Christum absolvit, tu condemnas, ecce Cæsar in suo judice non videt in JESU Nazareno Regem, quem tu ad crucem rapis ut perduellem. Cæsar tibi Cæsar est JESU autem servus, non aufert JESUS a Cæsare potestatem, cui se lubens subdidit, tu quæ non pares DEo, Cæsaris quoque, vicariæ potestati contradicis. SI HUNC DIMITTIS, exclamas, NON ES AMICUS CÆSARIS, & extorques à Præside facinus Delicidij. O Pilate! o judex! hic est aries, qui te portam diu iniquitatis impetus sustinentem expugnavit; hic est uncus qui te velut pomum arbori adhaerentem æquitati, revulsit, hæc falx flores tuæ laudis uno ictu demersit, *hoc te sedentem in sublimi loco Gabbarhe*, ait Beda in cap 19 Joan. de sublimioribus veniens fulmen assavit, & divisit: hoc te in tribunali Lithostrotos eminentem infra scabellum iniquitatis depressit. *Timore*, inquit Aug. tract. 116 in Joan. vincitur Pilatus, timore offensa, amore amicitia, nec amicitia nuda, sed utilis. Diu luctatus erat cum improba gente, & torquebat egregiè invidiam differendo injustitiam, sed cum Cæsaris amicitia detrimentum audiit,

à justitia recessit, & quē tanta leonum ac taurorum silvestrium multitudo ac feritas non fregit, cornu aurei velleris monstratum expugnavit & comminuit. Ita fit & hodie non raro, homines enim ne recedant ab amicitia, recedunt à justitia: ponunt sibi terminos, præscribunt carcellos, amicus usque ad aras, amicus usque ad leges; sed tamen aurei velleris gratiā violant aras, frangunt leges. Pilatus credi poterat columna justitiæ, venit turbo pereuntis amicitia, & apparuit arundo. Hæc ait Chrysof. hom. 1 de divers. *Diabolica timiditas & satanica reverentia, multos agit in præcipitium.* Hæc amicitia inimicissima fidem, conscientiam, justitiam, DEum postponit iniquitati: hic est scopulus, ad quem alliditur æquitas judicium, actorum veritas, totius judicii justitia. Gratia principum, respectus amicorum, acceptio divitum, ratio status nihil sanctum, nihil æquum, rectum nihil relinquunt mendax sim, nisi apud nos ipsos metus hominum, & amicitia Principum sæpè prævaleat timori DEI, eligamusque magis placere creaturæ, quàm creatori.

## CAPUT V.

## De Condemnatione Christi.

I. **V**IDENS PILATUS, QUOD NIHIL PROFICERET, SED MAGIS TUMULTUS FIERET, ACCEPTA AQUA LAVIT MANUS CORAM POPULO Dicens. INNOGENS EGO SUM A SANGVINE JUSTI HUIUS,

vos VIDERITIS. O hypocritism! o in-justitiam in larva justitiæ! lavat manius Pilatus, lavat quod deforis est parophsidis, intus autem plenus est iniquitate; sanguinarius homo, ut factum suum diluat, aquâ manus abluit; quod tamen totius oceanus non eluet undis. Bene Jeremias cap. 2 de impietate ejus, *Si laveris te nitro, & multiplicaveris herbam borith* (qua fullones utuntur ad eluendas vestium maculas) *maculata es iniquitate tua coram me, dicit Dominus.* Non purgant animum contaminatum manus lotæ, nec in aspersis aquâ digitis expiatur, quod famulante imple mentem committitur, ait S. Leo. Lava manus impie, cor non abluet, lava manus, si placet, & caput & pedes, factum tuum non diluet; si enim hoc est abluere, quid erit inquinare? *Talis est via mulieris adultera, prov. 30. quæ comedit, & tergens os suum dicit. Non sum operata malum:* tales sunt omnes ij, qui cum operati fuerint iniquitatem, se labis omnis expertes, scelerisque puros sibi persuadent. Lavat manius Pilatus more gentium, apud quas obtinuit mos expiationis causâ se abluere in hominum eadē, cujus vestigium habes apud Virgilium lib. 2. Æneid.

*Me bello è tanto digressum. & cado recentis  
Arrectare nefas, donec me flumine vivo  
Abluero*

& apud Ovidium dicentem:

*Ab nimium faciles, qui tristia criminacadi  
Flumina tolli posse putatis aqua*

quem



quem morem DEus etiam apud filios Israël observari voluit Deut. 21. *Quando inventum fuerit in terra hominis occisi cadaver, & ignorabitur cadaveris reus, venient omnes majores natu civitatis illius ad interfectum, lavabuntque manus suas super vitulam, qua in valle percussa est, & dicent: manus nostrae non effuderunt sanguinem hunc, nec oculi viderunt, & dicent: Propitius esto populo tuo Israël, quem redemisti Domine, & ne reputes sanguinem innocentem in medio populi tui Israël, & auferatur ab eis reatus sanguinis.* Lavat manus, quarum labem nec aeternus ignis eluet.

INNOCENS, ait, EGO SUM à SANGVINE JUSTI HUIUS. Scilicet ut latro Cain occiso justo Abel, sic tu es innocens; ut sacrilegus Achan post furtum suum, ut impia Jezabel post eadem Naboth, sic tu es innocens. Judicis officium est, innocentes tueri, reos damnare, alterutrum qui negligit non est innocens: tu secus facis, Barabbam dimittis, justum autem perdere cogitas, & eris innocens? hocne innocentiae tuae testimonium, hominum crudelissimorum eorumque hostium libidini hominem tuo judicio innoxium permittere? Sic nuper Daniel exclamavit voce magna in causa Susannae: *Mundus ego sum à sanguine huius*, Dan. 13, quomodo tu dicis, quia innocens es à sanguine justii huius: sed non pari uterque animo, & veritate; ille enim pudicum sanguinem non conde-

mnat, sed liberat de manu impiorum; tu autem justum sanguinem & confiteris & tradis, tantò graviore scelere, quantò gravius est testimonium perhibere innocentiae, & veluti reum addicere nequitiae, pronunciare justum, & tradere criminofum. Modicum fortè deliquisses, reum absolvendo, nam licet sic agendo justitiae laudem perdidisses, humanitatis invenisses; hominum quippe à caede manus abstinere, & humanitate justitiam moliri, ipsi legum conditores facilius ferunt, aut dissimulant; at verò innocentem perdere contra omnem humanitatis legem est: audi quod in persona aliorum tuae innocentiae minetur DEus Jerem. 25. *Et vos quasi innocentes, & immunes eritis? non eritis immunes, gladium enim ego voco super omnes habitatores terrae dicit Dominus exercituum &c.* & iterum cap: 46. *Castigabo te in judicio, nec quasi innocenti parcam tibi, & cap: 49. Ecce quibus non erat judicium, ut biberent calicem, bibentes bibent, & tu quasi innocens relinqueris? non eris innocens, quia per memetipsum juravi dicit Dominus, quod in solitudinem & opprobrium, & in desertum & in maledictionem erit Borsia &c.* Non habeam Domine partem cum ejusmodi Innocentijs, & cum occideris DEus peccatores, viri sanguinum declinent à me. Tu potius lava me ab iniquitate mea, & à peccato meo munda me, ego enim iniqui-

Hh 2

qui-

quitatem meam cognosco, & peccatum meum confiteor coram te. Sit sanguis tuus super me, alia id peto mente, quam iniquitas, si enim cinis vitule aspersus inquinatos sanctificat ad emundationem carnis, quantum magis sanguis Christi sanctificabit nos ait Apost. Hebr. 9. Apud te est fons vitæ fons patens domui David, & habitantibus Jerusalem in ablutionem peccatoris. Amplius lava me ab iniquitate mea, & admitte me in sortem illorum, qui laverunt stolae suas, & dealbaverunt eas in sanguine Agni: nihil magis petunt languidi ab ira ardentioris fidei ros coeli, nihil magis ego peto, quam ut in die furoris ac iræ tuæ laves me in sanguine tuo, ut inveniar mundus in conspectu tuo. INNOCENS ERGO SUM à SANGVINE JUSTI HUIUS. Vos VIDERITIS. Videris tamen & tu, & quidem in innocentia tua, quia pars tua erit cum hypocritis, & cum illis de quibus Apoc. 21. *Timidis & incredulis pars illorum in flagno ignis.* Videris & tu, quem ab æquitate iudicii flectit furor alienus, & timor hominis. Videris & tu, quia nec tu evasisti reatum, qui cooperatus seditiosis reliquisti iudicium proprium, & in crimen transivisti alienum.

PILATUS ADJUDICAVIT FIERI PETITIONEM, ET JESUM TRADIDIT VOLUNTATI EORUM. Adjudicavit fieri petitionem, non æquitatem impleri, turbæ

satisfacere non conscientia, iniquitati latronum obsequi, non patrocinari innocentia: hæc est iniquitas iudicii petitioni deferentis, non merito, legem enim non juxta conscientiam, sed insolentiam petentium explicat. Diligit Herodes Joannem, & libenter eum audit, sed quia petit Saltatrix, adjudicat fieri petitionem volentis caput ejus in disco: sedet alter pro tribunali cæcus ad munera, sed quia malum petit ratio status, adjudicat fieri petitionem, & deicitur de sede æquitatis: crepat alter plenis buccis leges piorum principum, & jura patria, sed quia intervenit petitor impius favor populi, leges sacrosanctæ, ac jura telis aranearum citius rumpuntur, & jam non judicatur secundum leges, sed secundum petitionem populi. Denique querit alter dimittere innocentem, sed quia audit, non es amicus Cæsaris, adjudicat fieri petitionem, & innocentem rem pronunciat. Exprobrat talibus innocentia lanionibus improbitatem Innocentius lib. 2. de contemptu mundi cap. 4. inquit *Vos non attenditis merita causarum, sed merita personarum non quid ratio dicat, sed quod voluntas affectet, non quod lex sentiat sed, quod mens cupiat, non inclinatis animum ad justitiam, sed justitiam ad animum, non ut quod licet hoc libeat, sed ut liceat hoc, quod libet.* Hoc nimirum est adjudicare fieri petitionem, & præjudicare juri, legi-

legibus & conscientia.

ADJUDICAVIT FIERI PETITIONEM EORUM. Hic stylus est iniquorum tribunalium, hæc lex iniquorum iudicum, juxta quam post cognitam innocentiam, & exhaustum sanguinem litigantium, sibi fas esse putant deferre petitioni potentia. Utcunque decretoriam differunt contra innocentiam, quamdiu, quem emungant sanguinem odorantur: ast ubi nihil spei & lucelli superesse vident, ad petitionem iniquitatis condemnant æquitatem. Pessima causa triumphat in foro injustitiæ, quando contra pauperem servum potentia iniquitatis actionem instituit. Sic postea Felix videbatur velle conterere molas iniqui & de dentibus illius auferre prædam, quamdiu sperabat pecuniam *Act. 24* quæ cum non caderet, volens gratiam præstare Judæis, reliquit Paulum vincitum. Sic modò Pilatus, cum exhausto per impietatem flagellantium sanguine vidisset, quod in Christo non esset species neque decor, adjudicavit fieri petitionem iniquorum contra innocentiam.

ET JESUM TRADIDIT VOLUNTATI EORUM. Occisa res est, libidini luporum permittitur Agnus, & impiorum licentiæ pietas donatur. Actum est de vita, integritate, sanguine, fama, ubi saviendi potestatem accipit iniquitas. Conclamatum est, ubi licet furere Domino in servum. Tradidit JESUM volun-

tati eorum. Quorum eorum? canum rabidorum, tygridum ferocientium, leonum immanissimorum. Regebare quidem hætenus voluntate aliena servæ peccati, & regebare in virga ferrea, dominabatur tui potestas tenebrarum, sed potestas hæc adhuc verius arrogata, quam jure concessa fuit: ecce nunc per sententiam judicis voluntati subiacebis tyrannicæ, eaque agere & pati cogaris, quæ libido ac effrænis, licentia vollet: lues pænas, damnabere ad crucem, quod nullam in te causam invenerit iudicium; ita semper in foro nequitie summum scelus est innocentia. Effundet super te iram suam malignus juxta pactum suum, seque Dominum vitæ & necis tuæ facto ipso probabit.

TRADIDIT EUM UT CRUCIFIGERETUR. Impia traditio! quia justi in manus peccatoris, sacrilega traditio! quia DEI in crucis ignominiam. Saltem nunc exurge DEUS, judica causam tuam, saltem nunc surgat Daniel quispiam, qui ab impio appellans decreto exclamet suum illud. *Salvetur sanguis innoxius* saltem nunc Angelus Domini aliquis discernat causam ejus, & impium dividat per medium nec patiatur Dominum Majestatis servum peccati subiecti maledicto, quia scriptum est, maledictus omnis, qui pendet in ligno. Verum frustra hæc omnia: legem tulit impietas, secundum legem iniquitatis debet mori, & mori morte turpissima,

Hh3

quia



quia morte, qua moriuntur maledicti, *Christus factus est maledictum, quia scriptum est, maledictus omnis qui pendet in ligno*, ait Apost. Gal. 3. O sortem durum! o decretum injustum! impleri debet reipsa cum servo nostro, quod postea optabat secum fieri Paulus Rom. 9. *Optabam ego anathema esse pro fratribus meis*; subijci debet maledicto, cui nuper acclamatum est, *Benedictus qui venit in nomine Domini*: sortem subire debet eorum, de quibus Aug. in Ps. 96. *Quando irasceris servo tuo, hoc illi nomen imponis, Satanas, Diabole, maledicte, hoc illi dicis*; Quid superest, nisi ut ejiciatur ab hominibus, super quem cecidit infamia maledicti, & fiat extra castra, in quem maledictionis fulmen vibratum est? Sequamur tamen ipsum, videamusque, quomodo cum malediceretur, non maledicat, sed in suo maledicto nos liberet à maledicto.

## CAPUT VI.

### De Bajulatione Crucis

I. **A** Lex, ab Alex. lib. 3 gen. dier. cap. 20 ex Plutarcho in Coriolano & problem. 7 refert, maximam hanc servo peccanti inferri solitam poenam, quod plaustrum lignum, cui temo affixus erat tota spectante vicinia ferens circumageretur, hoc enim expleto infidus per ora omnium judicatus, furcifer ab

omnibus appellabatur. Hæc ipsa servo peccati reliqua erat poena; & hanc potestas tenebrarum ei dominans infligit. SUSCEPERUNT AUTEM JESUM, ait sacer textus, susceperunt sicut leo paratus ad prædam, & sicut catulus leonis habitans in abditis, susceperunt sicut adversarius ille, qui circuit quærens quem devoret, susceperunt eum, qui susceptor noster est, ET EXUERUNT EUM PURPURA, ET INDUERUNT EUM VESTIMENTIS suis, neque enim purpura congruebat servo in die poenæ suæ. Pone, agebant, pone quod alienum est, sume quod tuum est, operiri te murice non decet, sed confusione & sacco servili: purpuram equidem brevi habebis, sed non à Phrygibus textam, sed proprio cruore tinctam: ET EDUXERUNT EUM, sicut educi solet ovis à lupis, columba à milvo, præda à latronibus. ET BAJULANS SIBI CRUCEM EXIIT IN EUM, qui dicitur CALVARIE LOCUS. Vides maximam servi poenam: *ad irrisionem*; ait B. Leo serm. 8. de pass. *jussus est supplicij sui esse gestator*, aut ut loquitur Cyprian. *patibulis sui esse bajulus*, furciferum proinde eum volebat impietas, ut quod reliquum erat famæ & gloriæ infamie ligni gestatione auferret. Et bajulabat quidem JESUS crucem, bajulabat autem sibi, nam ubi crux & infamia, ibi eam bajulat sibi, ubi regnum & gloria, ibi ea bajulat tibi, mihi latitiam ac felicitatem, sibi mœrorem ac miseriam

riam elegit, mihi divitias ac æstimationem, sibi paupertatem ac ignominiam, mihi libertatem, sibi servitutem, mihi denique delicias & vitam, sibi poenas & mortem assumpsit. Mysterium hoc discere ex eo quod cum in forma regali triumphator ascendit, dicatur filia Sion: Ecce Rex tuus venit tibi, venit autem cum triumpho & júbilo; cum autem in forma servi supplicij sui gestator exiret, bajulare crucem sibi perhibeatur. Non sic nos, non sic, quæ gravia & dolorosa sunt in Deum & alios devolvimus, quæ suavia sunt obvijs ulnis amplectimur.

Bajulans sibi crucem exivit in eum, qui dicitur Calvarie locus. S. Aug. tract. 117 in Joan. reflectens se super hanc crucis bajulationem exclamat. *Grande spectaculum! sed si spectet impietas grande ludibrium, si spectet pietas, grande mysterium. Si spectet impietas, videt Regem pro virga regni lignum sui portare supplicij; si spectet pietas videt Regem bajulantem lignum ad semetipsum figendum &c.* Verè grande spectaculum: Quàm magnum & ineffabile est, quod servus factus est, quod verò mortem sustinuit, multò plus est, sed est & aliud majus quidem isto, & admirabilius. Quamobrem? quoniam non quævis mors isti similis est; ista namque videbatur omnium probrosissima, ista plena dedecore, ista maledicta: Grande spectaculum, procedit æterni

Patris Filius in nostra humilitate contemptus, in nostra mœstitudine contristatus, in nostro dolore consumptus; procedit Rex sæculorum, cujus principatus super humerum ejus; procedit servus peccati sui bajulus supplicij, justitia ante eum ambulat, & ponit in via gressus suos; comitatur misericordia, non ut sublevet procedentem, sed ut fatiget magis; ipsa siquidem est crucis illius fabricatrix; ipsa peccata nostra onus grave filiorum Adam huic cruci alligavit, & tollenda obtulit. Grande spectaculum, si spectat impietas, grande ludibrium: Spectat gentilis, & stultitiam opinatur, spectat Judæus, & scandalum reputat; spectat impius, & oblatrat cum Simele. *Egredere, egredere vir sanguinum vir Belial, ecce premunt te mala, quoniam vir sanguinum es.* 2. Reg. 16, egredere, egredere seductor populi, homo vorax, potator vini, publicanorum amice, fili Beelzebub, everfor gentis, ecce venit super te maledictio, ecce incumbit tibi mors, mors turpissima, mors maxime ingloria: si spectet impietas, grande ludibrium, plauserunt impij super eum manibus, sibilaverunt, & moverunt capita sua. Si spectet pietas, grande mysterium: egressus es in salutem populi tui, egressus es in salutem cum Christo tuo, ait pietas, agnoscitque, ut habet S. Leo serm. 8. in hoc bajulo, inimicarum virtutum potentissimum debellatorem, qui triumpho sui portat

portat trophæum, & invisibile patientiæ humeris signum salutis adorandum regnis omnibus infert, tanquam & tunc operis sui imagine omnes imitatores suos confirmaret, & diceret: Qui non accipit crucem suam, & sequitur me, non est me dignus. Si spectet pietas, grande mysterium: agnoscit in eo novum Adam cum ligno vitæ, quod plantaturus est in monte, & sanguine rigaturus: Nôe novum cum arca, in qua mundum servabit à diluvio, novum Isaac portantem fascem lignorum ad immolationem sui: Videt in eo Jacob novum, qui in baculo suo transit Jordanem, Moysen qui in virga percutiet Pharaonem, & populum Israël per mare rubrum educet in terram promissionis; David, qui cum pastorali baculo procedit contra Goliath: cognoscit in eo novum Abimelech, qui ramum quercinum defert humeris, & ad idem faciendum suos provocat milites, Eliacim, qui tunicâ aspersâ sanguine portat clavem domus David super humerum suum, regem, cujus principatus super humerum ejus: si spectet pietas grande mysterium: naufragatur felicitas Filij DEI, en tabulam arripit, cum qua ad portum appellat, infirmatur virtus DEI, en lectulum portat, in quo conquiescat: immolaturus est holocaustum suum Sacerdos Altissimi, en altare, in quo ipse Sacerdos hostia imoletur. Si spectat pietas, grande mysterium, Ferebat

## Caput VI.

crucem tanquam strenuus miles lanceam, in qua dejecturus erat adversarium, ait Euthymius.

BAJULANS SIBI CRUCEM EXIVIT. Unde exivit? utique de Jerusalem, de civitate sancta, de loco, qui dicitur visio pacis. Væ Sodomæ, è qua exit justus Lot, væ urbi, de qua exit Christus! Nisibena urbs floruit, quoad ossa S. Martyris sui Jacobi servavit, at ubi Juliani Apostatae jussu beatæ hæ exuvie aliò translatae sunt, Persis patuit teste Baron. ad annum 363. S. Norberti sacrum corpus quoad Magdeburgi tenebatur, prospera erant omnia, ast ubi postulante Ferdinando II. inde eductum est, visa est secunda simul excedere fortuna, vel potius Divina providentia, fatente id ipsa hæresi teste Lobbetio *Dominica 15 post Pentecosten*. Albuquerqueij Magni ossa transportari non sinit in patriam ad Majorum conditorium Emmanuel Rex Lusitaniæ dictus Amplificator, quod Orientis res futurae essent extra discrimen, quamdiu Goæ requiescerent ossa herois teste Ant. Vieira *orat. de B. Stanislao Kostka*: & salvæ sint res urbium, è quibus exit JESUS? Tolle auxilium cæli à terra, & statim deficiet, tolle Christum, & omnia abibunt in nihilum. Quando JESUS adest, ait Thom. à Kempis lib. 2. de imit. cap. 8. totum bonum est, nec quidquam difficile videtur, quando verò JESUS non adest, totum durum est; esse sine JE-  
SU



*SU gravis est infernus, & esse cum JESU dulcis est paradiscus, si fuerit tecum JESUS, nullus poterit nocere inimicus, & qui perdit JESUM, perdit nimis multum, & plus quam totum mundum: pauperimus est, qui vivit sine JESU, & ditissimus est, cui bene est cum JESU.* Non exeat à te JESUS, & non exeat cum cruce, non enim est salus, nec spes vitæ æternæ, nisi in cruce. Præcessit ille, ait idem, bajulans sibi crucem, & mortuus est pro te in cruce, ut & tu portes crucem, & mori affectes in cruce, quia si commortuus fueris, etiam cum illo pariter vives, & si socius fueris poenæ, eris & gloriæ.

II. EXEUNTES AUTEM INVENERUNT HOMINEM CYRÆNEUM NOMINE SIMONEM, HUNC ANGARIAVERUNT, UT TOLLERET CRUCEM EJUS. Servo fatiscienti sub onere, nemo non coactus succollator est; infame servitutis jugum est; nemo non volens illud projicit; citius inæquales ad aratra venient juvenci, quam ingenuo loco natus ad operas servi. Fatiscit sub jugo suo servitus Christi, & non est qui auxilietur ei, nisi unus isque angariatus veniens de villa, Aderant tot millia filiorum Belial, sed hi juxta nomen suum malebant esse absque jugo, aderant plures è numero eorum, quos miraculoso aluit pane, cum deficerent in via; aderant quos in auxilium vocarat dicens: Jugum meum suave est, & onus meum leve; aderant

qui volebant eum regnare super se, & non ita pridem clamabant: Benedictus qui venit in nomine Domini, aderant tot liberati à langvoribus, nec inventus est qui unà subiret crucis jugum, nisi hic alienigena, qui tamen ipse, non sponte sua subjecit humeros oneri, sed compulsus id fecit. Supra quod coactum auxilium reflectenti mihi occurrat illud *Isai. 63. Indignatio mea ipsa auxiliata est mihi:* mirabilis profectò auxiliatio; indignatio & ira confringit, non subit jugum, nam ut bene Dionysius Carthusian. in cap. 5 Joan. *per iram socialis vita confunditur, concordia dissipatur, societas aggravatur.* Dicitur tamen indignatio Christi ei auxiliata. Quæ est hæc indignatio? nisi vita Simonis. Simonem hunc fuisse gentilem de Cyrene Lybiæ multorum est sententia, hæc indignatio auxiliata est Christo, hæc, cum domesticus ejus quasi alieni recesserunt ab eo, commune jugum subiit, hæc in ferenda cruce communem operam posuit. Verè hoc auxilium non est de sancto, sed de tribulatione, quod in spiritu petiit David *Ps. 107 Da nobis auxilium de tribulatione, quia vana salus hominis.* Ecce non est auxilium mihi in me, necessarii quoque mei recesserunt à me, indignatio tantum mea auxiliata est mihi. *Maledicite, terra Merotz dixit Angelus Domini Jud. 5, maledicite habitatoribus ejus, quia non vene-*  
*run*

*runt in auxilium Domini*, indignatio tantum ejus auxiliata est ei. Quo rursus in auxilio agnosco suavem DEI misericordis providentiam, coactus subit onus Simon tunc à Christo alienus & ex hoc quali quali obsequio luctum reportat; præterquam enim, quod ipse, si fides est Vassò in Chron. apud Salmeronem hic, donum fidei consecutus sit, ac in Hispania Dertosa à B. Paulo Episcopus consecratus fuerit, Pater esse meruit insignium in Ecclesia DEI virorum Alexandri & Rufi. Tanti fuit etiam invitum tantisper crucem deferre. Sic & modò non uni imponit DEUS crucem, quam licet ipse ambabus excutiat manibus, operatur tamen in eo virtus ejus, quæ fecit in Cyrenæo. Executimus tribulationem, & DEUS invitis eam immittit, & redimus ad cor dicentes cum psalmista Ps. 114 *Tribulationem & dolorem inveni, & nomen Domini invocavi*: fugimus humiliationem & contemptum, & DEUS nolentibus ea imponit, & respiscimus dicentes. Bonum mihi, quia humiliasti me, ut discam justificationes tuas, aut cum Thom. Kemp. lib. 1. de imit. cap. 2. *Bonum nobis est, quòd aliquando habemus aliquas gravitates, & contrarietates, quia sepe hominem ad cor revocant, quatenus se in exilio esse cognoscat, nec spem suam in aliqua re mundi ponat. Bonum nobis est, quòd patiamur quoad, contradictores, & quòd malè &*

*imperfectè de nobis sentiat, etiam se bene agimus & intendimus, ista sepe juvant ad humilitatem, & à vana gloria nos defendunt.* Angariati suscipimus adversa, & in ijs erudimur Isaiate. *Domine in angustia requisierunt te, & in tribulatione murmuris doctrina tua in eis.* Isai 26. Bene de talibus dixeris: Felix necessitas quæ ad meliora compellit.

HUNC ANGARIAVERUNT UT TOLERET CRUCEM EJUS. Tibi si hæc sors obtigisset, an & tu, ad levandum Christi onus cogi te & angariari permisisses? bipedum fuisses nequissimus, nisi lubens vicarios humeros obtulisses: utique dices, dulce tibi futurum fuisse lignum, dulce pondus, dulce cum, & pro Christo bajulare crucem; sed vereor, ut tibi imponat tui ipsius amor. Illa quæ te premit paupertas, quæ te pungit adversitas, qui te lancinat dolor, qui te angit mœror, qui te fatigat labor, crux est, hæc excutis, crucem excutis, & blandiris te portaturum fuisse crucem pro Christo. De Alexandro Alense habet S. Antoninus. *part. 3. hist. cap. 8 § 11. tit. 24.* quòd cogitanti ordinem S. Francisci ob austeritatem ejus deserere adhuc tyroni per quietem apparuerit ponderosam bajulans crucem S. Franciscus, cui cum succollator accurreret Alensis, audiit ab eo: *Et tu magnam hanc crucem cogitas portare mecum, qui levem hanc cappam porta-*  
re

re nequis? Ita planè tibi Christus. *Præcessit ille ait Thom. à Kemp. lib. 2. cap. 12. bajulans sibi crucem, & mortuus est pro te in cruce, ut tu tuam portes, tolle crucem tuam & sequere JESUM, & ibis in vitam æternam.*

III. SEQUEBATUR AUTEM EUM MULTA TURBA POPULI, ET MULIERUM, QUÆ PLANGEBANT, ET LAMENTABANTUR EUM. Nota hic diversos hominum affectus, eodem tempore, super eodem: alij quidem subfannant & illudunt, alij convitiantur, alij lachrymantur & plangunt. Gratias vobis, gratias lachrymis vestris sanctæ mulieres, quas media inter convitia fudistis pro Christo: olim verum erat, quod *servorum funera praficas non habeant*, vos nondum mortuo pias impenditis lachrymas: olim potentum solum exuvias Iesus comitabatur ac lachrymæ, sæpe quidem non multum dispares à lachrymis crocodili: vos despecto & novissimo virorum eas profunditis: olim necesse erat multo mercari auro Megarensium lachrymas, quæ ut flerent oculos erudiere suos, vos hoc genus obsequij ultro exhibetis Christo pauperi: vos lachrymis vestris præluditis planctui illi magno in Jerusalem, qui paulò post excitandus est juxta vaticinium Zachariæ. *Effundam super domum David, & super habitatores Jerusalem spiritum gratie & precum, & aspicient ad me, quem confixerunt, & plangent eum planctu quasi super Uni-*

*genitum, & dolebunt super eum ut doleri solet in morte primogeniti. In illa die erit planctus magnus in Jerusalem.* Zach. 12. Vos sancti Job æmulamini virtutem, de quo scriptura Job 30. *Flebam quondam super eo, qui afflictus erat, & compatiebatur anima mea pauperi.* Gratias vobis, gratias lachrymis vestris sanctæ mulieres. Ita quidem ego obsequiosis lachrymis gratias exhibendas judicavi, sed alià longè spongià pro abstergendis ijs utitur Christus. CONVERSUS AD MULIERES DIXIT. *FILIÆ JERUSALEM NOLITE FLERE SUPER ME, SED SUPER VOS IPSAS, FLETE.* Super se flere vetat, non flere secum. *Sustinui ait ipse Pl. 68 qui simul contristaretur, & non fuit, & qui consolaretur me, & non inveni;* habuit flentes super se, quos noluit; non habuit flentes secum, flentes simul, hoc est, ut explicat Aug. flentes ex eadem causa; *flevit ipse, fudit preces ipse,* ait Primasius in cap. 22 Luc. *cum lachrymis non timore mortis, quam sponte suscipiebat, sed causâ nostræ salutis, pro qua voluntatem paternam dispensationis voluntati carnis suæ preposuit:* tales flentes secum non habuit, qui habuit flentes super se, ideoque conqueritur: *sustinui qui simul contristaretur, & non fuit.* NOLITE FLERE SUPER ME. Ne me, ait Beda lib. 6 in Luc. cap. 93 moriturum lamentemini, cujus cita resurrectio, cujus mors & omnem mortem, & ipsum mortis destructura est



autorem. Fletus & nos non raro sed fletu muliebri, sed non cum Christo simul, imò nec super Christum, sed super rem nihili exemplo ejus, cujus turbavit nitidos extinctus passer ocellos; fletus siquis sermonem nostrum imitatur, ait Seneca, siquis incessum, aut vitium aliquod corporis aut lingvæ exprimit; fletus mortem propinquorum, fletus si quis atro nos dente petiverit, sed non fletus cum Christo simul. **NOLITE FLERE SUPER ME, SED SUPER VOS IPAS FLETE ET SUPER FILIOS VESTROS. QUONIAM ECCE VENIENT DIES, IN QUIBUS DICENT: BEATÆ STERILES ET VENTRES, QUI NON GENUERUNT: TUNC INCIPIENT DICERE MONTIBUS, CADITE SUPER NOS, & COLIBUS OPERITE NOS, QUIA SI IN VIRIDI LIGNO HÆC FACIUNT, IN ARIDO QUID FIET?** quæ verba exponens S. Leo serm. 16 de pass. *Non est, ait, quod dolere filie Jerusalem in me debeatis, pro vobis plangite, & pro filiis vestris ejulate, super illos fundatur iste ploratus, quod tales vitia vestra pepererunt, lugendum vobis planè est non de Salvatore credentium, sed de impietate ac temeritate pereuntium. Ego crucem volens patior, & mortem in me, quam sum perempturus admitto. Nolite flere pro mundi redemptione morientem, quem in Majestate Patris videbitis judicantem.* Bona est lacryma, si tamen effusa est pro peccatis. Lacrymæ, ait Bern. sunt Angelorum delicia, si tamen eas expresserit vel dolor sanctus, vel amor Divinus, Sed jam

consistit cum onere suo in monte servus noster, tempus est ut requiescat ab opere.

## CAPUT VII.

### De Crucifixione Christi.

I. **I**Sai 52. dicitur de quodam servo. *Ecce intelliget servus meus, exaltabitur & elevabitur, & sublimis erit valde.* Quisnam vero hic servus? aut quæ ejus elevatio? innuit, quod sequitur: *sicut obstupuerunt super te multi, sic inglorius erit inter viros aspectus ejus, & forma illius inter filias Jerusalem.* Servus hic non alius est, quàm Christus, & exaltatio non alia, quàm quæ per crucem facta est. Crucem equidem servorum scio esse supplicium, sic quippe servus ille apud Plautum in Milite: *Noli minitari, ait, scio crucem futuram mihi sepulchrum, ibi majores mei siti sunt, pater, avus, abavus, proavus: & Juven. satyr. 6.*

*Pon' crucem servo, meruit quo nomine servum Supplicium.*

idq; non quorumvis servorum, sed furum & latronum. Unde Horat. in epist. *Non furtum feci, nec fugi, si mihi dicat servus: Habes pretium, loris non ureris, ajo, non hominem occidi, nec pasces in cruce servos.* Quomodo tamen in cruce intelligatur exaltari, & elevari, & sublimis esse valde servus, non caret mysterio. Et quidem si de intelligentia servi res est, scire ejus parum differt à scientia insipientis, nam & hoc quod scit,

stul-

Aultum judicatur. Bene de intelligentia sua servus frugi apud Plautum in Bacchide. act. 4. scen. 6. *Scio me esse servum, nescio etiam id quod scio.* Si autem de sublimitate sit quaestio, probrosa hæc est, & à quovis etiam infimæ sortis fugienda, modò ingenuus sit. *Nomen ipsum crucis,* ait Cicero orat. pro Rabirio, *absit non modò à corpore civium Romanorum, sed etiam à cogitatione, oculis, auribus: hujus enim non solum eventus, atq; perpassio, sed etiam conditio & expectatio, mentio deniq; indigna civi Romano, atq; homine libero est;* Orat. autem 5. in Verrem crucem vocat *crudelissimum, teterrimumq; supplicium, verborq; satis digno tam nefaria rem appellari non posse.* Probrosus hoc genus mortis fuit, nam ut ait Augustinus lib. 88. *quaest. q. 25 nihil erat inter omnia generum mortis illo execrabilius, & formidolosius:* unde Julius Iulius Jurisconsultus lib 5 sent. tit. 12. *lunum supplicium appellavit crucem iniquiens: Summo supplicio id est cruce afficiuntur,* & Apul. lib. 10. *extremam poenam servi crucis supplicium:* erat insuper hoc genus supplicij loco mille mortium quia ut observat Philo lib. de homicidis, legislator contra homicidas si potuisset mille mortis genera directurus fuisset, quod, cum non potuit, poenam aliam adjunxit jubens homicidas & sicarios crucifigi. Probrosus hoc genus mortis fu-

it, crux enim ait Chrysost. in demon-  
strat. adver. gent. quòd Christus sit DE-  
US, *signum erat mortis maledictæ, mor-  
tis omnium diffamatissimæ, hoc enim so-  
lum mortis genus maledictioni obnox-  
ium fuit, ut exempli gratiâ, quod di-  
cam, qui olim peccabant, combureban-  
tur, lapidabantur, & alijs modis vitam  
finiebant ut supplicij tantum, crucifixus  
autem & ligno suspensus non solum hoc  
ferebat, ut grave aliquod supplicium, cui  
adjudicatus erat, sed ut maledictum quod-  
dam: & hom. de latrone. Crux dede-  
coris signum, & apud omnes gentes igno-  
minia, & infamia putabatur, & Ar-  
nold. tr. 2. de verbis Domini in cruce,  
crux inter omnia supplicia turpissimu-  
& atrocissimum fuit, ferè enim tantum  
fuit supplicium hominum abjectissimorum  
& servilium, unde cum de suppli-  
cio servorum sermo est, ferè tantum  
sermo est de cruce, qualiter accipi so-  
let illud Cornelij Taciti lib. 2. histor.  
*Sumptum de eo supplicium servilem in  
modum, & iterum lib. 4, hist. de Asia-  
tico liberto Vitellij aureis ab eo antea  
annulis donato: malam potentiam ser-  
vili supplicio expiavit.* Et hinc est, quòd  
malitia hoc genere mortis obire volu-  
erit Christum, quò scilicet probrosius  
moreretur, quam si alio mortis gene-  
re sublapsus fuisset, ut notat S. Chryso-  
stomus hom. 2. in epist. ad Philippen.  
inquiens: *Judei studio ista morte eum  
interimere sategerunt, ut probrosus**

quodq; efficerent: ut etsi nemo propterea ab eo abstineret, quod occisus esset, abstineret tamen vel ideo, quod hoc patto occisus esset. Quid ergo vult illud? Ecce intelliget servus meus, & exaltabitur, & elevabitur, & sublimis erit valde.

2. Reg. 23. de primo fortium David dicitur. *Sedens in cathedra sapientissimus princeps inter tres, ipse est quasi tenerrimus ligni vermiculus.* Mysteria hic loquitur Scriptura, quæ non nisi crux Christi referat. Sedens ipse est in Cathedra, nam ut bene Aug. tract. 119 in Joan. *Lignum in quo fixa erant membra patientis, etiam cathedra fuit Magistri docentis.* Sapientissimus princeps inter tres, sive respicias Trinitatem Divinitatis, in qua ipse est Sapientia, sive trinitatem crucifixorum, cuius tenet medium: ipse est quasi tenerrimus ligni vermiculus, de quo psalter Ps. 20. *Ego autem sum vermis & non homo, opprobrium hominum & abjectio plebis:* dicitur tamen singulariter sapientissimus inter tres, quia in ipso patibulari ligno manifestata est ejus sapientia, veritatumque est illud de eo. Ecce servus meus intelliget. Reliquo quidem vite & passionis tempore videbatur solum discere sapientiam: in cruce autem positus consummatam habuit. inuere id videtur Apostolus Hebr. 5. dum ait, *didicit ex his que passus est obedientiam, consummatus factus omnibus ob-*

*temperantibus sibi: & iterum: Stultam fecit DEUS sapientiam hujus mundi, postquam manifestavit Christum, qui crucifixus est, DEI virtutem esse, & Dei Sapientiam: hinc bene Hieron. ad Alagiam q. 5. dicit, quod omnem doctrinam suam patibulo roboravit.* Probabant hanc Sapientiam Pontifices & scribæ propositis quæstionibus, probabant Pharisæi & Legis doctores ad motis interrogationibus, & tacentibus ijs stupebant omnes super Sapientia illius, Expressit has quæstiones Salomon Sap. 2. inquiens: *Contumelia & tormento interrogemus eum:* ubi autem his tam duris quæstionibus felicius satisfecit, quam in crucis cathedra Sapientissimus inter tres? dubitas? inspicere pendentem, vide patientem contumelias & tormenta. Denique si intelligentiam ejus legere vis, *habet librum* verba sunt S. Laur. Justin. lib. de triumph. Christi agone, *non in membranis, non in lapide, neq; in ligno sed sanguine proprio in sua carne conscriptum, hunc ut ab universis legatur publice exposuit, non autem sermone composito vel humane Sapientia exaratus est verbis, sed hominum interveniente matricia digito Dei scriptus, nempe scientibus gentilibus atq; Judæis depictus est foris, virtute autem & sapientia Christi formatus est intus. Habet foris simplex & indoctus quid legat, habet spiritalis & perfectus, quod intus intelligat, legit simplex & latissim-*



etur atq; compungitur, exercitatus verò intelligens irradiatur atq; accenditur. Quisnam nisi sapientia doctrix poterat paucis tam multa colligere? Abbreviatam equidem legē, legalia Sacramenta, charitatis compendium, perfectionis celsitudinem, virtutum normam, & totum humana redemptionis modum, ordinemq; in hoc sui corporis implevit volumine. Quamobrem cum scribere compleisset nihilq; superesset scribendum inquit. Consummatum est. Hæc ille. Vidisti servi intelligentiam in cruce, vide & sublimitatem.

Ps. 7 dicitur *Synagoga populorum circumdabit te, & propter hanc in altum regredere*: illud in altum, ait Hesichius, honorabilem crucem innuit. Hoc est illud altum de quo ipse vaticinatus est Joan. 8. *Cum exaltaveritis filium hominis, tunc cognoscetis quia ego sum*: hoc est illud altum, quod conscendit Altissimus & exaltatus est. Pulchrè Bern. serm. 2 de ascens. *Filius DEI cum per naturam divinitatis non haberet, quo cresceret, vel ascenderet, quia ultra DEum nihil est, per descensum quomodo cresceret invenit, veniens incarnari, pati, mortis factus humilis usque ad crucem, propter quod DEus exaltavit illum. O novissimum & aeternissimum!* exclamat idem serm. fer. 4 hebdom. sanct. *O humilem, & sublimem, nemo illo humilior, nemo illo sublimior.* In hoc alto sedes tua DEus in sæculum sæculi, in

hoc alto DEus sedet super sedem sanctam suam, parata sedes tua ex tunc à sæculo. Ecce intelliget servus meus, exaltabitur, & elevabitur, & sublimis erit valde. Sed juvat poenitius introspicere hanc exaltationem.

II. CRUCIFIXERUNT EUM, ET CUM EO ALIOS DUOS, HINC ET HINC. Quem eum? quos alios duos? Apelles Agamemnonem in morte filia secundum vultum umbrā involvit: Evangelista Christi maiorem in cruce verbis obumbravit. Crucifixerunt eum, & cum eo alios duos hinc & hinc. Quem illum? Nòdè forsani futuri sæculi? nam & ipse nudatus impij Chamj illusionibus exponitur in cruce. Isaac forsani caelestis Patris? nam ecce positus in ligno: Architectum forsani æterni tabernaculi? nam ecce tabernaculum non manufactum in manibus perforatum. Joseph fortè amabilem inter fratres? nam ecce vestis Joseph carnea, sanguine tincta est, serpentem fors Moysis? nam ecce & hic inferno & morti morsus: servum denique, nam ecce non aure, sed membris omnibus perforatus est: Quos alios duos? non expressit id Evangelista, ne cuius gloriam quasi unigeniti à Patre prædicaverat, nominando simul confixorum conditionem, parum decenti velo obscuraret. Expressit Isaias cap. 53 inquitens. *Et cum iniquis reputatus est,* hoc est, ut explicat Bonav. lib. de perferet. vitæ cap. 6 *inter latrones tanquam*

*latro suspenditur, & in medio tanquam Princeps latronum collocatur.* Profecit malitia Judaica, quem in prætorio infra Barabbam deiecit, in Calvaria inter duos ducem plurium collocavit. Sed frugi servus hoc tam dedecoratum circa se iudicium pertulit in silentio, & tantam confusionem propositum sibi gaudiò sustinuit. Sic ipse medius inter Patrem & Spiritum S. medius inter Angelos & homines beatos, sic in medio duorum animalium collocari in fæno non erubuit, inter latera latronum pendere sustinuit. Quod pulchrè expressit S. Epiphanius orat. in sepulch. Christi inquires: *In medio duorum vivorum cognitus JESUS DEI Filius, in medio Patris & Spiritus sancti duorum vivorum, vita ex vita, vivus Agnus; & in medio Angelorum & hominum in præsepi in lucem editus, & in medio populorum lapis angularis positus & in medio legis pariter ac prophetarum predicatione celebratus, & in medio Moysis & Elie in monte conspectus, & in medio duorum latronum Deus probo latroni cognitus, sedensque in medio presentis vite & future Judex æternus, atque in medio vivorum & mortuorum vitam & salutem perfecit.* S. Chyloft, hom. de S. Parasceve considerat eum ut Agnum inter duos lupos, quorum unum mutavit in ovem orat. autem de cæco à nativitate ut statueram veritatis, quæ unum elevat con-

fitentem & alterum blasphemantem condemnat, alij medium inter duos cophinos ficuum, quorum unus valde bonas ficus, alter semper malas protulit Jer. 24. Alij inter duas volucres columbam & corvum, quarum illa ramum felicitis olivæ pacis filia attulit, alter corvi instar rostro maledicentiæ Christum laceravit. S. Ambr. serm. 5 in ps. 118 considerat eum ut pomum in ligno, hoc pomum inter duo poma pendebat, alterum verminosum, alterum sanum, illud inferni inferioris, istud paradysi superioris. **MEDIUM AUTEM JESUM.** O quanta in tali medio latent mysteria! Audi Hilarium lib. de Trinit. per hoc significatur omne humanum genus ad passionis sacramentum vocari: nempe veluti in arca Noe munda & immunda claudebantur animalia, & in cophino Patrisfamilias semen fructum allaturum & non allaturum, sic crucifixi Charitas bonos malosque complectebatur. Audi Remigium in cap. 27. Matth. & intellige à dextris Christi poni continentem intentione DEO placendi, à sinistris locari continentem non tali intentione. Audi Hieron. & cognosce ad fideles & infideles brachia Christi porrigitur *sinistris* inquit, *non in via veritatis pedem ponentes.* Audi Magnum Leonem & discite in ipsa patibuli specie monstrari omnium hominum in iudicio faciendam esse discretionem, ducendam esse ad lictus sanguinem

genam, & feligendos esse bonos pi-  
 ces à malis, & illos quidem mitten-  
 dos esse in vasa domus DEI, istos foras  
 abjiciendos. Sed maximè ex media  
 cruce JESU agnosce & adora Medi-  
 atorem tuum, qui fecit utraque unum;  
 Quæ utraque? cælestia & terrestria  
 respondet Hieron. in cap. 2 Ephes, *Chri-  
 stus inquit in suo sanguine terrena &  
 cælestia copulavit, quæ inter se antea  
 dissidebant, atque ita factum est, pere-  
 git idem, ut crux ejus non solum terra,  
 sed & cælo profuerit, non solum homi-  
 nibus sed & Angelis, & omnis creatura  
 Domini sui cruore purgata sit.* Quæ u-  
 traque? respondet Cyrillus catech. 7.  
 Herodem & Pilatum, Dominus inquit,  
 erat in passione componens corda prin-  
 cipum terre: quæ utraque? respondet  
 Ambr. in Luc. Gentilem & Judaicum  
 populum. In typo ait Herodis & Pila-  
 ti qui amici ex inimicis per JESUM  
 Christum facti sunt plebis Israël & gen-  
 tilis populi signum servatur, quod per Do-  
 mini passionem utriusque sit futura con-  
 cordia. Denique quæ utraque? hominem  
 DEO reconciliavit mediator DEI & ho-  
 minum, homo JESUS Christus, nam  
 & DEO ait Chrysost. hō. ad 24 pop. nos  
 fuimus inimici, & unigenitus Filius nos  
 reconciliavit se medium immittens, &  
 verbera pro omnibus & mortem passus;  
 Iniquitates nostræ diviserant inter nos  
 & DEum nostrum, & mediator ille Dei  
 & hominum homo Christus JESUS ait

Aug. lib. 10 conf: cap 43 *intèr mortu-  
 les peccatores, & immortalem justum  
 apparuit; mortalis cum hominibus, ju-  
 stus cum DEO, ut quoniam stipendium  
 justitiæ vitæ pax est, per justitiā con-  
 junctam DEO evacuaret mortem iusti-  
 ficatorum, quam cum illis voluit habe-  
 re communem.* Ad hunc mediatorem  
 qui fecit utraque unum accedat oportet  
 nostra conscientia, ut morte inter-  
 cedente in redemptionem prævarica-  
 tionum repromissionem accipiamus,  
 qui vocati sumus æternæ hereditatis.

III. CRUCIFIXERUNT EUM. Restabat  
 adhuc, ut stigmatico gregi accensere  
 tur servus noster: talem faciunt tere-  
 brantes clavi. Portabis exin Christe  
 stigmata in corpore tuo, notasque ser-  
 vitutis descriptas habebis stylo ferreo  
 in manibus ac pedibus. Alex. ab Alex.  
 lib. 5 cap. 16 testatur apud Syracusanos  
 servitutem distingvi ab ingenulis equi  
 charactere, qui servis inurebatur, sicut  
 apud Sarmos captivi Athenienses effi-  
 gie inarata nocturnæ distinguebantur  
 teste Plutarcho in *vita Periclis*. Inara-  
 tur etiam tuo bestia corpori serve pec-  
 cati, heu quàm dira & immanis! non  
 est tigris ita fera, nec ita immanis ur-  
 sa, ut ea quam portabis in corpore: be-  
 stia cujus charactere signaris, homo  
 est comparatus jumentis insipientibus,  
 & similis factus illis; bestia hæc ego  
 sum totus in peccatis natus, hanc tu  
 feram & crudelem bestiam portas tuo



stigmata, hanc clavi terebrantes imprimunt manibus ac pedibus: prævidisti hunc characterem bestiae portandum in manibus tuis, ideoque per prophetam dixisti de me. *Ecce in manibus meis descripsi te* Isai 49. Confundere super iniquitate manuum tuarum, quisquis mei similis peccator es, has enim tu notas impressisti, hoc opus tuum, hoc tuum magisterium, fodisti manus ac pedes Christo, & in hac fovea impietatem tuam sepelisti clavis carnis ejus perforasti, & operarij iniquitatis stigmata in lacera carne reliquisti. Vtinam verò hæc tibi stigmata sic sint proficua, sicut Christo accepta sunt: ille notas has ut trophæa illustria victoriæ, redemptionis tesseram, obedientiæ stigmata suscepit, tu ut characteres amoris, ut signa redemptionis, ut consolationem tribulationum suscipias, aperuisti Christo manus & pedes, latet thesaurus, accipe quo indiges: *clavus penetrens*, ait Bern. ferm. 61 in Cant. *clavis reserans* factus est, per hæc foramina patent misericordię viscera, locum hic habes securitatis, subi illum & memor dignitatis tuæ noli amplius in antiquam vilitatem degeneri conversatione recidere. Bene tibi cum Christo, etiamsi peccator sis, malè esset esse sine Christo, etiamsi justus esses.



## CAPUT VIII.

## De Titulo Crucis.

I. **S**CRIPSIT AUTEM ET TITULUM PILATUS, ET POSUIT SUPER CRUCEM. ERAT AUTEM SCRIPTUM: JESUS NAZARENUS REX JUDÆORUM. Hactenus servitum est usurpante sibi Dominum potestate tenebrarum sine juris titulo; nunc ut firmior stet possessio, titulus accedit. Scribit præles titulum, juxta quem possideatur servitus. Servi furacis collo titulum appendit unà cum præcis manibus Caligula, eumq; juxta Romanas tabulas servitutis legibus subjecit teste Svetonio in *Caligula cap: 23*; devovit alter alium cruci adjecto titulò: *Servi dantis venenum Domino* teste Quintiliano in declamat. alij alijs servitutem possederunt titulis, nemo eo quo Christus titulo in possessionem venit. ERAT AUTEM SCRIPTUM: JESUS NAZARENUS REX JUDÆORUM. Mira, nec juxta tabulas judiciarias firmata possessio: servum scribit, & regem pronunciat, titulum possessioni firmandæ adfert, & ipsa scriptura teste rescindit possessionem. Si Rex est, quomodo servus? si servus Judæorum, quomodo Rex illorum? servum probant virgæ, & servile crucis supplicium, Dominum nulli obnoxium servituti cruci præfixus titulus. Nimirum qui lotis manibus in-

nocentem probaverat, & tamen ut servum plagiarium cruci addixerat reipsa servituti subiecit, quem scriptura sua absolvit. Bene Chrysost. hom. in Joan. *Pilatus ut Judæos ulcisceretur, & calumniantium os obstrueret, in Regem suum insurrexisse denunciat, & tanquam trophæo cuidam literas inculpsit:* timor Caesaris servum pronunciat, regem fatetur judicis conscientia; servum declarat manus ac favor populi, regem scribit manus patrona innocentæ. Sed age Pilate, qua tu manu, quo animo ludis veritatem? Regem vocas, quem extremæ servitutis infamiæ addixisti. Scilicet Rex est in regia Calvaria, in throno Crucis, in purpura sui sanguinis; rex est cum sceptro clavorum, cum corona spinarum, cum corporis nuditate. Rex Judæorum, id est civium injustissimorum, hostium immanissimorum, populi qui noluit eum regnare super se, de quo Apoc. 3. *Ecce dabo de synagoga Sathana, qui dicunt se Judæos esse & non sunt, sed mentiuntur.* Circumfluunt loco assecclorum accusatores, loco satellitum latrones, loco cohortis carnifices: habet pro bellarijs fel, pro odoribus foetorem, habiturus pro festis ignibus tenebras, pro symphonia blasphemias, pro choreis terræ motum, pro sparsis floribus ossa cadaverum, pro bulla pendente è monili plagam luculentam pectoris: Regem probat Scriptura & titulus, res ipsa servum

vilissimum & Principem latronum: nomen habet, rem non habet. Si Rex est, ut quid infami eum cruci affixisti? si Rex est Judæorum, ut quid seditiosi populi voluntati Regem permisisti? Rex tamen Pilato JESUS est, *Divina vi*, ait glossa interlinearis in cap: 19. Joan. *in corde nescientis operante*, DEOq; extorquente ab invito judice veritatem, ut licet ei veritatis fors defuerit affectus, Christo suus non deesset honor. Rex est & mihi constitutus super Sion montem sanctum ejus. *Et princeps quidem Sacerdotum*, ait Origenes tract. 35. in Matth. *secundum litteram legis portabat in capite suo formam signi & sanctificationem Domini scriptam in metallo, verus autem princeps Sacerdotum, & Rex JESUS in cruce habet scriptum: Hic est Rex Judæorum.* Rex mihi est peregrè profectus in regionem longinquam accipere sibi regnum & reverti, Rex est, qui regnum obtinuit in gladio & arcu crucis, Rex regum, & Dominus dominantium, regnans à ligno. *Servitutem in dominatione, dominationem esse in servitute* dicebat olim Cicero Orat. pro Deiotaro, *magnamq; servitutem esse magnam fortunam.* Seneca in consolat. ad Polybium; mihi Christus in servitute Dominus, & in maximo infortunio Rex est fortunatissimus, tantò mihi honoratior, tantoque charior, quantò pro me factus vilior.

II. JESUS NAZARENUS REX JUDÆO-

RUM. Movit bilem Pontificum Scriptura, ideoq; strident dentibus contra scriptorem. NOLI, inquit, SCRIBERE, REX JUDÆORUM, SED QUIA IPSE DIXIT: REX SUM JUDÆORUM. Nolumus hunc regnare super nos, non habemus regem nisi Cæsarem. Tabula tituli lingua erat, & testimonium solenne Regiæ virtutis in Christo servo, & simul stigma ignominie Judæis inurendæ, & sicut stella illa magorum ductrix ad cunas infantis DEI, sidus fuit gentibus, cometes Hebræis, ita titulus crucis orbi reliquo aurora erat honoris regij prænuncia, titio autē principib; templi & fori, qui eos pudore velut teterrimo fumo afflabat. Huj; certè fumi oculos sibi arrodentis impatientes petierunt mutari sententiā quam tam invidis vocib; extorserant.

Herodotus lib: 2. habet de Amasi Rege Ægyptiorum, quod cum in primordiis regni sui contemptui esset ob servilem, è qua descendebat, prosapiam, hac solertia subditos ad obsequium reduxerit. Erat in palatio ejus pelvis aurea regis ac convivarum pedibus ablundis destinata: hanc ille conflavit in idolum, ac conflata publico urbis loco ad venerationem exposuit: quod quidem dum Ægyptij certatim adorant, vocatis ad se mysterium explicans aperuit, è quam vili vase DEus iste factus esset, qui tamen nunc meritò divinis coleretur honoribus, simileque secum factum esse, qui è plebeio homi-

ne rex creatus esset, & honorem ac obsequia jure regis postularet. Pari modo Pilatus Servum nostrum Regem scribens Judæorum, agere videtur, dum non obstantibus vocibus nolentium eū regnare super se, talem scribit. Vilis ijs erat Christus, quia nihil differens à servo, ideoque se regem eum non habere clamabant, vel si regem eum agnoscebant, non nisi ludicrum Regem habebant, qui seipsum regem dixisset. Ast ubi Pilatus Regem scripsit, jure regnum Judæorum obtinere probatur, Judæorum inquam spiritu non litera, circumcissione cordis non carnis, pertinentium ad Jerusalem liberam matrem nostram æternam in coelis Saram spiritualem, quæ ancillam & filiū ejus foras de domo libertatis ejicit: nec quidquā proficit tumultus clamanti: Noli scribere Rex Judæorum, sed quia ipse dixit, Rex sum Judæorū, nisi quod serviat ad confusionem rebellantium.

Ubi vulgata legit, *Inimicos ejus induam confusione, super ipsum autem efflorescit sanctificatio mea.* Ps. 131. S. Hieron. legit, *super ipsum fl. rebit diadema ejus*, Pagninus, *super ipsum fl. rebit corona ejus*, alij, *super ipsum efflorescit Nazareitas ejus*, ubi Lorinus: *confusione magna induti sunt illi ipsi, qui spinis Christum coronaverunt, videntes paulò post ex spinis flores, & propter passionem mortis gloria & honore coronatum.* Effloruit super eum sanctificatio tanquam



quam super regum Regem, efflorescit Nazareitas; nam de cruce Regis Nazareni procedent Nazaræi, in turmas Apostolorum & Martyrum, in agmina Pontificum & Confessorum, distincti in examina Religiosorum & Virginum. *Judei Regem suum crucifixerunt*, ait August. in Ps. 88 *crucifigendo autem eum etiam gentium Regem fecerunt, magis quam occiderunt*. Ita parum profuit impietati invidia, ut quod maxime sublatum volebat regnum in Christo, firmaret. Hoc omnis invidus, ait Beatus Isidorus, præstat alienis virtutibus, quod Beato Jobo Sathan præstitit, nam dum æmulatur prosperitatibus, commovit adversa, sed dum credidit eum Diabolus posse prosterne, inde ejus aucta sunt merita, inde claruerunt probabiliora patientiæ documenta. *Quid Abeli nocuit Cain*, ait Chrysost. tom. 6 eclog. de invidia, *nonne illum citius quidem ad regnum invitatus transmisit, seipsum verò innumeris malis confodit? Quid Jacobo damni attulit Esau; nonne ille quidem dives erat, atq; innumerabilibus perfruebatur bonis, hic verò paterna etiam domo ejiciebatur? Fratres Josephi quod gravius malum illi intulerunt, maxime cum ad sanguinem usq; pervenerint? nonne illi quidem famem passi sunt, & extrema pericula adierunt, hic verò Rex universa terra Egypti factus est. Quanto enim magis invidet,*

*tantò majora bona ei, cui invidet, procuras. Noli scribere Rex Judæorum, sed quia ipse dixit: Rex sum Judæorum.*

III. Non invenit aurem apud Pilatum invidia, ideoque QUOD SCRIPSI SCRIPSI reddidit Judæorum instantiæ, scripsi autem, quod vos dixistis; si vos non puduit dicere, me non pudet, quod dixistis scribere: vos quod dixistis, dixistis, nec enim revocatis, quod dixistis, ego quod scripsi, scripsi: si revocatis verbum mortis, revocate & sanate de cruce crucifixum: vos revocare non vultis linguam, nec ego revoco tabellam, Titulus ergo JESU testis sit ejus innocentiae, flagellum vestri pudoris. Implere hic Pilatus voluit maximam judicium, quam citat Ulpianus relatus apud Gretserum lib. 1 de cruce cap. 28 *Hoc jure utimur, ut judex, qui semel vel pluri vel minoris condemnavit, amplius corrigere sententiam suam non possit, semel enim bene vel male officio functus est.* & Apulejus lib. 1 Florid. *Proconsulis tabella sententia est, quæ semel lecta neq; augeri literarum unâ, neq; minui potest, sed utcumq; recitata ita provincia instrumento refertur.* Quamquam etiam aliam hujus non mutatae scriptionis causam ponat Chrysost. hom. 48 in Joan. *Scriptis autem & titulum Pilatus, cum ut Judæos ulcisceretur, cum ut Christum excusaret: nam cum tantquam pravam tradidissent, & sententiam hanc latronum societate confirma-*

re vellent, ne quis jam turpem mortis notam inurere, & tanquam malum ac perditum accusare posset, ut calumniantium os obstrueret, in Regem suum insurrexisse denunciat, & tanquam trophæo cuiusdam literas insculpsit, clara voce & victoriam & regnum proficentes. Sed & si in mutationem consentire voluisset serviens auræ populari, & auribus præses, non ei fuisset permissum, ut observat Cyrillus lib. 12 cap. 31 adversus Salvatoris gloriam amplius furere: nam ut habet Rupertus lib. 13 in Joan. Spiritus sanctus bene utens maligni scriptoris manu hunc titulum fecit, qui cælo & terra transeuntibus non transibit, quia JESUS Nazarenus, id est Salvator, & verè sanctus Rex Judæorum per crucem suam est effectus, Judæorum inquam non eorum, qui se Judæos esse dicunt, & non sunt, sed Judæorum, qui in veritate Confessores sunt. Ubi vulgata nostra habet titulum Psalmi 56, 57, & 58 *Ne disperdas tituli inscriptionem.* Glossa interlin. in cap. 19 Joan. Rupertus, Beda & alij legunt. *Ne corrumpas tituli inscriptionem,* super quem locum reflectens se S. Aug. tract. 117 in Joan. ineffabilem vim Divinæ operationis in cordibus Ignorantium prædicat. Nonne, ait, occulta vox quadam Pilato intus, quodam (si dici potest) clamoso silentio personabat, quod tanto ante in psalmorum titulis prophetatum est. *Ne corrumpas tituli inscri-*

*ptionem.* Ecce tituli inscriptionem non corrumpit, quod scripsit, scripsit.

IV. Adverte adhuc ad hanc tituli positionem & perversitatem populi. Gentiles JESUM Regem Judæorum proclamant, ille non vult eum regnare super se, propterea auferetur ab eo regnum, & dabitur genti facienti fructus ejus, ipse enim est regnum, & ipse dominabitur gentium. Denique monitò S. Greg. Nazian. Orat. 40 Pilatum in meliorem partem imitare. *Dic ijs, qui te à sententia deducere student: Quod scripsi, scripsi.* Turpe enim profectò atq; pudendum esset, si cùm malum stabile ac firmum maneat, bonum contra in deterius flecteretur, cùm nos ita comparatos esse vita ratione oporteat, ut à vitio quidem ad virtutem facili motu impellamur, à virtute autem ad vitium nullo modo incitemur. Et hoc est, quod monet Apostolus Hebr. 6. *Cupimus unumquemq; vestrum eandem ostendere sollicitudinem ad expletionem spei usque in finem, ut non segnes efficiamini, verum imitatores eorum, qui fide & patientia hereditabant promissiones,* & 1 Cor. 15. *Itaq; fratres mei dilecti stabiles estote & immobiles, abundantes in omni opere Domini semper, scientes, quòd labor vester non est inanis in Domino.* Nehemiam à restauratione Jerosolymæ, nec contumeliæ & infidiæ, nec vis & dolus absteruit vel ad paucas horas, *opus enim* ait, *grande ego facio, & non possum*

possum descendere, ne forte negligatur, 2 Esdr. 6, nec te absterreat à semel bene coeptis difficultas aut adversitas memorem ejus, quod habet Greg. 3 part. pastor. cap. 38. *Admonendi sunt, qui inchoata bona minimè consummant, ut cauta circumspèctione considerent, quia dum proposita non perficiunt, etiam quæ fuerint capta, convellunt.*

## CAPUT IX.

## De Illusionibus in cruce, ac vestium divisione.

I. **A**scenderat regale crucis solium servus noster, novoque titulo Rex fuerat salutat, cùm ecce circumstantis turba regalis obsequij loco pendit maledicta: PRÆTEREUNTES BLASPHEMABANT EUM MOVENTES CAPITA SUA ET DICENTES: VAH QUI DESTRUIS TEMPLUM DEI, ET IN TRIDUO REÆDIFICAS ILLUD. SALVA TEMETIPSUM. Hi nempe sperandi applausus sic triumphante servo Rege. Svetonius in Cæsare cap. 49 testis est solitum fuisse à militibus impeti maledictis & conviciis triumphantem Imperatorem, quod ipsum accidit Julio Cæsari, cujus triumpho accinebantur convicialia carmina:

*Ecco Cæsar nunc triumphat, qui subegit Gallias, Nicomedes non triumphat, qui subegit Cæsarem, & iterum :*

*Romani servate uxores, moxchum calvum adducimus Aure in Gallia stuprum emisisti, hic sumpsisti munus*

Volebant nimirum per has illusiones admonere eum sortis suæ, ne alioquin elatus insolentiâ fortunæ oblivisceretur se esse hominem. Ascendit etiam currum suum triumphator servus, non armorum truncis, aut quadrijugis plaustriis manubias de mortali hoste quasitas, sed patibulo triumphali captiva de sæculo spolia suspensurus. Verba sunt S. Ambr. in cap. 23 Luc. ascendit triumphalem currum, sic crucem vocat Hieron. epist. ad Hedibiam, & comites pro applausu triumphali habet contumelias. PRÆTEREUNTES BLASPHEMABANT EUM. Prævidit id ipse apud psalterium Ps. 21. *Omnes videntes me deriserunt me, locuti sunt labijs & moverunt caput, & Ps. 108 Ego factus sum opprobrium illis, viderunt me, & moverunt capita sua.* & apud prophetam Isai 37. *Despexit te, & subsannavit te Virgo filia Sion, post te caput movit filia Jerusalem.* Miser sanè triumphus in quo morte acerbiora jacula lingvæ feriunt triumphantem: ostentare quid juvat vulnera à devicto hoste accepta in corpore, ubi crudeliora vulneribus infliguntur vulnera labiorum. Certè voces hæ blasphemæ plus omnibus tormentis graviore erant Christo: si enim verum est, quod habet Chrysost. hom. 25 ad pop. *Nescio quomodo omnibus rebus amariùs solent mordere maledicta; quia alia mala tolerantem multorum preconia consolantur, in maledictionibus verò ipsa sola-*



*solatio subducitur. hom. autem 31. dicit de seipso, Credite mihi pejora sunt, quæ nunc patimur his, quæ Paulus perpessus est. Eum illi lapidibus cedebant, sed nunc accidit, ut verbis, quæ lapidibus duriora sunt, feriamur. Novi multos non ita doloribus dolentes sicut verborum percussione, illam quidem plagam corpus excipit, istam anima. Si inquam hæc vera sunt, quantum non causatum afflictionis animæ Christi summæ dolentis super peccatis hominum hæc impropria. Poterat tunc dicere de se Christus Illud Ps. 108. Deus laudem meam ne tacueris, quia os peccatoris & os dolosi super me apertum est, locuti sunt adversum me lingua dolosa, & sermonibus odij circumdederunt me. Pro eo ut me diligerent detrahebant mihi, ego autem orabam, & posuerunt adversum me mala pro bonis & odium pro dilectione mea: & illud Job 9. Si flagellat, occidat semel, & non de panis innocentum rideat.*

*SALVA TEMETIPSUM, si Filius Dei es, DESCEDE DE CRUCE. SIMILITER ET PRINCIPES SACERDOTUM CUM SCRIBIS ET SENIORIBUS DICEBANT: ALIOS SALVOS FACIT, SE IPSUM NON POTEST SALVUM FACERE. SI REX ISRAEL EST, DESCENDAT DE CRUCE ET CREDIMUS EI. Quot verba tot jacula, quot syllabæ tot morsus! Plutarchus refert dictum Julij Cæsaris, quod Dolabellæ furor, Amnitiij avaritia, ebrietas Antonij, & Cornificius*

*señtor Pompeji momorderint populum Romanum. Ita planè furor Pontificum, scribarum insolentia, seniorum lingua momordit Christum morlu tantò deteriore, quantò gravior est contumelia jacta in innocentem. Sed nec solius Christi momorderunt animam canes isti, posuerunt in cælum os suum, & lingua sua DEum ipsum petierunt. CONFIDIT IN DEO, LIBERET NUNC EUM SI VULT, DIXIT ENIM QUIA FILIUS DEI SUM. speravit in Domino eripiat eum, salvum faciat eum, quoniam vult. Gravis proculdubio accidit hic maledicæ lingvæ morsus Christo, non enim inferiorem partem hominis scilicet corpus, sed superiorem seu animam, imò ipsam sauciavit Divinitatem, cujus virtutem & potentiam pessum ire volebat Bern. serm. 17 de diversis linguam hanc ipso mucrone quo Domini cum corpus confossum est, crudeliorem dicere non veretur, fodit enim hæc quoque Christi corpus, & membrum de membro, nec jam exanime fodit, sed fecit exanime fodiendo. Sed nec minus gravis ei accidit plaga eorum, qui maledicæ dentera acuunt contra famam Christiani, qui convicijs, maledictis, contumelijs in alios jaciendis, ut Mithridates veneno pascuntur, qui hominum nomen impunitâ licentiâ lædunt, linguaque dentatissima rodunt, quiperinde ut Bacthæ, verba sunt S. Justin M. epist. ad Zen. sub schemate & habitu*

bitu pacifico bastas in rhyssis circumferunt, & quasi per ludum & jocosum di-  
rè & crudeliter alios cruentant. Acue-  
runt isti lingvas suas sicut serpentis,  
venenum aspidum sub labijs eorum, in-  
tenderunt arcum rem amaram, ut sagit-  
tent in occultis immaculatum, aut ut  
ex Hebræo legit Vatablus, ceu ten-  
so arcu amara verba pro sagittis eja-  
culantur, putantque se lædere proxi-  
mum, nec vident, quod Christum feriant.  
Illud Ps. 72 *Lingva eorum transivit  
in terra*, Chaldaeus legit, *Lingva eorum  
ussit sanctos terra*, illo inquam igne  
quem projicit lingua inflammata à ge-  
henna, illo igne de quo prov. 16, *Vir  
impius fodit malum, & in labijs ejus i-  
gnis ardescit*; illo igne lingua eorum  
ussit sanctos terræ, imò sanctum san-  
ctorum, quoties instar ignis temere ac  
petulanter effunditur ad denigrandos  
alios, incinerandam eorum famam,  
ad contumeliam ijs imponendam. Ve-  
rum est illud D. Jacobi cap. 4 *Qui de-  
trahit fratri, detrahit legi*: si legi? &  
legis auctori; imò ipsius veritatis effa-  
tum est: *Quod uni ex minimis meis fe-  
cistis, mihi fecistis*. Vreere Christum, fe-  
rire linguâ non vis, abstinere te à con-  
vicijs hominum, & laude DEI fræna  
os tuum.

II. Verbalis hæc fuit contumelia Pon-  
tificum & seniorum, realis militum.  
MILITES ERGO CUM CRUCIFIXERUNT E-  
UM, ACCEPERUNT VESTIMENTA EJUS, ET

FECERUNT QUATUOR PARTES, UNICUIQUE  
MILITI PARTEM ET TUNICAM. Petrus Ju-  
stin. in hist. Veneta ad annum 1354 ha-  
bet de Marino Falerio, quod cum e-  
lectus Venetorum Dux hæreditarias si-  
bi facere Venetias tentaret, ab armata  
multitudine priusquam capite minue-  
retur, ac imago ejus de medio princi-  
pum exturbaretur, per opprobrium ve-  
stibus exutus fuerit, sicque spoliatus co-  
gnoverit se cum vestibus ac libertate  
perdidisse omnia, qui omnium potiri  
voluit. Videt similem contumeliam  
modò creatus Rex è servo, nam vestes  
suas armatæ multitudini relinquere co-  
gitur, si tamen suæ dici possunt, siqui-  
dem servus nihil proprium possidet.  
Detraxerunt impii vestimenta ejus, &  
cum vestimentis concretum sanguinem,  
spoliumque inter se distraxerunt, feli-  
ces futuri, si scivissent pretium illius.  
*Depone quod tuum non est*, ajebat Spa-  
thario Totilæ Regis S. Benedictus te-  
ste D. Greg. dial. lib. 4, cum in pur-  
pura Regis se Totilam esse mentiretur.  
Depone ajebat servo Regi, militaris im-  
pietas, quod tuum non est, tibi servo  
pro veste nuditas, & purpura proprio  
tincta cruore sufficit. Et abjicit is qui-  
dem lubens vestimenta, qui proprium  
corpus scindendum obtulerat; expoli-  
at se tunicâ suâ Jonathas decorus ni-  
mis & amabilis super amorem mulierû,  
expoliat Christus, ille Davidi, hic mihi  
spoliû relinquit, expoliat se Christus ve-  
ste,

ste, sat tectus nuditate sua, sat tectus charitate sua. Spartianus\* refert dictum Adriani Imperatoris, quod cum veste humili tegeretur, reddebat id ægrè videntibus, *Agnosci scilicet principem obsoletâ quamvis penulâ opertum neq; deteri quidquam de ejus dignitate per attritam chlamydem.* Agnoscitur & Christus sola opertus nuditate, nec deteritur quidquam de dignitate ejus per attritam chlamydem. Nudavit se ipse solatio & auxilio, nudavit nomine & fama, nudavit gaudio & voluptate, nudavit & vestibus, nudus pependit in patibulo, nudus moritur, denique quod ad summam nuditatis pertinet, post mortem nudus in alienum illatus est sepulchrum, ut & tu nudus post ipsum eas, nudus vetere homine, nudus propria voluntate. S. Bernadino de vitæ statu deliberanti dixit, coram quo orabat, crucifixus: *Fili tu me vides hîc nudum & clavis affixum, si me diligis, hîc quares & invenies, sed tu nudus sis & crucifixus, ut ego sum, sic me facilius invenies.* Idem tibi dictum puta, qui JESUM vis sequi. Hieronymi est illud JE. US nudus nudos quærit amicos: vide, an non expediat & tibi hanc æmulari nuditatem; & an non præstet sponte ac maturè ponere, quæ paulò post nolens volens positurus es, quando & in te verificabitur illud Job. 1 *Nudus egressus sum de utero Matris mee, & nudus revertar illuc;* tunc intelliges verum esse illud Ambr. lib. 5 hexam.

## Caput IX.


cap. 2 *Quid purpuras memorim? Aquarum est, quod in regibus adoratur, aquarum est species illa qua fulget: quemadmodum autem cum vasculum aquæ frangitur, aqua quæ in ipso continebatur, dilabitur, & utrumque à se recedit, amittitque formam & pretium, ita cum summa dies corporis nostri vasculum purpure & cocti, & omnis spumea fortuna receptaculum convulserit, neutrum aut sibi invicem, aut in sua forma conbarbit. Tunc intelliges, quod in faucibus piscium rubebat, quod in granis arborum roseum colorem promittebat, aquam fuisse, & cum murmure indignantis vite praterivisse.* Plin. lib. 9 cap. 36, Cicero lib. 2 Academ. quæst. aliq; qui maria lustrarunt, referunt dari tempora, quibus totum mare purpurascere videtur, quæ tamen purpura ad venti vehementioris flatum dissolvitur, accum aquis dispellitur. Sic pariter fortuna identidem homini purpuras fundit, & totam tingit familiam, qui tamen ipse, ubi tempus illud ingruerit, in quo exuperietur, quod ventus est vita nostra, cogetur quoque fateri: aqua fuit purpura mea. Miles Christo vestem, mors tuam eripiet tibi. Cum accesseris choro lugubrè gementium, & congemere cœperis. Omnes morimur & quasi aquæ dilabimur, tunc quoque videbis, non tuum fuisse, in quo nunc placitum est animæ tuæ.

III. FECERUNT QUATUOR PARTES UNICUIQUE MILITI PARTEM. Advertit & hîc myste-



mysterium S. Athanasius de passione & cruce Domin. Carnifices inquit, *diviserunt vestimenta in quatuor partes, ut significaretur quadripartito orbi in-feruire, quidquid Christi est.* servus fuit Christus totius mundi, in omni ejus plaga agnoscit Dominium in se per hanc vestium divisionem. Ipse in se non divisus divisionem vestium permittit, ut ostendat integro se cuilibet servi-uisse, non tamen cuilibet profuisse, nisi juxta cujusvis capacitatem ac dispositionem. Beatam te, si vel fimbriam vestimenti ejus possidere contigisset, judicare anima, nam & tu salva esles, si vel fimbriam vestimenti ejus cum hæmoroïssa tangere potuisses, & non vides, quòd plus servavit tibi: orbi reliquo divisit vestimenta, tibi se servavit indivisum, tibi tunicam servavit inconsutilem. Exuere veterem hominē, & induere novum, & veste cui nemo potest ponere pretium induta es: appropria tibi tunicam inconsutilem, appropria charitatem in unitate fidei, quæ non patitur scissiones, & stolam Christi, stolam incomparabilis pretij hæreditasti. Prodigus si sis filius, accede ad Patrem, & stolam primam quam servavit tibi reduciā porcorum siliquis pro te paratam invenies. Reliquit tibi ascendens currum suum novus Elias pallium suum, cum quo hæredite spiritum ejus duplicem amoris & doloris, amoris ad redamandum eum, qui te dilexit

usque in finem, doloris ad compatiendum sic pro te dolenti. Inter cæteras Eulogias seu munuscula benedicta, quæ sancti aliquando xenij loco solebant alijs offerre, erant etiam vestes, ut testatur S. Hieron. epist. 28 ad Lucinium, cui ipse vicissim suas mittit inquires. *Ego insignia paupertatis, & quotidiana symbola penitentia tibi & sorori tue misi quatuor ciliciola apta proposito & usibus vestris.* De qualibus etiam loquitur S. Paulinus epist. 10 ad Sulpitium *Necessariū ait peccatoribus & precatu deplorationis & habitū indigentibus pallia camelorum pilis contexta misistis, quæ nos in conspectu Altissimi stratos utilibus stimulis admonerent, dum asperitate sætarum compungimur, & peccatorum nostrorum dolore compungi, atque intus spiritu conterī, dum extrinsecus terunt habitum.* Et post multa: *mismus tunicam, quam ab usu meo, ut de stercoris vilitate collectum pannum dignare suscipere &c.* Eulogias tibi pariter à Christo datas in tunica hac sua inconsutili puta, induere eam, induere Christum, ut replearis benedictionibus; aspera hæc sanguine vestis est, ut te moneat, ita charitate amiciendum esse, ne patientiā primo fructu charitatis deficias.



## CAPUT X.

*De primo verbo Christi pro persecutoribus orantis in cruce.*

I. Si verum est illud Satyrici: *Lingva mali pars pessima servi*, oportet et lingua boni sit pars optima servi: membra quippe alia fortunæ necessitas in obsequium redigit, linguam virtus: & hinc est, quod fidis alioquin famulis nulla unquam major commendatio accesserit, quam à lingua. Fidus erat vendirus in servitutem Ægypti Joseph, gloriam tamen tulit à lingua famis prænuncia; obsequens erat Daniel de filiis captivitatis, laudem tamen tulit à lingua arcanorum interprete; fidelis Assvero Mardocheus, sed de lingua proditiōis indice complacuit; denique Caphra parvula ex Israël apud Naaman Syrum memorabilis est, quod prophetam annuntiârît à lepra mundare potentem: membra cætera servorum commendari merentur, quod impleant officium, cui subiecta sunt, lingua maximè, quod subijci nescia, pareat. Servum hactenus vidisti in Christo, & servum frugis laborantem membris omnibus, jam nunc linguam ejus optimam considera. Positus erat, in ludibrium omnium oculis, in metam lingvis subsannantium, nec erat, qui bonum loqueretur ei, omnes videntes eum, deridebant eum,

aperuerunt super eum os suum, sicut leo rapiens, & fugiens, & super omnia invenerunt eum mala, quorum non erat numerus, dolor & angustia venerunt super eum, nec invenit requiem à contradictione, & ipse inter hæc omnia aperiens os suum orat pro persecutoribus & calumniatoribus se. PATER IGNOsce ILLIS, NON ENIM SCIUNT, QUID FACIUNT. Quid hoc verborum est? mundus minatur excidia, & rerum natura inusitato scelere concutitur, & ipse clamat: Ignosce? sol abscondit radios impotens pati injurias conditoris, & ipse dicit, Ignosce. Terra tremens clamat vindica, ipse Ignosce: cælum pulla tenebrarum indutum: usquequo Domine patiens & clemens non vindicas? ille Ignosce: Angeli pacis: disperge eos in virtute tua; ille Ignosce. Non sic Zacharias ad imperium Regis moriturus 2. Paral. 24. Videat, ait, Dominus, & requirat. Non sic Elias qui subsannanti se quinquagenario dixit: Descendat ignis de cælo, & devoret te & quinquaginta tuos 4 Reg. 1. non sic Elizæus, qui illusus à pueris maledixit eis, egressi; sunt duo ursi de saltu, & laceraverunt ex eis quadraginta duos pueros. 4 Reg. 2. Non sic sanguis Abel clamans de terra, iste enim vindictam & mortem fratricidæ, Christus clamat veniam. Clamat omnis creatura usquequo Domine sanctus & verus non vindicas sanguinem de his, qui habitant in terra Apoc.

6, & servus patiens cogitans cogitationes pacis & non afflictionis: clamat Ignosce. O verè lingua boni pars optima servi! *Christus*, ait Anselmus serm. de pass. *in cruce levatur, irridetur, blasphematur, & ecce dicit, Pater ignosce. O verbum magne patientiæ; magne dulcedinis, magni amoris & indicibilis charitatis! Ecce enim non suam attendit injuriam, non pœnam reputat, non sentit contumelias, non obliviscitur misereri, sed ipsis potius à quibus patitur, ipse compatitur, à quibus vulneratur, ipse medetur, vitam procurat, à quibus occiditur, omne pro eis, & non petit ultionem.* O lingua boni pars optima servi! Graves pœnæ premebant corpus ejus, graviores animum, extrema quippe malorum linea est illudere, quem affixeris. Tob. 3 Sara filia Raguelis diu vexata à dæmonio non ingemuit, lachrymata est ad impropria ancillæ, Job exemplar patientiæ immobilis ad quasvis plagas Diaboli, ad calumnias amicorum movetur, *Usquequo affligitis animam meam, & atteritis in sermonibus* Job 19: sic Saul 1 Reg. ult. mavult occidi, quàm ut inveniant eum incircumcisi ipsi illudentes, unde de eo Abulensis quæst. 8 pati ludibria gravius erat Sauli, quàm mortem tolerare: & tamen inter hæc omnia Christus clamat, Ignosce. O lingua boni pars optima servi! Sed inspicimus singulos orationis apices.

PATER. Cujus hic patrem vocat, suum, an aliorum? suum utiq; & aliorum? suum vocat, quo facilius viscera paternæ misericordiæ moveat; aliorum Patrem vocat, inter quos ipse primogenitus ex multis fratribus: suum vocat, ut propter dulcedinem nominis facilius impetret, quod rogat; aliorum vocat, quos optat conformes fieri imaginis filii DEi: suum vocat, in quo Patri bene complacuit; aliorum, vocat, ut in iis Patri bene placeat. O Pater, ait, ecce filius tuus à fratribus venditus orat pro fratribus, audi filium pro fratribus supplicem, si illi quod Filij est perdiderunt, tu quod Patris est, non amissi: Ecce filius tuus incidit in latrones, qui despoliaverunt eum, & semivivum reliquerunt, suscipe filium & parce latronibus, quibus dedi potestatem filios DEI fieri. Ecce filius tuus prodigus, qui præter substantiam suam, ipsam etiam filiationem prodegit, admittite quos in numerum fratrum elegi: ego servus tuus, ego filius non jam lente, sed cruce vendidi jus filiationis, relictq; mihi primogeniturâ sortem, quæ filium concernit divisi cum extraneis, quos fratrum loco habere volo. Pater memento te esse patrem, non meum solum, sed rebellium horum, qui in sanguine meo tibi generati sunt, si illi non sunt digni vocari filius tuus, ego qui quæ placita sunt tibi, facio semper, dignus sum exaudiri pro fratribus. Pater tu creasti e-



os in gloriâ tuâ, gloria tua filius tuus, translata fuit ab eis gloria tua, gloriam tuam innovavi in eis, suscipe filios tuos: fecisti eos ad imaginem tuam, imago, & similitudo filius tuus; mutaverunt ipsi gloriam incorruptibilis Dei in similitudinem imaginis corruptibilis hominis, & volucrum & quadrupedum & serpentium, refeci imaginem cruore meo, suscipe filios tuos. Pater, filius oro naturâ, oro filius pro fratribus, quibus hanc ipsâ legē posui, ut orent pro persequentibus & calumniantibus se, ut sint filij Patris qui in cælis est.

PATER IGNOSCE ILLIS. Satisfeci iustitiæ, tempus est ut exaltetur misericordia; DEUS ultionum hætenus fuisti, tempus est, ut sis pater misericordiarum, non ascendit ad te hætenus clamor provocans ad misericordiam, sed clamor provocans ad iustitiam, clamor Abel sangvinem peccatoris sitiens, clamor Sodomæ, & Gomorrhæ, clamor pauperum vindictam postulantium jam nunc aperi aurem tuam ad vocem filij, ad asperisionem sanguinis meliùs loquentem quàm Abel, quia iste clamat vindictam, sanguis autem meus clamat veniam: exaudi me qui semper me audis; ut DEUS satisfeci tibi paritate substantiæ, ut homo patientiæ & obedientiæ usque ad mortem merito, ut DEUS iustitiam implendo, ut homo misericordiam aperiendo, ut DEUS abolendo peccatum, ut homo poenam ejus

exolvendo. Ignosce, nec aspice, quòd ab illis patior, sed quod pro illis patior, sana eos à quibus vulneror, vivant illi pro quibus morior. Iustificasti publicanum, peccatricem in pace dimisisti, Samaritanam ad fidem vocasti, adulteram non condemnasti, Petrum ter negantem respexisti, ignosce & crucifixoribus delictum, nec respice, quòd ab ijs patiar, sed quòd pro ijs patiar.

NON ENIM SCIUNT QUID FACIUNT. Sciunt quòd crucifigant, sciunt quòd illudant, sed nesciunt quem crucifigunt, nesciunt quem illudant, si enim scivissent, nunquam Dominum gloriæ crucifixissent; si illos accusat malitia, excuset ignorantia, nesciunt quid faciunt invidiâ temulenti, nunquid gentem ignorantem perdes? *ed veniâ digni sunt*, ait Bern. lib. de præcept. & dispensat. *quòd & pusilli scientiâ sunt*. En oblationem quam voluisti, hostiam quam postulasti, vitulum quem poposcisti à populo tuo Levit. 4. *Si omnis turba filiorum Israël ignoraverit, & per imperitiam fecerit, quod contra mandatum Domini est, & postea intellexerit peccatum suum, offerret pro eo vitulum*. Ignosce, nesciunt quid faciunt, si illos accusat malitia, excuset ignorantia. O lingua boni pars optima servi! Habuit efficaciam movendi lingua, nam preces supplicationesq; cum clamore valido & lachrymis offerens exauditus est pro sua reverentia, & quidem cum esses filius

Itus DEI. Hebr. 5 Vis scire quomodo sit exauditus? audi prophetam Isai 53 Ideo dispersiam ei plurimos, quod tradidit in mortem animam suam, & cum sceleratis reputatus est, & pro transgressoribus rogavit. Vis scire quos plurimos? audi Evangelistam Luc. 23. Videntes autem Centurio quod factum fuerat, glorificavit DEum dicens, verè hic homo justus est: & omnis turba eorum qui simul aderant ad spectaculum istud percutientes pectora sua revertebantur. O lingua boni pars optima servi!

II. Hanc vocem optimæ lingvæ audiens anima fidelis spe salutis tuæ erecta ita tecum argumenrare: Si cum inimici essemus reconciliati sumus Deo per mortem filij ejus, multò magis reconciliati salvierimus in vita ipsius Rom. 5, pro crucifixoribus orans exauditus est pro sua reverentia, & pro te postulans gemitibus inenarrabilibus non exaudietur? Tenes mortem Salvatoris, tenes sanguinem ejus & merita, & pereas? non potes perire præ pietate Christi, cum adhuc infirmi essemus, secundum tempus pro impijs mortuus est, multò magis justificati in sanguine ipsius salvierimus ab ira per ipsum. In fide vive Filii DEI, qui dilexit te, & tradidit seipsum pro te, & factus est propitiatio pro peccatis nostris. Si ad cardines cæli fueris dissipatus, inde te retrahet Dominus DEUS tuus, & assumet, atq; introducet in terram, quam posse-

derunt Patres tui, Deut. 30 aut ut habet propheta Mich. 5. Venies usq; Babylonem, ibi liberaberis, id est, si usque ad cardines inferni, usque ad Babylonem confusus mente descenderis; inde liberabit te, qui postulat pro te gemitibus inenarrabilibus. Age solum, quod egit Bern. serm. 61 in Cant. Peccavi, ait, peccatum grande, turbatur conscientia, sed non perturbabitur, quoniam vulnere Domini recordabor, nempe vulneratus est propter iniquitates nostras. Quid tam ad mortem, quod non Christi morte salvetur? Si ergo in mentem venerit tam potens, tamque efficax medicamentum, nulla jam possum morbi malignitate terreri.

III. Disce rursus ab hac lingua, quomodo orare debeas pro persequentibus & calumniantibus te: orabat ipse pro ijs, qui veniâ indigni erant, & ne pro se oraretur, commeruerant; orabat pro ijs, qui nihil minùs, quàm de oratione ejus participare volebant, precabatur ille, & ipsi imprecabantur, ut & tu discas bonum pro malo reddere inimico tuo; non meretur inimicus tuus veniam, sed DEus dignus est, ut propter eum condones. Christiana lex est, quam tulit Theodosius Augustus leg. Si quis Imperator Cod. Theod. lib. 9 tit. 4. Si quis, ait, modestie nescius, & pudoris ignarus, improbo petulantique maledictio nomina nostra crediderit obcessenda, ac temulentia turbulentius ob-

*trektor temporis fuerit, eum pœna nolimus subjugari, nec durum aliquid, aut asperum sustinere, quoniam si id ex levitate processerit, contemnendum, si ex insania, miseratione dignissimum, si ab injuria, remittendum. Cur autem remittendum? quia quamvis inimicus tuus non meretur veniam, DEUS tamen dignus est, ut propter eum condones. Occurrit tibi, ait Aug. serm. 25 de temp. cap. 7, qui te læsit, occurrit tibi, qui te spoliavit, occurrit tibi, qui te in carcerem misit. Eja attende cor tuum, respice Dominum tuum. Ecce malus inimicus tuus, ecce bonus dominus tuus, tuus quidem inimicus veniā indignus est, sed DEUS illā dignissimus, ut tu amore ejus illi ignoscas, ipse meretur. Et iterum serm. 10 in epist. ad Coloss. Si te non læsit frater obsequium meretur, ut diligas; quod si forsitan læsit, magis obsequium meretur, ut vincas. Optas partem habere cum Christo, ac hæreditate illius, oportet te orare pro persecutoribus & calumniatoribus, ut sis filius Patris, qui in coelis est, & hæres DEI, cohæres autem Christi: optas judicari secundum innocentiam tuam, benefac his, qui oderunt te, & non habes, à quo trepides in die mala.*

*Pf: 7 orat David, Domine DEUS meus si feci istud, si est iniquitas in manibus meis, si reddidi retribuentibus mihi mala, judica me Domine secundum justitiam meam, & secundum innocen-*

*tiam meam super me. Mira profecto oratio: olim idem oraverat, saluum me fac secundum misericordiam tuam; nunc autem judicari se petit secundum justitiam suam, & innocentiam suam: nimirum ubi non reddidit retribuentibus sibi mala, justus est & innocens, debitoremque habet DEUM, qui sibi dimittat debita, quæ prius ipse debitori dimiserat. Anastasius Sinaita orat. de sacra Sinaxi, & ex eo Baronius tom. 8 anno 599 fol. 128 habet de monacho, qui cum tepidam vitam duxisset in religione, & ad extrema devolutus, minime turbaretur, accesserit ad eum quidam ex Patribus inquit: Frater persvasum habe, nos vidisse te summā ignaviā vixisse usque ad hoc tempus, nescimus verò unde jam tibi tanta securitas? cui ille: Est ita, ut dicitis Patres, sed Angeli DEI mihi hac hora peccatorum meorum chyrographum tulerunt, cumque ea legissent, quæ postquam sæculo renunciavi peccata commisi, rogârunt me, an ea agnoscerem? Quibus ego, maximè verò agnosco, sed tamen ex quo vitam professus sum monasticam, nec judicavi quemquam, nec ab ullo mihi factam injuriam meminisse volui. Igitur verba quoque Domini ad me pertinere oro, & opto. Nolite judicare, & non judicabimini, dimittite & dimittetur vobis. Hæc postquam Angelis dixi, chyrographum peccatorum meorum consciderunt, & ideo*

nunc



nunc summa securitate ad DEUM proficiscor, quibus dictis requievit in Domino. Hoc planè erat judicari secundum iustitiã, & innocentiam suam eum, qui non retribuebat mala inimicis.

Rupertus lib. 4. de vict. verb. Divin. cap. 27. reflectens se super illud Matth. 1. *Liber generationis JESU Christi filij David, filij Abraham*, ponderansque quid causæ fuerit, cur David homicida & adulter primas teneat in genealogia Christi, etiam ante Abraham patrem credentium, qui proprio filio suo non pepercit propter DEUM tandem ita concludit. *Ratio, videtur non multò minoris meriti fuisse, pepercisse inimico propter Deum quàm non pepercisse unigenito filio suo propter Deum. Hoc fecit David inimico suo infestissimo, inimico Regi querenti animam suam. Ob hanc causam maxime juramentum illi esse arbitramur, quod semen vel caro ejus assumenda esset in filium DEI, quia maxime causa ista facit esse filios DEI.* Bene ergo dicit: si reddidi retribuuntibus mihi mala, judica me secundum iustitiã meã, & secundum innocentiam meã super me. Legati ad Alexandrum Magnum teste Curtio post multa ejus præconia, in summam redegerunt omnia dicendo. *Tu Philippi es filius*, hic planè apex dignitatis tuæ est, si ignoscis inimico tuo. Tu Patris, qui in cælis est, es filius.

Thomas Morus, ut autor Thomas Stapletonus in vita cap. 6, carbone si-

bi in carcere descripserat sequentia: vel bonus est, cui tui rascaris, vel malus? si bonus est, tu certè malus, qui bonum odisti. Si malus est, aut vitam corriget, & piè moriens salvabitur, aut in malitia perseverans damnabitur. Si salvabitur, cogitem fore, ut me (qui spero me quoque salvandum) tunc intimè & in æternum diligat, ego quoque eum æterno amore complectar. Cur ergo eum nunc ad tempus odio prosequor, qui me in æternum dilecturus est? cur ab eo nunc ad momentum odio divellar, cui postea æterna dilectione jungar? Quod si damnabitur, tantos in inferno miser ille cruciatus perferet, ut immanis planè sim, si non magis miseris ejus compatiar, quàm personam odio prosequar. Hæc pius Christi Martyr: Muta tu non nihil scripturam, & aureo charactere cordi tuo inscribe: vel iste quem odisse paras est filius DEI, vel non? si est: maledictus es tu, qui filium DEI persequeris: si non est: sat mali habet, quòd tanto bono careat, & tu planè immanis es, qui eum odisti, qui omni miseria refertissimus est. Vel sic. Aut es filius DEI, aut Diaboli? si filius DEI: necessariò debes diligere inimicum tuum, & orare pro persecutoribus & calumniantibus te; si filius es diaboli, in manu tua est, ut sis filius DEI, si scilicet non reddas retribuenti tibi mala: esto consentiens adversario tuo, dum es in via, benefac his, qui oderunt te,

Mm

& ora

- & ora pro persequentibus te, ut sis filius
- Patris, qui in cælis est.

## CAPUT XI.

*De secundo Christi verbo in cruce ad  
Latronem.*

**I.** **S** Vetonius habet de Claudio Druso, quòd ita amaverit liberos ac ditaverit, ut querenti de fisci exiguitate non absurdè dictum fuerit: *abundaturū illum, si à duobus libertis in consortium adscisceretur*; ita nimirum exhauserant illum, ut sicut cor pulmone crescente tabescit, ita potentia servorum suorum crescente, opes & auctoritas ejus pessum ierint. Stetit & Christus inter duos liberos medius, liberos voco latrones, quibus quod libitum erat, liberum fuit; stetit autem hætenus quidem pauper & egenus, jam nunc abundans opibus, quæ finem non habent: abundat, cum à duobus libertis in consortium admissus est. Vis scire quomodo abundat? de ipso disponit regno: quale verò illud sit regnum, *hic deficit sensus*, loquor cum S. Bernardino serm. in Domin. 5. post Epiph. cap. 4, *imaginatio, ratio, intelligentia; est enim magna longitudine æternitatis interminabilis, latitudine capacitatis incoarctabilis, celsitudine sublimitatis incomprehensibilis*. Abundat, cum à duobus libertis in consortium admissus est. Colliges hanc ab-

## Caput XI.

undantiam, ubi primum consortij ejus postulata intellexeris.

UNUS AUTEM EX HIS, QUI PENDEBANT LATRONIBUS BLASPHEMABAT EUM Dicens: SI TU ES CHRISTUS, SALVUM FAC TEMETIPSUM ET NOS. Hæc prima quantumvis adhuc remota ostendendæ abundantie suæ Christo fuit occasio; blasphematur impius potentiam, cujus vires capere non potuit; cavillatur Divinitatem, quam exinanitam videt. Crux Christi ei scandalum & lapis offensionis facta est, ipse Christus ei positus est in ruinam. SI TU ES CHRISTUS: dubitas furcifer? & hoc ipso negas id, de quo dubitas. *Fidei fundamentum validum, & immotum adversus omnes ventos, pluvias, torrentes, non flatibus pellendum, non stillicidijs penetrandum, non inundationibus subruendum est*, ait Hilar. lib. 2. de Trinit. Dubitas? fidei cares fundamento. Christum tibi prædicat sanguis, qui effunditur, vulnera quæ suscipiuntur, vita quæ prodigitur. Christum annunciat illa inter blasphemias mansuetudo, inter cavillationes innocentia, inter tot afflictiones patientia. Christum nusquam melius nosse potes, quàm in cruce: & dubitas? SALVA TEMETIPSUM, ET NOS. Si hoc pro te solo, si hoc bono petiisses animo, forsitan obtinuisses, quod petisti; nam præstò tibi est, qui potens est salvare te de area & torculari, qui torcular calcavit solus, & dolores tuos abigere potest, quasi pulverem in tritura areæ. SALVA

TEMETIPSUM ET NOS, ipse quidem qui Salvator est, salute opus non habet, te autem quidni salvare possit? an enim salvare te non possit de cruce, qui Lazarum liberavit de sepulchro? sed quia hæc blasphema voce petiisti, oratio quidem tua, tibi facta est in peccatum, crux autem in perditionem. Audiit hæc socius latro latronis olim quidem culpæ nunc & poenæ, & zelo zelatus exclamavit.

II. NEQUE TU TIMES DEUM, QUI IN EADEM DAMNATIONE ES? ET NOS QUIDEM JUSTE, NAM DIGNA FACTIS RECIPI-MUS, HIC VERO NIHIL MALI GESSIT. Quot verba, tot fulmina! increpat blasphemantem, arguit obtestantem, emendare cupit delinquentem, ipsum se reum exhibet consistentem, & poenitentem, Christum DEUM prædicat & innocentem: deniq; ut bene Athan. serm. in S. Parasce. *crucifixus est ut latro, & efficitur Evangelista*. Neq; tu times DEUM, qui in eadem damnatione es? pergis ad DEum Judicem, nec expavescis terribilem pro mensura delictorum retributorem: à me contumeliâ divexando abstines, qui ut crucem, sic istum mali verbi commerui: hunc autem cur percutis lingua petulante? si persequeris nocentem, ostende culpam; si malum præbare nequis, cur & iudex & carnifex torques innocentem? Ille bonus nec vultu te torvo violat, tu cur in illum iratum vultum, acerbos oculos,

cor amarum, sermonem nequam instruis? sol occumbens in cruce vivum te non videbit, & hodie moriturus Regem venturi sæculi persequeris? Tot lustris unà mecum latrocinia exercuisti, etiamne claudes vitam latro infamis in crimine? Grande scelus homicidium, sed gravius blasphemia, illò homines, istà occidisti DEUM. Siccine quem terra expulit in crucem, cælum quoq; te procul aget à limine suo. Neq; tu times DEUM, qui in eadem damnatione es cum illo? Sic latro latroni. Et quidem os ejus clausit, non tamen cor ad veræ poenitentiae crucem inflexit; tonitrua stitit, sed serenitatem nolenti non reduxit, citharam malè resonantem tacere còegit, ad harmoniam tamen cæli eam non instruxit: nimirum bene Sapiens Prov. 27. *Si contuderis stultum in pila, sicut prisanas feriente desuper pilo, nō auferetur ab eo stultitia ejus*. Contudit stultum hunc latronem humana justitia clavò, latro bonus verbò, mors quoq; quatit suò pilò, Deus venturo tormentò, non tamen quam induit, exuit stultitiam. Bene Suidas, etiamsi scapulas perdideris aquam pinsens, aqua erit aqua, ita quem DEus despexit, non est qui corrigat. Asinum quantumvis auro exornes ait Greg. Nazian. in carmin. ad Nicobul. quantumvis calcari-bus fodices, fræno flectas, magistrò erudias, non tamen equi mores induet. Sic homines plerumq; vitam fi-



niunt, quomodo eam egerunt. Cave & tu blasphemandi consuetudinem, ne etiam cum maximè laudandus DEus erit, blasphemus inveniare. Non est peccato hoc ullum deterius, ait Chrysost. orat. 2. de fato & provident. sed neque par, nam in eo accessio omnium malorum est, omnisque confusio, inexplicabile supplicium, & intolerabilis poena. Cave blasphemandi consuetudinem, si partem habere non vis cum maledicto hoc latrone, habetoque præ oculis, quod observavit Peraldus tom. 2. tract. 9. cap. 1. dicens: *Quemadmodum Filij DEi divinis laudibus asspergi eos psalmos addiscunt in terris, quos cantabunt in calis, ita blasphemii filij Diaboli ea cantica discunt in mundo, quæ cantent in inferno.*

ET NOS QUIDEM JUSTÈ, NAM DIGNA FACTIS RECIPIMUS, HIC AUTEM NIHIL MALI GESSIT. *Vide latronem*, ait August. sermon. 120. de temp. *quem saluti culpa perdidit, perditio invenit, cruciatus absolvit, damnatio consecravit*, confiteatur latrocinium, obtinet indulgentiam, fatetur culpam, accipit veniam, non excusat nequitiam, ideoque impetrat misericordiam. Non ideo nos filij Adæ proni ad excusandas excusationes in peccatis, non sic; habent apud nos mantellum vitia, quæ si integra celare non possumus, saltem partem velamus, ne tam enormia videantur, iudicamusq; leve, quod in oculis DEi gra-

ve crimen est. Sic 3. Reg. 13. Jeroboam fecit duos vitulos aureos, leve peccatum in oculis ejus, qui tamen in auribus DEI horrendum mugierunt teste Osea cap. 10. *Vaccas Bethaven convenerunt habitatores Samaria.* De quo Peraldus hic. Qui idololatriis videbantur vituli, ante oculos DEI vaccæ magnæ erant. Sic Aaron qui populo idolum fuderat, objurganti Moyse respondit: *tu nosti populum istum, quod pronus sit ad malum, quibus ego dixi: quis vestrum habet aurum? tulerunt & dederunt mihi, & projecit illud in ignem & exivit hic vitulus.* Qui idololatriis videbantur vituli, ante oculos DEI vaccæ magnæ erant.

NOS QUIDEM JUSTÈ, NAM DIGNA FACTIS RECIPIMUS; JUSTUS DOMINUS & RECTUM JUDICIUM EJUS, QUÆ MEREbamur, HIS PUNIVIT NOS. Hic autem nihil mali egit? Unde latroni hæc patrocinandæ audacia? solus innocentem confiteatur, quem omnes condemnant: non audent Apostoli nimio timore conterriti, non audet Petrus, sed ad unius ancillæ voculam negat, quem confiteri debebat; audet latro in tormentis novus Christi Apostolus & Confessor, Martyr & testis, prædicator & doctor, è peribulo quasi ex cathedra annunciare veritatem: non adest Lazarus suscitatus è monumento, non cæcus natus, non leprosi, qui dent gloriâ DEO, & testimonium perhibeant innocentiae: adest latro, qui nunquàm miracula viderat non-

quod

quam sermonem audiverat, hic unus testimonium perhibet veritati. *Qua istam fidem ait S. Leo serm. 2. de passione exhortatio persuasit? qua doctrina imbuit? quis predicator accendit: non vident prius acta miracula, cessaverunt tunc languentium curatio, cecorum illuminatio, vivificatio mortuorum, ea ipsa quæ mox agenda erant, non aderant, & tamen Dominum confitetur, & Regem, quem videt supplisij sui esse consortem.* Hic NIHIL MALI GESSIT; mundus totus eum condemnat, latro absolvit; Jerosolyma cum principibus Sacerdotum & senioribus dicit: Reus est mortis, latro totus in peccatis natus dicit: Nihil mali gessit. *Mira utiq; mutatio, ait ibidem S. Leo insidiator viarum usq; ad crucem reus, fit Christi repente confessor, & inter illos acerbissimos corporis animiq; cruciatus, quos simul & instantia & difficultas mortis augebat, mira conversione mutatus dicit.* Hic nihil mali gessit. Unus alienigena inventus est, qui daret gloriam DEO; unus latro qui confiteretur coram hominibus, unus qui diceret: hic nihil mali gessit. *Ostende mihi aliū latronē, exclamat Aug. ego dico ostende alium amicū, qui verba veritatis loquatur pro dilecto. heu non ostendes! his enim temporibus, utor verbis Plutarchi lib. de amicit. ad liberè loquendum pene vocem amisit amicitia.* Sed nec ego ipse latronum maximus testimonium veritati perhibere audeo, quin e contra

malitiæ eum incuso, quoties perversā vitā meā æmulari me eum, qui solus bonus est, mentior. Saltem tandem ad vocem latronis exciter, & erubescere desinam, clametq; vita mea hæcenus pejor vitā latronis, quia hic nihil mali gessit.

III. Non stetit hic latronis testimonium, dederat illud innocentiae hominis, dat etiam Divinitati. DOMINE, ait, MEMENTO MEI, DUM VENERIS IN REGNUM TUUM. Servum videt, & Dominum confitetur; reum audit, & DEum adorat; vermem & non hominem, opprobrium hominum & abjectionem plebis intuetur, & à rege particeps regni fieri desiderat: videt mulctatum morte, turpatum cruce, sputis illitum, plagis lividum, spinis coronatum, propè dixerim cum Cicerone lib. 1. de legib. licet alio intento, rem dignam in qua omnes erubescant, & ab eo misericordiam flagitat: DOMINE MEMENTO MEI: abyssus abyssum invoco, abyssus miseriæ abyssum misericordiæ; memento mei, cum bene tibi fuerit, ut suggeras non jam Pharaoni, sed Patri tuo, ut educat me de isto carcere: memor esto verbi tui servo tuo, in quo mihi spem dedisti: vira es, & moreris pro me, salva me ex ore leonis & à cornibus unicornium humilitatem meam; socium me voluisti poenæ, fac & gloriæ; plus confido in meritis tuis, quàm timeam à peccatis meis: memento mei, dum veneris

neris in regnum tuum: ne memineris iniquitatum mearum antiquarum, citò anticipent me misericordiæ tuæ, quia pauper factus sum nimis. Vir equidem sum sanguinum; sed tu qui non declinasti à me in cruce, non declines à me in regno tuo. Memento mei cum veneris in regnum tuum, sanguis tuus non sit mihi in perditionem. *Hac est fidei plena devotio*, ait S. Maximus homil. de S. Latrone, *ut cum de vulneribus Domini profluens sanguis cernitur, tunc de potestate ejus venia postuletur: cum videtur ejus humilitas, tunc magis timeatur ejus divinitas: cum morti additus putatur, tunc regis illi honorificentia deferuntur.* Memento mei, dum veneris in regnum tuum. *Iste videt Salvatorem*, exclamat S. Chrysostomus hom. de cruce, *non in regali folio, sed in pœna sociatum latronibus, videt in cruce pendentem, & orat quasi in celis sedentem, videt condemnatum & invocat Regem, Judæi crucifigunt, qui novērunt legem, & tu latro unde talia philosopharis?* Et Cyrillus catech. 3. *Quæ virtus te illuminavit ô latro? quis te docuit adorare contemptum & simul affixum? O lumen perpetuum illuminans obscuratos! O si idem lumen, quod illuminat omnem hominem venientem in hunc mundum, illuminaret tenebras mentis meæ, ut & meus latro latrone illo pejor, dicat: Memento mei, ut salves me, & non memento mei, ut dam-*

nes, memento mei, non ut in æternum projicias me, sed ut cum sanctis & electis tuis laudem te: memor esto verbi tui servo tuo, in quo mihi spem dedisti, memento mei, cum obliviscar tui, nec me des oblivioni tanquam mortuum à corde. Ad hoc lumen *advertit acutus & ingeniosus fur thesaurum* ait Greg. Nyssen. orat. de 40 Martyribus, *& nactus occasionem vitam rapuit arte furandi pulchrè & solerter abusus.* Et Chrysost. hom. 2 de cruce & latrone, *furatur cæleste imperium, & vim facit Majestati non vi propria sed fide vincens, juxta verbum Domini: Regnum cælorum vim patitur, & violenti rapiunt illud.* Et iterum: *nec in cruce artis suæ obliviscitur, sed per eam regnum cælorum prædatur.* Ad hoc lumen vidit latro abundantiam Christi admissi in consortium à duobus libertis, qui etiam non abnuunt eum participem fieri illius, pro quo fudit & sanguinem.

IV. AMEN AMEN DICO TIBI, HODIE MECUM ERIS IN PARADISO. Agnovisti abundantiam meam in summo defectu, hodie eris particeps ejus, mecum fuisti in cruce, mecum eris in regno; hodie conversus confessus es me coram hominibus, hodie reversus in gaudium meum confitebor te coram Patre meo: memorem me tui esse voluisti, adjiciam tibi multò plura, etiam regnum. *Illo rogabat* ait Ambros. serm. 8 in Ps. 118,



*ut sui memoriam haberet dum veniret in regnum suum, sed iste obtulit ipsum regnum. Et Cyprianus: Latro in cruce confitens non tantum indulgentiam meruit, sed Christi familiaris effectus præmissus est in paradysum, & factus est regni particeps, factus collega martyrij. O mysterium regni DEI! Imperatori quidemvel cuilibet habenti potestatem injuriosum putatur, ait Chrysost. hom. de cruce & latrone in die parasc. si personam vilissimam participem sui actus accipiat, Christo autem nostro non injuria fuit sacram ingredi-enti Patriam facere ingressus sui participem latronem, nam secum eum perduxit non confundens calcantibus latronis pedibus paradysum, sed honorem præstans paradiso, honor enim loci est, talem Dominum promereri, qui & latronem dignum reddiderit paradiso. Contentum reddidisset, si dixisset, sicut ad Petrum, veni sequere me, faciam te fieri piscatorem hominum; aut sicut dixit ad Apostolos: Sedebitis super sedes duodecim, judicantes duodecim tribus Israël: nihil horum dixit, sed dixit: Hodie mecum eris in paradiso. O ingentem, & inenarrabilem gratiam! exclamat Cyrillus Jerosolom. in thec. 3. Nondum Abraham fidelis ingressus est, & latro ingreditur, nondum Moyses & propheta & jam latro ingreditur. Admiratus est etiam Paulus dicens. Ubi abundavit delictum, supera-*

*bundavit & gratia. Qui tulerunt æstum nondum ingressi sunt, & qui undecima hora venit, ingressus est. O ingentem & inenarrabilem gratiam! Misericordia DEI superexaltavit judicium, & facinorosum ab ipsis inferni faucibus eduxit in refrigerium, à portis mortis ad gaudia vitæ, à cruce ad regnum. Quando hoc speraret latro adductus à latrocinio ad judicem, à judice ad crucem, à cruce ad paradysum? completum est in eo illud: erunt novissimi primi, & primi novissimi. Quantum agit in spe salutis humane magnitudo fidei, & altitudo divitiarum misericordia Dei! exclamat S. Eucherius hom. de latrone. Ecce hominem sceleribus involutum pœna misit ad innocentiam, & offensa ad gloriam. Quem salutis culpa per dederat, perditio invenit, cruciatus absolvit, damnatio consecravit. Invideo tibi sancte Latro sortem tuam; tu cœlum tam citò rapuisti, & ego cui reservor? scio filios regni ejiciendos foras, & te receptum credo cœlorum habitaculo: quid mecum misero fiet? merita nescio; bona non habeo, flagellat me delictorum conscientia, terrent peccata, quibus iram merui: tu saltem memento mei in regno tuo, & suggeras DEO tuo, ut in pace educat me de isto carcere: desperarem utique conscius peccatorum meorum, sed non despero conscius salutis tuæ, spem meam pono in eo, quem confessus es, dicoque millies: Qui latronem*

*tronem exaudisti, mihi quoque spem dedisti:* Denique te magistro (*nec enim paret me tui magisterij*, loquor cum S. Leone *qui celestem conversationem meruisti primus*) te inquam magistro & precatore, spero deducet me DEUS in requiem. Fides tua de ligno floruit, ait de te Aug. lib. 1 de anima & ejus origine cap. 9, quando discipulorum marcuit; illi desperaverunt de moriente, tu sperasti in commorientem, refugerunt illi autorem vitæ, tu rogasti consortem pœnæ, doluerunt illi tanquam hominis mortem, tu credidisti regnaturum post mortem: gratulor felicitati & abundantiae tuæ, & per eam oro, ut quæ in te vacua non fuit, nec me spes confundat.

V. Et hæc quidē boni latronis abundantia fuit: sed eā unus abstulit, comitē alterum non habuit. *Unus*, ait August., *ut nemo desperet, tantum unus, ut nemo præsumat.* Socium equidem habuit pœnæ etiam latronem alium, sed non gloriæ & abundantiae; ut daretur exemplum & forma indissolubilis manans in posteros, ait S. Cyprian. serm. de passion. quia & in ultimis DEI clementia poenitentes non excludit, & impœnitentes ipse judicat, & damnat. Unus, ut nemo desperet; tantum unus, ut nemo præsumat: unus ad dexteram, alter ad sinistram; *ut etiam in ipsa patibuli specie monstraretur illa, quæ in judicio ipsius omnium hominum est fa-*

## Caput XI.


*cienda discretio*, ait S. Leo serm. 4. de passi: *cum & salvandorum figuram fides credentis latronis exprimeret, & damnandorum formam blasphemantis impietas prænoteret.* Unus ē duobus hircis pro pescato immolatus in sanctificationem, alter in desertum inferni emissus cum improprio delictorum; unus ē ministris Pharaonis restitutus in gradum pristinum, alter deputatus in damnationem mortis, unus, ut nemo desperet. *A spei certitudine nulla nos maiorum nostrorum qualitas, nulla quantitas frangat;* ait S. Greg. hom. 20 in Evang. *Præstat magnam veniam fiduciam latro ille venenabilis, qui non inde venerabilis, unde latro: nam latro ex crudelitate, venerabilis ex confessione. Cogitate rogo, cogitate, quam sint incomprehensibilia in Omnipotente DEO misericordie viscera. Latro ille cruentis manibus abstractus à facie itineris, suspensus ē patibulo crucis, ibi confessus, ibi sanatus, ibi audire meruit. Hodie mecum eris in paradiso. Quid est hoc? quis tantam bonitatem DEI dicere, quis estimare sufficit? de ipsa pœna criminis pervenit ad premia virtutis. Idcirco autem Omnipotens DEUS electos suos in quibusdam lapsibus cadere permittit, ut alijs in culpa jacentibus, si toto ad eum corde consurgant, spem veniam redderet, & eis per lamenta poenitentia celestem patriam aperiret.* Unus, ut nemo desperet: Nemo est, qui possit excludi, quando receptus

ceptus est latro ait Ambros. in psalm. 39, & Chrysost. tom. 6. serm. de Chanaanæa. Publicanus es? potes fieri Evangelista. Blasphemus es? potes Apostolus fieri. Latro es? potes deprædari paradisum. Magus es? potes Dominum adorare, idcirco Dominus nequitie delegit fastigia, ut nullus ad funem confugere debeat. Noli mihi dicere. Perij, quid mihi restat? noli dicere: peccavi: quid faciam? medicum habes, qui morbum potest vincere; medicum habes, qui sanat omnem sangvorem: medicum habes, qui solo nutu curat: medicum habes, qui voluntate corrigit, qui potest, & vult sanare. Cum non esses, te produxit, cum jam sis, & perversus sis multo magis corrigere poterit *Hec ille*. Unus est, ut nemo desperet, tantum unus, ut nemo præsumat: sicut enim desperatio, ita & stulta præsumptio impellit ad interitum. Si bene memini, ait Bernardus serm. 38 ex parvis, in toto canone scripturarum unum latronem invenio sic salvatum. Et quidem spiritus non modo ubi vult, sed quando vult spirat, nec ei difficile est subito perfectam dare contritionem cordis, quam vix multo tempore alij consequuntur: sed unde scis, quod Deus tibi ita subvenire velit, quem tu interim sic repellis? Benignus quidem est spiritus sapientie, sed non liberabit maledictum à labiis suis. Audi quis ille sit: Maledictus qui peccat in spe. *Hactenus Bernardus*. Tan-

tum unus, ut nemo præsumat. Unde etiam monet scriptura Eccli. 5. *Ne dicas miseria Domini magna est; multitudinis peccatorum meorum miserebitur: misericordia enim, & in ab illo cito proximant, & in peccatores cito respicit ira illius. Non tardes converti ad Dominum, & ne differas de die in diem, subito enim venit ira illius, & in tempore vino dicta disperdet te*. Hoc utinam considerarent illi, qui cum prolongant iniquitatem suam, corvinum illud cras, cras sibi occidunt, & audiendo pestilentes illos syrenum cantus (Ætas provectior satis redimet lubricum juventutis. Satis tempestiva est poenitentia, quæ anticipat diem mortis. Nemo serò poenituit, quem mors invenit poenitentem) in voraginem peccatorum, illumque miserum statum incidunt, in quo non inventient poenitentiae locum, quamvis cum lachrymis inquirent eum. Unus ut nemo desperet: tantum unus, ut nemo præsumat. Primum considerandum in latrone illo non solum credulitatis compendium ait S. Aug. serm. 120 de temp. sed devotio, sed temporis illius, sub quæ hæc agebantur occasio, quo justorum legitur titubasse. perfectio. Deinde autem mihi fidem latronis ostende, & tunc tibi latronis beatitudinem pollicere. Immittit diabolus securitatem, ut inferat perditionem. Ipse se seducit, & de morte sua ludit, qui hoc cogitat, potest mihi extremi temporis indulgentia subve-



nire. Periculosissima est in ultimum diem promissa securitas: deinde stultissimum est, ut causa quæ de necessitatibus agitur, inutilitatibus vitæ deficientis committatur extremis. Credite charissimi, difficile est, ut calida dissimulatio ordinandæ consummationis digna sit obtinere facultatem. Apud illum cordis interpretem ars non admittitur ad salutem. Ille autem, de quo locuti sumus Beatus Iatro, Beatus inquam non jam juxta viâ insidias tendens, sed viam ipsam, & novâ spolia de morte propria reportans, ille nec salutis tempora sciens distulit, nec remedia statûs sui in momenta ultima infelici fraude posuit, nec redemptionis suæ spem in desperationis novissimum reservavit, nec religionem ante, nec ipsum Christum scivit. Quod si scivisset, fuisset forsitan inter Apostolos non postremus in numero, qui prior factus est in regno. Ergo etiam ex hoc in extremo placuit DEO, quia ad consequendam fidem non fuit extrema illa hora, sed prima. Usque huc Augustinus. Unus, ut nemo desperet, tantum unus, ut nemo præsumat. Sed revertamur ad ea, à quibus digressi sumus.



CA-

## CAPUT XII.

*De tertio verbo Christi in cruce ad Matrem.*

I. PRIMAS dederat inimicis, alteras poenitenti latroni, tertias demum partes dat Matri ancillæ Filius servus: sic nempe decuit alienæ prius prospicere salutem, quàm suorum curam gerere: sic adimplere voluit omnem iustitiam, & ea quæ sunt spiritus præponere carni. Stabat interim juxta crucem Mater JESU fugientibus viris intrepida, *stabat non degeneri mater spectaculo, quæ non metueret peremptorem aut* Ambrosius, serm. de Insk. Virg. cap. 7, stabat in fide constantissima & patientissima, ut columna immobilis, & inter violentos turbines inconcussa; stabat in fide JESU firma; & pulchrè stabat, ut decet pudicitiam Virginealem; stabat disciplinata, verecunda Virgo, lachrymis plena, doloribus immersa. Stabat juxta crucem corpore, anima enim cruci Christi confixa fuit, nam ut habet Arnoldus Carnotensis tract. de laud. Virg. tom. 1 biblioth. *unum holocaustum ambo pariter offerebant DEO, MARIA in sanguine cordis, Christus in sanguine carnis.* Stabat Mater melior illâ de qua 2 Mach. 7 *Supra modum autem Mater mirabilis & bonorum memoria digna, quæ peremittentes septem filios sub unius dici*

diei tempore conspiciens, bono animo ferebat propter spem, quam in Domino habebat. Stabat Mater, planè Mater, ait Gverricus serm. 4 de assumpt, quæ nec in terrore mortis filium deserebat. Stabat ut nuper Rhespha filia Aja suspensis filijs adstans, quos Gabaonitæ in edito colle suffixerant 2 Reg. 14. donec sepeficerentur. Stabat Rhespha, Rhespha significat moeritudine atram; in ipsum quippe moerorem conversa sunt MARIÆ viscera, nec ipsa in se, sed unus meror inveniebatur in ea. Aspicio Dominum cor tuum, ait Bonav. in stimulo lib. 4 cap. 3 & id non cor, sed myrrham, absinthium, & fel video. Quero Matrem DEI, & ecce invenio spica, flagella & vulnera, quia tota conversa es in ista. Stabat Mater, stabat, ait Salmeron hic, sicut Rachel juxta terebinthum parturiens cum dolore filium: stabat sub palma, sive juxta palmam, sicut Deborah fortissima spectans prælium Barac contra Sisaram, id est Christi contra dæmonem; stabat plusquam Martyr, quia esse commartyrem Christi, plus est, quam Martyrem Christi ait Gvilielmus Parisiens. in cap. 3 Cant. & cum alij Martyres passi sint propter fidem, ait S. Laur. Justin. lib. de laud. Virg. MARIA passa est propter charitatem, unde dicit in Canticis secundum aliam litteram, quam habet Gregorius. Vulnerata charitate ego sum, & sicut charitas major est, quam fides, sic MARIÆ

martyrium quantalibet excellit Maryria sanctorum. Stabat juxta crucem videns Filium morientem, non ut nuper Agar, quæ reliquit puerum subter unam arborem, & abiit, & sedit è regione procul, quantum potest arcus jaceret, dixit enim: Non videbo puerum morientem, & sedens contra levavit vocem suam, & flevit. Gen. 21. Stabat aspiciens in autorem fidei & consummationem JESUM, qui proposito sibi gaudio sustinuit crucem. Stabat Mater: planè Mater, ait Gverricus Abbas serm. 4 de assumpt: quæ nec in terrore mortis Filium deserebat. Quomodo enim terre-ri poterat, cujus charitas fortis ut mors, imò fortior, quam mors erat. Denique stabat juxta crucem Mater expectans verbum consolationis, verbum valedictionis.

II. CUM VIDISSET ERGO JESUS MATREM, ET DISCIPULUM STANTEM, QUEM DILIGEBAT, DICIT MATRI SUÆ: MULIER ECCE FILIUS TUUS; DEINDE DICIT DISCIPULO: ECCE MATER TUA. Super hæc verba mihi reflectenti me, videtur servus noster quoddam testamentum condere voluisse. Advertit hoc ipsum S. Thom. de Villa nova serm. de S. Joann. Evang. inquiens. Pendebat Christus in cruce moriturus, & disposuit testamentum: Patri Spiritum, Ecclesie corpus, peccatoribus sanguinem, Latroni regnum, militibus vestes, Petro Ecclesiam, Apostolis Paracletum, electis charismata liberaliter di-

*s*tribuit. *Quid tibi o dilecte legabo? quid in ultimis dabo tibi? Ecce mater tua: hæc omnium qua possideo charissima & pretiosissima gemma; hanc tibi trado, hanc dono. Et ad Matrem conversus, Mulier, ait, ecce filius tuus, & ex illa hora accipit eam discipulus in suam, exultans & gaudens, quia talem sibi hereditatem reliquisset.* Et Arnoldus Carnot. tract. de ultim. verb. Dom. Petro ait commendatur Ecclesia, tibi MARIA; illi tumultuosa negotia, tibi pacifica & quies: illi atria, & vestibulum, & altaria sanguinum: tibi commendantur altare & sancta sanctorum. Ad culmen mysterij tui nullus tecum admittitur, solus illi assistis propitiatorio, solus illud vas aureum continens manna, illud Divinæ legis scrinium Pontifex destinatus observas. Loco Filii positus es, & ut vicem in matre suppleas ordinari: nec abnuit te Mater sancta Vicarium licet imparem, & inferioris tituli, tamen quia sic visum est, Filio amplectitur successorem. Testamentum ergo hic condidit Christus. Scio equidem vetitum esse testari servis *per leg. qui in testamento ff. de testam.* habet tamen exceptionem à lege communi, cui ipse Romanus præses titulum Regis concessit: sed esto & hic exemptus non esset, bene stat testamentum servi nostri cum lege. Tacitus *lib. 15* refert de Seneca, quod cum iussu Neronis ingrati discipuli interficiendus esset, nec copia ei

fieret condendi testamenti, conversus ad amicos dixerit: quando meritis eorum referre gratiam prohiberetur, quod unum jam, attamen pulcherrimum habebat, imaginem vitæ suæ testamenti loco se ijs tradere. Idem testamentum Christi est, vivam sui tradidit imaginem Joanni: an non pulchra Christi imago MARIA? nulli Apelli ita feliciter cecidit opus suum, sicut MARIA Christum refert; hæc una virtutes ejus, hæc dotes illius quàm exactissimè imitatur, in hac velut in speculo ejus humilitas & amor, patientia & zelus, paupertas & obedientia elucet, hæc est illud speculum sine macula, & imago bonitatis Christi, de qua Albertus Magnus apud D. Anton. part. 4 tit. 15 cap. 43 dicit, quod *Deiformissimos actus habuit, & in summo actu Christum imitata fuerit:* hæc est pulchritudo omnium pulchritudinum, ut de ea Greg. Nicomed. serm. de oblat. Virg. *pulchrorum omnium ornamentum*, hæc est imago quondam candida, nunc rubicunda, olim *Christiformis, nunc & Cruciformis*, ut loquitur Simon de Cassia lib. 2 vitæ Christi cap. 27, *quod enim in Christi carne agebant clavi & lancea, hoc in Virginis mente passio naturalis affectio- nis, & materna angustia*, ait Bern. serm. si lingvis hominum. Lego in vita B. Joannis de Cruce singularem sacris ejus lipsanis Divinitus datam gratiam representandi mysteria vitæ Christi,



sti, videtur quippe in ijs velut in speculo jam Christi nativitas, jam flagellatio, jam crucifixio, jam mors. Singularis equidem hæc servo DEI data est gratia, led transiens, sed mortuo concessa corpori: major incomparabiliter data est Matri; illa est vivum speculum totius vitæ Christi, imago perfectissima filij sui. Cape hanc imaginem testamenti loco tibi datam à Christo S. Joannes, accipe eam in tua non prædia, quæ forte nulla habuisti, sed viscera, sed pectora; oppone speculum hoc speculo cordis tui, ut ad lucem celestem refringatur in speculo cordis tui JESUS & MARIA, tuque utriusque viva sis imago.

III. ECCE MATER TUA. Felix hac Matre Joannes, venient tibi omnia bona pariter cum illa: si arca est MARIA, benedicet Dominus te, sicut benedixit Obededom, & omnem domum ejus, & omnia ejus propter arcam DEI 2. Reg. 6. si thesaurus DEI est, ad tuam is devolvitur hæreditatem: si sanctuarium DEI est, tuæ illud creditur custodiæ. *Non est passus Christus*, ait Arnoldus Abbas tract. de septem verbis, *ut judaica rabi- es in sanctuarium suum profanam mitteret manum, vel aliqua infestatione violaretur illud templum Spiritus Sancti, postea est fidelis editus ad tanti thesauri custodiam, discipulus, qui in Cana Dominica cervical sibi in pectore Magistri aptaverat, ecce iterum alio pri-*

*vilegio honoratur, & post illud reclinatorium, in quo viderat, In principio erat VERBUM, & VERBUM erat apud DEUM, officina illa, in qua VERBUM caro factum est, diligenter à Filio ei commendatur. Et paulò post. Ecce Joannes pia hereditatis accipit testamentum, eligitur, & in hoc preponitur omnibus. Felix tali Matre Joannes, felices & nos, nam in Joanne, ait S. Bernardinus Sen. in cap. 13 Joan. electorum B. V. facta est Mater, veneruntque nobis omnia bona pariter cum illa. Non moror hic, abunde enim dedi hanc materiam concernentia in opusculo inscripto Fili MARIE.*

IV. ECCE FILIUS TUUS. Joannes etiam MARIE testamento legatur: ditior eo plena gratiarum fieri non potuit, maluissetque Filium DEI præ filio Zebedæi; piæ tamen, & ultimæ voluntati testatoris resistere nefas rata, hoc qualecunque munusculum acceptat humilis Mater. Quale vero hoc mihi testamentum & legatio, è qua hæres ditior fieri non potuit? ipsam Matrem DEI alicui dari loco testamenti grandis est thesaurus, quia cum ea donantur omnia, at Reginam plenam omnibus bonis heredem fieri posse piscatoris ne rete proprium habentis novæ leges doceant necesse est. Lucianus in Toxari habet de Eudamida Corinthiorum pauperrimo, quod moriens Arethæum Corinthium, & Charixenum

Sicyonium amicos suos opulentos, scripserit hæredes paupertatis suæ in hunc modum: *Lego Aretæo quidem matrem meam, alendam & in senectâ fovendam, Charixeno verò filiam meam elocandam cum dote, quanta ab illo maxima dari potest Si quid autem interim acciderit alterutri, hujus quoque partem alter habeto.* Nova hæc fuit formula testamenti, quam tamen ab amico factam legationem, cum ratam habuissent partes, quibus legatio facta fuerat, Charixenus quidem quinque duntaxat diebus superfuit, Aretæus autem & Matrem Eudamidæ aluit, & filiam ejus duobus talentis è suo dotatam honestissimè elocavit. Non absimile Christi testamentum est; Joannem legat Matri suæ nullius indigæ, sed alendum, sed dotandum; traditur Joannes MARIE in filium testamenti loco, sed ut eum participem faciat bonorum, quibus ipsa plena est, illorum inquam bonorum, de quibus Jacobus de Voragine in Mariali serm. 5. *In ea Patet posuit, thesaurum suæ potentie, Filius thesaurum suæ sapientie, Spiritus, S. thesaurum suæ misericordie, de quo thesauro ut loquitur Albertus Magnus in biblioth. Mar. bonus homo, id est Christus DEUS & homo profert bona misericordie, gratiæ & gloriæ. Quid deerit Joanni? cum ei commendata sit testamento, quæ ut pia Mater & vult, & potest ejus curam habere, imò quid*

## Caput XII.

deerit mihi, Si MARIA est Mater mea! O beata ergo fiducia! exclamo cum Bernardo serm. 2 super signum Magnum, *ô tutum refugium! Mater DEI est Mater nostra, mater ejus, in quo solo speramus, quem solùm timemus est Mater nostra. Quàm magnum, quàm admirabile est, quod video per te evenire nobis, quod videns gaudeo, quod gaudeo, dicere non audeo, si enim tu Domina es Mater ejus, nonne & alij filij tui sunt fratres ejus? &c. Qua igitur certitudine debemus sperare, qua desolatione possimus timere, quorum sive salus, sive damnatio de bona Matris, & pia Matris pendet arbitrio. Non timebo in die mala, quia MARIE datus sum in filium, dicamque confidenter: non possum perire præ pietate MARIE. Tu solùm Domina monstra te esse Matrem, nec projice me abs te quantumvis prodigum, quem in Joanne, sui loco tibi legavit Christus tuus.*

## CAPUT XIII.

*De quarto verbo Christi querentis se derelictum in Cruce.*

**I** D isposuerat de Matre, & Joanne Christus, cum dies medius verba sunt S. Chrysost, serm. 3 de passionis tenebrarum tyrannide discluditur, & perdidit cursum fugitiva luce fraudatum. Sol abscondit radios suos, & orbem globus luminis obscuravit, atque incu-

incubatricem noctem dissimulato jure contradictionis admisit, dies enim non dies, & nox repentina non nox erat, A SEXTA HORA TENEBRÆ FACTÆ SUNT SUPER UNIVERSAM TERRAM USQUE AD HORAM NONAM, ET OBSCURATUS EST SOL. Nimirum conveniens erat, ut squalidā umbra cœlum deploraret tantum facinus terræ, aut ut loquitur Ambr. lib. 10 in Luc. *ut funesti spectaculum sceleris obumbraret*, & vel ad has tenebras impia sæcula æternam noctem timere inciperent, inque ipsis tenebris potestatem tenebrarum, & verum lumen agnoscerent. Sed frustra: lumen enim nosse volebant, quorum pars futura erat in terra tenebrosa & operta mortis caligine, terra miseriæ, & tenebrarum, ubi umbra mortis, & nullus ordo. Incumbente interim horâ nonâ clamavit JESUS voce magna, ad quam tremunt impij, attoniti hærent pij. DEUS MEUS DEUS MEUS UT QUID DERELIQUISTI ME. Magna vox, vox confringentis cedros, vox intercidentis flammam ignis, vox concutientis desertum. Audiet hanc vocem impius, & ad ejus sonitum corruet, audiet pius, nec capiens mysteria, titubare incipiet: magna vox clamantis de deserto, non in deserto, sed in patibulo.

I. Reg. 30. servum viri Amalecitæ dereliquit Dominus ejus quia ægrota-  
re cœpit nudiustertius: hoc usitatum,  
hoc humanum est: servi dum vivunt,

virent, at ubi iniquior valetudo eos concutit, derelinquuntur. Noster es, ubi vales; æger es, mox foris ages. Vitio hoc laborasse Catonem Majorem testis est Plutarchus, quod servos senio confectos, aut alijs inutiles domo facessere juberet: humanum hoc vitium est servos derelinquere à At Christum à DEO derelinqui hoc intellectus non capit, lingua profari veretur, DEUS tamen credere jubet. Latet hac in voce Sacramentum. Psalmistæ sunt hæc: *Junior fui, etenim senui, & non vidi justum derelictum* ps. 36. *Quoniam non dereliquisti querentes te Domine* ps. 9. *Non derelinquet sanctos suos, in æternum conservabuntur* ps. 36. *Quia non repellet plebem suam, & hereditatem suam non derelinquet.* ps. 93: & en justorum justus, Sanctus Sanctorum derelictum se à Domino lamentatur. Latent in hac voce mysteria. Et quidem certum est derelictionem hanc cadere non potuisse in Christum, quatenus Christus est, præterquam enim, quod ille per admirabilem illam unionem hypostaticè DEO semper conjunctus fuerit, & ab unione gloriæ nunquam separari potuerit, gratiâ insuper nunquam excidere potuit Filius dilectus, in quo Patri bene complacuit: cadit tamen hæc vox in Christum quia servus est, & formam peccatoris suscepit. Unde hac vox, exclamat Aug. in ps. 49, *nisi quia in carne infirmitatis agnosce-*  
batur



*batur vox peccatoris? qui enim suscepit similitudinem carnis peccati, cur non similitudinem vocis peccati? Tua hæc vox homo peccator, qui dereliquisti DEUM factorem tuum, recessisti à DEO salutari tuo, tu vicissim derelictus à DEO clamas ore Christi, DEUS meus, DEUS meus ut quid dereliquisti me? Ps. 21 postquam orasset David. DEUS DEUS meus respice me, quare me dereliquisti, addit: longè à salute mea verba delictorum meorum. Verba delictorum sunt peccata iniquorum, hæc faciunt longè à salute sua Christum, hæc faciunt eum privari delectatione Deitatis, ut saginari possit voluptate patrientia, quemadmodum loquitur Tertullianus ad Praxeam: hæc faciunt eum pati, quantum illa natura passibilis pati poterat omni ab ea refrigerio separato, ait S. Bernardin. Sen. serm. 55 de passi. cap. 9: hæc elongant Christum à DEO, non loco sed auxilio ait Hugo de S. Viçt. lib. 2 de sacra paraf. Prædicto loco post verba illa: longè à salute mea verba delictorum meorum addit psalter. DEUS meus clamabo per diem, & non exaudies, & non ad insipientiam mihi. Tu autem in sancto habitas laus Israël. In te speraverunt Patres nostri, & liberasti eos. Ad te clamaverunt, & salvi facti sunt, in te speraverunt & non sunt confusi. Quot motiva adducit! quot circumstantias aggravantes malum derelictionis suæ! poterat tunc con-*

queri cum B. Job. *Mutatus es mihi in crudelem & in duritia manus tua adversaris mihi. Elevasti me, & quasi super ventum ponens elisisti me valide Job 30:* sed ita oportebat fieri, ad modicum in puncto derelinquendus erat, ne nos in perpetuum dereliqueremur.

II. DEUS MEUS, DEUS MEUS UT QUID DERELIQUISTI ME! *Dixit Sion, dereliquit me Dominus, & Dominus oblitus est mei. Isai 49, & propheta regius lamentatur. Ut quid dereliquisti in finem, iratus est furor tuus super oves pascua tua Ps. 73. Gravis derelictio ad quam tinniant ambæ aures. Va eis cum recessero ab eis, inclamat DEUS ipse apud prophetam Osee 9, tunc erunt in devorationem, replebuntur ignominia, & irruent super eos mala, quorum non est numerus. De hac derelictione locutum esse Christum observat Orig. hom. 25 in Matth. inquires. Videns peccata hominum, pro quibus patiebatur dicebat. Quare me dereliquisti? ut fierem quasi qui colligit stipulam in messe, & sicut qui colligit racemos in vindemia, cum non sit boerus ad manducandum primitiva. Et hec dico, quia periit timoratus à terra, & qui corrigat, inter homines non est. Hæc derelictio Christi deberet tibi esse motivum semper adhærendi DEO tuo: sic enim tecum argumentari deberes: si tam amarum fuit Christo ad modicum derelinqui à DEO, quam amarum erit projici*

in æternum ab illo! *Vox hæc Christi*, ait B<sup>e</sup>. Leo serm. 6. de pass. *doctrina fuit, non querela*, ut tu discas perquam amarum esse relinqui à DEO. *Fuerunt mihi lacrymæ meæ panes die ac nocte, dum dicitur mihi quotidie ubi est DEUS tuus? hæc recordatus sum & effudi in me animam meam* ait David Ps. 41. Difficilis ac nodosa quæstio! Ubi est DEus tuus? inundant super te mala, nec est qui consoletur te. Ubi est DEus tuus? infixus es in limo profundi & non est substantia: venisti in altitudinem maris, & tempestas demersit te. Ubi est DEus tuus? exponeris implorum dentibus, multiplicati sunt super capillos capitis tui, qui oderunt te gratis, nec est qui eripiat. Ubi est DEus tuus? confortati sunt, qui persecuti sunt te inimici tui injustè, tota tormenta Diaboli venerunt in te, nec est qui salvet te. Ubi est DEus tuus? dicit impius persequens te, DEus dereliquit eum, persequimini & comprehendite, quia non est qui eripiat. Ubi est DEus tuus? Esse cum DEO dulcis paradysus; esse sine DEO gravis est infernus. Gravis equidem mihi foret infernus, regio illa dura & gravis, regio extimescenda, regio fugienda, terra oblivionis, terra afflictionis, terra miseriarum, in qua nullus ordo, sed sempiternus horror inhabitat, locus lethifer, in quo ignis ardens, frigus rigens, vermis immortalis, foetor intolerabilis, mallei percutientes, tenebræ

palpabiles, horribiles demonum facies, ubi nulla spes boni, nullà desperatio mali: sed in toto hoc mari amaritudinis nihil mihi foret gravius, quàm derelinqui à DEO. Si DEus mecum esset, infernus mihi paradysus esset, si DEus mecum non esset, paradysus mihi infernus esset. O derelictio pessima derelinqui à DEO! DEus est nostræ vitæ terminus, nostræ navigationis portus, nostræ militiæ corona, nostræ peregrinationis patria, nostri laboris quies, ipse est omnis appetitus satietas, omnis desiderij centrum, omnis motus meta, cujusvis inanitatis plenitudo, omnium denique finium finis ultimus. Quid erit privari DEO, derelinqui à DEO? Utinam natus non fuisset homo ille, quem derelinquit DEus!

III. DEUS MEUS, DEUS MEUS UT QUID DERELIQUISTI ME! *Nunquid DEus dereliquit Christum*, exclamat Julius Africanus lib. 2. interrog. 20. *cùm esset DEus in Christo mundum reconcilians sibi? Absit, sed in veteri nostro vox nostra est, quia simul crucifixus est vetus homo noster cum illo*. Tua hæc vox est fere Esau, non vox Jacob, vel si vox Jacob est, vox hæc pro te emissæ est, ut quem elongasti à te, rursus accedat ad te DEus tuus: age accedentem ad te recipe, & ne permittas eum rursus separari à te, si in æternum non vis ab illo projici. Habet Zehentner in promonto-

rio lib. 3. cap. 7. cujusdam Calvinistæ impij linguam radicitus evulsam esse à damone, cùm inter morbi molestias evomisset has blasphemias voces: Quia DEus me deseruit, ego vicissim eum desero: non in lingua solùm plecti, sed toto te dignus es, si opere tuo DEum deseris, si DEum, qui te genuit derelinquis, & oblivisceris Domini Creatoris tui.

## CAPUT XIV.

*De quinto verbo Christi in Cruce Sitio.*

I. **J**ud. 15. Samson sitiens valde clamat ad Dominum: *Tu dedisti in manu servi tui salutem hanc maximam atq; victoriam, en siti morior!* Clamat idem servus noster, non eum torquent clavi, non pungit spina, non lancinant verba, de doloribus tacet, de siti queritur. Sitio. Obtinuerat salutem maximam, pro qua laboraverat, quia salutem meam, & de siti queritur. Ebiberat calicem, quem dedit ei Pater, usq; ad fundum, & adhuc sitit! saturatus erat opprobriis, bibit de torrente in via, & adhuc sitit? poterat dicere cum Jona: *Projecisti me in profundum in corde maris, omnes gurgites tui, & fluctus tui super me transierunt Circumdederunt me aque usq; ad animam, abyssus vallavit me, pelagus operuit caput meum* Ton. 2. & adhuc sitit! Mirum est, quòd fons

## Caput XIV.

sitit ait S. Bern. Sen. habet aquam, quam qui biber, non sitiet in aeternum & sitit! vitis est plena vino optimo, & sitit! Illud Isai 29 *Lassus adhuc sitit, & vacua est anima illius*, legit Pagninus, *& anima ejus appetit*, vel ut alij: *& desiderium ejus crescit*. Aruit tanquam testa virtus ejus, & lingua illius, adhæsit faucibus illius. Adestne aliquis Angelus, qui ut nuper Agar ostendat puteum aquæ, è quo potetur moriens puer Domini? adestne Moyses, qui percutiat petram, ut effluant aquæ? ubi sunt tres illi fortes David, qui hauriant aquam de cisterna Bethleem? ubi pulchra Rebecca, quæ servo Abraham potum offerat? Occurrentes sitienti ferte aquam, qui habitatis terram Austri, effundite aquas super sitientem, & fluenta super aridum. Non est Lazarus, qui intingat extremum digiti sui in aquam, & refrigeret linguam ejus. Sed nec ipse Christus aquam sitit; hanc enim si sitiisset, omnia flumina propinassent, nec vitam sitit, quia apud eum est fons vitæ, nec refrigeria poenarum, poenas enim & dolores gaudens suscepit; nec vinum consolationis, ipse enim est vitis plena vino optimo. Quid ergo sitit? sitit calicem, quem dedit ei Pater, hunc exhaustit usque ad fæces, & rursus impleri optat, ut rursus exhauriat. Ita sitim ejus explicat S. Laur. Justin. lib. de triumph. Christi agone cap. 19 inquitens: *Si hæc quæ tolero pauca videntur*



dentur, adde flagellum flagello, appone vulnera vulneribus, lacera, ure, confige, percutte, occide, universa hæc & majora toto desiderio sitio. Et Bern. tract. de pass. cap. 13. combinans illud: Pater si possibile est, transeat à me calix iste cum verbo Sitio. *Quid est hoc, ait, antequam gustes o bone IESU petis calicem omnino auferri, & postquam bibisti siti? ut video mirabilis potator es tu: denique ita concludit. Quando passionis calicem, quem antea rogaveras auferri jam exhaustisti, dixisti, Sitio, dilectionis erga nos tue magnitudinem commendas, tanquam diceret: Quamvis passio mea tam acerba fuerit, ut quantum ad humanitatis sensum illam declinare petiverim, tamen tua o homo me charitate vincente, & ipsa tormenta crucis superante adhuc majora & majora, si necesse est, sitio subire tormenta.* Videbat tot suis tormentis adhuc Judam periturum, adhuc magnum reproborum numerum, adhuc iniquis infernum implendum; videbat corruptos & abominabiles factos in studiis suis impios, videbat plurimis calicem primum non profuisse, & sitit alium, modò augeatur electorum numerus: dixit tunc re ipsa, quod postea Paulus verbo Philipp. 1. *Testis mihi est DEUS, quomodo cupiam omnes vos in visceribus meis. Sitio sitim vestram,* ait ipse apud Aug. serm. 1 de ramis palmar. *salutem vestram, gaudium vestrum.* Rudolpho I. Imperatore

contra Ottocarum castra moventi in gravi siti oblata fuerat hydria aquæ, quam abstulerant quidam à messoribus, quâ visâ pius Imperator respondit: *redde homini vasculum, ego enim non mihi, sed exercitui sitiebam,* teste Ænea Sylvio lib. 3. comment. in res gestas Alphonsi. Sic planè Christus: Sitio non mihi, sed populo, sed animabus, quæ pereunt, sed ijs, quibus sanguis meus nihil proderit. Sitim meâ nemo extinguet, nisi iteratus calix passionis. Surius tom. 6 septima Novembris cap. 19, habet de siti divitis cujuspiam, qua quoddam potum de manu S. Wilibrordi Episcopi Trajectensis admittere noluerit, divinitus per annum solidum percussus fuit, ita ut nulla medicorum ars, nullus liquor eam temperare potuerit, quoad de sancti viri calice rursus illac transeuntis biberet. Consimilis est sitis Christi, non eam extinguet, non temperabit, nisi calix iteratæ passionis. Cavavit sitim hanc mirabilis æstus animarum, cavavit ardor salutis, quo ardebat interius, avebatque millies pati etiam graviora, modò plures animæ salvæ fierent.

II, Brusonius lib. 7. cap. 6. refert ex Plutarch. Lyfimachum superatum in Thracia à Dromichete, cum seipsum & exercitum propter sitim tradidisset in manus hostium, postquam captivus bibisset, exclamasse: O Dij, quàm parvæ voluptatis causâ meipsum, ex Rege ser-

vum effeci! Hæc planè ipsa clamare poterat Christus; nam & propter sitim servus factus est: sitivit ipse salutem tuam à primo die suo; cucurrit in siti, quærens te ovem perditam in deserto; sitivit inter incendia doloris patiens pro te: super hæc omnia cùm jam arefceret tanquam testa virtus illius, adhuc clamat SITIO, adhuc dicit tibi, quod dixerat Samaritanæ: Da mihi bibere, da mihi pauxillum aquæ de hydria tua, adhuc sitit. Quid est, quod adhuc sitiat? adhuc salutem tuam sitit; sitis ejus salus tua est: nec si Jordanis influat in os ejus, sitim levabit illius, priusquam te salvum viderit. SITO clamat servus pro te. Quid est, quod dicit, SITO. Explicat id Abbas Blosius ex Taulero. *Aspice*, ait, *ut tue salutis gratiâ exhaustus sum, & consumptus. Vide quàm horribilis perpeffus sum cruciatus. Sæva hominum crudelitas penè redegit me in nibiûm: ebiberunt sanguinem meum peccatores terra, & tamen adhuc SITO. Nondum satisfactum est cordis mei desiderio, amoris mei flamma neutiquam restincta est. Etenim si fieri posset, & Patri gratum foret, vel millies ob salutem omnium crucifigi, & ad extremum judicij diem in his doloribus hic pendere optarem, tantùm ut immensum vobis cordis mei amorem testatum redderem, saxeæq. pectora vestra emollire, & ad me amandum accendere Possim. Quid enim astantissima hæc*

## Caput XIV.


*sitis mea loquitur, nisi fragrantissimum amoris mei incendium?* SITIO. Hæc sitis me servum fecit, hæc sitis me tormentis subjecit, hæc sitis me morti parat, paratùmque habet plura adhuc patiendi & sæpius moriendi, si Patris voluntas, & tua id requirit utilitas.

III. Quid ad hæc synagoga detestabilis? quid Pater? quid tu? Synagoga equidem acetum hyssopo circumponens offert ori illius, ludens & illudens sitim ejus, amariorum morti positionem porrigit, qua indicaretur corruptio sinceritatis. *Qui educebat ipsi ex rupe aquas*, ait Cyrillus Jerosolymitanus catech. 13. *en petit à vinea quam plantavit fructus. Sed quid vinea, quæ secundùm naturam quidem ex Sanctis Patribus erit, secundùm voluntatem autem ex Sodomis? vinea enim illorum ex Sodomis & sarmentum eorum ex Gomorrha sicienti Christo spongiâ mædo factâ, & imposita arundini porrigit acetum.* Et paulò post. *Præcantavi in canticis de hoc horto ad meam sponsam* dicens ad illam: *Ingressus sum in hortum meum Soror mea sponsa. Erat autem, ubi crucifixus est, hortus. Et quid accipis illic? messui myrrham meam, vinum myrrhatum bibens & acetum.* Accepit autem JESUS acetum, & vitium corruptæ per Adam immortalitatis abolet in calamo, ut de corpore aboleretur humano. Quid rursus ad sitim Pater? non ille Angelum cum calico

## CAPUT XV.

De sexto verbo Christi in Cruce:  
Consummatum est.

lice confortantem mittit, qui sitim levet, sed voluntatem denunciat suam, satis esse bibitum de calice amaritudinis, extinctum iustitiæ æstus, superexaltatam misericordiam, posse omnes salvos fieri beneficio passionis præter nolentes, simulque declarat tempus adesse, quo tam dirâ liber abiret servitute. Qua quidem in re adumbratos quadantenus veterum ritus video, qui calicem libertatis symbolum voluere, quod à curis & mœrore liberet, hinc & vini inventorem vocabant Liberum. Quid deniq; tu ad tantam Christi sitim? sitit Christus, à te petit bibere: quid faxis? aut unde tibi aqua ad refocillandum eum? da lacrymas, da gemitus, sitim levasti. *DEus*, ait Chrysol. *serm. 93. delinquentium gemitus esurit, sicut lacrymas peccatorum.* Da lacrymas, da gemitus, ut in tempore magni diei audias: Venite benedicti, esurivi enim, & dedistis mihi manducare, siti vi & dedistis mihi bibere, da lacrymas, da gemitus, cooperare sitienti salutem tñam & Christum potasti.



CA-

I. **M**Ortuo Commodo Antonino Imperatore inclamat populus teste Lampridio *Servis servivimus*: ratio clamoris fuit, quod huic Imperatori persuaserit Perennis servus ejus, ut delicijs vacaret ipse, sibiq; interim in omnes curæ demandarētur; ex quo factū est, quod Perennis imperium administrarit omni populo gravis, ipsius Imperatoris imperator teste etiam Herodiano *lib. 1. l. 11.* Vix non eadem Christi vox est, neq; enim aliud clamando *CONSUMMATUM EST*, dicit, quàm *Servis servivimus.* Servi omnes eramus, venundati à Patribus nostris, servi autem eramus peccati juxta illud Joan: 8. *Omnis qui facit peccatum, servus est peccati*; Miseranda fuit servitus nostra, quam nec fugere nec redimere licebat: *miserabilu*, ait Augustinus in hunc locum *Evang. servus peccati, servus hominis aliquando sui Domini duris fatigatus imperiis fugit, & requiescit, servus autem peccati, à quo fugiat, non invenit.* Misertus nostri DEi Filius formam servi induit, servisque servivit, donec nos in libertatem assereret. En jam dicit *Consummatum est*, opus consummavi, quod dedisti mihi ut faciam, exivi à Patre & veni in mundum, ut

Oo3

ser-



servirem peccatori, iterum relinquo mundum, quia omnia consummata sunt. Pulchrè verbum hoc exponit Taulerus in exercit. de Vita Christi cap. 49 apud Salmeronem hìc: *Consummatum est*, ait, *quidquid aeterna sapientia constituerat, quidquid iustitia rigida pro singulis quibusq; exigebat, quidquid charitas amanter poscebat, quidquid erat promissum Patribus, quidquid mysteria, figura, ceremonia, & scriptura praefiguranti, quidquid ad nostram redemptionem erat accommodatum; ac necessarium: quidquid in nostris abolendis debitis erat conducibile, quacumq; ad nostras explendas resarciendasq; negligèntias conferebant, quidquid gloriosum & amabile esse poterat ad sublimem demonstrandum amorem, quaq; pro nostra spiritali institutione ac informatione desiderare potuissimus, quidquid demum honestum atq; congruum erat glorioso mirifica redemptionis nostrae triumpho celebrando atq; victoria, cuncta hac isto sunt determinata verbo: Consummatum est.* Servis servivimus usque in finem, donec omnis consummationis vidi finem. Consummatum est, ad finem servitij perventum est: haecenus laboravi, consumpsi fortitudinem meam, jam nunc venit finis, finis venit. Consummatum est, quid ultra debui facere & non feci? consummati sunt dies servitutis meae, & impleta sunt omnia, quae de mea servitute dixerunt prophetae:

imò & ipse consummatus sum, quod meus postea praeedicabit Apostolus Hebr. 5. *Didicit ex ijs quae passus est patientiam, & consummatus factus est*, egoq; ipse praedixi: *Sanitates perficio hodie & cras, & tertia die consummor.* Haec est illa hora, quam praedixit Gabriel Dan: 9. in qua consummatur praevaticatio, & finem accipit peccatum, & adducitur iustitia sempiterna, & impletur visio & prophetia: haec est illa hora, in qua una ablatione consummavi in sempiternum sanctificatos, in qua pro eis sanctifico meipsum, ut sint & ipsi sanctificati in veritate, ut sint cōsummati in unum. Servis servivimus, servi dominati sunt nostri, non fuit qui redimeret de manu eorum Thren: 5, Servis servivimus.

De S. Lucio M. habet Eusebius lib. 4 cap. 16, quòd cùm ab Urbicio Praefecto capitali sententia damnatus esset, gratias egerit, dicens. *A malis Dominis liberor, & ad DEUM Optimum transeo.* Idem ferè consummato opere, suo intelligere videtur in suo: Consummatum est Servus noster; jam enim defecit malitia, & finem accepit peccatum; jam videt omnis consummationis finem; jam effluit hora illa potestatis tenebrarum, in qua consummatus ipse sua oblatione consummat in sempiternum sanctificatos. A malis Dominis liberatur, & ad DEUM optimū transit. Cessarunt furiae carnificum, consummata

mata est nequitia impiorum, affulsit tempus, in quo consummatur prævaticatio, & princeps hujus mundi non habet quidquam. Consummata sunt omnia, quæ de eo scripta erant in lege & prophetis, omnes dolores acceperunt finem, nihil amplius exigere potest vigor justitiæ, nihil amor velle, nihil amplius furor comminisci: consummata sunt omnia opera ejus, vita denique ipsa post completum opus redemptionis nostræ consummabitur propter electos: nihilque jam restat, nisi dicere quoddam à malis Dominis liberatur, & ad Deum optimum, à quo nunquam abierat, transeat.

II. Lanuza hom. 25 § 8 n. 8 putat verba hæc: CONSUMMATUM EST sumenda esse cum interrogatione adjecta, ut sensus sit: Ergo jam nihil superest patiendum? ergo jam omnia consummata sunt? quo sensu etiam Sancti Martyres insultare solebant tyrannis, quod nihil tale comminisci possent, quod eorum patientiam superaret; qualiter S. Vincentius carnifices Daciani lussit iniquiens: Quam estis desides quam imbelles, pubabam vos longè fortiores: en ego plura pati desidero: qualiter S. Ignatius M. se minabatur provocatorum bestias ad se devorandum, si ipsi ut aliorum Martyrum corporibus parcere voluerint: qualiter *athleta*, quibus *vincium cum est*, ut Senecæ verbis utar cap. 2. de providentia, cum fortissimus qui-

bund, configere solent, & exigere ab his per quos certamini preparantur, ut totis contra ipsos viribus utantur, cadi se, venarique patiantur, & si non inveniunt singulos pares, pluribus simul objiciantur, urgendo ut omnes vires exerant contra se, cædant & lanient, tandemque victores omnium quarant, an jam nullus supersit, cui resistere valeant? Quod si ita est, genuinus verborum Christi sensus erit. Ergone justitiæ Divinæ non sunt super tormenta, quibus ulciscatur peccatum in me? Ergo malitia hominum defecit in adinventionibus suis, & nihil jam habet reliquam quod iniquitas effundat in me? sustinui irrisiones & opprobria, suscepi alapas & sputa, passus sum flagella & spinas, crucem & clavos toleravi. quid amplius habet iniquitas quod jaciatur in me? defecit illa in inferendo, non defecit ego in ferendo, lassata est illa in plendendo, non sum lassus ego in patiundo: non invenit illa quod inferat, & ego adhuc habeo, quod feram. Ergo consummatum est? consummata est, & consumpta nequitia peccatorum, & ego in patiundo adhuc fortis sum.

III. CONSUMMATUM EST. Jam si videamus, quanta sit malignatus iniquus in Sancto, ut opus, quod datum est ei, non consummaret, & grande illud ædificium redemptionis nostræ non perficeretur, profectò solius Diaboli calliditatem deprehendemus. *Ædificavit*  
Noë

Nôe noster arcam, in qua salvetur omne genus humanum, & ab opere eum deterret cuncta cognatio carnis corruptæ, ut habeat in quo illudat ei, quia hic homo cœpit ædificare & non potuit consummare: cœpit opus suum grande consummator noster JESUS, & ab opere eum avocant filij Belial dicentes: SI REX ISRAËL EST, DESCENDAT DE CRUCE, ET CREDIMUS EI. Sed novit ipse fraudes versipelliū, maluit consummare opus quod cœperat, quàm credere mendacio iniquitatis: ut & nos exemplum habeamus per patientiam currendi ad propositum nobis certamen aspicientes in autorem fidei & consummatorem JESUM. *Novit impio, quid cogites*, ait Bern. serm. 1. in die Pascha, *non tibi dabit occasionem surripienda nobis perseverantia, qua sola coronatur.* Non est præmium in inchoatione, sed in consummatione; non datur denarius incipientibus, sed finientibus, & corona non currentibus sed pervenientibus. *Perseverantia meretur viris gloriam* ait idem Bern. epist. 129, *virtutibus coronam, utpote virtutum consummatio: tolle perseverantiam, neq; obsequium mercedem habet, neque beneficium gratiam, neque laudem fortitudo.* Et S. Laur. Justin. lib. de ligno vitæ cap. 2 *Perseverantia filia singularis est summi Regis, finis virtutum, earumq; consummatio, sine qua neque qui pugnat victoriam, nec victor palmam consequitur.* Non quærantur in Christianis initia, sed finis. Paulus

malè cœpit sed bene finivit, Judæ laudantur initia sed finis proditione damnatur. Quare bene Greg. 3 part. pastoral. cap. 35. *Admonendi*, ait, *sunt, qui inchoata bona minimè consummant, ut cauta circumspectione considerent, quia dum proposita non perficiunt, etiam qua fuerint cæpta convellunt.* Et Bern. cit. serm. 1 in die paschæ. *Nos quicunque sequimur caput nostrum, tollentes crucem perseveremus in ea, sicut ipse perseveravit. Neminem audiamus fratres, non carnem & sanguinem, non spiritum quemlibet descensum à cruce suadentem. persistamus in cruce, moriamur in cruce, ut consummata viriliter die crucis secunda que post mortem est, quiescamus suaviter, & dormiamus feliciter.*

IV. CONSUMMATUM EST. Denique in his verbis vide quandam quasi summam passionis Christi. Solent qui rei familiaris curam habent fructus mensium & annorum per summas eorundem computare, solent item librorum scriptores summas quaspiam operis sui in fine adnotare, ut in ea legatur, quod toto in volumine continetur. Summam facit etiam Christus totius operis sui, ut videas quid in eo pretiosi contineatur. Advertit in his verbis summam hanc Ludolphus de Saxonia part. 2 vitæ Christi cap. 63 inquit: *Sciendum autem consummare idem esse, atque simul summare, unde tunc aliquid consummatur, quando omnia sigillatim acta vel passa simul summantur, id est in sum-*



summam colliguntur. Sic in cruce factū est, cum nihil amplius citra mortem patiendum restaret, tunc demum omnia perpeffa rememorans recolligit ea simul in unam summam dicens. Consummatum est. Nec mirum, quia talis consummatio continebat in se virtualiter omnes partes passionis, quas simul in summa significabat, cum dicebat: Consummatum est. Hæc ille. Ex qua quidem ejus doctrina ita argumentabere, si una gutta sanguinis tanti pretij est, quanti omnes thesauri coeli & terræ nunquam esse possunt, quanti erit totus passionis Oceanus? si una gutta totum mundum mundare potest ab omni scelere, quantum non poterit tota sanguinis effusio? Suffecisset ad redemptionem humani generis minutissima gutta sanguinis Christi ait Bonav. ferm. 6 in paradiso, sed data est copia, ut ex inundatione beneficij virtus innotesceret diligentis. Rursus in hac summa lege, quantum valeas, & quantum debeas: vales autem, quanti valet DEUS, quia ut te redimeret, DEus dedit filium suum in mortem cum omni substantia sua; debes autem, quantum ipse es: age & redde te DEO, qui te tam carè emit, habetoque præ oculis illud Bern. tract. de diligendo Deo: Quod si me totum debeo pro me facto, quid addam jam & pro resecto, & resecto hoc modo? non enim tam facile resectus, quam factus; in primo opere me mihi dedit, in secundo se, &

ubi se dedit, me mihi reddidit. Datus ergo & redditus me pro me debeo, & bis debeo. Quid DEO retribuam pro se?

## CAPUT XVI.

De ultimo verbo Christi in cruce,  
& morte ejus.

I. **L**EX DEI erat data populo DEI *Exod. 21* quæ jubebat servum Hebræum cum liber dimittitur dimitti cum tali veste, cum quali intravit hæc ipsa lex observatur in Christo; intravit in mundum primogenitus DEI, & in forma servi inventus subditus fuit, nunc ecce liber dimittendus assumit vestem primogenituræ. PATER, ait, IN MANUS TUAS COMMENDO SPIRITUM MEUM: Hactenus quidem servus eram, nunc positus centonibus redeo ad te in veste filiali; jam tempus est conscindendi faccum servitutis; Pater præpara stolam primam primogenito: hactenus dicebatur tibi de me: Vide an hæc sit tunica filij tui, an non? jam nunc redux in propria induam me decore & fortitudine, & tanquam filius, in quo tibi beneplacitum est semper, operiar vestimentis primis. Quale hoc est vestimentum, aut quæ ars illud confuit? vestis mihi Pater est, vestis mihi DEUS; hoc vestiar, hoc ornabor. PATER IN MANUS TUAS COMMENDO SPIRITUM MEUM; frustra alibi quæram ornamenta,

unus mihi Pater pulcher est, unus mihi Pater decôr est: hætenus JE-SUS indutus erat vestibus sordidis, quia vestibus servitutis, jam nunc auferuntur ab eo vestimenta sordida, & ponitur cidaris munda super caput ejus, & induitur vestibus gloriæ. PATER IN MANUS TUAS COMMENDO SPIRITUM MEUM; tu eum come, tu orna, tu ei vestimentum sis gloriæ. Non egebat vetus Adam veste priusquam peccaret, quia innocentia ornatus ejus erat, Deus vestis ejus erat; eguit autem folijs ficis, & pellibus caprinis, postquam prævaricator factus est, nec ego novus Adam veste egui, priusquam veteris Adæ servitutem indui, quia tu Pater vestis mea, tu decor meus eras, postquam autem veteris Adæ peccata suscepi factus in forma servi, apparui in vestibus sordidis; ecce nunc Pater posita servitute cum tali veste venio ad te, cum quali servitutem intravi Pater si prodigus fui filius, mea est stola prima in domo tuas: in manus tuas commendo spiritum meum.

II. S. Athanasius *orat. de humana natura*, Victor Antiochenus *in cap. 15 Marci*, S. Bernardinus Senensis alique docent his verbis Christum Patri commendasse nos omnes, quos vocat spiritum suum tum titulo emptionis, tum titulo novæ vitæ, qua in se ipso nos vivere vult, sicut ipse vivit in nobis, sum quippe spiritum, qui erat in corpo-

re ejus supervacaneum erat commendare in manus Patris, neque enim possibile erat eum excidere de manibus illius, quem Deitatis identitas tam arctè conjunxit; nostri ergo sollicitus orat, ut cum revertetur pulvis in terram suam, unde erat, spiritus redeat ad Deum, qui fecit illum: hunc ille manibus Patris, non Domini ultionum, manibus justitiæ & misericordiæ, & non manibus solius justitiæ, manibus paternæ bonitatis commendat. Extenderat ipse utramque manum in cruce, & utramque manum DEI detraxit in terras; misericordia & justitia manus DEI sunt, quæ in passione Christi obviaverunt sibi, cum ante hæc sola ferè justitia in terris visa esset; in has manus commendat spiritum nostrum, ut cum iratus fuerit, misericordiæ recordetur, nec sola manu justitiæ tangat nos, sicut hætenus tetigit impium, sed manum misericordiæ explicet, in quam recipiat nos. In manus tuas commendo spiritum meum, in manus justitiæ & misericordiæ, ut cum justitia volet pro meritis punire delicta, misericordia intercedat, & avertat furorem: utrique manui commendo spiritum, neque enim justitiæ soli volo pateat reſeratio cœli, sed & misericordiæ, habeat utraque manus quibus suscipiat, justitia quidem, quæ non obliviscitur meritorum, & præmiat rectè facta, misericordia autem, quæ recipiat eos, qui cantaturi sunt  
in

in sæculum. Misericordia Domini quod non sumus consumpti. In manus tuas commendo spiritum meum. *Spiritum dico meum* ait S. Laur. Justin. de triumph. Christi agone cap. 20, *non tantum quem gero ut homo, sed quem ut mediator & redemptor acquisivi mihi. Meum planè dixerim spiritum, mea membra, Ecclesiam meam, sponsam meam, quam patièdo pro illa meam feci.*

III. PATER IN MANUS TUAS COMMENDO SPIRITUM MEUM. Tertullianus. lib. contra Praxeam locum hunc ita explicat: *Depono in manibus tuis Pater spiritum meum tanquam depositum tertio die recipiendum.* Grande reuera hoc fuit depositum, cui simile non vidit cælum: si gemmam cœli illud vocaveris, scito esse gemmam cordis paterni, gemmam cujus longitudo immensitas, cujus duratio æternitas, cujus vīrtus omnipotentia, cujus candor veritas, cujus rubor charitas, cujus color omnis pulchritudo; ista est gemma quæ claudit in se gemmas duodecim portarum cœli; in ipsa nascuntur smaragdi semper virentis Virginitatis, adamantes insuperabilis martyrij, hyacinthi cœlestis conversationis. Ignoravit hujus gemmæ pretium Judæus, & virtutem non capiens ejecit in crucem, elisit in mortem: scivit Pater æternus, & in manus suas illud suscepit, reposuit in corde. Grande depositum Spiritus Christi est, quia depositum omnium laborum &

passionum ejus, thesaurus indeficiens, bonum inexhaustum, cujus pretium solus intelligit, qui est super omne pretium. Grande depositum, sed & fidelis depositarius, scio cui credidi, dicit de eo Christus, & certus sum, quia potens est depositum meum servare in illum diem. Optatis & vos talem depositarium, qui Spiritu DEI vivitis; habebitis utique, si fidei creatori commendatis animas vestras in benefactis. Justorum animæ ait Salomon *Sap. 3* in manu DEI sunt tanquam pretiosum depositum, nemo eas eruet de manu ejus, commendatæ animas vestras fidei creatori, & depositum vestrum servastis in illum diem, quo resurgens creatura recipiet secundum opera sua.

IV. SEQUITUR. ET INCLINATO CAPITRUM TRADIDIT SPIRITUM. Magnifico utitur liberalis donationis verbo Evangelista. Tradidit spiritum. Peto cui tradidit? utique cui commendavit, antequam traderet. Immensa charitas, quid tibi reliquisti, qui in cruce omnia dispersisti, Patrem reconciliatum obtulisti crucifixoribus, paradysum latroni, Matrem Joanni, Joanni Matrem, militibus vestes, Judæis spongiam reddidisti, carnem pro omnium carne passam Josepho & Nicodemo concessisti, animam pro anima omnium vicem redemptionis reddens Patri, totum te mihi tradidisti. Quid tibi residuum reliquisti, seminasti multum, seminasti in bene-



ditionibus, utinam multum inferas! Totum te mihi tradidisti. Quid reddam liberalitati tuæ? ingratus esse non debeo, gratus esse non possum. Cum tibi donavero, quidquid sum, loquor cum tuo Bern. ferm. de 40 debet. quidquid possum, nunquid istud est, sicut stella ad solem, gutta ad fluvium, lapis ad montem, granum ad acervum? Non habeo, nisi duo minuta, imò minutissima corpus & animam, vel potius unum minutum voluntatem meam, & non dabo illam ad voluntatem illius, qui tantus tantillum tantis beneficijs prævenit, qui toto se totum me comparavit? *Date*, dicis tu apud Aug. tract. 119 in Joan. *date quod estis, facite quod potestis, & multum reddidistis, quia sic mei estis, & ego vester*: reddo ergo totum quod sum, reddo corpus & animam, nec utar ijs amplius nisi ut tuis, quanquam & hæc omnia cum reddidero, tua tibi reddidi, non mea dedi.

V. ET INCLINATO CAPITIS TRADIDIT SPIRITUM. Eccli. 33. dicitur *Servum inclinante operationes assidue*, inclinant & JESUM: inclinavit se iste, cum inclinavit cælos, & descendit, inclinavit se descendens de utero in præsepium, de præsepio in sepulchrum; inclinavit se factus obedientiæ typus & exemplar servus frugi: denique inclinato capite moritur, quasi supponens humeros ad portandum nos & onera nostra ait Hugo Carenfis, ac si ipse diceret; Ca-

put inclino, ut videatis paratum me esse ad onera vestra portanda, & ponatis super me: quod ipsum innuere videtur regius Vates Pl: 37. *Iniquitates meæ supergressæ sunt caput meum, & sicut onus grave gravata sunt super me, miser factus sum & curvatus*. Magnum revera in hac capitis inclinatione Sacramentum est, inclinatur caput, sub quo curvantur, qui portant orbem, & cum cæteris membris humilitatem demonstrare non posset, humiliatione capitis eam commendat. Levate capita vestra projectæ in terras animæ & attendite, quod inclinato ad vos capite dicat Salvator, quoniam appropinquat redemptio vestra. Inclinate & vos capita vestra, qui ambulatis extenso collo animalia gloriæ, & discite humiliari sub potenti manu DEI: Unigenitus DEI æqualis Patri humilis moritur, & tu vermis terræ inflaris super omne, quod est DEUS. Non pertinet ad Christum, qui ignorat humilitatem ejus, nec fruetur meritis illius, qui non participaverit de humilitate illius: caput ille inclinat, cum moritur, caput inquam illud sedem sapientiæ, thronum gloriæ, coronam omnis majestatis, quod heri projecit ad pedes Judæ, hodie inclinat ad te vermem terræ, canem putidum, mundi luem; & tu pedem erigis, quo conscendas in cælum, & super astra loces solium tuum. Disce sapere ab hoc humili capite, & si pes tuus scandalizat

zat te abscide eum, & projice abs te: Dic cum Ambrosi. in Ps. 35. *Non veniat mihi pes superbia, ut non sim superbus, ne peccem; non peccem, ne movear; non movear, ne cadam; non cadam, ne expellar, sicut Adam de paradiso expulsus est, quia in ipso pes superbia stare non potuit.*

VI. CLAMANS VOCE MAGNA EMISIT SPIRITUM. Clamorem hunc aliqui volunt non fuisse naturalem. Sic Ludolphus de vita Christi part. 2. cap. 64. *Vox illa, ait, non fuit naturalis, sed miraculosa, & non natura, sed DEi virtute formata: cujus mentis videtur etiam fuisse Hieron. in cap. 15. Marc. Infirmata carne vox Divina invaluit: ego tamen id indecisum relinquo, cum scia, quod amor ipsius vires omnes potuerit cogere in linguam, ut media voce demonstraret, quæ voluit: magis ipse attendo mysterium. Cum in principio DEUS crearet cælum & terram, semper locutus dicitur. Dixit DEUS: Fiat cælum, & factum est cælum, fiat terra & facta est, fiat lux & facta est, producat terra herbam, & produxit: in hominis autem formatione tacet, corpus de terra format, & tacet, animam de nihilo creat, & tacet: secus fit, cum homo per mortem Christi renascitur, hic enim non tacet, sed clamat voce magna, hic laborat DEUS, hic patitur DEUS, hic clamat DEUS. Sit sanè homo opus DEi creatoris excelsum, sit tem-*

plum Salomonis magnificum; quia tamen hoc opus aliquando dissolvendum est, malleus in extruendo eo auditus non est, vox artificis DEi non auditur: at cum idem homo reficitur, cum templum hoc DEi reedificatur, & unctione sanguinis Christi æternum DEO consecratur, tunc vox DEi intonat: quia hoc opus excelsi, hoc opus operum, hic digitus DEi est. Cum Christus in cruce moritur, *clamat clavus, clamat vulnus, quod verè DEus sit in Christo mundum reconcilians sibi* ait Bern. serm. 61 in Cant. Nimirum ut nobilius, ita etiam difficilius opus DEi fuit redimere quàm facere, recreare quàm creare; unde ad hoc clamore uti voluit, non autem ad illud. Et ita quidem res habet cum clamore: quod autem dicitur emisisse Spiritum, in hoc libertas mortem in se admittentis, & spiritum emittentis signatur: sicut enim qui alium mittit, voluntate sua mittit, ita qui emittit: sicut ergo consummato diluvio aquarum cum Nòe corvum aut columbam de arca emittit, nullo cogente emittit, sic cum consummato diluvio sanguinis dicitur spiritum emittere, libere eum tanquam victor mortis emittit. Gregorij est illud lib. 24. moral. cap. 2. *Mors invitis imperat, volentibus servit.* Christo igitur servivit, quia offerri in cruce, & in ea mori voluit. Et hoc est, quod ipse prædixerat Joan. 10. Potestatem habeo ponen-

di animam meam, nemo tollit eam à me, sed ego pono eam à meipso, potestatem habeo ponendi eam, & potestatem habeo iterum sumendi eam. Hinc bene S. Thom. 3. part. quæst. 47. art. 1. ad 2. Dicendum ait, quòd ut Christus ostenderet, quòd passio illata per violentiam ejus animam non eripiebat, naturam corporalem in sua fortitudine conservavit, ut etiam in extremis positus voce magna clamaret, quod inter alia miracula mortis ejus computatur. Unde dicitur Marc: 5. Videns autem Centurio, qui ex adverso stabat, quia sic clamans expirasset, ait, Verè Filius Dei erat iste. Fuit etiam mirabile in Christi morte, quòd velocius fuerit mortuus alijs, qui simili passione afficiebantur: Unde dicitur Joan: 19, quòd eorum qui cum Christo crucifixi sunt, fregerunt crura, ut citò morerentur: ad JESUM autem cum venissent, ut viderunt eum jam mortuum fregerunt ejus crura. Et Marci 15. dicitur, quòd Pilatus mirabatur si jam obijisset: sicut enim ejus voluntate natura corporalis conservata est in suo vigore usq; ad extremum, sic etiam quando voluit subito cessit: nocumento illato; Hæc ille. Non sic nos, non sic: nobis enim non tam naturæ necessitas, quàm peccati nostri iniquitas legem mortis imposuit; mori cogimur, quando maximè placet vivere, nec moriendi datur facultas, quando maximè moriendi voluntas adest: morimur enim non

quia volumus, sed quia debemus, nec quando volumus, sed quando iudex iniquitatis iustus nos jubet de statione decedere. Utinam saltem emitamur voluntate aliena, ut emissæ fuit columba ex arca Noë, & in die reversionis nostræ feramus ramum virentis olivæ, non autem misceamur cum cadaveribus corvi infernales,

## CAPUT XVII.

## De Signis post mortem.

**I**Nter tria illa, per quæ movetur terra: primum locum assignat Sapientis servo cum regnaverit, Prov: 30. Per tria, inquit, movetur terra, per servum cum regnaverit. Regnum ejus terram concutit; tales quippe motus facit, quibus majores non facillè in terræ motu repereris. Claudiani est illud lib: 1. Eutrop.

*Asperius nihil est humili, cum surgit in altum  
Cuncta ferit, dum cuncta timet, deservit in omnes,  
Vt se posse putent, nec bellua terrior ulla  
Quàm servi rabies in libera colla ruenis.*

Regnavit servus noster, regnavit autem à ligno, teste etiam Pilato, quia JESUS Nazarenus est Rex Judæorum, & intestinis motibus terra concutitur, mundus minatur excidia, & rerum natura inusitato terrore corripitur, Regnavit servus, & terra movetur. Dies ait Cyprianus de laud. martyrij, fugit in noctem, in tenebras lux cuncta concessit.



cessit atq; inclinato per alternas vices  
pondere omnis terra dissiluit, turbati ma-  
nes, monumenta nudata sunt, fluxu  
sanguinis mundus intremuit, scissa que  
foribus dependebant vela, templum om-  
ne fugit. Videamus singula prout ea  
nobis sacer textus proponit.

ET ECCE VELUM TEMPLI SCISSUM EST  
IN DUAS PARTES A SUMMO USQUE DEOR-  
SUM, ET TERRA MOTA EST, ET PETRÆ  
SCISSÆ SUNT, ET MONUMENTA APERTA  
SUNT, ET MULTA CORPORA SANCTORUM  
QUI DORMIERANT SURREXERUNT.

II ET VELUM TEMPLI SCISSUM EST.  
Josephus lib. 6 de bello cap. 6 putat in  
hoc velo fuisse depictam totam cæli re-  
gionem & mundum inferiorem; erat  
enim variegatū ex hyacintho & bysso,  
cocco & purpura, unde dicit designa-  
tum per hyacinthum ærem, per bys-  
sum terram, per coccum ignem, per  
purpuram mare. Quodsi ita est, vides  
regnante servo terram, imo totam na-  
turam commotam: quæ quidem com-  
motio in scissione veli solum adumbra-  
ta fuit, reipsa autem ad ejus scissionem  
velut ad signum datum secuta est: nam  
& cæli commoti sunt sole tenebris in-  
duto, novumque in meridie dies sen-  
sit occasum, & fugiente sole tremula  
elementa æternam noctem timuerunt.  
Prævidit commotionem hanc propheta  
in spiritu Joel 2, *A facie, inquit, ejus  
contremuit terra, moti sunt cali, sol &  
luna obtenebrati sunt, & stelle retraxe-*

*runt splendorem suum.* S. Ephrem. serm.  
de pass. refert insuper Spiritum Sanctū  
in specie columbæ è disrupto velo ex-  
iisse. S. autem Hieron. in cap: 27 Matth.  
addit haberi in Evangelio Nazaræorum.  
superliminare templi fractum esse atque  
divisum, illudque fuisse tempus, quo  
Angelicæ virtutes præfides quondam  
templi pariter conclamârunt, *Transce-*  
*amus ex his sedibus.* Quanta in his om-  
nibus commotio. Ululare ad eam de-  
bebant filij Jacob, jam non Jacob, sed  
Esau & Belial, qui hætenus quidem  
dicebant se fuisse sine rege, dehinc au-  
tem erunt sine lege, sine altari, sine sa-  
cerdote; Caiphas exuens se sacerdotio  
vestem discidit, DEUS sacrificia pol-  
luta ducens velum rupit. *Sicut gloria  
domus est,* ait Chrylost. hom. 2. de cru-  
ce & latron, *ubi velum pendet habi-*  
*tante intrinsecus Domino domus, sic igno-*  
*minia templi est, unde recessit Spiritus*  
*Sanctus.* Ululare deberent filij Jacob,  
quia ecce relicta est domus eorum de-  
serta, & ingressus in eam Spiritus ne-  
quam assumptis septem Spiritibus ne-  
quioribus se habitat ibi: ululare debe-  
rent, quia scissō velō ostendit DEUS,  
quod à templo Divina avolasset gra-  
tia, ait Euthymius, quod interiorā, pu-  
ta sancta Sanctorum omnia pervia, ac  
conspicua constituenda essent; aut ut  
alii locum explicant, quia abstulit DE-  
us velamen à cordibus eorum, quod  
prætexebant nequitix suæ, quod zelo  
gloriæ

gloriæ DEI occiderint Christum. Gauderent interim veri Israëlitarum, quia advenit tempus, quo ut habet Aug. revelata sunt mysteria abscondita, ut jam omnes possint in Sancta Sanctorum introire, quo palam fit arca, ubi erat manna, quoniam jam corpus Domini in cœna diei præcedentis institutum fuit; ubi erat virga Aaron, quoniam crux erecta fuit in signum æterni sacerdotij Christi; ubi tabulæ testamenti asservabantur, quia jam impleta lex erat, & prophetæ; nec opus est arca, cujus jam officium in morte Christi præterierat. Tunc Jeremiæ impletum est vaticinium: In diebus illis ait Dominus non dicent ultra: Arca testamenti Domini, neque ascendent super cor nec recordabuntur illius, nec visitabitur, nec fiet ultra, id est, non instaurabitur. Hæc Augustinus. Euthymius autem: Scissum velum significavit divisum jam esse medium parietem inter cælum & terram (puta solutam inimicitiam) qui inter DEUM erat & homines, & factum esse cælum hominibus pervium solutò per Christum obstaculò mediò, talique nobis ascensu innovato.

III TERRA MOTA EST. regnante nimirum servo. Prævidit & hunc motum sub hoc rege David ps. 95 *Commovetur à facie ejus universa terra, dicite in gentibus, quia Dominus regnavit*, regnavit autem à ligno, ut habent vetera exemplaria teste S. Justino Marty-

re. Tremet terra, & quasi in communi convulsione de fuga consilium init: tremet terra horrore videlicet concussa tam atrocis delicti, & impotens ferre tantum nefas de cardine suo moveri desiderat. Vox hæc commotionis magnæ est, vox conturbationis & tempestatis: commota est, & contremuit terra, fundamenta montium conturbata sunt, & commota sunt, non jam quoniam iratus est eis, sed quoniam placatus est eis. In exitu Israël de Ægypto domus Jacob de populo barbaro, à facie Domini mota est terra, à facie DEI Jacob: in exitu Christi de hoc mundo de populo barbaro movetur terra, & quem *Judea rebellis non agnoscit, eum mundi Dominum tremens terra testatur* ait Augustinus serm. 114 de temp. DEUS cum egredereris in conspectu populi tui tanquam projectus ab hominibus, cum pertransires in deserto derelictus ab omnibus etiam à Patre, terra mota est, & expavit scelus hominum tota natura rerum. ET PETRÆ SCISSÆ SUNT, ET MONUMENTA APERTA SUNT, & confitendæ majestatis sensum totus mundus accepit. Denique factum est, quod habet S. Leo serm. 6 de passionē, quod *p:ndente in patibulo Creatore universa creatura congemuit, & crucis clavos omnia simul elementa senserunt*, nihil ab illo supplicio liberum fuit. Hoc in communionem suam & terram tranxit & cælum, hoc petras rupit, monumenta aperuit, inferna

na referavit, & densarum horrore tenebrarum radios solis abscondit. Debebat hoc testimonium suo mundus auctori, ut in ejus ocaseu vellent universa finire: sola saxis duriora petrae Judæorum non moventur: *finiuntur petrae*, ait Ambrosius lib. 12. in Luc. *sed horum corda durantur, horum immobilis duritia manet orbe concusso.* O durities! contremiscit in redemptoris sui supplicio terrena substantia, rumpuntur infidelium mentium petrae, & qui mortalitatis gravabantur sepulchris discussa obstaculorum mole prosiliunt, & petris duriora corda Judaicae perfidia non scinduntur. Bene rursus S. Leo serm. 2. de pass. *Emitte te spiritum Christo omnia elementa tremuerunt: densis tenebris splendor solis obductus extraordinaria nocti subdidit diem, stabilitatem suam terra profundis concussionibus labefactata non tenuit, & petrarum firmitas confracta soliditate dissolvitur.* In vos ergo Judaei *cælum & terra sententiam tulit, vobis sol servitutem suam, diemq; subtraxit.* Feliciora hac in parte gentilium corda, quæ ad vocem commotionis hujus contrita sunt, nam ut bene Hieron. *epist. ad Hedibiam cap. 8.* petrae scissæ sunt dura corda gentilium; feliciores Centurio, & qui cum eo erant, qui ad scissionem petrarum ac tremorem totius machinae mundialis contritus exclamat, VERÈ FILIUS DEI ERAT ISTE. Jose-


phus lib. 9. cap. 11. refert, quod cum Ozias Sacerdotale munus usurpare tentaret terra mota fuerit, & filio superne templi radius solis os regis improbi percussit, quod, ex tunc lepra infectum fuit. Ferit & in hoc terræ motu, in hac communi convulsione os, ferit oculos Centurionis solis radius, gratiæ à Christo profluxæ, & in alium mutatur virum, procul sit lepra, procul durities indurati cordis. Videns Centurio dicebat: VERÈ FILIUS DEI ERAT ISTE. Quid tu ad hunc universi motum fidelis? durior saxis es, durior Judæis, si hic non scinderis. Ecce terra naturam suam muta DEum confiteretur! ecce petrae à facie ejus ut cera diffluent! ecce monumenta Deitatis oracula, defuncti redanimati crucifixi paratus & miracula! tu si solus immotus es, saxis & Judæis durior es: si ad signa morientis non emolliris, neq; ad tormenta judicantis emollieris.

IV. PETRAE SCISSÆ SUNT. Portenta hæc sunt naturæ patientis & compatientis, & portenta terrore plenissima, Credebam ego multiplicanda signa in bonum, sanitates perficiendas, naturam reparandam in morte fidelis hujus servi: & ecce innovantur signa, immutantur mirabilia, qualia non audivimus, nec Patres nostri viderunt in Ægypto. Perfecit sanitates heri, & pridie: nunc autem, cum necesse habet consummari, & in signum positus est, cui à multis



contradicitur, franguntur lapides, sol negat lumen suum, nec datur signum, nisi ad quod concutiantur omnia fundamenta terræ, turbentur gentes, & timeant, qui habitant terminos. Super-exaltavit misericordia iudicium in hac hora, & factæ sunt miserationes ejus super omnia opera ejus: nec tamen alter effectus miserationis innotescit, quàm quem in scissione petrarum, & convulsione sua natura perhorrescit. Dum viveret, pertransiit benefaciendo in miserationibus, & naturam reparavit sanando omnes malè habentes: dum moritur, quasi jam tempus miserendi effluxisset, nihil de ægrorum sanatione, nihil de malè habentium curatione, nihil de corporum restauratione auditur: Nulli cæci vident, nulli claudi ambulant, nulli leprosi mundantur: petra solum scinduntur, terra concutitur, solare lumen extingvitur, & omnis creatura præ timore arefcens finire desiderat. Sed ita oportebat fieri, sic decebat omnem implere misericordiam: scindi debebant petrae, corda quovis saxo duriora, concuti debebat terra, & dolere tanquam parturiens in morte Creatoris sui: tanquam parturiens dico, quia tunc de ea verificandum erat illud Isai 26 *Concepimus, & quasi parturivimus, & peperimus Spiritum*: extingvi debebat mundi oculus, & quasi sacco indui tenebris, non tam in testimonium luctus, quòd solis autor verus DEus moreretur, quàm

in signum dolentis animi super peccato, quòd tantorum malorum, & tantarum mortis causa fuit homo peccator. Denique etiam monumenta aperiri debebant, ut multa sanctorum corpora surgerent de morte peccati in vitam immortalem. Hæc signa sunt, quæ fecit misericors & miserator noster in morte sua: hæc mirabilia, quæ operatus est in nobis secundum magnam misericordiam suam: hic finis signorum multò magis admirabilium, quàm quæ operatus est in vita sua: plus siquidem fuit petras duræ cordis scindere, & induratum peccatorem conterere, quàm corpora sanare. Hæc mens videtur fuisse Arnoldi Carnot. tract. de ultim. verb. Dom. *Petra quoq; ait, scisse sunt, & sepulchra reſerata; quia hæc consummatio & lapideis cordibus aperit spiritualem intellectum, & ad eos, qui mortui erant in peccato, vitalem revocat spiritum.*



## CAPUT XVIII.

## De Transfixione lateris Christi.

I. **S**unt qui servum ab ingenuo corde discerni volunt. *Thrix servilis in anima seu corde habet serviles pilos* dicebat Plato teste Calio Rhodigino lect. antiq. lib. 4. cap: 16, fere sicut Esau servus fratris minoris habuit manus pilosas, quibus eum ab isto discernebat senex Isaac. Quæ quidem opinio meritò sannis excipitur, sicut enim consimilem vitam vivit servus cum Domino, ita ab authore vitæ consimili corde instructus est: si tamen rem mysticè intelligas, sæpe servum à Domino corde discreveris: invenies quippe Dominum similem ei, cujus cor ab humano immutatum est, & cui cor feræ datum: *Dan. 4:* invenies rursus servum, in quo cor mundum creavit DEUS, qui à priori magis differt, quàm ab homine bestia, soloque corpore extimo prioris servus est, corde enim præ illo magis liber est, ut observat Augustinus in Enchirid. cap. 31. inquiens: *Tunc efficitur verè liberi, cum DEUS nos fingit, id est format & creat, non ut homines, quod jam fecit, sed ut boni homines simus, quod nunc gratiâ suâ facit, ut simus in Christo JESU nova creatura secundum quod dictum est: cor mundum crea in me DEUS.* In-

venies Dominum cordis indurati, quod nec compunctione scinditur, nec pietate molitur, nec movetur precibus, nec cedit minis, ut loquitur Bernard. *lib. 5. de consid.* cordis Diabolici; & servum, cujus cor, ut ait S. Dionysius de cælesti hier. cap: 15. symbolum est Divinæ ac Deiformis vitæ: invenies Dominum similem stulto Jerem: 5. *qui non habet cor, & indiget corde* Prov: 10 & servum, cujus cor est Dominus DEUS ejus: hos bene decreveris ab invicem corde, sicut moribus discernuntur & vitâ. Servavit tibi hætenus JESUS, scire vis quale servo huic tuo cor fuerit? accede, & vide, en UNUS MILITUM LANCEA LATUS EJUS APERUIT, & arcana cordis illius explicuit. Introspice, imò intra cor ipsum, & utili ac sancta curiositate discce, quale fuit cor ejus. *Lancea* ait Chrysostomus in Psal: 14. *clavis est, qua cor Dominicum aperitur:* Putabas cor servile, & cor Domini est, putabas cor hominis, & cor DEI est. Domicilium DEI vocat S. Maximus *hom. 32.* cor hominis, quod in eo velut in cælo sancto suo ipse hospitetur: cor DEI cor Christi est, hoc corde ipse vivebat, hoc movebatur, hoc regebatur. Regem eum scripsit Pilatus, & regem fuisse cor regis probat. Regnum DEI intra vos est, canit tuba illa aurea religionis: sed heu quàm breve apud plures regnum! intra Christum regnum DEI est,

& regnum ejus non erit finis, quia in eo cor DEI erat, hic Pater fons omnium, ejus nutu creata sunt omnia, hic Filius, ejus morte recreata sunt omnia, hic Spiritus Sanctus, ejus perennant omnia, habitabat, quia cor Christi cor DEI erat: hinc est quod ipse apud Psalmistam DEUM vocet cordis sui, *DEUS inquit, cordis mei, & pars mea DEUS in aeternum.* Psal. 72. Gratias tibi Longine, quod per te mihi apertum est cor Domini mei, jam lætus canam cum Davide 2. Reg. 7. *Invenit servus tuus cor suum:* cor meum cor Christi est, cor Christi cor DEI est: hæc requies mea, hic habitabo quoniam elegi illud: thesaurus meus cor JESU est, bonus thesaurus, bona margarita cor tuum bone JESU exclamat Bernardus *serm. 2. de pass.* quem fosso agro corporis tui invenimus, ubi est thesaurus meus, ibi & cor meum erit; dabo omnia, omnes cogitationes & affectus mentis, dabo omnia & comparabo illum mihi; jactabo omnem cogitatum meum in cor mei JESU, adorabo Dominum in aula sancta ejus, adorabo ad templum sanctum ejus, adorabo in corde meo cor Domini mei. O cor cordis mei cor dilectum, cur tam serò cognovi te? excors eram similis fatuis illis, de quibus Osee 7. *Nec reversi sunt ad Dominum DEUM suum, & non quæsie-*

*runt eum in omnibus his. Et factus est Ephraim quasi columba seducta non habens cor:* & tamen tam propè erat cor meum. Vidi universa quæ fecit Dominus non jam in terra Egypti Pharaoni, & omnibus servis ejus, sed servi meo Christo, & non dedit mihi Dominus cor intelligens, & oculos videntes, & aures quæ possent audire usque in præsentem diem: Longinus aperuit mihi cor, & intellexi, & vidi & inveni cor meum. Iniquitas mea abstulerat cor meum mihi, illa inquam iniquitas de qua Propheta Osee 7. *Fornicatio, & vinum, & ebrietas auferunt cor:* unus militum lancea aperuit latus CHRISTI, & ostendit mihi cor. O cor cordis mei cor dilectum! cur tam serò cognovi te? Vidi quidem Christum, sed vidi in laboribus & passione servi, & quia clausum erat cor mihi, non agnovi DEUM cor dis mei, priusquam unus militum lancea aperiret cor, & aperto latere ostenderet dilectionem cordis usque ad mortem. Cor apud veteres symbolum fuit nobilitatis hinc ingenui Romæ cor pectori appensum gestabant teste Macrobio *lib. 1 Saturnal. cap. 6,* Plinio *lib. 33 cap. 1* Alex. ab Alex. *lib. 2 cap. 19* Cor Christi absconditum fuerat à me, unde nec reputavi eum, nisi tanquàm unum de mercenariis, & abiectione plebis, aperuit Christo latus lancea, & agnovi cor nobile, cor Christi, cor DEI.



II. UNUS MILITUM LANCEA LATUS E-  
JUS APERUIT. Vilis animi censet Plato  
*lib. 5 de Rep.* mortui corpus hostem pu-  
tare, vixque putat tales differre à cani-  
bus scævientibus in lapides hoste præ-  
termisso. Larvarum munus est luctari  
cum mortuis, & imbellis aut furiosi ho-  
minis, vestigia demortui ferrò confo-  
dere. *Viventem tyrannum incessere viri*  
*est*, dicebat Philostratus Æliano, qui  
stylum in demortuum tyrannum strin-  
xerat, *mortuo vero insultare cujusvis*:  
post fata audet & exanimem lepus in-  
festare leonem: pascitur in vivis livor,  
post fata quiescit. Vilem oportuit fu-  
isse etiam militem hunc, qui in corpo-  
re demortui JESU ferrum hebetavit.  
Cessarant utcunque verba & verbera  
malignantis Judææ mortuo Christo,  
nemoque mortuum flagellare voluit  
præter hunc unum militem, cujus fa-  
ctum exaggerans Chrysost. hom. 84  
in Joan. ait. *Illudere mortuo, verberare*  
*mortuum, quam ipsum crucis supplici-*  
*um longe pejus est*: unde & Ecclesia,  
quæ dulce lignum, dulces clavos infi-  
xos vivo vocat, mucronem dirum lan-  
ceæ appellat infixum mortuo, & Chri-  
stus ipse, qui vivus desiderabat crucem  
& vulnera, hunc ictum mortuus quo-  
dammodo deprecatur, ut observat Lo-  
rinus explicans illa verba Ps. 21. *Erue*  
*à framea DEUS animam meam*. Vili-  
or algà miles iste insolentiam exercet,  
quam ipsum scæcus exhorret. At frustra

ego militem damno, meæ hoc opus  
dexteræ; ego sum vilis ille in vivum car-  
nifex, in mortuum tyrannus; ego fla-  
gella paravi & cruces, ego lanceam  
vibravi; non satis mihi fuit scævire in  
vivum, & in mortuum crudelis fui: ex-  
probrabant mihi vulnera vivi imma-  
nitatem, addidi vulnus mortuo, ut vox  
exprobrantis esset intolerabilior. De  
P. Rocho Gonzalez Martyrè è Societa-  
te nostra habet vita ejus, quòd cùm à  
barbaris odio fidei occisus esset, lique  
postera die ad locum martyrlj rediis-  
sent, vox è pectore Martyris audita fu-  
erit. *Cur me occidistis, qui animas ve-*  
*stras amavi & quesivi? corpus occidi-*  
*stis non animam, hæc modò cum beatis*  
*regnat, & ad vos revertetur pro vestro*  
*auxilio*: qua voce audita eorum auda-  
cior unus secto pectore cor eruit, ac  
sagittà transfixit. Clamabant eadem e-  
tiam mihi vulnera Christi, clamabat  
vita & mors ejus, & ego ipsa crudeli-  
tate crudelior desævii in mortuum, &  
cor mucrone diro lanceæ transverbe-  
ravi. O insolentiam! o immanitatem!  
sed parum adhuc fuit scævuisse in mor-  
tuum, scævio & in redivivum, & seden-  
tem à dexteris DEI, illa illa vulnera læ-  
sæ charitatis fraternæ, quid sunt nisi vul-  
nera cordis JESU? illæ illæ plagæ quas  
infigo famæ fratris, quid sunt nisi lan-  
cea cor DEI penetrans? illud odium  
proximi quid est nisi vulnus cordis Di-  
vini? Bene S. Dionysius epist. 4. ad-

Demophil. *Judei qui Christum crucifixerunt ambulantes in terris minus peccarunt, quam qui offenderunt sedentem in celis: de qua quidem plaga crudeli conqueritur. ipsi cor DEI apud S. Aug. serm. 181 de temp. Cur me graviore peccatorum tuorum cruce quam illa in qua quondam pependeram affluxe- rit? gravior apud me peccatorum tuorum crux, in qua invitus pendeo, quam illa, quam tui misertus ascendit: cur vulnerasti cor meum, quod te usque in finem dilexit? Stobæus in Ecclog. Physic. cap. 7 dicit veterum Poëtarum commentum fuisse subsilire scilicet alata scelera in cælum, & in membranis Jo- vis exarari: docuissent melius insilire in cor DEI, & in eo relicta crudeli plaga exarari. O insolentiam! o immanitatem! saltem jam nunc paree cordi Divino, & nunquam amplius, nunquam amplius fieri amorem,*

III. Sequitur. ET CONTINUO EXIVIT SANGVIS, ET AQUA. *Quare aqua, quare sanguis?* interrogat Ambros. lib. 5 de Sacramentis cap. 1. *aqua ut emundaret, sanguis ut redimeret.* Credebam ego ad insolentiam percussiois proster- nendum facinus juxta quod dicitur Pl. 90. *Cadent à latere tuo mille, & decem millia à dexteris tuis,* & ecce in ipso scelere vitam percussor invenit, tactum fuit cor Divinum, & fons miserationum, in quo miles salutem hauriret, erupit in eo. *Ultimum hoc signorum JE-*

*SU erat, sicut initium signorum tempo- re Moysis fuit sanguis & aqua ait Cy- rillus Jerosolymitanus catech. 13. Peri- erat Longinus, nisi in plenum amore cor Christi impegisset, & in corde illo invenisset fontem miserationum pa- tentem domui Jacob: filius perditio- nis fuerat miles, nisi cor DEI, cor ple- num charitatis paternæ tetigisset. Bea- ta lancea, cujus error tam felix fuit: felix culpa, quæ tantum invenire me- ruit salutis. Et continuò exivit sanguis & aqua, sanguis ad redemptionem, aqua ad emundationem.*

Paulò aliter locum hunc explicat Hieron. in cap. 3 Joan. Exiit, ait, *aqua ad abinendum fideles, sanguis ad dam- nandum incredulos.* Et Cyrillus catech. 13 *Judeis quidem sanguis, Christianis verò aqua, illis quidem tanquam insi- diatoribus ex sanguine condemnatio, tibi verò nunc credenti per aquam salus.* Tunc videbunt in quem transfixerunt: Judæi quidem, & impij videbunt & ta- bescent, quia sanguis ejus super eos, & super filios eorum in condemnationem, fideles veræ & pij videbunt & gau- debunt, quia fons Salvatoris super eos in salvationem. Ecce hic unus Christus unis quidem positus est in ruinam, a- lijs autem in resurrectionem, illis la- pis offensionis & petra scandali, his autem fons vitæ & pignus salutis: ec- ce hic unum cor unis quidem propi- nat sangvinem in perditionem, alijs a- quam

quam in vitam æternam: tunc videbunt in quem transfixerunt, impij quidem ut doleant, & confundantur, pij autem ut lætentur, & exultent in DEO JESU suo. Non veniat super me sanguis justus in die visionis hujus ne peccaream; viri sanguinum declinent à me, cum occideris DEUS peccatores, ne & ego veniā in partem maledictionis, sed magis aquā lateris tui lava me, ut cum sanctis & electis tuis laudem te.

## CAPUT XIX.

### *Reflexio super totam servitutem Christi.*

**S**ervivit tibi hæcenus CHRISTUS; & sua servitute eduxit te de domo servitutis tuæ; quid rependes illi? Tobia 9. dicit Angelo Tobias: *Si me ipsum tradam tibi servum, non ero condignus providentiæ tuæ.* Idem tu dicere posses & deberes verbo, & opere, corde & ore ei, qui tam amaram pro te servitutem servivit. Ut liber evaderes tu, servivit ipse in peccatis tuis, quomodo eris condignus providentiæ illius? cum liber esset, imò princeps libertatis tuum & omnium servum se fecit, ut plures lucrificeret, quid rependes tantæ dilectioni? si servum te tradideris ipsi, non eris condignus providentiæ ejus: da tamen te servum, & satis dedisti: vilem te ne existima, qui tanto pretio comparatus es. *Quam pretiosus sis, si*

*factori non credis, interroga redemptorem,* ait Euseb. hom. 2 de Symbolo. Servivit ipse pro anima tua sicut Jacob pro Rachel, non septem sed totis triginta tribus annis, diu noctuque æstu urebatur ac gelu, fugiebatque somnus ab oculis ejus; super hæc omnia ut te redimeret, venundari se passus est; ut tu vinculis exuereris, vincula suscepit; ut tu absolvereris, condemnari voluit; quomodo ergo condignus eris providentiæ ejus? tu peccasti & plecti debebas, & ipse qui Sanctitas est, in forum crudelitatis perductus est, super te debebat cadere maledictio, & ipse pro te factus est maledictum, pro te flagellata est remissio, condemnata venia, illusa majestas, irrita virtus: in te inundare debebant opprobria, & ipse pro te sputis perfusus est, spinis redimissus, clavis cruci affixus. Tibi debebatur calix fororis tuæ Sodomæ plenus amaritudine, ipse eum pro te exhausit usque ad facies, pro te mellis dator felle potatus est, pro te propinator fontium potatus est aceto. Denique tu filius mortis eras, & ipse qui filius est Altissimi saccum mortalitatis pro te indutus est, & mortem turpissimam obiit. Quid condignum dabis providentiæ ejus? servum te ei da, & servum perpetuum & dedisti satis, ut te servum lucraretur sibi, pro te servus fieri voluit. Servi bonitati ejus in omni bonitate, servi misericordiæ liberalis distributor bonorum, quæ accepisti, servi



servi iustitia adimplendo omnem iustitiam. Denique servi maiestati ejus in omni reverentia & timore operando salutem tuam. Et certè nihil tu præstare plus potes, nihil plus Deus exigere, quàm si subdita ei fuerit anima tua, tibi que nihil potest esse gloriosius, quàm hujus potentis servum esse. Bene Faustinus Presbyter lib. contr. Anianum cap. 5. *Hujus ait, servum fieri summi de-  
coris est, & quasi quædam supereminens  
mundo nobilitas, ideo & Apostolus glo-  
riam suam scribit, Paulus servus JESU  
CHRISTI.* Accedit, quòd si ei servieris in omni fidelitate, futurus sis ei, sicut anima ejus, quo quid magis optabile cogitari potest: ad hoc credendum revoca tibi illud, quod habet Sapiens Ecclesi. 33. *si est tibi servus fidelis, sit tibi  
quasi anima tua, quasi fratrem sic eum  
tracta, quoniam in sanguine anime  
comparasti illum.* Quid vis amplius motivi, ut te dedas servituti tam utili? planè insipiens es; si non capis dignitatem ex tali servitio proveniente, & ingratus, si totum te non reddas ei, qui tota se totum te comparavit.

Illud Ps. 118. *Intret postulatio mea in  
conspectu tuo, Gregor. legit, intret di-  
gnitas mea in conspectu tuo.* Quæ verò dignitas? dignitas servi: nempe cum hominem rogas, Regem te dicis, ut contemplationem habeat honoris tui, tangat eum tuæ contemplatio dignitatis, ut aut misereatur, si venia est postu-

landa, aut deferat pro ordine dignitatis. Rectè ergo & devotus DEO dicit, intret dignitas mea: habet & Christianus dignitatem suam, qui tanto Imperatori militat. Hæc ille. Et hinc est quod DEUS ipse eos, quos invenit dignos se unò servorum suorum vocabulò dignatur, & filij hujus sæculi cum capere non possunt mirabilia, quæ per eos operatur DEUS, dignorum DEI servorum nominibus eos compellant: sic 2 Reg 7 dicit DEUS ad Nathan prophetam. *Vade & loquere ad servum meum David,* super quod reflectens se Theodoretus ad eum locum quæst. 22 ait. *Primum quidem delinijt eum appellatione servitutis, est autem summus honor appellari servum DEI.* Sic impius Nabuchodonosor videns tres pueros inter flammam illæcos suavissima illos voce compellat. *Sidrach, Misach, Abdenago servi DEI excelsi egredimini: si enim ideo ignem ingressi sunt, ut servi DEI manerent* ait Chrysost. hom 8 in epist. ad Ephes. *non potuit illis alia vox suavior esse, quàm hæc ipsa; nec ita gavisus fuissent, si vel Reges eos, vel orbis Dominos vocasset, atq; quòd dixit servi DEI Altissimi.* Magna dignitas est esse servum Christi, cui subesse potestas, obsequi libertas, servire felicitas est, aut ut loquitur Chrysologus serm. 1 *penes quem dulcis conditio, libera servitus, absoluta custodia, timor latus, blanda ultio, paupertas dives, secunda possessio.*  
Bea-

Beatos vocabat servos Regina Saba 3. Reg. 10, qui stabant coram Salomone, & audiebant sapientiam ejus, quanto id verius de ijs dixeris, qui serviunt ei cujus natura bonitas, cujus verbum sapientia est, cujus opus redemptio, cujus forma pulchritudo, cujus promissio fidelitas, cujus convictus jucunditas, cujus aspectus beatitudo est. Aves & tu hos inter beatos invenire sortem tuam? age servi illi, qui Tertulliano teste lib. de resurr. carnis cap. 6 totus tibi servit occupatus ac devotus manu, sensu, opere, consilio, sapientia, providentia, subijce te illi, qui prior se subjecit tibi, & nunc se tibi subdit, nam ut bene S. Thom. opus c. 63 c. 3 *DEI* Somnipotens singulis animabus in tantum se subjecit, quod sit servus emptitius singulorum, quodlibet verò ipsorum sit *DEUS* suus servi ei non humerò unò, sed totò te, jucundare in eo quod sis servus ejus, sicut ipse jucundatur, quod sit Dominus omnium, dic millies: Ego servus tuus: ego servus tuus, sicut ipse dicit, ego Dominus.

Neque verò hic te sistere volo; cum te servum volo *DEI*, & servum crucifixi: volo insuper te servum Crucis, Christianos olim vocabant servos crucis: sic Hugo Victor. lib. 1 miscellan. tit. 79 Ioanni Hispalensium Archiepiscopo scribit. *Hugo servus crucis Christi*. Crucis te servum volo, hæc tibi dominetur, hujus tu sis mancipium, hoc tu

Domino glorieris exemplo Apostoli Gal. 6 dicentis: *Abstine mihi gloriari, nisi in cruce Domini nostri JESU Christi*, supra quæ verba reflectens se S. Aug. serm. 20 de verbis Apostoli. *Potenter*, ait, *Apostolus gloriari in sapientia Christi, & verum diceret, poterat in majestate, poterat in potestate, & verum diceret, sed dixit in cruce. Ubi philosophus erubuit, ibi Apostolus thesaurum invenit, ut qui gloriatur, in Domino gloriatur. Quo Domino? Christo crucifixo*: quo Domino? cruce Christi. Stimulat te ad hoc servitium crucis ipse Christus, cum te tollere vult jugum, accipere crucem tuam, portare crucem: angariari te non patieris cum Cyræneo Simone, si verus es servus crucifixi: subdes humeros tuos dulci huic oneri, si verus es amator crucis. Eja accipe crucem serve crucis, & paupertatem divitijs, dolorem voluptati, ignominiam honori præpone: crux Christi in frontibus Regum, in coronis Imperatorum, in aris Sacerdotum principatum tenet; habeat & in corde tuo dominium, sis servus; non puta te servum crucifixi, si damna, dedecora, verba, verbera, tormenta, cruciatus, falsas accusationes, iniqua judicia, egestatem, dolores, mortem denique ipsam excutis, nec vis esse servus crucis. Ut colas crucifixum, amor exigit, passio meretur, gratitudo postulat, justitia exigit, nam ut bene Ambros. in cap. 23 Luc. *Plus Domine*

*debeo injuriis tuis, quibus redemptus sum, quàm operibus tuis, quibus creatus sum. Ut cruci servias exemplum Christi invitat, obligatio tua monet, necessitas exigit. Qui DEUM non amat, ait alicubi Augustinus, quia ab eo creatus est, dignus est inferno; qui verò non amat, quia pro hominibus tormenta passus est, dignus est, ut pro illo novus creetur infernus: ego non nihil verba muto: Qui non servit crucifixo, qui pro hominibus tormenta passus est, dignus est inferno, qui verò non servit cruci, in qua Christus pro hominibus tormenta passus est, dignus est ut pro illo novus creetur infernus. Servis Christi, qui pro te passus est crucem, susci-*

pe crucem bonus servus crucis, eamque cole humilitatis obsequijs, patientiæ victimis, resignationis holocaustis, gratitudinis tuæ officijs: dic crucifixo de cruce tua: Aut cum hac, aut in hac, aut pati aut mori, aut crucem aut interitum: Hic sisto.

Tu qui mei causâ servus factus es, ita mei peccatoris Dominium habeas, ut non desit mihi iniquitas premens, & justitia patiens, ita me dirige, ut cum calamitas mihi imperârit, dicere possim. Mihi autem absit gloriari, nisi in cruce Domini nostri JESU Christi; ita mihi impera, ut ex vero gloriari possim, quia ego Servus tuus, servus Crucifixi, servus Crucis.

Ad M. D. G. Bq̃ V. Mariæ DOLOROSÆ  
AC SANCTORUM CRUCIS AMATORUM  
VENERATIONEM.



IN.



# INDEX RERUM ET VERBORUM.

## A

- Absalom pax patris. 77  
 Accusatore vili facilis est defensio 188  
 Accusatio Christi. 181  
 Accetò potatur Christus. 292  
 Adjuratio Caiphæ. 144  
 Adulatorem alapà cædit Imperator. 133  
 Agonia Christi, 51. nostra quàm gravis, 28, 52. Angeli in ea auxiliantur. 49  
 Alapà percutitur Christus, 127, 155  
 servus emancipandus 126 in equestrem ordinem adsciscendus 126, adulator 133.  
 cæsus à Turca qualiter contumeliam ultus sit. 131 poena divinitus contra percussores. 129.  
 Alexander Alensis non permittitur portare alienam crucem, quòd suam portare nesciat. 250.  
 Aliena non offer DEo. 177  
 Amicus rarus in adversis. 109

Amor Christum fecit servum, 2. excessus amoris in Christo. 13

Angelus qualiter Christum confortarit. 46, & seq. in agone auxiliantur nobis, vel adversantur, 49. Constantino & alijs ferunt auxilium 49.

Annas quærit de doctrina & discipulis Christi 122. nomen ejus affligens vel humilians 121.

Apprehendit Pilatus JESUM. 217

Arbores cum fructibus signatis crucis 10. cum inscriptione amaræ memoriæ mortis 11.

Arundo in manu Christi. 235

Ascensionis Domini festo quotannis procella homines terræ illidit, 8.

Avaritia quantum audeat 66 quàm sit detestabilis ibid.

Aula bonos pervertit 459. in aula non est locus poenitentia: 172

Aurem Malcho abscindit Petrus 100. & seq. Christus sanat 109.

Rr2

Ba-

# INDEX RERUM

## B

- Bajulatio crucis. 246  
 Barabbæ postponitur Christus, 202.  
 filius Patris 205.  
 Beata Virgo stat juxta crucem 282.  
 accipit testamenti loco Joannem, &  
 vicissim hic illam, & qualiter 285.  
 Bellandum ore per orationem 101.  
 Bestiæ vindictam sumunt de peccatore. 167  
 Blasphemix crimen gravissimum, 148  
 species 150. blasphemantem percute 151  
 Brutiorum munus flagellare fontes. 218

## C

- Cadunt retrorsum impij, in faciem  
 boni 89  
 Cain positus in signum & quale 168  
 Caïphas id est vomens ore 147 blasphemix reus 150  
 Calicem transferri petens Christus  
 quid oret? 30 libertatis symbolum 293  
 calix S. Paphnutij salutaris latroni, 31.  
 S. Quintini, 32. Brasiorum, 34. nolens  
 bibere de calice S. Wilibrordi percutitur  
 siti annua 291. Ægyptij in calice divinant, 33. Theodosius fratricidæ offert

- bibendum calicem sanguinis sui, 33  
 Calumniæ malum 142 non curanda  
 187 margaritæ sunt 58  
 Caroli Martelli Regis damnatio 74  
 Cedron infamis torrens 5  
 Christus impecabilis, 2. 137 exinanitus  
 202 labores ejus 4. medius inter  
 duos latrones 255 servus glebæ 4. mancipium  
 65, DEUS absconditus 46 tanquam  
 latro captus 96 servitus ejus voluntaria  
 97 comprehensio. III Christus apud  
 Christum querendus est 84 bene cum illo,  
 malè sine illo 248 tristis tota vitæ suâ,  
 22. portentum 154 mediator 257 *Vide singula mysteria.*  
 Chymæram sæculi quis se vocarit 85  
 Clamans expirat Christus 301  
 Clavi dolores detorquet martyr in  
 caput tyranni 234  
 Clementia multa corrigit 83  
 Columnæ alligatur Christus 228 nepotes  
 Adæ in columnis scripserunt artium  
 mirabilia 228 Jupiter victorias. 229  
 Commiseratio erga plectendos reos, 19  
 Comparatio inepta 204  
 Condonatio injuriarum 135 268 & seq.  
 Conformitas voluntatis nostræ cum  
 Divina, 30. 37. & seq.  
 Confortatio Christi ab Angelo qualis  
 fuerit 46 & seq.  
 Conscientia peccatorem torquet 167  
 Consolare afflictos, 49 consolatio-  
 nes

# ET VERBORUM

nes admitte ab alijs, 50  
 Consummatum est 293 in hoc verbo  
 summa passionis 296  
 Cor Christi cor DEI 307 P. Rochi  
 Gonzalez occisi clamat cur me occidi-  
 stis 309 corde discernitur servus ab inge-  
 nuo, 307 cor dereliquit Davidem 107  
 Coronatio spinarum 231 corona di-  
 cta iniquitas, 231 regis proditorum i-  
 gnita 233  
 Correctio sit lenis, & patiens 83  
 Creatura plus habet de non esse,  
 quàm de esse 87  
 Crucifixio Christi 252  
 Crucifixus sanguinem è latere fun-  
 dens ac loquens confirmat vacillantem  
 in religione 50 videre jubet, quæ pro  
 homine passus est 61, imago sanguinem  
 sudat 62 exprobat impietatem dicens se  
 esse DEUM 115 alapa percussus dicit:  
 satis est. 133  
 Crux portanda est 250 poena servo-  
 rum 252 probrosa 253 in cruce Sapien-  
 tissimus Christus 254 exaltatur 255 cru-  
 cis servi Christiani, 313 crux liber 254

## D

Damnari æternum quàm terribile 77  
 Derelictus à Patre Christus 286 hor-  
 rendum derelinqui à DEO 289. lin-  
 gvam hæretici dicentis se à DEO de-

relictum evellit Dæmon 290.  
 Desperatio Judam perdidit 176  
 DEUS quid sit 203 nomen sum qui  
 sum 86 fugimus ob levem causam, 108  
 vanitati postponimus 206 venatur Ma-  
 cedonius 112 punit magis facta contra  
 suos, quàm contra se 94 blandus est  
 peccatori, terribilis iusto 78 sine ejus  
 permissione nihil fit 211  
 DEos vinculis ligant gentiles, ne  
 abeant 230  
 Discipulos non admittit socios  
 passionis Christus 93  
 Dóminorum gratiâ peccant servi 128,  
 133  
 Dormire unâ horâ satis est mona-  
 cho 45

## E

Ecce homo 238 ecce rex vester 240  
 Ecclesiam culpant hæretici, quòd  
 in ea mali sint 72  
 Eleemosynæ de alieno odiosæ DEO  
 177  
 Emendare Christum vult Pilatus 212  
 Emptores diaboli, & libidinis quan-  
 ta pro ijs expendunt 20  
 Episcopo Poloniæ vix cælitus incla-  
 matur 122 non attendunt gregi, 40  
 causa sunt tantorum in Ecclesia malo-  
 rum  
 Rr 3



# INDEX RERUM

rum 122

- Epitaphium religiosi 35 proditoris 180
- Equestri ordini adlegitur percussus  
alapa 126
- Equi caractere distinguuntur servi  
ab ingenuis 257
- Eulogias Sancti invicem sibi mit-  
tunt 267
- Excitatio discipulorum & aliorum  
à somno, 39, & seq.
- Excommunicatio non fit propter de-  
fectus parvos 101
- Excusamus peccata 190 242 276
- Exempla Domini sequuntur servi 201

## F

- Fama defendenda 144
- Fiat Christi passuri, 36
- Fides profitenda, 88 dubium non ad-  
mittit, 274 cum defendenda est, Rex  
non timetur 101 multi eam non verbò  
sed factò negant 165, 193
- Filius prodigus Christus 7
- Flagellatio Christi 214 à flagellis  
horror 222 flagellat DEUS omnem fi-  
lium 223 flagella servum corrigunt 214
- salutaria 222, testamenti loco relin-  
quuntur 64, 223
- Fontes oblivionem pariunt 6
- Fulconis flagellati ad sepulchrum

Christi voces.

- Fuga discipulorum 106. è bello non  
semper timidum arguit 109.
- Furcifer unde dictus. 246

## G

- Gallus post negationem Petri canit  
165 canente moritur basiliscus 168
- Gaudendi ars discenda est, 195 gau-  
dium verum in solo DEO 195.
- Gethsemani villa quid significat. 7
- Gladius unicus Atanis pro omni  
DEO erat 103, Petri vulneravit patien-  
tiam Christi 103.
- Gratia deficiente deficimus. 164

## H

- Hæretici errores suos scripturis co-  
lorant 138 incusant Ecclesiam, quòd in  
ea mali sint 72 conveniunt contra Ec-  
clesiam. 202.
- Herodes demens Dominus 194 glo-  
rians in pellibus 201.
- Heròes dicti Martis phiala 33
- Hora est tempus passionis. 27
- Horologium aureum vellicans 28
- Hortus plenus cruce 9. aureus, 56
- Hortulani Sancti, 10

Hortis

# ET VERBORUM.

Hostis domestici atrociora sunt vul-  
nera. 75

Hypocrisis. 74, 149

## I

Iactantia. 189

Illusiones sunt margaritæ 58. Chri-  
sti 235 263.

Impeccabilis est Christus. 2. 137

Impudici osculum morsus Diaboli.  
82

Inconstantes sumus in bono. 227

Infernalis tristitiæ cum Christi com-  
paratio 16. inferno efficacior sudor  
Christi 59.

Ingratitudo Malchi 105. Juliani A-  
postatæ & Alexij Angeli 115

Inimicis ignosci petit Christus 268  
ignosce & tu 271 ignoscens non timet  
in morte 272.

Inimici testimonium argumentum  
veritatis. 125

Invidia quantum malum 238

Jobi dolor quàm fuerit vehemens  
14 comparatus dolori Christi ibid.

Judas vili pretio Christum vendit 67  
dicitur unus è duodecim 70. Judæ no-  
men quid significet 67, 80 quid Isca-  
riothæ 71, 77 amicus vocatur à Christo  
78 suspendit se, quia discipuli una ca-  
pti non sunt 93. poenitentia vana 175.

desperatio cum perdidit 176 Judæ plu-  
res sunt 180.

Judicia aliorum non curanda 149

Judicij iniquitas 244

Judiciorum Divinorum abyssus 72

Judicantis DEi quàm terribilis vox  
90 judicaturus veniet Christus 146. in  
judicio extremo multi accusatores 239

Judex alteram aurem servet reo 188  
sententiam latam non mutat 261.

## L

Lachrimæ gemmæ 58, levant sitim  
Christi 293 lachrimæ Petri 172 mulie-  
rum sequentium Christum 251 croco-  
dili 173 arma Sacerdotis 101.

Lapides bene dixisse Bedam loquun-  
ti

Laquei ubiq; 117 (tur 126

Lateris transfossio 307

Latro in cruce defendit Christum 275  
regnum obtinet 278.

Lavat manus Pilatus 242

Laudes infascinant. 75

Lex pro Dominis, non personis vi-  
libus posita est 102 legem se habere cla-  
mant Judæi. 184.

Liberi omnes nascimur. 3. liberi vo-  
cantur mortui in bello 107. libertatis  
symbolum calix 203.

Libido quàm caro constet. 70

Lingvam frænando satisfac passioni  
Christi 144 lingua illudentium Christum  
crude-

# INDEX RERUM

crudelior mucrone 264 mali servi pars  
pessima 268 boni optima 268 patrona  
servi 88. lingvâ bellare probrosum 89  
custodienda 198

44, mortuum persequi inglorium, 309  
Moribundo dabantur oscula 84  
Mulier omne malum aperuit, 160.  
Petrum tentat ibid. & seq. mulieres  
fientes Christum 251.

## M

Malchi Christum percutientis poe-  
na 130 nomen quid significet 101. *Vide*  
Auris.

Mali sunt inter bonos 72. malis ab-  
euntibus gratulandum permanentibus,  
72 profunt bonis 261.

Manè Christus traditur Pilato 181

Manfuescit tigris ad agnum lacera-  
tum 238

Manumissio servi per virgam vin-  
dictam 217 per alapam 126 manus in-  
jectione vindicabantur servi III.

Martyr dolores clayi, quo confixus  
erat in caput tyranni devolvit 234. in-  
insultat tyrannis 295. calice Christi e-  
brij 31.

Medicinam exercent servi 105

Medius inter latrones Christus 255

Mors Christi 297 nostra quàm gra-  
vis 28, 52, 176.

Mors præ servitute electa 106 de-  
sperantis 179 in ea objicit peccata di-  
abolus, 53. morientem relinquent o-  
mnia 110 moriens gaudet 12, 20.

Mortuus ter inclamat libenter 38 ge-  
nibus flexis canit Te DEum laudamus

## N

Nazarenus quid significet &c, 85

Necessitas compellit ad DEum 250

Negatio Petri 157

Nobilitas sine virtute vana est 191

Nocturæ caractere distinguuntur ser-  
vi, 257

Nomen servorum unum est, ingenu-  
orum duo, nobilium minimum tria 186

Nox præcedens parasceven quam  
acerba 156 nocte. orandum, 43, & seq.

Nuditas Christi, eam imitantur san-  
cti 224 nudus nudum Christum seque-  
re 266

## O

Obedientia Christi. 34 religiosi 35, 105

Oculi Christi respicientis Petrum, 169

Oculi hominum mala caulant 171

Odor reum prodit latentem 86

Oliveti mons, mons charitatis, 8

Oratio Christi in horto, 23. in ora-  
tio-



## ET VERBORUM.

tione genna flecte 25 ora noctu 43. o-  
ratio auxiliatur in bello 53. servat ci-  
vitates 54.

Osculum proditorium 74 & seq. o-  
sculum signum subjectionis & adorati-  
onis 82. osculò Sancti morbos curant 84  
osculò venenum frater propinat fra-  
tri 75. osculum Constantij & Galbæ  
Imperatorum 81.

### P

Parricidæ maxima poena intueri ca-  
daver patris occisi 178

Passioni Christi satisfac lingvam  
frœnando 143 ex hac disce quantum va-  
leas, & quantum debeas 297 passio hora  
Christi, & hora nostra 29

Patientia retributrix passionis Chri-  
sti. 188

Peccatoris status miserabilis 78 sibi  
est innocens 131, 242 produnt bestia 167

Peccatum induxit servitutem, i. gra-  
vius affligit Christum quàm crux 310 in par-  
vis sumus scrupulosi, & grandia com-  
mittimus 182 grandia peccata parva  
nobis videntur 276

Periculi timor cohibet à malo, 42  
periculum fuge 169

Perseverantia in bono 262 sola co-  
ronatur 296

Petri negatio 157 quia sequebatur à  
longè 157 quia ingressus in aulam 159  
quia incidit in mulierem 160

Phalangia lambendo necant 80  
Pœnitentia inanis 175 non differen-  
da 281

Potestas omnis à DEO est 211  
Prælati vigilent, 39, & seq. correcti-  
onem suorum non desperent 83 ratio-  
nem reddent pro subditis 94

Præsumptio de misericordia DEI  
fugienda 281

Propositorum neglectus 108

### Q

Quære JESUM apud JESUM 84

Quæstiones inutiles non proponen-  
dæ 196 & seq.

Quodvultdeus deberet esse Chri-  
stianus, 37

### R

Ratio reddenda pro peccatis subdi-  
torum 95

Religiosi epitaphium, obediuit, 35  
sunt cicadæ DEI, 44 malis abeuntibus  
gratulandum religioni 72 multi pere-  
unt 174, fileant 141

Reliquiæ Sanctorum urbes defen-  
dunt 248 repræsentant mysteria vitæ  
Christi 284

Respectu humani multos perdunt 242.

Ss      respec

# INDEX RERUM

respectus Petri 166.

Rex Christus non de hoc mundo

(190

Regem monendum assurgere jubet  
 Canonicus Cracov. 146 objurgatur ob  
 malè administratam Rempubl. 147 non  
 timendus, quando agitur de religione  
 101 Regis proditorum corona 233 illu-  
 sio regis ludicri 236.

## S

Sacerdotum irreverentia grave cri-  
 men 130 hæc ne sibi imputari posset,  
 respondet Christus percutienti 134

Sancti deficiunt 163 corpora parvi  
 ponderis 206

Sanguinis Christi pretium 63 ei ad-  
 dendus sanguis noster 62 opposita pe-  
 tit, quàm sanguis Abel 60 accendit  
 Martyres 62

Satisfactio Christi 219

Scripturæ sacræ mysteriis non va-  
 cant literæ 92

Scrupulosi in parvis defectibus gra-  
 via perpetrant 182

Servitutis origo, et mors præ servi-  
 tute eligitur 106, coacta servitus  
 periculosa 97 in pœnam delictorum  
 120 non cadit in totum hominem 136

Servus dimidius homo 25, 237 em-  
 blema servi 235 nomina servorum 208

mutabantur nomina cum emancipa-  
 bantur 207 servi squallores dicti 156 la-  
 trones 95 stigmatici 257 servi glebæ, 4  
 per sententiam judicis 118 pœnæ 73, 213  
 puniendi moderatè 213 qui armis do-  
 mari non possunt, fugantur flagellis  
 214 corde servus ab ingenuo discerni-  
 tur 307 scientia servi 253 dicit se liberis  
 imperare nosse 93 servi agri relinquun-  
 tur à Dominis 287 servo regnante ter-  
 ra movetur 302 mortuo Imperatore cla-  
 mat populus: servis servivimus 293 ser-  
 vi exhausti Dominos 274 servis Do-  
 mini serviebant certis festis 188 servo-  
 rum pretium 69 servi scapulares 224  
 coronati 231 capite diminuti 232

Serviendum DEO non timore, aut  
 spe, sed propter DEUM ipsam 59 sis ser-  
 vicola 207 nihil melius quàm servire  
 DEO. 312

Sessio discipulorum explicatur 12

Silentium Christi 140 196, & disci-  
 pulorum 14 servorum est 140

Simon Cyrenæus quis? 249

Sitis Christi 290 qualis fuerit 290

Rudolphus Imperator non sibi sed mi-  
 liti sitit 291 siti ut levetur, è rege fit  
 servus 292

Societas perversa fugienda 159 165

Solitudo oranti necessaria, 26

Somni passionem vincere grave 41  
 animæ somnus oblivisci DEUM, 43

Spes in Christo 12, 271

Spina qualis in corona Christi 233  
 per spinas ad regnum 234

Spi-

## ET VERBORUM.

Spiritum Patri commendans Christus nos commendat 298  
 Spiritus Sanctus velò scissò è templo in specie columbæ evolat 303  
 Sputa in faciem Christi jacta 151  
 Sputis occisus Hur exprobans idololatriam 153 festum consputationum 153  
 Sputis foedatus quid dixerit Aristippus 152  
 Sudor sanguineus Christi, 54, Fusus ex commiseratione eorum, quæ sui passuri erant 62 sudat cum vult 55, sudoribus phialam hyeme exigit tyrannus à subditis, 56  
 Superior dissimulans peccata causa damnationis 29  
 Sustinere jubentur Apostoli, dum Christus vadit & orat 15

poenæ 139 testimonium inimici argumentum veritatis 125  
 Thomæ Mori motiva ad diligendos inimicos 273  
 Timor Cæsaris Pilatum impulit in necem Christi 241 timor non cadit in sanctos 6, 20, Christi nostrum tollit 11, 20. periculi timor à malo cohibet 42  
 Titulus crucis Christi 258 eo Judæi confusi 260  
 Traditores Christi varij 99  
 Transfiguratio Christi in passione (201  
 Tribulatio emendat peccatorem 250  
 Triumphans Imperator contumelij impetitur 263  
 Tristitia Christi in horto quàm gravis fuerit 16 & seq. unde orta fuerit 17

## T

Tenebræ super terram in passione. 286  
 Terræ motus in morte Christi 304  
 Testamentum Senecæ testari prohibuit 284 Eudamidæ legantis matrem alendam, & filiam elocandam 285 Philippi II legantis filio flagellum 64 Christi 283  
 Testudo mergi non potest radio solis tacta 170  
 Testes falsi contra Christum carent notis testimonij 138 testium falsorum

## V

Vale salutanti se dicit Cæsar 76  
 Vana gloria 189  
 Velatur facies Christi 153  
 Velum templi scissum 303  
 Venatici canes Judæi Christum venantur in Eremita venatur DEum 112  
 Venditor sui S. Serapion 68  
 Veritas est JESUS 192 quid sit? 193  
 Vestis Christi Pater est. 398. vestes Christi dividunt milites 265 veste alba induitur Christus ab Herode 199 vestes mittunt sibi



## INDEX RERUM

sibi invicem Sancti Eulogiarum loco 267 vestium Caiphæ scissio quid significet 148. vestium luxum luit Christus 227 vestium vanitas 227, 266 vestimenta gratiæ aguntur, quod inter honoratos admissus fuerit 203 in veste villi noscuntur Domini 266.

Vigilantiæ commendatio præcipue in prælatis 39. vigilandum in periculis

42

Vincula Christi 113, 229 nos ea indidimus 114 nobis salutaria sunt 115 & pretiosa 116. vincula dolose induta 73 non decent Regem & civem Romanum. 114.

Vindicatio servi fiebat manus injectione 111.

Vindicta de peccatore sumpta à be-

stis 167 vindictam pone 135, 143

Virgâ vindictâ liber fiebat servus 217

Voluntaria DEi servitus est 97

Urbs virgo semper fidelis regi 119

Usurarij cor repertum inter nummos. 107

Vox Christi sternit inimicos 89. peccentium Christum crucifigi 209. ante irruptionem Atilæ voces auditæ: Cave tibi Italia 90. voce una mitem reddit hominem Jordanus 92.

Uxor Pilatum advocat ab injusto iudicio. 211

## Z


Zerobabel Doctor Babylonis. 191

## LAUS DEO.





217  
97  
119  
m-  
07  
oc-  
nte  
ve  
dit  
  
ju-  
211

92









A.  
Ascet. Lat.  
No 30.